





Bullinger

8° 6461'

M. 16.578.

Sample

Liber prohibitus
FUNDAMENTVM
FIRMVM,

CVITVTOFI

DELIS QVIVIS INNITI PO-
test, hoc præsertim difficili seculo, quo dissi-
dijs doctorumq; aduersarijs scriptis omnia
conturbata sunt, positum ad institutionem
& consolationem simplicium, per Hein-
rychum Bullingerum Tigurinæ
Ecclesiæ ministrum.

Liblior

Campani

*IN HOC Libro respondetur etiam breuiter
& simpliciter Libro D. Ioannis Brentij, nu-
per contra D. Petrum Martyrem & Heinry-
chum Bullingerum, De Maestate Domini no-
stri Iesu Christi ad dexteram Dei patris, edito.*

I E S V S.

H I C est filius meus dilectus, in quo placata est
anima mea: ipsum audite. Matth. 17.

TIGVRI Apud Christophorum Frosche-
ouerum, Anno M. D. L. XIII.

Bernardi Brandt V. Snoru

1563.

St. John's Bay, N.S.

1871

1871

1871

1871

1871

1871

1871

1871


1871

15. H.
B997

2

VIRTVTIBVS ET GE- NERE PRAECLARO VIRO D.

Nicolao à Diesbach, domino suo
colendissimo Henrychus
Bullingerus S. D.



PRAECEPIT omnibus suis cultoribus Dominus noster, omnia sua consilia & facta instituant ad gloriam dei salutemq; proximi prouehendā. Proinde in eundem illum finem & ego hunc quoq; Librū meum, pro gratia mihi concessa à domino, scripsi. Cumq; cernerem multos uiros pios, non abs re, offendi grauitur, scriptis doctorum hominum aduersarijs, adeò ut plures iam uniuersam Christi religionem rixis istis in dubium uocari querantur, conatus sum mox ab initio libri, huic morbo medicari. Ostendo itaq; tametsi odiose inter sese rixentur ecclesiarum ministri, factum tamen Dei bonitate, ut in Christo & in doctrina eius, simpliciores quoq; modò non sint incurabiles, doctrinam claram, certam atq; absolutissimā inuenire possint de uera salute, & quid in dissidijs ministrorum quisq; uel facere uel cauere debeat.

Deinde cum certamen haftenus declinare non potuerim, sed à Brentio in harenam fuerim protractus, existimaui tamen hoc unice mihi studendum esse, ne odiosius certarem, neq; quicquam in hac con-

EPISTOLA

trouersia uel docendum uel defendendum mihi sume rem nouum, quod non antea quoq; eodem modo senserit, crediderit, tradideritq; ex uerbo Dei ecclesia Christi. Sunt ergo hæc potiora controuersie nostræ quæ contra Brentium defendo capita, Cælum locum uel mansionem beatitudinis nostræ, supra nos in excelsis esse, nō penes nos in terris, aut ubiq; esse. Christum enim dominum nostrum ascendisse in cælum ut in locum certum, quem ipse parauit, in quo ipse est, & quo omnes sibi credentes ad se assumit. Item, Dexteram Dei patris, ad quam consedit dominus noster, commonstrari nobis à scriptura etiā supra nos in cælo, tametsi interim quā longissimè latissimeq; expandatur regnum eius. Præterea dominum nostrum Iesum Christum uerum deum & hominem naturas utraq; in una indiuisa persona sic conseruare integras inuiolatas atq; impermixtas, ut humana, neq; propter unionem personalem, neq; propter exaltationem in maiestatem Dei, facta sit infinita, ut iam perinde sit ubiq;, sicuti diuinitas eius est ubiq;.

Cæterum commemorata hæc doctrinæ meæ capita, oppugnat Brentius, neq; aliam ob causam oppugnat, quā ut hoc modo contra nos ratiocinetur, Quando iam constat uerū Christi corpus esse ubiq;, manifestum est hoc ipsum & in Cæna adesse percipi; uerè & corporaliter, tam à fidelibus quā infidelibus, & quidē in omnibus ijs locis, in quibus super terram Cæna celebratur dominica. Et iterū, Quando constet cælum non esse locum certis locorum spacijs distinctum, sed definiri maiestate Dei, quæ ubiq;

est

est, nos perperam ex ascensione domini in cœlum colligere Christi corpus corporaliter non esse in Cœna, quod corporaliter resideat in cœlo. Nulla uerò necessitate in disputationem perplexissimam trahit aduersarius capita illa fidei nostræ certissima de ascensione Domini in cœlum, & de sede certa beatorum in cœlis. Sed & mysteriū Cœnæ, longe alia quā existimet Brentius ratione, rectius feliciusq; illustrari poterit. Neq; enim quisquam de nobis suspicetur, eò peruenisse uesaniæ, ut arbitremur in ecclesia Dei iuxta institutionē Christi, Cœnam Christi, sine Christo celebrari posse. Etenim non excludimus è Cœna Domini Dominum, sed maxime suis præsentem esse docemus, ea presentia, qua ipse se suis affuturum declarauit, tametsi uidelicet amplius non sit corpore suo in mundo futurus, non deserturum tamen suos usq; ad consummationē seculi. Eodem modo minimè negamus in Cœna fideles ali uera carne & uero sanguine Christi: sed eo modo quem ipse nobis iterū exposuit, spiritualiter per fidem. Sufficiebat hæc quondam de Cœna Domini sententia uetustæ Christi ecclesiæ, neq; requirebat amplius, uerū concors & pacifice inter se uixit. Brentio uerò istis nondum factum est satis, ampliora enim nescio quæ requirit, atq; ita perplexissimæ inuoluitur disputationi, ex qua se non facile extricabit amplius, Cœlum enim illi non amplius supra nos, sed ubiq; est, sicuti & corpus Christi.

Dolet mihi sanè ex animo hæc controuersia, mallemq; pacem colere cum aduersario: rursus tamen,

cum res ita fert, alacri lætaq; mente confessam defendendo ueritatem, quam ut deferere non possum, ita non debeo. Accedit his quod ille D. Martyrem beatæ memoriæ, uirum alioqui integerrimum, & me, criminationibus atrocissimis planè adoperuit, quasi uerò omnipotētiam Dei diuinitatemq; Christi negemus, conemurq; Christum solio suo deturbare regio ac cœlesti, quæ profecto indignissima impijssimāq; quī potuissē, obsecro, præterire dissimulareq; silentio? Interim tamen responsionem meam sic tempero, ut quantum quidem eius fieri potuit, metas non excedam modestiæ, ne copia malorum uerborum conuictiorumq;, lectorem alioqui plus satis nauseabundum impatientemq; prorsus commoueam ad indignationem. Fui autem hucusq; sic animatus, ut maluerim semper uelimq; adhuc uinci quàm uincere arte conuiciandi. Mihi abunde satis est si uincat ueritas, si uincat Christus, cui soli omnis in solidum debetur gloria. Sicut autem priora illa mea de hac controuersia edita scripta, Christo eiusq; ecclesiæ subieci, tanquàm iudicibus æquissimis, ita & huius præsentis Libri iudicium, humili debitaq; cum subiectione ijsdem permitto.

Et hic quidem alter est Liber de hac à me scriptus controuersia. Primus enim quem in hoc argumento uulgaram inscripseramq;, Tractationem uerborum Domini, &c. qui alioqui numerari potuisset tertius, nominatim à me non erat scriptus in Brentium, ipse uerò in se scriptum forte existimans, in me protinus stylum strinxit, eaq; re in harenam uel renitentem protraxit,

protraxit, ut coactus tunc responderim, & nunc iterum secundam responsionem adornarim, imò effuderim uerius quàm scripserim, negotijs meis prædictus & breuitate temporis exclusus.

Quemadmodum uerò superiora illa mea huius argumenti opuscula, tuæ dedicaui humanitati, domine colendissime, ita hunc tertium quoq; defensio- nem superiorum, tuo sub nomine prodire uolui, testi- nonium mutuae inter nos amicitiae, & quod amans ueritatis, defensionem ueritatis accipere merearis. Dominus Iesus seruet te domine colendiß. unà cum tuis omnibus. Datæ Tiguri prima die

Februarij. Anno Domini

M. D. LXIIL

FUNDAMENTI FIRMIPARS

PRIMA.

*De graui nostri seculi in negotio religionis
dissidio, & quantæ hinc oriuntur offensio-
nes, quodq; illa omnia ab ipso Domino &
eius Apostolis sint prædicta, & quæ nam
contra hæc nobis administrauerint medi-
camina.* CAPVT I.

Maximæ
in religio-
ne dissensio-
nes.



NON Frustra sanè omnes nostri
seculi tranquillitatis amantes ho-
mines, grauiter conqueruntur om-
nia propè dissidijs inplacabilibus
& controuersijs perplexissimis & inuoluta
esse & conturbata, & quidem in ea religione,
quam omnium simplicissime & placidissime
oportuerat esse expositam, quod ea nobis sit
à sanctis Dei prophetis & apostolis tradita pla-
cide, perspicue & simplicissime. Etenim con-
stat Iudæos suæ superstitioni ita inhærere
mordicus, ut ex aduerso non uereantur blas-
phemare Dei filium Iesum Christum, sacro-
sanctam item fidem Christianam, deiparamq;
virginem vnà cū sanctis Christi apostolis di-
ris

ris lacerare conuitijs. Constat & Turcas fidē suam quam à Mahumede didicerunt (licet & ipsa in sectas dissecta sit plurimas) supra omnes omnium religiones extollere, & insolenter de suis gloriari uictorijs, ceu certissimis veritatis suæ fidei testibus. At præter hos iam cōmemoratos, dissident inter se ipsi etiam Christiani, tāta animorum ex acerbatione, ut sese mutuum non modo turpiter conspuant, sed & crudeliter contrucident. Nam non soli sectatores Romanæ ecclesiæ, qui & ipsi in partes scinduntur varias, inimicitias graues cum Euangelicis exercent, sed & ipsi inter sese Euangelici acriter pungunt & pugnant, dum in concionibus mutuum sese criminantur & editis scriptis admodum acerbis mutuum stylo sese confodiunt. Hinc enim audiuntur inter nos infelicia partium nomina cum Lutheranorum tum Zuinglianorum.

Commouet vehemens & implacabilis hæc dissensio non paucos adeò, vt animum ueluti despondentes, dicant se posthac nihil amplius, nisi quod ipsis libeat credituros. Quinimo fidem abijcientes, clamant, Quid oro fidei in tot factiones distractæ tribuas? Alij perseuerant quidem in ea religione, quam semel didicerunt, sed quamuis in eadem desiderent plurima, & audiant meliora, malunt tamen in re-

Offensio
exoritur
ex hac dis-
sensione.

F V N D A M. F I R M I

ligione non admodum purgata, cum eiusdem religionis confortibus concordēs viuere, quā in purgatissima discindi & contendere perpetuo. Non defunt deniq; qui cum in syncera religione perseverent, fatigati tamen diuturna & molesta contentione, nec doctrinæ veræ tantum tribuunt, quantum debebant, nec ministros amant, sed ipsis maledicunt.

**Authores
diffensionū
punientur
à Deo.**

Nec dubium est, quin grauissima à Deo iusto mulctandi sint pœna, quicumq; veri huius dilacerationis conturbationisq; & offendiculi authores sunt: cum sciamus ipsum in Euangelio Dominum dixisse, Væ mundo ab offendiculis. Oportet quidem venire offendicula: sed væ homini per quē offendiculum venit.

**Vaticiniū
domini Ie-
su de dissen-
sionibus
istis.**

Idem ille Dominus noster Iesus Christus pro suo in nos fauore, pro sua in nos charitate & fide, omnia illa quæ hodie eueniunt ita euentura ad consolationem & admonitionem omnium nostrum prædixit, simul & medicinam efficacissimam offensionī huic enormi adhibuit atq; dixit, Exorientur bella & bellorum rumores: & consurget gens contra gentem, & regnum contra regnum. Tunc tradent vos in afflictionem, & occident vos, & eritis inuiscunctis gentibus propter nomen meum. Venient etiam multi in nomine meo, & dicent, Ego sum Christus. Exorientur item multi
psea

pseudoprophetæ, & seducēt multos. Et tunc offendiculum patientur multi, & alius alium inuicē tradent seq; odio habebunt inuicem. Et quoniam abundabit iniquitas, refrigescet multorum charitas. Qui autem perseuerauerit vsq; in finem hic saluus erit. Matthæi 24. Sunt autē verba hæc Domini adeò illustria, vt planè nulla mea indigeant explanatione. Principiò enim accipiat quisq; ea quæ fiunt hodie, & adhibeat hisce Domini verbis, dicet autem protinus singula non tantum quadrare adamussim, sed insuper exactissimè completa esse adimpleriq; quotidie. Deinde claret Dominum contra pestiferum hoc malum nō aliam nobis suppeditare medicinam quā perseuerantiam, nimirum in vera fide Christi, & in veritate verbi eius, in finem vsq;.

Medicina
contra dis-
sensiones.

Ex spiritu & hac doctrina Domini Iesu, vaticinati sunt de his nostris postremis temporibus, de dissidijs & offendiculis sancti eius apostoli, nec aliam ostenderunt medicinam quam illam ipsam quam dedit nobis Dominus. Nam postquam Christo charus beatus Petrus in posteriore sua Epistola cap. 2. & 3. copiose descripsisset postremi nostri seculi cōscelerationem & corruptionem extremam, sub finem epistolæ medicamentum efficax ad mouet, & ait, Quapropter dilecti postquam

Vaticiniū
& medici-
na aposto-
lorum.

F V N D A M. F I R M I

præmoniti estis, caute ne simul cum alijs ne phariorum errore abducti, excidatis à propria stabilitate, sed crescite in gratia & cognitione Domini nostri & seruatoris Iesu Christi, &c.

Et Paulus cum in 2. ad Timoth. 2. cap. com pluribus persecutus esset postremi huius seculi pericula, offensiones, iniquitatem, & grandia scelera, subiungit his medicinam, iubens nos eius inhærere exemplo exprimereq; eius patientiam in tentationibus atq; afflictionibus, ac his omnibus tandem subdit, Tu verò perseuera in his, quæ didicisti, & quæ tibi credita sunt, sciens à quo didiceris, & quod à puero sacras literas noueris, quæ te possunt eruditum reddere ad salutem per fidem in Christum dominum nostrum, &c. Legat qui velit quæ in eo sequuntur capite & mox 4. consequente: Quæ omnium mirum in modum hoc illustrent negotium.

Dissidium in negotio religionis non esse nouum, & quanta schismata quantæq; dissensiones fuerint in ecclesia Christi ueteri.

CAP. II.

Christus catholicus
sux eccles
sux doctor.

CAETERUM dissensiones illæ in religionis negotio non nunc primum nostro seculo in ecclesia Christi sunt exortæ. Pertinet quidem vaticinium Domini & apostolorum ad postrema tempora nostra singulariter,

ter, interim verò applicari illud debet quibuslibet ecclesiæ Christi seculis, etiam proxime tempora Christi ac apostolorum consequentibus. Christus enim Dominus vniuersalis est pastor vniuersæ suæ ecclesiæ.

Et quidē in vetustissima illa ecclesia, quæ Certamina ueteris ecclesiæ. seculis aliquot antecessit Christi aduentum in carnem, fuerunt sanè grauissima certamina inter veros Dei seruos prophetas, & inter regum ministros Baalistas sacrificos. Habebant hi à suis partibus reges & principes, ac veros Dei prophetas truculentissime persequabantur, tanquam blasphemos, seductores & seditiosos nebulones. Extant horum certaminum clara in veteri Regum Israelis & Iudæorum historia: ex qua si quis tolleret ea quæ de huiusmodi grauissimis concertationibus scripta sunt, potiore & meliorem partem tolleret.

Ac ante incarnationem Domini annis circiter 130. emergebant in populo Domini ordines quidam noui, factiones videlicet pharisæorum, Sadducæorū & Essenorū, & post hos Diffidia in religione præcedētia proximè aduentum Christi. nescio quæ plures aliæ: quos ignorauerat priscum seculum ecclesiæ Dei. Dissidebat hoc inter se hominum genus dogmatibus, vestitu, moribus, & altercabantur inter sese & persequabantur mutuum. Quod copiosius videre licet Antiquit. lib. 13. cap. 8. item de bello Iudai

F V N D A M, F I R M I

co lib. 2. cap. 7. apud Iosephum. Erant hi populi Dei proceres atq; ductores doctoresq; præcipui. Nec alios habuere infensiores hostes Christus dominus atq; eius discipuli quàm illos ipsos, cum quibus & acerrime pugnarunt, neq; vnquam cum eis in concordiam coire potuerunt. Id quod historia euangelica & apostolica testatur abundè.

Diffidia
tēporibus
Christi.

Ioan. 7. ad hunc modum legimus, Multi de turba cum audissent sermonem Domini, dicebant, Hic est vere propheta. Alij dicebant, hic est Christus. Quidā uerò dicebant, Nūc Galilæa veniet Christus? &c. Dissensio itaq; orta est in turba propter eum. Sed & in Actis Apostolorum ita legimus, Diuisa est autem multitudo ciuitatis: & quidam quidem stabant à Iudæis, quidam uerò ab apostolis.

Clemens Alexandrinus Stromat. lib. 7. commemorat Iudæos obiecisse Christianis varias in Christianorum doctrina dissensiones, atq; inde collegisse Christianorum religionem falsam esse: cū veritatis doctrina concors sit, non discors.

Multæ in
primitiua
ecclesia se-
ciæ.

Irenæus & Tertullianus scriptores veteres, qui à temporibus Christi in ecclesia docuerunt circiter annum 200. enumerant plurimas hæreses sua iam ætate vigentes, eorū qui & ipsi volebant videri Christiani, quales fuerunt

runt Cerinthus, Hebion, Menander, Saturninus, Basilides, Carpocrates, Valentinus, Cerdon, Martion, Appelles, & adhuc alij eius fariæ complures. S. Augustinus de hæresibus ad Quoduultdeum enumerat hæreses 88. quæ sua ætate circiter annum Domini 400. irruerint in ecclesiam eamq; miserè vexauerint. Vnde claret dissidia & certamina grandia fuisse, non tantum inter Christianos, Iudæos & gentes siue paganos, sed & in ipsis ecclesiæ visceribus inter fratres.

Eusebius Cæsariensis episcopus lib. de vita Constantini 2. & 3. author est sub imperio Constantini, quando Christiana religio aliqui progressus per vniuersum orbem maximos faciebat, dissensiones per vrbes & ecclesias fuisse horribiles. Nam ipsos verbi duces & ecclesiarum pastores, non tantum mutuo sese prosequutos esse odio, sed & in concionibus sacris sese mutuum accusasse conspuisse & condemnasse. Vnde & dissensionis malum inuaserit ipsum quoq; populum, qui dissectus in factiones contrarias tantum non sese dilaniauerit. Paria inueniuntur in Socratis historia lib. 1. cap. 6. & in Sozomeni historia lib. 1. cap. 16.

Idem ille Socrates lib. 4. cap. 32. testatur Valentinianum Imperatorem Valentiniani fratrem

Dissidium
in Ecclesia
Const. tem
poribus.

Valens Im
perat. ini
quus Chris
tianis pro
pter diss
idia.

F V N D A M. F I R M I

iniquissimum fuisse Christianis, hoc potissimum nomine, quod viderentur esse in repub. admodum turbulenti ac factiosi, Themistium verò philosophum virum moderatissimum & prudentissimum admonuisse Imperatorē, ne adeo moleste ferat Christianorū dissidia. Esse enim modicam ipsorum differentiam, si conferatur cum multitudine confusioneq; Ethnicorum dogmatum vel opinionū, quæ non possint aliquot etiā centurijs terminari. Quisquis vero versatus est vel modice in historijs, nouit quàm graues in ecclesia inter ipsos etiam Episcopos obortæ sint controuersia. Quis enim ignorat certamen acerrimum Constantinopolitanorū & Romanorū episcoporum, de eminentia vel primatu, dum vterq; primum in ecclesia locum occupare contendit? Quis nescit horrenda bella inter Pontifices Romanos & Imperatores Græcos gesta propter vsum imaginum Christi & Sanctorū in templis Christianorum? Alijs quidem illas è templis eijcientibus oppugnantibusq;, alijs verò restituentibus atq; defendentibus. Exorta est item altercatio turbulenta inter Pontificem Romanum & inter Episcopos, Germaniæ potissimum, & aliarum nationum, propter cōnubium sacerdotum: dum isti prohibitum vt rem illicitā cōtendunt: hi verò doctrinam

nam

nam apostolicam pro sacerdotum coniugio adducunt & minimè prohibendū affirmant. Ex qua diuersitate apparet emersisse aduersarias illas definitiones, quæ etiamnum leguntur in contrarijs Conciliorum & Canonum determinationibus, his quidem rem eandem approbantibus, illis verò reprobantibus.

Iam verò quis nesciat Romanæ ecclesiæ ^{Diffidia} as ^{Rō. ecclesiæ} seclas, qui se pro Christianis omnium præstantissimis & pro ipsa vera Dei ecclesia venditant, inter se habere Albertistas, Thomistas, Scotistas & nescio quæ alia diuersarū inter se se factionum nomina, quæ & sua inter se habent odiosa certamina? Quot deniq; inter illos sunt diuersi ordines, nominibus, regulis, coloribus vel vestitu & multis alijs inter se differentijs, discrepantes? Inuenit ista prouexitq; omnia humana curiositas legum diuinarum oblita & imperita. Dissident autem inter se homines isti, dum alius alijs se præfert & sua dogmata suasq; obseruationes præstantiores esse arbitratur, inde inter eos simultates, odia atq; conuitia. Indignissimè autem ferrent hi omnes, si quis eos propter discrimina & dissidia illa sua, excludere vellet vel ex ecclesia vel à nomine Christiano.

Nulla consequutione iusta colligi doctrinā

B

F V N D A M. F I R M I

eorum qui credunt Christi euangelio, dubiam esse aut falsam, cò quod inter ipsos diffensiones reperiuntur. CAP. III.

Antilogie. **P**Roinde inanem nauant operam, qui nostra ætate prolixos edunt libros & tabulas antilogiarum analyticas componunt atque orbi obtrudunt, quibus commonstrant euangelicos inter se dissidere ministros, & quidem in dogmatibus atque ritibus. Vnde mox ad hunc modum concludunt, Deus est Deus pacis, & non confusionis aut dissensionis. Euangelici autem in sua fide inter se dissentiunt confuse, ergo fides ipsorum neque ex Deo est, neque ecclesia ipsorum vera esse potest ecclesia, quæ falsam fidem habet. Etenim si essent ex Deo, pacifici utique concordessetque essent, sicuti Deus est Deus pacis & non confusionis.

Distinguendum verò erat inter ea capita quæ in doctrina & fide ad salutem sunt necessaria, & inter ea quæ minus sunt necessaria. Constat autem in præcipuis fidei veræque doctrinæ capitibus pulchre inter se omnibus vere fidelibus congruere. Tametsi enim hæc quoque nonnulli aliquando non probè intelligant, & hic quoque dissideant à cæteris fidelibus, tamen ad tempus duntaxat certum
ita

ita hærent, tandem verò redeuntes ad mentem saniozem conspirant sanctè cum Christi ecclesia. A qua si dissiderent perpetuò, alieni sanè à vera fide meritò iudicarentur. Cæterum propter hanc imbecillitatem & dissidia temporaria dici nec potest nec debet, nullam prorsus in ecclesia esse cōcordiā in fide. Quis enim facile dixerit regnum aut rempublicam aliquam, nulla coniunctam esse concordia, nullāue vti sanitate, quod in eā reperiuntur contentiosi aut etiā seditiosi & ægroti aliqui. Quapropter cum in ecclesia sunt dissidia, non de præcipuis quidem fidei capitibus ad salutem hominum pertinentibus: sed fortè de ritibus inæqualibus, aut de sensu vel interpretatione scripturarum varia, qua tamen & ipsa non oppugnatur sanus vel salutaris veræ fidei consensus, perinde non debet infamari, quasi nulla sit in ea pax atque concordia, ac si coniuges in æconomicis quibusdam rebus inter se grauiter dissentiant, ideò tamen coniugij vinculum non dissoluant. Dissentiunt reuera & isti inter se, & tamen coniuncti manēt in vinculo coniugali. Talis est omnino ratio concordix atque discordix in ecclesia.

An verò dicent isti & ecclesiam Christi primitiuam nullam coram Deo veram fuisse ecclesiam, nullam habuisse vel doctrinam vel fi-

F V N D A M. F I R M I

dem veram, quod ipsa inter sese non rarò dis-
senferit, ac ministri eius præcipui propter dog-
mata & ritus acerrima bella gesserint? Aut
quis dixerit apostolorum doctrinam ideò sibi
ipsi repugnare, quod Porphyrius Tyrius col-
legerat ex historia euangelica & doctrina apo-
stolica nescio quas antitheses, quibus infamè
reddere voluit doctrinam euangelicam, sicuti
suis antithesibus hodie quoque omnibus in-
gratam efficere cupiunt nostram doctrinam,
quam hodie ex doctrina euangelica & aposto-
lica tradimus?

**Sunt & ue-
re fidelibus
sux contro-
siz.**

Cæterum ut omnibus appareat liquido ec-
clesiam Christi dissidijs fuisse obnoxiam, non
tantum à fucatorum Christianorum hæreti-
corumque cōtradictionibus, sed quod ipsi quoque
viri orthodoxi & veri Christiani ipsi inter se
infestis armis concurrerint, contrariaque do-
ctrinas asseruerint, & nihilominus manserint
membra ecclesiæ Christi, quæ & ipsa perman-
serit vera ecclesia seruaritque veram Christi fi-
dem, repetam quædam huius paulò altius &
tamen succinctius.

**Petrus &
Paulus in-
ter se dissis-
dent.**

Ipsi electi Dei apostoli, & vere fideles viri
in ecclesia Christi, controuersias inter se ha-
buere graues. Quis enim nesciat Paulum resti-
tisse beato Petro in faciem, in ecclesia Antio-
chena, atque reprehendisse ipsum. Narrat hoc
ipse

ipse apostolus Paulus in 2. cap. ad Galat.

Iam verò apertius est quàm negari possit, Ingens primi-
titiuæ ec-
clesiæ dissid-
ium.
exortam esse inter Paulum & Barnabam ex
vna quidem parte, ex altera verò inter Phari-

sæos, qui nomen Christi receperant, grauissi-
mâ altercatione, non de asini, quod dici solet,
vmbra, sed de primario religionis Christianæ
articulo, per quid nobis obtingat iustitia? Ideò
enim coijt Concilium Hierosolymis, ac decla-
rauit, fide, non lege, iustificari credentes. Ex-
tant hæc copiose à Luca exposita in 15. capite
Actorum apostolicorum.

Idem Lucas author est, Paulum & Barna- Acto. 15.
bam par incomparabilium amicorum & fra-
trū, indissolubili amoris nexu compactū, per
diffensionem tamen dissilijsse, atque ita acri-
ter irritatos efferbuisse, vt alter alterum reli-
querit. Ita enim ait Lucas, Post aliquot autem
dies dixit ad Barnabam Paulus, Reuersi inui-
samus iā fratres nostros per omnes ciuitates
per quas annunciauimus verbum Dei, cogni-
turi quomodo res illorum habeant. Barnabas
autem consuluit vt assumerent secum Iohan-
nem, qui vocabatur Marcus. Paulus autē æ-
quum non censebat eum secum assumere qui
defecisset ab ipsis ex Pamphylia, nec eorum
comes in illo opere fuisset. Sic igitur sunt exa-
cerbati vt alter ab altero abscederet.

F V N D A M. F I R M I

**Diffidium
ecclesiæ
Corinth.**

In ecclesia quoq; Corinthiorum nō erat le-
ue schisma. Nam hic quidē dicebat, Ego sum
Pauli, ille verò, Ego sum Petri, tertius clama-
bat, Ego sum Apollo. Erant inter fideles &
aliæ nonnullæ dissensiones de rebus varijs, v-
ti videre est in priore apostoli epistola ad Co-
rinthios.

Ad Philipp. i. cap. ipse apostolus manifestè
testatur concionatores suo etiā seculo non fu-
isse concordēs in annunciando euangelio, &
nihilominus tamen, ait, Attamen quouis mo-
do siue in speciem, siue syncerè Christus an-
nūciatur, de hoc quoq; gaudeo atq; gaudebo.

**Diffidium
in paschate
celebrādo.**

Grauis & diuturna contentio de paschate
exorta est inter sanctissimos doctores primi-
tiuæ ecclesiæ, ipsis mox dom. apostolis succe-
dentes, durauitq; per annos propè 200. Nam
Euseb. in eccles. historia affirmat dissidium
hoc demum per Nicenam synodum esse sub-
latum.

**Diffidium
in Cōcilio
Niceno.**

In eadem synodo Nicena erant varia dissi-
dia & acres contentiones inter doctores ec-
clesiæ. Id quod Constantinus Imp. indigne fe-
rebat. Non dicam modò quàm varia acerbā-
que & multiplicia fuerint inter ipsos certami-
na in alijs consequentibus concilijs. Certè a-
deò excreuit hoc malum, vt bonis omnibus
per ecclesiam doluerit vehementissimè.

Acce-

Accedit his omnibus quod præclari in ecclesia doctores inter sese commissi, pugnarūt, quilibet pro sua opinione, animo planè infensissimo. Quod ipsorummet libri & historiæ ecclesiarum testantur. Cornelius & Cyprianus beati martyres & episcopi, vnà cum episcopis Aphricæ & Italiæ acriter contendunt de rebaptisandis hæreticis, his quidem arguentibus rebaptisandos esse, illis maximè negantibus.

Cornelius
& Cyprianus.

Petrus Alexandrinus & Meletius Ægyptiacus vnà cum suis sectatoribus ita sunt propter aduersas exacerbati sententias, vt dissiliunt prorsus, singuliq; singulas constituerint ecclesias, & Meletius quidem suam ecclesiam nuncupavit Martyrum, Petrus verò suam appellavit catholicam. Contendebat Petrus lapsos in peccata, & eos qui propter tormenta negant fidem Christi, nunc autem pœnitentes cuperent reconciliari ecclesiæ, in gratiam esse recipiendos: Meletio contra nolente quenquam istorum recipere, & iam etiam separante se ab ijs, qui lapsos recipiebant. Testatur de his Epiphanius in sua illa Panaria contra hæreses, fol. 346.

Petrus Alexand. & Meletius.

At idem ille Epiphanius Salaminc Cypri episcopus, qui miraculis claruit, & maxima authoritate, etiam apud hostes fidei & hære-

Epiphan. & Chryso.

FVNDAM. FIRMI

gicos polluit, sicut testatur Hieronymus, in-
 stinctu Theophili Alexandrini episcopi, dissi-
 dio inextricabili & implacabili cū eloquentis-
 simo Constantinopolitanorum episcopo Io-
 anne Chrysostomo, commissus, in synodo qua-
 dam Cypria, libros Origenis damnauit, quos
 Chrysostomus damnare noluit. Scribit hac
 de re Sozomenus lib. hist. 8. cap. 14. & 15. item
 Nicephorus Callistus in sua hist. eccles.

Cyrillus &
 Ioan. An-
 tiochenus.

Ita concurrerunt inter se cum suis sectato-
 ribus Cyrillus Alexandrinus & Ioannes An-
 tiochenus episcopi, qui tamē sibi pulchrē sunt
 reconciliati rursus, cum sententiam suam illu-
 strius explicasset Cyrillus.

Hieronym.
 & Ruffin.

Controuersias inter se habuerunt Hiero-
 nymus atque Augustinus, & Ruffinus atque
 Hieronymus. Nec defunt viri docti & boni,
 qui arbitrantur Hieronymum in ea conten-
 tione limites modestiæ transiisse.

Præterea contenderūt diu episcopi Aphri-
 cæ cum Romanis episcopis Sozimo, Boni-
 facio, & Celestino, propter prouocationem,
 quam appellationem vocāt, ecclesiarū Aphri-
 cæ, ad sedem Romanam. Noluit autem S.
 Augustinus cum Aphricæ episcopis eam pote-
 statem cedere Romanis pontificibus.

Quorsum
 hæc omnia
 pertineant.

Possem huius generis multò plures eccle-
 siæ dissensiones commemorare. Quibus præ-
 clari

clari doctores ecclesiæ inter sese cõmissi, certarunt, nisi hæc exempla bonis sufficere existimarem. Quando verò hi omnes crediderunt in Christum, & præcipua religionis nostræ capita reciperent, interim verò suas haberent controuersias, propter quas mutuis etiã conuitijs sese conspurcarunt, nemo sanè colligebat, dissidere inter se præclara ecclesiæ lumina, eam ob rem eos neq; ecclesiam habere vllam neq; fidem aut doctrinam sanam: Quare itaq; in non impari causa hodie nõ pariter iudicatur? Tametsi enim nec eruditione nec sanctitate adductis pares simus doctorib. sumus tamẽ & ipsi Christiani, recipimus ipsa capita fidei prima, sumus & ipsi ecclesiæ Dei ministri, ac controuersia quæ inter nos sunt, ita agitantur vt vtrinq; velimus articulos fidei Christianæ permanere inuiolatos.

*Quomodo se gerant & quid faciant
simplices, dum contentiones in religio-
ne adhuc inter doctos uigēt, necdum
possunt componi. CAPVT IIII.*

QVæ autem commemorauì hætenus de antiquæ ecclesiæ controuersijs atque dissidijs, non in hoc cõmemorauì, vt dissidia defendam & per se bona esse existimem: sed in hunc finem potissimum hæc adduxi exempla, vt simplices rerumq; imperiti hinc

F V N D A M. F I R M I

Orādū pro
concordia.

capiant consolationem, nec dissidijs doctorū nostri seculi virorum offendātur, aut verum esse existimēt, quod nonnulli dicunt, nullam ibi esse ecclesiam doctrinam & fidem ueram, vbi dissensiones reperiuntur. Quin supplicēt singuli sine intermissione Deo, petentes ut quemadmodum ille immensa sua gratia, progressu temporis grauissimas ex ecclesia dissensiones sustulit & pacem ecclesiæ restituit, ita nunc quoq; dissidia nostra componat & concordiam ac pacem concedat. Potest ille desperatis etiam rebus succurrere.

Quomodo
se gerat sim-
plex in his-
ce dissidijs.

Interim verò dum vigent illa in ecclesia certamina, & docti inter sese & concionando & scribendo belligerātur ac se mutuum damnant, respiciat fidelis quilibet vnice & rectā ad Christum dominum vnicum seruatorem nostrum, contendatq; viribus suis omnibus, vt per fidem veram Christum apprehendat atque possideat & in corde suo retineat, auertat verò oculos animi ab vniuersis illis concertationibus doctorum, nec sinat se à Christo per illas alienari. Et qui Christum prædicant, vni omnia vitæ & salutis tribuunt, huic vni innitendum, & hunc solum sequendum esse docent, ijs demum auscultet & credat, & quod verum esse didicit & credidit, seruet & teneatur,

Domi-

Dominus noster in Euangelio secundum Matthæum interrogat discipulos suos & ait, *Quē me dicūt esse homines?* Et respōderunt ipsi, quidam aiunt te esse Ioānem Baptistam, alij aiunt te esse Heliam, alij Ieremiam, aut alium quempiam ex prophetis. Vbi palām cer nimus illo etiam tempore, quo ipsemet domi nus prædicabat euangelium, inter homines varias de Christo fuisse opiniones. Cæterum non vult dominus suos instar vulgi incertis dubijsq; opinionibus discindi & vacillare, sed certam suæ fidei edere confessionem. Dicit e nim iterum suis discipulis, quem verò vos me esse dicitis? Et respondebat Simon Petrus ac dicebat, Tu es Christus ille viuentis Dei fili us. *Quæ* sane vera & orthodoxa est fides, & veræ fidei sincera confessio, nempe vt corde credamus & ore cōfiteamur, Iesum Christum esse verum Deum & hominem, vnicum mun di saluatorem Mesiā illum expectatum re gem atq; pontificem: in quo omnes fideles ha bent omnem plenitudinem & vitam æternā.

Hoc fundamentum collocat ipse dominus cui imponi debeat ecclesia, tutō consistere & seruari. Nam dicit Petro dominus, Et ego tibi dico, quod tu es Petrus, & super hanc petram ædificabo ecclesiam meam, & portæ infero rum (nimirum vniuersa potestas aduersaria

*Firmū fun-
damentum,
cui tuto in-
niti potest
fidelis.*

F V N D A M. F I R M I

1. Cor. 3.

validissimaq; atq; adeò ipse satanas cum vniuerso regno inferorum) non præualebunt ad uersus eá. Ita verò dominus semetipsum collocat fundamentum fidelium, cui tutò innitantur & in quo certò salui fiant. Sicuti Paulus attestatus est aliud fundamentum poni non posse, quàm quod positum est, Christus Iesus. Ædificatur super hoc fundamentum fide, quando vera fide Christo innitimur. Ita verò fideles crescunt atq; exurgunt in domum spiritualem, & fiunt ecclesia, cœtus populi Dei. Sic enim hoc negotium nobis exponit beatus Petrus, & ait, Ad Christum accedentes, qui est lapis uiuus, ab hominibus quidem reprobatus, apud Deum verò electus & preciosus, ipsi quoq; veluti lapides viui ædificemini, domus spiritualis, sacerdotiũ sanctum, ad offerendum spirituales hostias, acceptas Deo per Iesum Christum. Porro tale ædificium perstabit super petra Christo firmũ, contra ipsas quoq; inferorũ portas. Proinde Christus est firmum illud fundamentum, cui tutò fidelis quilibet inniti potest, vtcunque doctorem ecclesiæ, alius quidem sic, alius verò aliter sentit, & prædicat de Christo.

In dissidio
multorum
est defectio
ne inhæ-
reat fidelis
Christo.

Idem ille dominus noster iterum collocat semetipsum firmum omnium fidelium fundamentum.

damentum, apud Ioan. in cap. 6. docens se panem vitæ descendisse cælo, incarnatum esse, ac carnem sanguinemq; suū tradidisse in mortem, ad cibum potumq; vitæ æternæ, ut quisquis edeat biberitq; ex ipso, id est Christum seruatorem & vitam suam vera fide fuerit amplexus, xicturus sit in sempiternum. At cum astantium non pauci sermonem domini non rectè intellexissent, sed arbitrarentur carnem & sanguinem Christi edendum potandumq; esse, tāquam quemuis alium cibum potumq; corporeum, ore corporeo percipiendum, offensi sunt hoc doctrinæ genere, quod i p s i s uidebatur & absurdum & barbarum, deseceruntq; ab ipso, nec amplius ipsum sunt secuti. Proinde dicebat dominus ad suos illos discipulos, Ergone & vos abire vultis? Respondit Petrus, Ad quem iremus domine? Tu habes verba vitæ æternæ: & nos credimus & cognouimus, quod tu es Christus filius Dei uiui. Proponuntur nobis ea responsione insignia dogmata tria, Prius, Christum Iesum esse vnicum fundamentum & firmam petram vniuersæ ecclesiæ, id est, omnium fidelium. Posterius, rectam veramq; esse fidei orthodoxæ confessionem, quam hic nobis verba Petri commendant, & quam omnes fideles ad eundem modum confiteri iubetur. Postremum, in de-

F V N D A M. F I R M I

fectionibus scandalis atq; dissidijs, qui sibi cōsultum volunt, non spectare quid alij sentiāt, aut contendant, sed imitari simpliciter S. Petri exemplum, qui alijs deficientibus, ipse se Christo adiunxit, vtpote viuo Dei filio, & iccirco vitæ æternæ, vt, omnes fluctuantes in turbis huius seculi & ipsi sese ad hunc portum salutis conferant.

Act. 4.

Iam verò cum idem hic Petrus apostolus in Actis coram senatu Hierosolymitano verba faciēs, aperte testetur & dicat, Christus est lapis ille reprobatus à vobis ædificātibus, qui factus est caput anguli: nec est in alio quoquā salus. Nec enim aliud nomen est sub cœlo, quod datum sit inter homines, per quod oporteat nos seruari, tenet vtiq; nunc quilibet fidelis, vtcunq; simplex & imperitus sibi alijsq; esse videatur, verum & firmum fundamentū, cui innitatur, nempe dominū nostrum Iesum Christum. Aut quo cum pudore audebit post hac quisquam conqueri ac dicere? Dissident inter se doctores populi, & hic quidem iubet me ita credere & facere, alius aliud præcipit ac suadet: hic ego cum simplex sim, quid potissimum sequar nescio. Quiuis enim perspicuè videt adeoque manibus iam tangit, quid credat, quid agat, quid sequatur. Credat in Christum qui solus est vita & plenitudo totius

tius mundi. Sequatur apostolos, qui, cum ad prædicationem Christi offenderentur & deficerent plurimi, isto tamen horum exemplo nihil sunt commoti, neq; dixerunt, nunc quid faciamus, nescimus, sed per fidem Christo sese coniunxerunt, Christo ut vnicæ petræ innixi sunt, & in confessione vnius Christi perseverarunt. Quid itaque aliud nunc quoque in tanta doctorum distractione faciat fidelis quiuis, quàm quod omnium est expeditissimum, tutissimūq; credat in Christum, & salutis omnia quærat in Christo, nuspiam discedat à Christo?

Atqui quærent nonnulli, cum contenten-
tes vtrinq; se Christum habere & prædicare
iactitent quibus notis ipsi deprehendere pos-
sint, vtra pars syncere vel insyncere Christū
annunciet. Ea verò res cognitu nō erit admo-
dum difficilis. Nemo enim ita simplex est re-
rumq; imperitus, ut non animaduertat, solus
ne Christus & in hoc vno salutis omnia præ-
dicetur, an Christo aliquid coniungatur, cui
vel ex æquo attribuatur salus, vel sine hoc
Christus inefficax esse ad saluandum doceat-
ur, adeoq; additamenta diligentius quàm Chri-
stus ipse inculcentur. A talibus autem do-
ctrinis ut corruptissimis cauendum est omni-
no: Quod certum sit Deum patrem in Chri-

Quibus no-
tis deprehē-
das qui syn-
cere vel in-
syncere do-
ceant.

sto absolutissime omnia salutis vitæq; donā uisse, & per Christum & fidem in ipsum nos absolui plenissime.

Quod in solo Christo Iesu uniuersa salus plenissimè nobis sit exhibita, ideoq; per Christum fideles ita perfici siue absolui, ut nullis ad consequendam salutem rebus alijs indigeant. CAP. V.

Ecclesia
habet in
Christo om-
nem pleni-
tudinem.

Sed ne quid dubitationis apud vllos resideat, commonstrabo consequenter scripturæ sanctæ testimonijs, Ecclesiam Christi in Christo domino omnem habere plenitudinem, ac per fidem in ipsum ita perfici vel absolui, vt omnia vitæ & salutis non aliunde, nisi ex solo Christo expectet. Etenim Dominus apud Isaiā omnes ad se vocat, omnibusq; plenam bonorum omnium saturitatem promittit, ac dicit, O vos omnes qui sititis, Venite ad aquas, & hi quibus non est pecunia, venite, emite, & comedite. Parate cibum sine argento, & sine precio vinum & lac. Cur expenditis pecuniam pro eo quod non est cibus, & laborē vestrum pro eo quod non satiat? Quin potius audiendo audite me, auscultate & comedite bonum, & in pinguedine oblectet se anima vestra. Inclinate aurem vestram & ad me venite, audite, & viuet anima vestra, &c. *Intelligit autem propheta per cibū & potum abso-*

Isaiæ 55.

absolutissimam rerum cœlestium ueræq; salutis perfectionem, ad quam percipiendam, obedientia & fide, vehementissime hortatur. Illam enim sua sponte offert, quinimo grauius eos increpat, qui aliunde illam petunt, differte significans ipsos oleum, quod dici solet, & operam perdere. Cum salus non inueniatur nisi apud solum dominum. Verba ipsa prophetæ adeo sunt illustria & plana ut nulla nostra indigeant explicatione. Recitabimus tamen obiter domini & saluatoris nostri Iesu Christi verba, quibus ad illa prophetæ respicere & ea veluti interpretari videtur, dum apud Ioan. in ca. 7. ita dicit, Si quis sitit, veniat ad me & bibat. Qui credit in me sicut scriptura dicit, de eius ventre fluent aquæ viuæ. Et iterum, Quisquis biberit ex aqua hac (fontana & terrena) sitiet iterum: quisquis autem biberit de aqua quam ego dederò ei non sitiet vnquam, sed aqua quam ego dederò, fiet in eo fons aquæ salientis in vitam æternam. Habent itaque omnes fideles plenissimam omnium bonorū in Christo perfectionē, ut eis nec alijs rebus opus sit, nec aliunde illā petāt.

Hoc ipsum clarissimè & euidentissime docuerūt sancti Apostoli Christi Petrus & Paulus. Petrus in orationibus vel cōcionibus suis in Actis Apostolorum diligenter descriptis

F V N D A M. F I R M I

Paulus ad
Hebræos.

& in suis spiritu Christi redundantibus epistolis. S. Paulus scribit Hebræis, alte huic errori foedissimo immerfis, quod Christi cognitio vel fides non absolueret aut iustificaret hominem, nisi & legis accederet observatio. Demonstrat ergo his dilucide & euidenter, per Christum iustificari vel absolui credentes, ideoq; nihil opus esse vel lege vel legis ceremonijs, sacerdotio aut sacrificijs. Nam in Christo esse omnem plenitudinem, Christum legi satisfacisse per omnia, in Christo esse legis impletionem, Christum esse vnicum & sempiternum pontificem vel sacerdotem, Christum esse unicam & sempiternam hostiam quæ sola sanctificet & absoluat, In Christo finiri & abrogari vniuersas legis ceremonias. Proinde quisquis Christum possideat vera fide, eum esse iustificatum, & habere omnem plenitudinem, &c.

Idem Apostolus in 1. ad Coloss. cap. aperte dicit, Complacuit patri ut in Christo omnis inhabitaret plenitudo, & per eum reconciliare omnia sibi, pacificatis per sanguinem crucis eius, tum quæ in terra, tum quæ in cœlis. Et iterum in 2. capit. In quo sunt omnes thesauri sapientiæ ac cognitionis absconditi. Nam in eo inhabitat omnis plenitudo deitatis corporaliter, & estis in eo completi, qui est caput
omnis

omnis principatus, &c. Obseruanda autem in his diuinissimis apostoli verbis moneo hæc duo capita, Primum quòd apostolus apertè testatur, Deo placuisse omnem in Christo habitare plenitudinem. Vnde consequitur repugnare Dei beneplacito adeoq; æterno & immutabili & inuiolabili Dei consilio atque decreto quotquot plenitudinē illam alibi quàm in vno & solo Dei filio quærunt. Secundum, quod Apostolus perspicuè dicit Christum reconciliaſſe omnia, quæ in cœlis & quæ in terra sunt: in ipso reconditos esse omnes thesauros sapientiæ & cognitionis, & in illo nos esse completos. Ea verò si vera & certa sunt, vt sanè, profecta ex apostolis per spiritum veritatis, falsa & incerta esse nequeunt, consequitur indubitanter ex his omnibus, quod qui sibi & salutis suæ optime vult consultum, eum vni Christo firmo & vnico fundamento inniti & ab hoc vno per veram fidem omnem petere plenitudinem. De quo etiam in sacrosancto euangelio legimus, Et de plenitudine eius nos omnes accepimus, gratiam pro gratia, &c. Ioan. I.

Quicquid verò perfectæ salutis nobis in Christo à Deo patre exhibitæ, verbis profequuti sunt & tradiderunt nobis apostoli, id totum expresserunt nobis sancti euangelistæ

*Euangelistæ
demonstrat
nobis in
Christo omni
nem plenitudinem*

F V N D A M. F I R M I

re ipsa oculis ceu præsentē contemplanda per historiam subiecta. Proponunt enim nobis Christum verum Deum & hominem, dominum vniuersorum, cum cæli tum terræ. Mandat hic elementis ipsis, aquæ & vento, & obediunt ei. Mandat cum imperio satanæ, & contremiscit, vociferatur victus & totus substernitur domino potētissimo. Remittit ille peccata, Mortuos resuscitat in vitam. Sanat omnes languores atq; morbos, etiā fœdissimos incurabiles atque desperatos. Dicit vel verbum, & quicquid dixit voluitq; id factum est. Omnium secreta atq; adeò ipsa hominum corda ei fuerunt exposita. Nouit enim & potest omnia. Nec tantū benigne vult, sed & diuina virtute potest in re qualibet consulere & succurrere miseris mortalibus. Nec vlla hic re impeditur. Proinde hunc vnicum suum filium, vnicam & æternam salutem proponit nobis Deus pater, cælitus, atque super ipso in hæc verba testatur, *H I C est filius meus dilectus, in quo placata est aīa mea, iſ sum audite.*

Math. 3. 17
1. Pet. 1.

Cæterum non modò potens est dominus noster Iesus Christus, sed etiam volens, id est, clemens & benignus. Ne quis enim diceret, Peccator sum miser & egenus, nō ausim prodi in conspectum tantæ maiestatis, præoccupat ipse nos, & in euangelio omnes ad se vocans

eans, clamat, Venite ad me omnes qui laboratis & onerati estis, ego vos reficiā. Quid quod ipse, sicut testatur historia euangelica, benignissime & quasi exertis vlnis, excepit omnis ætatis sexus conditionisq; homines. Non abhorruit ille ab vllis quantauius sceditate corporis & animi fœtidis ac turpibus. Excepit omnes, complexus est omnes, sanauit omnes, consolatus est omnes, atque adeo neminem à se dimisit tristem, & quem non adoperuerit beneficijs, Qui verò in ipsum crediderunt, ita sunt saturati & absolutè perfecti, vt post Christum nihil amplius desiderauerint, quæsierint aut postulauerint. Dixerat enim, Qui me ederit ac biberit, in æternum nō esuriet aut sitiet. Quod sanè irrefragabile testimonium est, in solo Christo per fidem perfici plene credētes, ut post Christū alijs rebus ad salutē cōsequendā planè nihil sit necessariū.

Math. 11.

Prædicta illustrantur & confirmantur ad huc plenius ex euangelio secundum Ioannem. CAPVT VI.

AC euangelium Ioannis quod inter precipuos & illustrissimos noui testamenti libros, ceu nobilis gemma inter preciosos lapillos lucens, habetur, vnice hoc agit, ut demonstret omnem in Christo esse plenitudinem, & quod credentes in ipsum plenissimè

Summa E-
uangelij se-
cundum Io-
annem.

F V N D A M. F I R M I

perficiatur, deniq; quod extra Christum nulla sit salus.

Cap. 1.

Christum enim Iesum affirmat esse sapien-
tiam & sermonem vel verbum patris quod sit
ab æterno in patre & apud patrē, & quod per
verbum creata sint omnia quæcunque crea-
ta sunt, quocirca verbum quatenus filius Dei
est creator sit & non creatura. Hunc Christū
Dei filium affirmat esse & vitam & lucem,
quæ omnes illuminet quotquot in mundo il-
luminantur, & quod per ipsum omnes creden-
tes efficiantur filij Dei, deniq; quod æternum
illud Dei verbum, caro factum sit, id est, incar-
natū, verus & perfectus homo, ex virgine na-
tus sit, & habitavit inter nos vt verum homi-
nem decuit. Hunc ipsum affirmat esse vnige-
nitum patris in sinu patris, plenum gratia &
veritate, de cuius plenitudine omnes accepe-
rimus, patriq; reconciliati & dilecti filij facti
simus. Esse enim hunc agnum illum, nimirum
sempiternam hostiam expiatoriam, Dei, quæ
tollat peccata mundi. Hunc baptizare igni &
spiritu sancto. Hunc esse scalam per quam pa-
teat ingressus in regnum Dei. Hunc esse vni-
cum illum seruatorem, per serpentem erem
olim in lege prefiguratum. Quocirca qui exal-
tatum Dei filium in crucē vera fide aspiciat,
ei venenum à vetere quondam infusum ser-
pente,

Christus
agnus ille
Dei.

Cap. 2.

Christus
serpens ex-
altatus.

pente, lethiferum non fore. Sic enim dilexisse Deum hunc mundum, ut pro mundo dederit unigenitum in mortem, ut quicumque in ipsum credant, non pereant, sed habeant vitam æternam.

Addit his Ioannes, Iesum Christum esse vnicum ecclesiæ suæ sponsum, qui annunciet ei omnia cœlestia mysteria ad salutem necessaria, atque adeo ea quæ ipse viderit apud patrem, & ideo nec vana doceat nec quenquā allat: tametsi interim infelix mundus institutioni eius verissimæ certissimæque non credat. Patrem impense filium diligere, & omnia in manus eius tradidisse, negotiumque salutis eternæ sic instituisse, ut quicumque credit in filium hunc Dei, saluus fiat, qui non credit, pereat ira quæ Dei æternum illi inhæreat.

Christus
ecclesiæ suæ
sponsus.

Porro testatur idem ille apostolus, Christum esse scatebram iugem vel fontem aquæ viuæ, illum esse verum & expectatum Messiam, qui uos omnia doceat: illum esse æqualis essentiae ac potestatis cum patre, cui cooperetur & cum quo gubernet & conseruet omnia: illum esse panem vitæ à cœlo descendentem ut omnis qui edit ex hoc pane nunquam moriatur sed habeat vitam æternam. Talem verò cibum se ipsum quidem Moysi dare nec quenquā

Cap. 4.

Christus
fons.

Cap. 5.

Cap. 6.

F V N D A M. F I R M I

Christus
panis uitæ.

vel angelorum vel mortalium. Christum quoque ut solus est vita, ita eundem sua sponte & liberalissimè omnibus fidelibus vitam hanc suam offerre, omnesq; hortari ad eam capessendam.

Cap. 8.
Christus
lux mundi.

Iterum verò testatur Ioannes Christum esse se lucem mundi, quem qui sequantur nō ambulant in tenebris, sed habeant lumen uitæ. Certissimum est enim dominum nostrum Iesum Christum omnes illuminare credentes spiritu suo ac verbo, abstergereq; omnes cordis tenebras à cacodæmone & à mundo & à nostra carne offusas. Rursus testatur Ioannes

Cap. 10.
Christus
pastor bonus.

Christum esse bonum illum pastorem, qui vitam suam impēdat pro salute ouium, quas interrim & eximie diligit & fideliter pascit & accuratè custodiat, ita ut eas nemo ex eius manibus rapere possit, neq; quicquam rerum ad salutem necessariorum eis desit. Ques porrò diligere vicissim pastorem hunc suum, nouisse vocem eius, & audire solam, alienorum nō audire. Christum hunc vnicum esse ostium per quod pateat ingressus in ouile, in ipsam inquam ecclesiam & vitam æternam. Eos quoque qui non ingrediantur per vnicam illam ianuam, sed aliunde tentent irrumperere, & per alias rationes sibi salutem parare, esse fures & latrones. Tales enim à Christo abalienare eis suffurati

Christus
ostium.

suffurari suam gloriam, (qua glorificatur ab his qui credunt ipsum solum esse vitam, & in alio non esse vllam salutem) & suas ipforum animas trucidare : quod extra Christum non sit vera vita salusq;.

Quid quod ipse dominus in euangelio Ioannis dicit, Ego sum resurrectio & vita : qui credit in me viuet, tametsi moriatur, & omnis qui viuit & credit in me, non morietur in æternum. Et iterum, Ego sum via, veritas & vita. Nemo venit ad patrem, nisi per me. Aperuit enim nobis dominus Iesus viam in vitam æternam, sed & dirigit & deducit nos in æternam quietem : sicut ipse iterum testatur & ait, A beo vobis paratum locum, nimirum habitationis, & redibo ad vos, & assumam vos ad meipsum, vt ibi vos sitis, vbi ego sum.

Denuò autem testificatur Ioannes & dicit, Christum veram esse vitem, nos verò palmite, per fidem insertos in vitem Christum : inde nos attrahere fructificandi vim succumq; & proferre varij generis bona opera. Dominum enim promississe perpetuam in suis fidelibus operationē. Tametsi enim discedat corpore suo & corporali præsentia amplius in mundo vel in terris non sit futurus, ipsum tamen non deserturum nos tanquam pupillos, sed missurum & inserturum cordibus nostris

Cap. 11.
Christus
resurrectio.

Cap. 14.
Christus
via, veritas
& vita.

Cap. 15.
Christus vi
tis vera.

Cap. 16.

F V N D A M. F I R M I

Cap. 17.

suum paracletum sanctum spiritum, qui con-
soletur, roboret, doceat, & in omnē veritatem
ducat. Præterea promississe Dominum, patrem
nobis clementer largiturum quæcunque in
nomine Christi postulauerimus. Quinimo i-
psum filium pro nobis patrem alloquutum di-
xisse, Non pro apostolis rogo tantum, sed &
pro omnibus qui credituri sunt per eorum ser-
monem in me. Pater, quos dedisti mihi volo,
vt vbi sum ego & illi sint mecum & videant
gloriam meam, &c.

Non arbitror à quoquam mortalium cla-
riora, firmiora, euidentioraq; proferri, aut e-
tiam requiri posse testimonia, de eo quod in
solo Christo Dei & hominis filio data sit no-
bis omnis plenitudo, & quod per solum Chri-
stum vel in solo eius nomine fideles plenissi-
mè iustificentur & perficiantur. Quæ si quis
inuertere aut floccifacere præsumpserit, non
video quid cum tali agas quàm vt iubeas mi-
serum esse libenter.

*Christum Iesum ita uelle per fidem recipi
à nobis, ut contenti eius solius salute, utpo-
te qui unus omnibus ad salutem sufficit cre-
dentibus, nihil ipsi adiungamus penitus.*

CAP. VII.

Confitetur
multi ore
Christum
factis negat

Quotquot verò audiunt aut legunt ea
quæ hætenus commemorauimus
de

de Christo Iesu vnica totius orbis salute plenissima, excipiunt sanè vocibus gratulantibus, ac dicunt, ista se credere firmiter, & ita se credidisse semper, nec arbitrari quenquam esse fidelium, qui illa non agnoscat & fateatur.

Cæterum si quis interim non tantum audiatur, quid loquantur hi homines, sed obseruet etiam quid faciant, deprehendet mox eos palam abnegare factis, quæ confessi fuerant verbis. Verbis quidem confitentur manifestè se vni Christo plenam attribuere salutem, factis autem declarant se salutem non in vno soloq; quærere Christo, sed magis in suis operibus, atque meritis, in meritis item suffragijs vel in tercessionibus cultuq; diuorum, sed & in multiplicibus traditionibus, decretis, ordinationibus & ritibus ecclesiæ Romanæ, quorum nullus est modus, finis nullus.

Error autem hic turpissimus in his potissimum versatur. Principio enim ingenium & vis veræ fidei, non ita vt decebat obseruatur ab omnibus. Etenim vbicunque est fides vera atq; sincera in Christum, ibi fidelis animus nihil salutis quærît extra Christum, quinimo in Christo & per Christum ita est exatiatus, vt post Christum plane nihil desideret. Proinde si quis salutem adhuc quærît in creaturis, in operibus in decretis & ritibus hominum, il

Erroris
fontes.

F V N D A M. F I R M I

Iam sanè in Christo neque vnquam sensit, neque assequutus est, nunquam denique satiatu-
tus est. Si enim persensisset ac satiatu-
tus esset, certe tranquillo animo exultaret in solo Chri-
sto, nec posset alicubi quicquam quærere sa-
lutis, quam plenè percepisset possideretque
in Christo. Manifestum est itaque istos vera fi-
de adhuc destitui. Pro qua supplicandum
est Domino, vt per ipsam omne salutis no-
stræ præsidium, in solo Dei filio collocemus
syncere absque vlla mixtura.

Deinde non obseruatur à plerisque veram
Dei per Christum inuocationem & cultum
minime ferre creaturarum inuocationem &
cultum: quemadmodum Paulus negat gra-
tiam posse consistere cum opere. Quod si per
gratiam, inquit, saluamur, iam non per opera.
Nam magnus ille propheta Dei Helias obiur-
gans seueriter populum Israelis, qui vnà &
Deo & Baali inservire voluit & sacrificare, di-
xit, Quousq; claudicatis vtroque pede? (nos
diceremus, Quousque portabitis vtroq; hu-
mero?) Si dominus est Deus, sequimini illū,
Si Baal est Deus, sequimini ipsum. Id quod pe-
rinde sonat, ac si dixisset, Nō vult Deus quen-
quam, quisquis is sit, vnà secum coli, sed solus
vult adorari, solus inuocari solusq; coli ab ho-
minibus. Deserite ergo & conspuite Baal. Sa-
tis est

tis est vobis Deus noster.

Interrogat S. Augustinus de Consensu e-
uangel. lib. 1. cap. 18. Qui factum sit, quod cum
Romani cultum omnium deorum ab omni-
bus gentibus acceperint, nunquam tamen le-
gatur cultum Dei Hebræorum vel Iudæorū
recepisse: ac respondet, Romanos intellexisse,
vel ex Socratis sententia, quemlibet Deum
eo modo esse colendum, quem ipse præscri-
psit aut exegit. Nisi enim hoc fiat, hominem
non Deum colere, sed quemlibet id magis co-
lere, quod ipse sibi finxit. Voluisse autē Deum
Israelis se solum coli, noluisse vt quisquam
cum ipso coleretur, præterea noluisse eum a-
lia ratione, & alio modo coli, quam ipse popu-
lo suo præscripserat, Hoc ipsum cum etiam
scirent Romani, intelligerentque omnes sibi
Deos deferendos esse, quo rite solum Deum
Israelis colerent, noluisse Deorum suorum sa-
cra abijcere, & solum Deum Israelis venera-
ri, eaquē de causa nunquam quicquam cultus
Dei veri recepisse. Atque utinam hodie quo-
que plures euangelium non alia magis causa
repudiarent quàm quod cernunt Christum
non ferre ea quæ homines ei obtrudūt, & eos
qui vere recipiunt euangelium, à solo pende-
re Christo, in ipsum solum respicere, & for-
mam cultus Dei repetere ex euangelio, asper

Deus solus
uult coli ſi-
ne cōſorte,
ſecundum
uerbū ſuū.

F V N D A M. F I R M I

nari verò omnia quæ huius ex semetipsa con-
finxit humana sapientia.

Erroribus
circūagun-
tur qui non
à solo Chri-
sto pēdent.

Isaias cap. 8. in hunc modum concionatur,
Si non dixerint iuxta verbum hoc (nimirum
iuxta verbum Dei) non erit eis lux matutina.
Et oberrabunt in terra perplexi & famelici.
Postquam autem esurierint, excandescunt, &
regi suo (patrono nimirum ac medio salutis
quod sibi delegerunt) maledicent. Et sursum
ac deorsum aspicient, sed ubique se ingeret ca-
ligo tenebræ atque angustia. Certissimum est
enim destitutum fide in Christum carere lu-
mine & vita, tranquillitate denique animi vel
pace. Nam tametsi hic multo labore varijs se-
se salutis exerceat medijs, ne hac tamen ratio-
ne ad salutem animiq; tranquillitatem pertini-
git. Hæret enim miser etiamnum in caligine,
ideoque remanet in ipso animi angustia, quæ
non tollitur, nisi quis Christum sola fide syn-
cera amplectatur.

Omnibus
alijs relictis
solū appre-
hendere
Christum.

Proinde cum in solo Dei filio Iesu Christo
sit lux & vita, conscientiarum tranquillitas fi-
duciaque & consolatio, vera denique salus &
salutis plenitudo, cumq; Deus nolit Christo
suo coniungi quicquā, ex quo etiam salus spe-
retur, consultissimè planè electi Christi apo-
stoli nihil penitus Christo coniunxerunt in
doctrina salutis, sed omisiss medijs ad salutē
paran-

parandam omnibus, solum Christū prædicarunt per euangelium. Notissima est enim illa præclara sancti apostoli Pauli sententia, Christus Iesus factus est nobis à Deo sapientia, iustitia, sanctificatioq; & redemptio, ut sicut scriptum est, Qui gloriatur in domino gloriatur. Proinde cum venirem ad vos, non quicquam ad cognoscendum delegi inter vos nisi Iesum Christum eumque crucifixum. Et iterum, A me verò absit, gloriari, nisi in cruce domini nostri Iesu Christi, &c. Idem apostolus ea quæ aliquando ut præstantissima & meritoria, ut vocant, vitæ æternæ æstimavit, collata tandem cum Christo penitus contempsit, ac fassus est ea re se peccasse et salutem veram in solo Christo inueniri. Ad Philipp. enim, Sed quæ mihi erāt lucra (inquit) ea duxi propter Christum damnum esse. Quinetiam certe duco omnia damnum esse propter eminentiam cognitionis Iesu Christi domini mei, propter quem omnia ista pro damnis duxi & duco pro excrementis, ut Christum lucrifaciam: & comperiari in eo, nimirum qui non habeam meam iustitiam, nempe quæ est ex lege, sed eam quæ est per fidem Christi, id est iustitiam eam quæ est ex Deo per fidē. Quod si omnes qui Christi nomine gloriantur, Paulum apostolum imitantes, & ipsi spernerent omnia alia media,

1. Cor. 1, 2.

Galat. 6.

Philipp. 3.

ritus atq; decreta, ab hominibus inuenta, quæ
etſi aliquando magni fecerint, nunc tamen
pro damno æſtimarēt vt vno Chriſto vere &
plenè fruantur, vere proſectò eſſent id quod
videri volunt, Chriſtiani, & pace fruarentur
abundātiore. Nunc verò cū hoc facere con-
temnant, mirum ſanè non eſt tot diſſidia &
concertationes vigere in eccleſia.

An quod
ſalus in ſolo
Chriſto eſt,
inanis ſit o-
ratio, prædi-
catio, &c.

Sed obijcis, Si Chriſtus vnus omnia facit
& illi plene perfecti ſunt qui Chriſtum fide
poſſident, ſoluſq; ille ad ſalutem ſufficit, ergo
ne ea quoque, quæ ipſe Chriſtus inſtituit &
uſurpauit inutilia ad ſalutem videbuntur?
Ergo ne poſthac nihil opus erit eccleſiæ an-
nunciatione verbi Dei, cœtibus ſacris, preci-
bus, adminiſtratione & uſu ſacramentorum
exercitioq; bonorum operum? Reſpondeo,
Quæ modò cōmemorata ſunt inferuiūt plan-
tationi cultuiq; fidei, per quam in Chriſto
perficiuntur credentes: at in ijs reuera non eſt
ſalus, ſed per ea potius plantatur ac propaga-
tur. Panis reuera confortat & in vita conſer-
uat hominem: ea verò quibus paratur panis
non niſi improprie ſeruant hominem. His ta-
men ipſis maximopere opus eſt. Niſi enim
colatur tellus, ſeratur, colligatur frumentum,
trituretur, mola confringatur & pinſatur, pa-
nis nō habetur. Ita & prædicatione verbi Dei
& reli-

& reliquis nunc commemoratis opus est in ecclesia. Itaq; manet Christus dominus noster panis ille vitæ, qui solus pascit & vitam dat mundo. Oportet autem prædicari Christum & plantari fidem in cordibus hominum, per euangelium & illuminationem sancti spiritus. Oportet precibus donum fidei illuminationemque sancti spiritus petere, aliaque nobis necessaria à Deo postulare, & pro acceptis beneficijs gratias agere. Oportet & sacramenta à Christo nobis instituta, religiose vsurpare in ecclesia. Sunt enim sacramenta symbola ac testimonia nostræ per Christum redemptionis, quibus totum salutis negotium in Christo perfectum, oculis fidei contemplandum exponitur. Sacramenta illa obsignationes vel sigilla quædam sunt nostræ salutis, quod per Christum abluti à peccatis, corpore & sanguine eius alamur ad vitam æternam. Admonent illa nos insuper officij nostri & per spiritum sanctum nos excitant ad innocentiam vitæ & ad gratitudinem Deo præstândam beneficentissimo. Nec ociosa aut sterilis est vera in Christum fides, sed actiuosa & fœcunda, proferens omnis generis, secundum euangelium Iesu Christi, bona opera. Inutilia itaque non sunt in ecclesia annuntiatio verbi Dei, auscultatio, oratio, vsus sacramentorum & studium

D

F V N D A M. F I R M I

bonorum operum : sed manet perpetuò tamē
Christus salus vnica & qui solus est perfectio
omnium fidelium, qui ad fidem per cōmemo-
rata perueniūt media, fidemque in Christum
per quem perficiuntur & alunt & exercent, so-
liq; semper Christo omnem gloriam tribuūt.

Ex quibus omnibus illud iam planissimè
intelligitur, in controuersijs ecclesiasticis &
in certaminibus propter res religionis susce-
ptis, non posse simpliciores in aliud tutius
confugere asylum, quàm ad Christum Iesum.
Hic enim est manebitque æternum lux, vita,
consolatio & requies animarum nostrarum.
Cui gloria.

*Omnes controuersias in Christo & do-
ctrina eius definiri feliciterq; componi, ut
quiuis norit quid sentiat de scriptura san-
cta, de unitate et trinitate Dei* CAP. VIII.

In omni-
bus religio-
nis dissi-
dijs inueni-
ri certam
in Christo
determina-
tionem.

Consequentur verò exemplis aliquot
clare & euidenter commonstrabo, eos
qui soli innituntur firmo fundamento
Christo, eius doctrinam duntaxat audiunt, &
post Christum nihil ad salutem aliud deside-
rant, in ipso & doctrina eius habere omnium
controuersiarum exactissimum iudicium pla-
nissimamq; determinationem, vt nemo post
hac iure queri possit ignorare se in tanta do-
ctorum concertatione, quid credat & de reli-
gione

gione sentiat. Non autem omnes ordine recensebo controuersias, quod immensi propè esset laboris, sed aliquas modò commemora-
bo, vt ex ijs quilibet intelligat, ad eundem modum reliquarum etiam controuersiarum definitionem perspicuam in Christo & doctrina eius nobis exhiberi.

Et quidem contenditur hodie acriter de ^{De scriptura canonica.} scriptura canonica, an legi ea possit & debeat ab hominibus laicis: an omnia ea quæ pertinent ad fidem docendam, & ad omnia quæ sunt ad salutem necessaria tradenda, plenè & clarè contineant atque doceant? Hoc quidem affirmant alij, negant alij, existimantes opus esse præterea traditionibus & determinationibus ecclesiæ: & vulgo lectionem librorum canonicorum adeò non prodesse, vt ex ea potius hauriant imprudentes opiniones prauas. Cæterum Christus hortatur vniuersum suū populum ad lectionem sanctarum scripturarum apud Ioā. in cap. 5. Et ciues Berrhœenses in Actis apostolicis scrutantur domi priuatim scripturas, ac dispiciunt num in scripturis ea quæ Paulus palàm docuerat contineantur. Ita cum diues epulo in tormentis tartari dimissionem peteret, donec fratres suos admoneret, diligenter cauerent ne & ipsi tātis manciparentur tormentis, audit protinus, Habent

A. A. 17.

Luc. 16.

F V N D A M. F I R M I

legem & prophetas, &c. S. Paulus de hac eadem scriptura in 2.ad Timoth. cap. 3. manifestissimè testatur: posse eam nos erudire ad salutem per fidem in Christum Iesum, vt integer sit Dei homo, ad omne bonum opus apparatus. Si quis autem his simplicissimis planè, nondum expeditus nec plenè institutus ac satius, mauult adhuc scrutari curiosius ampliora, & de his altercari pertinacius, is sanè queritur iniquissimè negotium religionis esse plexum & contentionibus diuulsum. Ipse enim nodum in scirpo quærit, & sua sponte litem mouet, qua facile carere posset.

De Traditionibus.

Marc. 7.

De traditionibus autem seniorum aut patrum, & constitutionibus humanis, quas verbo Dei adiunxerunt & obtruserunt ecclesiæ, dixit in euangelio secundum Marcum dominus, Rectè dixit de vobis hypocritis Isaias, Populus hic honorat me labijs suis, cor autè eorum procul abest à me. Frustra verò me colunt, docentes doctrinas, quæ sunt mandata hominum. Nam omissio mandato Dei, tenetis traditionem hominum, &c. Cum autem hanc domini doctrinam pharisæi iniquissimo ferrent animo, atque hoc domino indicaretur à discipulis, respondit dominus, Omittite illos. Sunt enim cæci & duces cæcorum. Si quis autem his simplicissimis planè, nondum expeditus

tus

tus nec plene institutus ac satiatus, &c. vt supra.

Multi inquirunt, disputant & altercantur ^{Quis & qualis deus} de Deo, quis & qualis, & quid de ipso sentiendum, & credendum sit. Hi omnia Dei mysteria perscrutari (quod tamen nemo præsumeret mortalium) conantur, & sua lance singula exactissimè expendere. Cæterùm mysterium hoc in Christo domino, quantum nobis satis est, aperitur. Etenim Deus summum hoc mysterium quàm simplicissimè & significantissimè pro captu humano, quo esset intellectu facillimū exponit, dum filium suū vnigenitum incarnari voluit, nimirum, vt scire desiderātes quis & qualis sit Deus & quid de ipso sentiendum sit & credendum, denique quid de ipso sperandum, animi oculos rectā in solum Christum Dei filium intenderemus diligenterque obseruaremus, quæ ab ipso audimus, & in ipso cernimus atque inuenimus. Inuenimus autem in eo summam sapientiam, potentiam omnium maximam, omnemque perfectionem omnium bonorum, gratiarum atque donorum, adde & omniū exactissimā benignitatem cū bonitate immensa, erga miserum genus mortalium. Scit ille vniuersa: potest omnia. Nec impeditur ille vlla locorum distantia, siquidē iuuare vult. Vult autem iuuare, imò omnia ea

F V N D A M. F I R M I

benigne vult, quæ homini sunt vtilia & ad salutem eius necessaria. Quisquis aut hæc intelligit, & ista in Iesu Christo vnico Dei filio cernit, quid aliud ille de Deo sentiendum colligit, quàm Deū esse æternū, immensum, omnisciū & omnipotens bonum, perfectissimū & inexhaustum thesaurū bonorum omniū tam temporariorū quàm æternorū, quæ ille sua sponte & liberaliter donat atq; profundit in genus mortalium, & quidem eo modo eaq; mensura quæ ipsi placuerit & nobis necessaria visa fuerit: quando ille nos homines tanquam benignus parens charos diligit liberos.

Ioan. 14.

Hanc ob rem quando Philippus in euangelio secundū Ioan. ad Dominū diceret, Domine ostende nobis patrem, & sufficit nobis. Excepit hoc Dominus & respōdit: Tanto tēpore vobiscū sum & non cognouisti me? Philippe, qui vidit me vidit patrē, & quomodo dicis tu, ostende nobis patrē? Hoc aut dixit Dominus non quod sentiret patrē & filium indistinctas esse personas, aut patrem etiam esse incarnatum, sed quod ostendere vellet homines in Christo intelligere quis & qualis sit Deus, quodq; patris & filij essentia & diuinitas eadē vel æqualis sit essentia & diuinitas, & quod pater per filium operetur opera ex quibus colligamus æqualitatem ipsorum, cognoscamusq; quæ

quæ debet & possunt de Deo cognosci. Vnde ipse mox apud Ioã. subiungit, Pater qui in me manet ipse facit opera. Credite mihi quod ego in patre sim, & pater in me. Alioqui propter ipsa facta credite mihi, &c. Si quis autem de his simplicissimis planè, &c. vt supra.

Et dum nonnulli hic altercari incipiunt de ipsa adoranda trinitate, ac dicunt non posse demonstrari verbo Dei tres esse in trinitate personas distinctas. Quod si verò tres sint distinctæ personæ, vt nulla ex his id sit quod est altera, necessario consequi tres quoque esse deos distinctos, dirimunt hanc pugnam & totum hoc negotium illustrent ipsemet pater & filius. Dum enim Christus in Iordane baptizatus ascenderet ex baptismo, superne cœli aperti sunt, & quàm significantissimè explicatum est nobis mysterium hoc, ostensæque sunt personæ distinctæ, in vna indiuisa diuina essentia. Pater enim de cœlo super filio suo Iesu Christo testificatur & ait, Hic est filius meus dilectus. Vbi sanè quàm apertissimè cernimus distinctas personas duas. Ad hæc descendit etiam spiritus sanctus super Dominum in specie columbæ. Ergo dum Dominus noster postea discipulos baptizare iuberet, dixit, Baptizantes eos, in nomen patris & filij & spiritus sancti. Atqui dixit ad

De sancta
trinitate &
unitate
Dei.

Math. 3.

Math. 28.

F V N D A M. F I R M I

2. Cor. 1. Corinth. apostolus, Non estis baptizati in vltimos homines, in nomine Petri aut Pauli, &c. Præterea declarat ipse Dominus doctrinam illam suam de trinitate, ostendens quod ideò non sint tres dij, sed vnus tantum Deus. Reperit enim apud Marcum in 12. ex lege præcipuum Dei mandatum, & ait, Audi Israel Dominus Deus tuus Deus vnus est. Et iterum Ioá. 17. Hæc est aut vita æterna, vt cognoscant te solum Deum verum, & quem misisti Iesum Christum. Congruit cum his & doctrina apostolica, dicente Paulo, Etiam si sint qui dicantur dij & in cælo & in terra (sicut sunt dij multi & domini multi, nobis tamen vnus est Deus pater ille, à quo omnia & nos in ipso, & vnus est Dominus Iesus Christus, per quem omnia & nos per ipsum. 1. Corinth. 8. Si quis autem his simplicissimis plane, &c. vt supra.

De vera diuinitate filij Dei.

Iam quod quidam in dubium vocant veram Christi diuinitatē, quasi pater ei nomen duntaxat non essentiam communicauerit, itaq; patre minor sit, qui aliquid modo diuinitatis ei impartitus sit, impia hac sua opinione manifestè sese Iudæis & Turcis coniungunt. At validissimè reuincuntur ab ipsis Christi apostolis, & ipsomet Domino Iesu, qui apud Ioannem palàm dicit, Amen amē dico vobis, antequā Abraham esset, ego sum. Dixit idem
ad di-

Ioan. 3.

ad discipulos suos, Creditis in Deum, & in me credite. Ioannes quoque ait, In principio erat verbum, & verbū erat apud Deum, & Deus erat verbum. Et iterum, Scimus quod filius Dei venit, hic est Deus verus & vita æterna. ita testatur S. Paulus ad Rom. 9. Christus est ex patribus secundum carnem, qui est Deus super omnia benedictus in secula. In quo testimonio diserte exprimitur utraque in Christo natura tam humana quàm diuina: Sicut & ipse Dominus colligit ex Psal. Davidis 110. apud Matthæum in cap. 22. Si quis autem his simplicissimis planè, &c. ut suprà.

Ioan 14.

Ioan. 1.
1. Ioan. 5.

Sed & de humana Christi natura altercantur nonnulli contendentes filium Dei non passibile & infirmitatibus obnoxium corpus, sed impassibile & ab omni infirmitate alienū corpus suscepisse: item à morte & clarificatione deificatum & veluti in spiritum conuersum, humanitatis naturam deposuisse. Atqui testatur contra fœdissimum hunc errorem sacrosanctum euangelium & dicit, Verbum caro factum est, & conceptum quidem in vtero intemeratæ virginis, & ex eadem, ut matre verissima, prognatum. Est enim semen Abrahæ & Davidis. Similis per omnia factus fratrib. suis, excepto peccato. Ideoq; ipsemet dixit in euangelio, Tristis est anima mea usq;

De vera
Christi hu-
manitate.

Ioan. 1.

Lucæ 2.

Hebr. 2.

Matth. 26.

F V N D A M. F I R M I

ad mortē. Proinde attestatur euangeliū quod verè mortuus sit in cruce, tertia autē die resurrexerit ex mortuis, retinueritq; verū suū corpus, qd̄ neq; defictū sit neq; cōuersum in spiritū: ideoq; semetipsum exhibuerit cōtrectandum suis discipulis, ascenderit quoq; visibili corpore in cœlū, inspicientibus hoc discipulis suis, cōsederitq; in dextera patris, verus Deus & verus homo, vnus Christus, manens in duabus distinctis naturis & in vna inseparabili persona. Si quis autem, &c. vt suprā.

Quomodo controuersie de adorando inuocando & colendo uno Deo, de imaginibus & sanctorum reliquijs, de oratione & intercessione, in Christo & per doctrinam eius desiniantur & commode dirimantur.

C A P V T IX.

De adoran
do.

DE adoratione Christus dominus adeo perspicuè ecclesiam suam instituit, vt nemo de ea vllā nisi summa cū iniuria contentionē instituatur. Cum enim adorari peteret fatā à domino, respōdit hic, Abi satana. Scriptū est enim, Dominū Deū tuū adorabis & illi soli seruiēs. Et iterū dicit in euangel. dominus, Veri adoratores adorant patrē in spiritu & veritate. Nam & pater tales requirit qui ipsum adorent. Nam Deus est spiritus, & eos qui adorant

Matth. 4.

Ioan. 4.

dorant eum, spiritu & veritate ipsum adorare oportet. Quotquot autē Deū ad hūc modū adorant, non possunt sanè aliū adorare quā Deū: nec disputant an crux Christi, an deipara virgo, an angeli & diui sint adorandi, cū certò sciāt adorationē nemini cōpetere nisi Deo soli: præterea ipsos diuos repudiare à se adorationē nolleq; adorari ab hominibus. Cecidit quondā ad angeli pedes S. Ioānes, adoraturus angelū, non vt Deum, aut ꝑ Deo, sed vnā cū Deo & tanquā eximiū multoq; se præstantiorē Dei seruū. Sed angelus increpuit ipsum, ac dixit, Vide ne hoc feceris. Cōseruus tuus sum & fratrum tuorum. Deum adora. Apoc. 14. 19. 22. Si quis autē his simplicissimis, &c. ut suprà.

Ad eūdē modū dominus noster Iesus Christi suos q̄ expeditissime instituit qd sentiāt de inuocatione & intercessione. Dū enim in carne versaretur nobiscū in terra, non legitur vnquā inuocasse quenq; nisi solū Deū patrē, neq; alium inuocandū docuisse. Extat diserta hæc Dei lex in hæc verba pronunciata, Inuoca me in die tribulationis, & eruam te, & sic honorabis me. Psalm. 50. Proinde cum dominus noster nos doceret in euangelio orare, dixit, Cum orare volueritis, dicite Pater noster qui es in cœlis, &cæt. Non potest illa oratio vlli creaturæ, neque in cœlo neque

De inuocādo orādo et intercessore.

Matth. 6.

F V N D A M. F I R M I

in terra, accommodari aut communicari. Hortatur præterea fideles vt sine intermissione orent; & alius pro alio, dum hic viuatur, oret. Pollicetur quoque se exauditurum orantes; id quod apud Lucam extat in capite 11. & 18. Hæc qui à Christo domino didicerunt, disputare desinunt, An orandum sit? An accepta & gratia sit hominis oratio Deo? An proficit etiam hominibus? An preces etiam diuis offerendæ sint, et an inuocandi diui? Intelligunt enim preces soli Deo esse offerendas, & verissimæ & perfectissimæ esse, quæ dominus docuit de inuocatione. Si qui verò nihilominus disputare & contendere cupiunt, insaniant licet cum ratione libenter, quandoquidem sanis sermonibus Iesu Christi non acquiescunt.

Solus Christus intercessor apud patrem.

Porro occlamantibus, Cum peccatores sumus, vetat nos religio illotis pedibus irrumperere in conspectum maiestatis Dei, iubetque modestia patronum vel intercessorem ac aduocatum deligere, qui negotium nostrum Deo commendet. His inquam semetipsum statuit mediatorem intercessorem & aduocatum Dominus, & ait, Venite ad me omnes qui laboratis & onerati estis, & ego vos reficiam. Item, Amen amen dico vobis quæcunque petieritis patrem in nomine meo, dabit vobis. Quamobrem

Matth. 11.
Ioan. 16.

obrem & Ioannes apostolus nos eadem docuit & dixit, Filioli, si quis peccauerit, aduocatum habemus apud patrem, Iesum Christum iustum. Et ipse est propitiatio pro peccatis nostris: non pro nostris autem tantum, sed pro peccatis totius mundi. Quis hinc non intelligat & colligat nos apud patrem habere mediatorem & intercessorem? Quid verò requiras in Christo domino? Si autem nihil requiris, & agnoscis instructissimum esse ad hoc officium, cur non solius intercessione omnium perfectissima contentus, ipso solo intercessore apud patrem vteris? Aut quem tu putas patri magis acceptum gratumque esse, quam hunc eius vnigenitū filium? Si quis autem se his absolutissimis doceri non sustinet, sed pergit etiam alia quærere, quærat ibi licet vbi profecto nihil inueniat. Orandus erat pro hoc dominus, ut miser planè Christum quoque agnoscat & in ipso requiem inueniat.

Cum autem dominus noster Iesus Christus in templo suo ferre noluit mensas nummulariorum & cathedras venditium columnas, sed his euerfis, ementes præterea & vendentes flagello ex templo eiecit atque proturbauit, ac dixit, Auferte illa hinc, & ne feceritis domum patris mei domum mercatus: cui obsecro verisimile videatur quòd idola patien-

1 Ioan. 2.

De imaginum usu in templo.

Ioan. 2. & Matth. 21.

F V N D A M. F I R M I

ter tulisset, si prostare cōperisset in tēplo? Ex-
turbasset & illa proculdubio ex templo atq; di-
xisset, Auferte illa hinc, & ne feceritis domū
patris meæ domū idolorū. Ipse enim palām te-
statur, se non venisse ad soluendū legē & pro-
phetas, sed ad implendū. Quis aut nesciat & le-
gem & prophetas districtè prohibere idola,
hoc est, ne vel Deus ipse vel vlla creatura vlla
exprimatur imagine atq; colatur ab homini-
bus? Quin potius vbi illa prostant, tollere iu-
bet. Quod dicitur retinendas esse imagines vt
imperitos doceant & rerum diuinarum admo-
neant, ineptissime dicitur, quod dominus ec-
clesiæ suæ dederit verbum sacramenta & alia
quibus populum suum erudit, & quidem lon-
gè euentius quàm vllis fieri possit pictu-
ris. Negat apostolus conuenire inter se tem-
plo Dei & idolis, 2. Cor. 6.

Matth. 5.

Exod. 20.

Deut. 4.

Isaïæ 40.

& 44.

De Reli-
quijs.

Nihil porrò reliquit nobis Dominus noster
Iesus Christus vel de suo ipsius corpore, vel
tantillū rerum corporearum, quod reliquia-
rum loco extolleremus nedū veneraremur.
Neq; harum rerum quicquā commendarūt
nobis sancti Christi apostoli, qui tamen om-
nia nobis tradiderunt, quæ ad salutem nostrā
& absolutum Dei cultum pertinere vidētur.
Spiritus Dei, verbum veritatis, oratio fideliū,
sancta quoq; Christi sacramenta, opera chari-
tatis

tis & innocentia, patientia in cruce, ac perseverans spes, reuera sunt sacrosancta reliquia Christi. Et qui ita sentit, non ideo vilipendit sanctos Dei in caelis cum Christo agentes, quod ossa vel reliquias eorum non exponit et veneratur. Non enim hoc ipsi fieri voluerunt. Fides potius eorum & virtutes varię nobis sunt per imitationem sanctam exprimenda, de eis honorifice sentiendum, neque ferendum ut quisquam de amicis Christi maligne loquatur.

Iam vero cum dominus apertissime dixerit, Dominum Deum tuum solum coles, (en solū Deo. *De colendo Deo.*) uelit autem Deus se coli spiritu & veritate: cuius rei ipse etiam Paulus meminit Rom. 1. Phi. 3. nullo negotio ex his colligit fidelis, nolle Deum coli, auro, argento, gemmis, ac rebus preciosis: vel le potius ut hæc contemnamus & conculcemus, humiles & modesti simus, ipsique seruiamus in fide, spe, & charitate. Et quia dominus *Marci 14.* pauperes nobis commendauit in euangelio, quibus impartiri iubet, quod ipsi velimus impedere, fideles benefaciendo proximis & pauperibus. imprius, seruiunt Deo: sua ite corpora hostiam viuam, & spiritualē Deo offerunt per patientiam & sanctimoniam. Offerunt denique Deo preces perpetuas & gratiarum actiones pro Christo. Et hunc dei cultum verum docuerunt nos proph. & apo. Isa. c. 1.

F V N D A M. F I R M I

Ieremias in 7. Micheas in 6. Zacharias in 7. & 8. apostolus quoq; Petrus in 1. Pet. 2. ca. & apostolus Paulus in 12. ad Roman. & ad Hebr. 12. ca. Si quis verò spretis his omnibus, mauult contendere, & imagines, reliquiasq; coaceruare, sumptus item conduplicare, aurum, argentum, gemmas & res preciosas offerre in templum, is desinat posthac conqueri de impensis molestijsq; nimijs, quibus ipse sese sua sponte & stultè onerat, à Deo autem non oneratur. **Quinimo** expendat apud se quid illud sit, quod per prophetâ clamat dominus, *Quis requisivit hæc de manibus vestris?* Et frustra colunt me homines humanis constitutionibus. Expendant hic quoq; , qui sic pergunt in suo instituto pertinaciter quo iure quâue iniuria persequantur ferro & igne eos, qui simplicem domini Dei doctrinam & exemplum Christi sequentes hæresibus & superstitionibus explosis semel omnibus, Deo religiosè seruiunt. Inspiciant saltem Lactantij veteris scriptoris libros, & discant ex his, an in primitiua ecclesia fuerit imaginum vllus in templis vsus , an verò auro, argento , & rebus pretiosis coluerint Deum, aut talem cultum approbauerint.

*Quomodo controuersia de electione
prædestinatione & prouidentia Dei,
de corruptiõe generis humani, de pec*

cato

Isaie 66.

Matth. 15.

cato, de libero arbitrio & merito hominis
in Christo & per doctrinam eius definian-
ture & commodè dirimantur. C A P. X.

Disputatur hodie à multis & disceptatū De æternā
est olim quoq; , an certus sit destinatus Dei electio-
ne.
electorum à Deo ad vitam æternā numerus,
an citra omnem delectum omnes ad vitā æter-
nam electi sint homines? Christus verò domi-
nus noster simplicissimè discipulis suis, inter
quos tū quoq; Iudas erat, dixisse legitur, Non
loquor de vobis omnib. scio quos elegerim. Ioan. 13.
Sed & apostolus Paulus, Solidum, inquit, fun- 2. Timot. 1
damentum Dei stat, habens figillum hoc, No-
uit dominus qui sint sui, &c. Rursus verò di-
cit in Evangelio dominus, Vos non creditis,
quia non estis ex ouibus meis : sicut dixeram
vobis, Oves meæ vocem meam audiunt, &c.
Ioan. 10. Nihil ergo certius est, quàm esse ele-
ctionem apud Deum, eamq; soli Deo esse co-
gnitam, & quod electi saluantur, neque quis-
quam eos rapiat ex manibus Dei.

Proinde cum nonnulli curiosius de nume- Multi, ne
ro electorum perscrutantur, & de hoc negotio an pauci e-
ita loquuntur ac docent, vt simplices de sa- lecti.
lute sua addubitare incipiant, ac querantur i-
gnorare se porro electi sint an reprobi, mede-
tur huic morbo fideliter in euangelio domi-
nus. Cum enim quidam curiosius interroga-

F V N D A M. F I R M I

ret, & diceret ad dominũ, Domine num pauci sunt qui seruentur? respondit illi dominus & dixit, Contédite intrare per angustam portam, &c. Sciebat quidem dominus tenebatq; exactissimè saluandorum numerum, non tamen respondebat hunc vel copiosum esse vel exiguum, sed potius dicit, Contendite intrare per angustam portam: docés vtiq; non esse nobis sollicitè quærendum de numero electorum vel saluandorum, sed huc magis omnes nostras vires, Dei inuocato auxilio, intendendas, vt obsequentes doctrinæ salutarì contendamus ingredi in vitã æternam. Id cùm à quo uis nostrum requirat, & per euangeliũ omnes nos, nullo excluso, ad se vocet benignissimè, iubeatq; nos auscultare verbo, orare & petere fidem & gratiam Dei, deniq; abundantissimè nobis offerat & polliceatur omnia ad salutẽ & vitã beatã necessariã, imprimis verò quod morte sua credentes seruare velit, obsequendum sanè est singulis nobis salutarì eius consilio, & audiendum verbum Dei, orandum pro fide, bene sperandum de Dei gratia per Christum nobis oblata, firmiterq; credendum nos esse de ouibus eius. Agendæ præterea sunt gratiæ Deo, cùm in mentibus nostris tractum & consolationem eius persentiscimus.

An verò vniuersæ res nostræ diuina gubernen-

De præde-
stinatione
& prouidẽ-
tia Dei.

bernentur prouidentia, ac in manu eius sit vita & mors hominis, ipse rursus in euangelio dominus noster nos erudit & ait, Vestri etiam capilli capitis omnes numerati sunt. Itē, *Math. 10. 29*
Non potes tu vnum capitis tui capillum al- & 10.
bū aut nigrū facere. Et iterū, Nōne duo passeruli (inuifum auium genus) asse vaneunt, & vnus ex eis non cadit in terram sine patre vestro? Et vos quidem multis passeribus præstatis. Quibus sanē omnibus docet omnes homines diuinæ se prouidentiae tutò credere committereq; debere: quòd cura sit illi de nobis. Ita enim docuit nos Dauid quoq; dicens, De- *Psalmo 37.*
uolue super dominum viam tuam, id est, cōmitte vitæ tuæ institutum domino, & spera in eum, & ipse faciet. Quo & sanctus Petrus *1. Petri 5.*
respexit & dixit, Omnem curam vestram conijcite in illum. Nam illi cura est de vobis, & cætera.

Interim verò cauendum est modis omnibus ne quis suæ ignauiae diuinam prætexat prouidentiam, aut media à Deo instituta aspernetur, quibus in perficiendo opere vtitur, ac dicat, quod multi solent, Si dominus vult hoc fieri, ac sua prædestinatione ita prædefiniuit, non poterit non fieri, neque vllis precibus aut medijs impediri. Christus enim dominus qui & diuinam prædestinationem agnoscebat

F V N D A M. F I R M I

& se totum commiserat diuinæ curæ & prouidentia, nihilominus nunquam præcari desijt, sæpissimè quoq; hostiũ insidias fuga maturatione declinauit, hostesq; fefellit, deniq; in omni vita sua accommodauit se medijs non iniquis: atq; eo modo nos docuit eadẽ non aspernari. Si verò consilium hoc dõmini spreuerimus, & maluerimus curiosas de prædestinatione & prouidentia Dei quæstiones neçtere, haud dubiè implicabimus non extricabimus nos, nullũq; hinc salutarẽ fructũ percipiemus.

De peccato Multum præterea disputatur de Originali peccato & corruptione per Adamum generis humani: sed breuissimis illa omnia absolvens seruator noster Christus, Nicodemo & cuilibet nostrum dicit, Nisi quis renatus fuerit denuo, & ex supernis, non poterit videre regnum Dei. Quibus verbis omnes hominis vires, vt inefficaces ad consequendum regnũ Dei reijcit. Nam si prima ex carne natiuitas consequi queat regnum Dei, quid obsecro opus erit regeneratione secunda, id est, spiritali aut cœlesti? Omne quod mundum vel purgatum est nulla profectò putatione aut ablutione eget. Nunc verò mandauit dominus in lege veteri masculos circumcidere, in nouo præcepit baptizare, id est abluere. Vnde consequens est, genus humanum ab ipsa prima
ex Adam

ex Adá sui origine & ex ipsa natiuitate, ex v-
tero matris, corruptũ esse & impurũ. Quo no-
mine Deus iure nobis irascitur & nos æternũ
perdere posset. Est itaq; maximoperè necessa-
ria Dei gratia & purgatio generi humano, a-
lioqui perditio. Qua de re fusius agit aposto-
lus ad Rom. cap. 5.

Et cùm hæc ad hunc modum & certissimè
ita se habeant, frustra sanè & ineptissimè mul-
tis contenditur à multis de libero hominis ar-
bitrio. Nam & alibi dicit in euangelio domi-
nus, Amen dico vobis, quòd omnis qui facit
peccatum, seruus est peccati. Ceterum omnes
homines concipiuntur & nascuntur in pecca-
tis, indigentq; cœlesti regeneratione. Proinde
omnes serui sumus peccati: & nulla quidẽ ne-
cessitate adaçti, sed nostra sponte peccamus
ex nostro ingenio, & malum pro nostra volũ-
tate mala perficimus: nisi dominus suo iudi-
cio suaq; potentia (quod sæpè fit) malum hoc
impediat aut tollat. Ad bonum verò perficien-
dũ serui peccati minimè sunt liberi, sed oportet
eos liberari aut libertati donari, ex gratia
per Christum Iesum, ut bonum intelligát ve-
lint atque possint & in eo perseuerēt. Quem-
admodum rursus in euangelio testatur domi-
nus, & ait, Nemo venit ad me, nisi pater meus
traxerit eum. Et iterum, Sine me nihil pote-

De libero
hominis ar-
bitrio.

Ioannis 6.

Ioan. 15.

F V N D A M. F I R M I

stis facere. Testatur de his etiam Paulus & ait, Non sumus idonei ex nobisipsis ad cogitandum quicquam, velut ex nobisipsis, sed
2. Cor. 3. quod idonei sumus id ex Deo est. Et iterum,
Philip. 1. 2. Vobis datum est in Christi negotio non solum in eum credere, sed etiam pro eo affligi. Item, Deus est qui efficit in vobis, & vt velitis & vt efficiatis, pro gratuita sua beneuolentia.

**Libertas
Christiana.**

Vbi tamen & hoc considerandum venit, quod tametsi fideles per Christum libertate donentur, vt bonum quod faciunt liberè faciant, remanere tamen in ipsorum corporibus infirmitatem agnatá & reliquias peccati: quo fit, sicuti apostolus ad Romanos capite septimo & Galatas 5. testatur, vt fideles non faciant quod volunt, sed quod nolunt perpetrent. Hanc ergo culpam omnes sanctos per omnem vitam deprecari, ac in finem vsque vitæ ita orare, vt docuit dominus, Et remitte nobis debita nostra. Iccirco nihil hi qui hoc sentiunt grande malum, gloriantur de libero arbitrio, sed potius permanent in humilitate & sub iugo Christi.

De merito.

Cum verò non aliter constitutæ sint res fidelium, quis oro prædicabit coram Deo sua merita? Dominus in euangelio dicit, Cum feceritis

eritis omnia quæ dicta sunt vobis, dicite, ser-
 ui inutiles sumus. Quod facere debuimus, fe-
 cimus. Lucæ capite decimosextimo. Tametsi De mercede.
 verò de mercede loquatur alicubi scriptura, de.
 multamq; eius mentionem faciat, certum est
 tamen & mercedem illam quæ datur pijs gra-
 tiam esse, non meritum. Nam quod Deus
 peccata nostra punit, id quidem est eius iusti-
 tiæ & nostri meriti : quod autem merce-
 dem persoluit nostro bono operi, quod ex i-
 psius gratia facimus, non ex nostris viribus,
 hoc quidem non est nostri meriti, sed illius
 gratiæ. Proinde nos qui promissum præmi-
 um à domino accipimus, non debemus glo-
 riari de nostro merito, sed magis manentes in
 humilitate de eius gratia, sicuti nos docuit a-
 postolus in 1. ad Corinthios primo & quarto
 capit. Idem in eadem epistola, Amplius quàm
 illi omnes laboravi, inquit, non ego tamé, sed
 gratia Dei, quæ mecum est, 1. Corinthios cap.
 5. Si quis autem his simplicissimis planè, &c.
 ut suprà.

*Quomodo controuersie de iustificatio-
 ne per solam fidem, & de bonis operib.
 de pœnitentia uel emendatione uitæ in
 Christo & per doctrinam eius desiniant*

F V N D A M. F I R M I

tur & commodè dirimantur.

C A P V T X I.

*De iustifica-
tione.*

STupendæ admodum concertationes in
Ecclesia Dei inter fideles sunt exortæ de
iustificatione, id est, de eo, per quid homo pec-
cator consequatur remissionem peccatorum
& reputetur vel pronuncietur corâ Deo ius-
tus & hæres vitæ æternæ? an hoc fiat per fi-
dem solam, an etiam per bona opera? Multi
ex æquo partiūtur inter fidem & opera. Mul-
ti hic plus fidei tribuunt, quàm operibus. Mul-
ti contra plus operibus hic attribuunt quàm
fidei, quibus etiam fidei nomen planè est exo-
sum. Mirum in modum autem perspicuè eui-
denter & eleganter hoc mysterium exposuit
nobis dominus & saluator noster Iesus Chri-
stus, qui apud Ioannem in capite tertio ita di-
cit, Et sicut Moses exaltauit serpentem in de-
serto, ita oportet exaltari filium hominis, vt
omnis qui credit in eum, non pereat, sed ha-
beat vitam æternam. Nam sicut illi qui in de-
serto infecti erant lethifero veneno, sanitati
non restituebantur per vlla opera, sed dunta-
xat per contuitum vel aspectum ænei serpen-
tis: ita sanè nemo à peccatis suis mundari
& iustificari potest vllis operibus, sed sola
fide in Christum. Nam dominus noster Iesus
Christus contuitum serpentis significanter
expo-

*Sola fide
iustifica-
mur.*

exposuit per fidem in ipsum . Quid quod idem ipse mox in verbis consequentibus tertium repetit & expressissimè pronunciat fide nos in Christum seruari.

Apud Ioan.in cap.6. doctrinam hanc de fide iustificante copiosissimè exponit. Et cū domino congruit apostolus Paulus, qui & ipse hanc causam tam dilucidè exponit, vt dilucidius à nemine explicari posset. Dicit enim ad Ephes. cap. 2. Ex gratia salui facti estis, per fidem, & hoc non ex vobisipsis. Dei donum est: non ex operibus, ne quis glorietur. Nam ipsius sumus factura conditi in Christo Iesu ad opera bona, quæ præparauit Deus vt in eis ambularemus. Præterea hoc ipsum iustificantis fidei negotium adhuc planius & fusius explicat idem apostolus ad Rom. 3. 4. ad Galat. 2. & 3. & ad Titum 3. cap. Quò maximè pertinent præcipua illa fidei nostræ Christianæ capita, Credo remissionem peccatorum, carnis resurrectionem, & vitam æternam. Qui huic æternæ Dei veritati innituntur, & in ipsam se se collocant, securi consistūt super petra viua & immota. Qui verò sua extruunt in sua opera, illi in harenam ædificant.

Quod autem remissio peccatorum & iustitia hominis Christiani non extruitur super opera nostra bona, non ideò reiiciuntur verè

De bonis operibus.

F V N D A M. F I R M I

bona opera, neq; dicitur à quoquam fidelium ea esse superuacanea, eaq; de causa non facienda. Cuicumque enim ex gratia Dei per Christum Iesum condonata sunt peccata, is iam coram Deo iustus vel iustificatus est. Deus enim huic sua peccata nō imputat, imputat autem ei iustitiam Christi. Cumque fidelis iustificatus sit, non potest sanè iustus non nisi iustitiam vel iusta opera facere. Quæ operantem non iustificant, cum antea sit iustus, sed sequuntur ex iusto, & sunt veluti fructus veræ fidei boni.

1. Ioan. 3.

Adhortatio ad bona opera.

Ioan. 13.

Rom. 13.

Ad huiusmodi opera fidei facienda multis in locis per euangelium fideles adhortatur dominus. Nec bonorum operum formas nouas comminiscitur & tradit suis, sed veteres recolligit ex lege, & concludit in charitatem, dicens. In hoc cognoscent omnes quod discipuli mei sitis si charitatem seruaueritis inter vos mutuam. Sed & Paulus apostolus, Consummatio legis, inquit, est dilectio. Adhæc ne quis iure videretur conqueri, nescire se quænam sint verè coram Deo bona opera, quæ cultor Dei faciat, sancti apostoli Christi diligentissimè omni hominum ætati, sexui, atq; ordini: præscripserunt officia pro cuiuslibet vocatione, docentes quid priuatim, quid publicè faciat. Videre hoc licet in epistola Pauli ad Timoth.

moth. & Titum, vbi inter alia, Hęc inquit doce, in his esto. Quod si feceris eris fidelis Christi minister, seruabisq; te & qui fidei tuę commissi sunt, &c.

De Monachismo autem operibusq; monachorum ne verbum quidem vllum vel à Christo vel ab apostolis factum legas in euangelio & Actis scriptisq; apostolicis: nisi quòd quæ Dominus contra pharisæos Iudeorum monachos dixit, mirifice in hos nostros quoq; competat. Multa quoq; scripserunt apostoli Christi Domini quæ cõtra monachos faciunt: qualia sunt quæ leguntur ad Coloss. 2. 2. ad Theff. 3. & 1. Timoth. 4. 5. 6. & in 2. cap. 3. & pluribus locis alijs. At quorsum obsecro pertinet nouas bonorum operum formas comminisci, quis obsecro ea fecit opera bona, quæ Deus nobis præcepit? Ergo cui non satis faciunt bona opera ab ipso nobis domino mandata, ei dicit dominus, Frustra me colunt docentes doctrinas præcepta hominum. Quo & illud apostoli Pauli pertinet, Quicquid non ex est fide, peccatum est. Fides auté est ex auditu, auditus aut ex verbo Dei. Roman. 14. 10. cap.

Monachismus.

Math. 15.

Huc pertinet doctrina de pœnitentia, quæ nihil aliud est, quàm peccatoris seria auersio à satana & ab omni impuritate eius malitiæque, & conuersio vera ad Deum & pietatem, iusta

De uera pœnitentia & confessione.

F V N D A M. F I R M I

inquam vitæ emendatio secundum verbum Dei, per fidem in Christum. De hac multiplex est concertatio inter doctos, dum quæritur quot absoluator partibus, & qualis esse debeat cordis propter peccata contritio? Qualis esse debeat oris confessio? An sacerdoti oporteat confiteri peccata? An satis sit si quis Deo priuatim peccata confiteatur? An pro peccatis requiratur satisfactio, & qualis satisfactio? Cæterū saluator totum hoc pœnitentię negotium q̃ simplicissimè & elegatissimè nobis cognoscendū varijs proposuit in euāgelio exemplis, proponens nobis imagines verè pœnitentiū, q̃ propter agnita peccata sua seriò doluerūt, peccata sua Deo cōfessi sunt, ad Christum se vera fide conuerterunt, & vitam suā emendarunt. Tale proponitur nobis exemplum Matthæi & Zachariæ publicanorum, Peccatricis deploratæ & maximè infamis apud Lucam in cap. 7. filij item prodigi apud Lucam in cap. 15. item publicani, peccatorum mole oppressi, apud eundem cap. 18. Petri denique negatoris & latronis in cruce cum domino pendētis. Horum facta iubemur imitari quotquot veram volumus agere pœnitentiam. Proinde qualis fuit illorum contritio cordis dolorq; de commissio contra Deum peccato, talis & nostra debet esse contritio: & sicut illi
soli

foli Deo & nulli sacerdoti sua peccata confefsi sunt, ita debemus & nos confiteri ex intimo cordis sinu, Deo peccata nostra, sicuti nos docuit B. Ioannes apostolus epistola 1. cap. 1. Et quemadmodum isti vitam suam prauam emendauerunt & studio iustitiæ bonorumque operum sese consecrauerunt, ita nos quoque peccatis renunciare ac noua vita Deo inseruire debemus. Nam dominus noster Iesus Christus vnicus æternus & summus pontifex vel sacerdos ad dexteram patris, pœnitentes huiusmodi ipsemet absoluens à culpa & pœna, dixit in euangelio, Ecce sanus factus es, vide ne posthac peccaueris, ne quid tibi eueniat deterius. Ioannis 5.

Quando autem fidelis solum Christum agnoscit suam esse sanctificationem, satisfactio-
nem & redemptionem per quem consequutus sit remissionem peccatorum tam pro culpa quam pro pœna, iuxta doctrinam propheti-
cam & apostolicam Isaïæ 53. Rom. 3. 1. Cor. 1. & secundum articulos fidei Christianæ, non potest non floccifacere Romanas indulgentias & quicquid in officio, vt vocant, pœnitentiarum pro pretio aut numerata transigitur pecunia. Cum non exciderit memorabilis illa in Actis 8. D. Petri contra Simonem magum & omnes eius cōplices Simoniacos pronuncia-

De indulgentijs & mercibus Roman.

Simoniam

ta sententia. Si quis autem post hæc omnia vsque adeò plana, de his disputare operosius & quæstui vel lucro Romanen. patrocinari vult, is sanè impensius locupletabit vectigalia istorum hominum, quàm iuuet veram hominum peccatorum pœnitentiam. Scripsit autem contra hoc hominum genus B. apostolus Petrus in 2. epistola cap. 2.

Quomodo controuersie de ecclesia Christi ecclesieq; ministris, de sanctis item sacramentis, in Christo, & per doctrinam eius definiantur commodeq; dirimantur.

CAP. XII.

De ecclesia
Christi.

ITa sanè nihil opus esset disceptare & rixari odiosius, quod tamè multi solent, de capite ecclesie, eiusq; potestate, clauibus, ministris ac sacramētis, si placitis his de rebus hominū præteritis atque neglectis, audiremus solum Christum dominum eiusq; apostolos. Ista enim adeò perspicuè & simpliciter nobis exposuerunt, vt si ijs crederemus simpliciter, haberemus proculdubie plus pacis, minus contentionum inuidieq;. Christus enim vnicum est ecclesie sue caput, vnicus dominus, pastor vnicus atque sponsus & gubernator, vtpote verus Deus & homo verus, qui salutem vitamq; dat vniuerso suo corpori. Christus est in medio ecclesie sue, quam nunquam deserit sed sem-

Solus Christi
sue ecclesie caput.

semper regit atque conseruat spiritu & verbo suo. Sole clarius ista docentur in doctrina euangelica & apostolica. Proinde nihil opus est fidelibus in ecclesia, in qua ipse Christus præsens & caput est, Pontifice Rom. qui vel caput sit vel Christi vicarius. Fidei enim sufficit vnus Christus, qui omnia in omnibus adimplet. Quinimò in rebus Pont. Rom. obseruat fidelis impleri ea quæ à Dei prophetis & apostolis sunt prædicta, vt à Daniele in cap. 7. 8. & 11. & Apostolo 2. Thess. 2. Itaque fugit Pontificem cum sua Babylone, prout ipse nobis dominus vnà cum apostolis præcepit Apoc. 18. Rom. 16. 2. Cor. 6.

Est autè ecclesia Christi aliud nihil, quàm ^{Ecclesia Christi} communio sanctorum, extructa super vnica quid. petra Christo, vnici illius pastoris omniū electorum vnicum & verum ouile. Sicut autem oues, prout ipse testatur Christus, solius pastoris vocem audiunt, alienorum nō agnoscunt, ita fidelibus Christi membris per ecclesiā suffi ^{Doctrina ecclesiæ Christi.} cit vnica illa veritatis doctrina à Christo, à prophetis atque ab apostolis tradita. Et habet ecclesia Christi redactum in compendiū quid credat, articulos vel capita nimirum illa fidei Christianæ: habet quid faciat aut omittat decalogo expositum: habet item quid & quomodo oret dominica illa oratione comprehensum.

F V N D A M. F I R M I

Sunt illa prima principia & rudimenta nostrę religionis, quę deinceps in ecclesia quotidie illustrantur explicanturque & confirmantur doctrina euangelica, prophetica apostolicaq;. Ex istis verò quis non colligat frustra aut nullo cum fructu institui disputationes in ecclesia, de eo, an ecclesia leges promulget, quibus perinde vt diuinis obediendum sit legibus? an ecclesia doctrinam Christi & ritus eius mutare, augere aut imminuere possit? Certissimum est enim verę Christi ecclesię doctrinam & ritus Christi sufficere, cum intelligat ea omnibus numeris esse absolutissima.

De clauibus ecclesię.

Dedit quidem clauēs ecclesię suę dominus, vt his ministri vtantur ad salutem fideliū, aperiendo & claudendo cœlum, sed huiusmodi clauēs aliud non sunt, quàm verbi Dei verbiq; ministerium. Nam prædicatione euangelica aperitur fidelibus cœlum, infidelibus clauditur. Hac ratione etiam remittunt & retinent ministri peccata hominibus. Cum enim annunciant fidelibus certò fore, vt si credant, remissionem peccatorum consequantur, peccata remittunt. Cùm verò attestantur iram Dei manere super incredulis, retinent peccata. Vbi Christo domino potestas inuiolata vel integra manet soli & semper, ministerium verò commendatur permittiturque ministris.

Docetur

Docetur hoc diligenter in verbo veritatis, dū pronuntiatur imperium eius insidere humeris eius, ipsum denique portare & seruare clauem Dauidis, quò claudat atque aperiat. Est ^{Isa. 9.} ^{Apoc. 3.} præterea cognitum omnibus quid apostolus docuerit de ministris & ministerio in priore ad Corinth. 3. & 4. cap. Si qui verò operosius disputare & contendere instituunt de potestate clauium, hac ipsa re produnt se impensius suam ipsorum quàm Christi quærere gloriã, & quod sibi parare volunt nescio quas clauēs, ad quiduis potius quàm ad salutem ecclesiæ vtilēs.

Christus in hoc potissimum instituit ministros, vt colligant ipsi ecclesiam, vt ecclesiam ^{De ministris ecclesiæ.} doceant, instituant, admoneant, adhortentur, increpent & consolentur, idque ex verbo veritatis, quò Christus rectè cognoscatur, ei ex animo fidat ipsumq; legitimè colat ac honoret. Officium itaque ministrorum est colligere sana doctrinã ecclesiam, instituere in fide cum iuuenes tum senes, preces cum priuatas vrgeretum publicas celebrare, disciplinam exercere conseruareque, sacramenta administrare synceraq; retinere, prælucere item ecclesiæ exemplo vitæ sancto in omni pudicitia, modestia & honestate, visitare denique ægrotos, & omnia ea fideliter expedire quæ præcepit do-

minus ad conseruationem suæ ecclesiæ. Eph. 4. cap. Quotquot verò his præteritis concertant de præeinentia & dominio spiritualiũ, qui antecellant dignitate & modis omnibus vniuersos in terra reges & principes, ac inter semetipsos alij alijs sint potestate præstantiores, ceu sorices suo ipsorũ indicio, quales sint & quid quærant, manifestissimè prodũt, Christus verò Dominus vno veluti verbo tollit ex ecclesia fastum illum atque primatum illum vniuersum, cùm dicit discipulis suis, Reges gentium dominantur eis, & qui exercent in eas dominium vocantur benefici, gratiosi vtique domini benefactoresq;. Vos autem nõ sic: sed qui maior est inter vos, fiat sicut minor, & qui excellit ceu princeps, sit sicut is, qui ministrat, &c. Luc. 22. cap. Similia his alibi quoque docuit dominus magna cum auctoritate, vt apud Matthæum in 18. & 20. cap. Qui verò his spretis malunt suis disputationibus tueri atque promouere pfafforum fastum atque dominium, in eos quadrabit admodum appositè illud apostoli, libenter suffertis eos qui vos adigunt in seruitutem, qui vos excidunt, qui accipiunt & attollunt sese, & cædunt in faciem, &c. 2. Corinth. 11.

De sanctis
Christi sacramentis.

Sacramenta ipse dominus instituit eaque ipsemet vsurpauit, & quidem summa cum simplici-

plicitate & luce, ac sine sumptibus & pompa. Ergo quod de his instituuntur disputationes operosæ & inexplicabiles, vsurpanturq; ritus multiplices sine fine modoq; , ac pompa sumptuosa inuoluuntur omnia, vltro nobis accersimus molestiam, & cōduplicamus impensas, quibus nos nō aggrauauit Dominus, quibus denique carere, si sciremus, facile possemus.

Ioannes baptista prædicauit populo Israël ^{De sancto baptismo} euangelium, simul etiam omnes eos aqua baptizauit, qui profitebantur veram religionem volebantq; censerī nomine populi Dei. Attestatus est autem baptismo quod sicut corpora abluuntur aqua à sordibus, ita electos Dei gratia Dei, per Christum, purgari, ab impuritate peccatorum. Baptisatos quoque receptos & inscriptos esse in album filiorum Dei, obstrictosque esse ad veram vitam proficendam atque sanctè vel innocenter viuendum. Est autem Christus ipse in Iordane baptisatus aqua, iussitque discipulos suos baptisare aqua in nomen Patris & Filij & Spiritus sancti. Id quod apostoli fecerunt, sicuti testatur historia euangelica & apostolica. Cur autem in hac luce & simplicitate exercent multi odia & se mutuum affligunt propter nescio quos ritus & varias obseruationes circa baptismum usurpari solitas? Ab initio non

FVNDAM. FIRMI

**Infantium
baptismus.**

fuerunt hæc baptismo addita, & sine his fuit tamen efficax & perfectus. Quis verò dubitet efficacem & perfectum esse etiam nunc cum in antiqua illa sua simplicitate confertur atque accipitur? Aut cur obsecro contenditur adeò pertinaciter de infantium baptismo, quasi infantes non sint baptisandi? Quando enim baptismus est signum populi Dei: & infantes fidelium recensentur in numero populi Dei: quare oro negaretur his signum populi Dei? Sunt de his aperta argumenta apud Marcum 10. & in Actis Apost. 10. cap.

**De sancta
cœna do-
mini.**

Ad eundem modum instituit ecclesiæ suæ Dominus sanctam cœnam summa cum luce simplicitate & frugalitate. Eandem ipse primus celebrauit, celebrandoque omnibus obiecto suo vtique omnium perfectissimo exemplo ob oculos nobis cōmonstrauit quomodo celebrari eam velit, donec seculum fuerit. Colligit enim in cœtum apostolos suos: his concionatur de passione sua & nostra redemptione, item de officio fidelium: addit preces & gratiarum actionem. Simul autem panem accipit, frangit, porrigit, dicens, Accipite, edite, hoc est enim corpus meum. Hoc facite in mei memoriam. Similiter poculum accipit, gratias agit, porrigit hoc suis, & ait, Bibite ex hoc omnes, Hic est enim sanguis meus qui est
nou

Marc. 14.

noui testamenti, &c. His etiam vult retinere in memoria nec vlla vnquam obliuione adob-
rui delerique beneficium nostræ redemptionis per Christum: pro quo gratias agere iubemur, quoties hâc cœnam celebrauerimus. Ad 1. Cor. 10.
monemur præterea nostri officij, vt qui Christi sumus participes, emendemus vitâ nostrâ, synceri simus in fide, nunquam communicemus cum peregrinis religionibus, sed per fidem & charitatem maneamus in vnitatem corporis huius ecclesiastici. Quemadmodum au- Ioan. 6.
tem foris ore corporis participamus de pane & poculo domini, ita intus ore animi communicamus corpore & sanguine domini, vt hic viuatur in nobis & nos in ipso.

Proinde nihil porrò disputant fideles, An Forma cœ-
næ domini
cæ.
cœna peragēda sit vnâ cū specie an cū vtraq;? An celebranda sit missa, an peragenda Domini cœna? An cœna sit sacrificium expiatoriū pro peccatis viuorum & mortuorū? Abunde enim satis instructi sumus verbis Domini & saluatoris nostri Iesu Christi, dicentis, Bibite ex hoc omnes. Sed & Paulus in 1. Cor. 11. exhibuit vsum poculi vniuersę Corinthiorum ecclesię, ac disertè testatur hoc se facere ex mandato Domini. Præterea dicit Dominus in actione cœnæ, Hoc facite. Et eadem verba repetit & ait, Hoc facite. Quid verò mandauit

F V N D A M. F I R M I

cum dixit, Hoc facite? Nimirum hoc facite quod meo exemplo faciendum esse didicistis. Cœna est itaque peragenda & non celebranda Missa. Neque Christus ipse neque apostoli vnquam celebrarunt Missam. Ritus celebrandi Missas temporibus. diu post apostolorum tempora consequentibus, hominum industria inuentus est, atque sancitus. Et cœna quidem hæc Domini commemoratio est semel peracti sacrificij, nō ipsum sacrificium propitiatorium. Dicebat præterea, Accipite, edite: Quod cum solis competat viuentibus non mortuis, apparet apertè cœnam non esse celebrandam pro expiatione peccatorum hominum mortuorum. Et quidem post hanc lucidam explicationem mysteriorum Dei, nihil amplius requirit homo fidelis. Si cui verò nondum est factum satis, sed pergit varias nectere quæstiones, fateatur hic tandem oportet sua ipsius culpa miserum inhærere luto nec emergere vnquam.

*Sacrificiū
pro uiuis
& mortuis.*

*Quomodo controuersie quæ in ecclesia
exortæ sunt, de cura pro mortuis gerenda,
& de alijs nonnullis rebus, in Christo &
per doctrinam eius desiniantur & com-
modè dirimantur. CAP. XIII.*

*Quomodo
quisq; se
componat
ad mortem
beatam.*

Quisquis verò certam habere cupit formam ad quam se moriturus aliquando &

do & migraturus ex hoc seculo in sedes beatas componat, quam oro reperiet absolutio-
rem melioremque quàm ipsius Domini nostri Iesu Christi exemplum? Obseruet ergo quilibet quid ille fecerit moriturus & quomodo migrauerit ad patrem ex hoc seculo, imite-
turque exemplum hoc præstantissimum: sicuti & Stephanus fecisse legitur, qui seto- Aa. 7.
tum diuinæ voluntati commisit, patienter-
que sese Deo obtulit, ad extremum clami-
tans, Domine Iesu suscipe spiritum meum.
Nulla itaque opus erit posthac disputatione,
An animas nostras archangelo Michaeli aut
virgini Mariæ sub vitæ nostræ exitum com-
médemus? Audimus enim vni Deo per Chri-
stum eas esse commendandas. Tutissimum
& optimum est in hoc vno præsidium.

Ita etiam nulla erit porrò opus disputa- De purga-
tione, quonam migrantes à corpore animæ torio.
nostræ perueniant? Significanter enim di- Ioan. 3. 9.
cit Dominus noster, Omnis qui credit in me 6. 8.
habet vitam æternam: qui verò non credit,
manet in morte, neque viuet vnquam. Quic-
quid ergo extra hoc immotum fidei nostræ
fundamentum differitur de igne purgatorio,
quasi in alio illo seculo illis, qui hinc disce-
dunt, non prorsus boni neque tamen penitus
mali, paratus sit ignis quidam quo primum

F V N D A M. F I R M I

Ioan. 5.

quidem repurgetur remanens malum, deinde verò purgatus recipiatur in gaudia cœlestia, nullam meretur penitus fidem aut probabilitatem apud vere fideles, præsertim cum iterum dicat in euangelio Dominus, Amen amen dico vobis, quisquis audierit verbum meum & crediderit ei qui me misit, habet vitam æternam & in iudicium non veniet, sed transiit de morte in vitam. Si enim fidelis in iudicium non venit, proculdubio pœnam quoque declinavit & effugit, & per consequens etiam flammam vel pœnam ignis purgatorii. Pronunciat enim apertè Dominus, De morte transiit in vitam, id est anima fidelis hominis soluta à corpore rectà euolat in sedes beatas. Ita verò & fidem nostram confitentes dicimus, Credo remissionem peccatorum, & vitam æternam. Quod enim his nonnulli opponunt, culpam quidem remissam esse peccatorum, pœnam verò non item, confutatum est per Isaiam prophetam in 53. capite. Rursus quod obijciunt fieri ut quis hinc discedat non prorsus malus neque plene purgatus, qui certè non transferatur rectà in cœlum impurus, quum impurum in cœlo locum non habeat, dissolvitur à servatore nostro Christo in euangelio Ioan. dicente,

Qui

Qui lotus est non opus habet nisi pedes lauare, sed mūdus est totus: dominus enim aufert à nobis peccata, vt in ipso & per ipsius sanguinem plene simus mundi vel sanctificati.

Hæc cum certò ita habeant quid de maiorum nostrorum morte & cōditione post mortem aliud possumus ac debemus sperare, quàm cum in vera fide Christiana excefferint, translati sint ad cœlos, vbi viuant æternum cum Christo? Neque verò temerè hoc speramus de nostris maioribus. Iubemur enim sic sperare ab indubitata fide nostra Christiana. Ea enim si vera & certa est, vt falsa & dubia esse nequit: ac maiores nostri crediderūt vere remissionem peccatorum, & vitam æternam, dubio procul assequuti sunt quod crediderunt: iuxta quod diserte pronunciauit dominus, Fiat tibi secundum fidem tuam. Iam verò quid necesse fuerit, obsecro, eos iuuare nostris precibus. & varijs bonis operibus è tormentis liberare velle, qui in refrigerio & nullo sunt in infelici statu? Quinimo si perrexerimus eos prosequi varijs officijs, quasi liberaturi ipsos è tormentis, quid, obsecro, faciemus aliud, quàm quod solent qui verbis cōfessa, negant factis? Verbis enim confitemur, Credo remissionem peccatorum, & vitam æternam: factis autem conamur eos eripere ex tormentis: quod sanè pe-

Quæ impēdamus mortuis nostris maioribus.

Math. 8.
& 9.

F V N D A M. F I R M I

rinde est, ac si per eam fidem, in qua migrasse eos dicimus ex hoc seculo, nondum sint consequuti : Quod si veritas fidei Christianæ immota manet, ut sanè firmissimam manere oportet, indubitatura profecto est, maiores nostros frui vita æterna, & iccirco nullis nostris iuuandos esse officijs. Interim verò iubet nos pietas diligere mortuos, exoptareque desiderio sancto cùm domino visum fuerit cōiungi cum eis, honorem denique ipsorum tue ri & prouehere, & liberos ipsorum relictosq; in hoc seculo omnigenis prosequi beneficijs. Si qui verò maiorum nostrorum hinc soluerunt in incredulitate aut impietate, his nullis officijs subuenire potest fidelis. Vniuersa enim scriptura concorditer testatur impios re-
cta mergi in inferos.

Orare pro
defunctis.

Quod autem his perspicuis admodum eui-
dentibusq; opponitur orationem pro defun-
ctis, & curam pro mortuis in ecclesia diu v-
surpatam à pijs omniumq; vetustissimam & à
patribus traditam esse: responderi potest bre-
uiter, ea quæ articulis fidei comprehensa sunt,
nullis patrum traditionib. aboleri, infirmari.
Rursus vetustiora esse & authoritatis irrefra-
gabilis, quæ nobis ad eum quæ commemora-
uimus modum tradita sunt in scriptura san-
cta à Christo & ab electis eius apostolis, quod
vivant

viuant mox à morte corporea credentes, peccant autem non credentes. In hac simplicitate perseuerare oportet, & dominum orare pro fidei saluberrimo incremēto & robore.

Dissidia & certamina quæ exorta sunt in mundo propter matrimonium & delectum ciborum, Christus dominus cum suis apostolis rursus discussit exactissime. Scriptum est enim, Honorabile est connubium & cubile im pollutum, adulteros autem & scortatores iudicabit Deus. Item, Melius est nubere quàm vri. Et cùm matrimonium inis, non peccas. Et si virgo nupserit non peccauit. Si verò virgo propriæ voluntatis potens est, & manserit ita, bene facit. Et iterum, Sed nō omnes capiunt verbum hoc, sed ij quibus datum est. Qui potest capere, capiat. Matth. 19. Hebræos 13. 1. Cor. 7. 1. Timoth. 4. & 5. cap.

De coniugio & delectu ciborū.

Idem dominus noster Iesus Christus docet nos in euāgelio, quod id, quod ingreditur per os, ut est cibus & potus, nō coinquinat hominem, sed illud potius quod egreditur ex ore. Matth. 15. Prohibet itaq; Paulus iudicare quenquam ob cibum & potum. Coloss. 2. Roman. 14. 1. Timot. 4. Hortatur interim vniuersa doctrina euangelica ad gratiarum actionem & ne in his modum prætereamus. Docet abstinentiam & carnis mortificationem, exer-

Matth. 15.

F V N D A M. F I R M I

1. Cor. 6. citiumq; sanctum in precibus ieiunijs & elemosyna. Nam testatur epulones & potatores arcendos fore regno Dei. Nemo, opinor, est, qui posthac dicturus sit, sibi in hoc genere doctrinæ nondum esse satisfactum.

De magi-
stratu. Possunt hic quoq; breuissimis abduci per Christi & apostolicam doctrinam à suis rixis contentionibusq; quicunque varias nectunt quæstiones, An Christianus possit fungi munere magistratus? An magistratus sit Dei ordinatio, proficiascaturq; à Deo? An huic pendendum sit, quod pendi sibi cupit? Nam dominus Iosephum & Nicodemum recepit discipulos, qui tamen munus non deserebant magistratus. Sic à Petro & Paulo recepti sunt in numerum Christianorum Cornelius legionis Itali-
ce Centurio, & Sergius Paulus procos. Cyprius. Quid quod ipse dominus apertè pronun-

Ioan. 3. 7.
Marc. 15. cians de hac causa dicit, Date Cæsari quod est Cæsaris, & Deo quod est Dei. Et Paulus apostolus, Omnis potestas, inquit, à Deo est, & qui in potestate constitutus est, Dei minister est. Date ergo cuius quod debetis, Cui vectigal vectigal, cui tributum tributum, & cætera. Romanorum 13.

Quo consilio hæc omnia scripta. Quæcunq; verò in præsentiarum adduxi exempla concertationum in ecclesia exortarum contra rixas & dissidia fidelium, per doctrinam

doctrinam Christi & apostolorum commodè di-
rempta, non in hoc adduxi, vt veterum & neo-
tericorum ecclesiæ scriptorum disputationes
& libros quibus pugnant, vituperem aut i-
psos tanquam inutiles reijciam. Fateor enim
labores ipsorum huiusmodi non tantum fuisse
tunc necessarios, sed & nunc pijs esse vtilis.
Ipsoꝝ enim seculo exorti sunt corruptę men-
tis homines, qui & religionem corrumpere do-
ctrinamq; pietatis inuertere conati sunt. His
oportuit omnino responderi & animos sim-
plicium confirmari. Maluisset haud dubiè a-
postolus Paulus sine contentione euāgelium
predicare, sed pseudapostolorum improbitas,
vel nolentem protraxit in harenam. Neque e-
nim aliter facere potuit, nisi veritate deserta
atq; prodita.

Ergo si aliqua horum similiumue capita
importunitate contentiosorum hominum, ra-
pantur in certamen, multò minus hac mea
dissertatione volo quenquam retrahere è pu-
gna, suadereq; vt quisque se neutralem, vt vo-
cant, constituat. Norunt enim pij omnes, non
citra salutis discrimen deferri à nobis posse ve-
ritatem: Quinimo obstringi nos à Deo ad li-
beram confessionem & iustam veritatis defen-
sionem, manifestamq; impietati contradic-
tionem. Huc potius ea quæ hætenus disputaui

Quisq; con-
fiteatur ue-
ritatem &
tueatur ean-
dem.

F V N D A M. F I R M I

pertinent, ut cum religionis varia hætenus ingruerint certamina, & plura ac noua possint irrumperere in ecclesiam, simplicissimus quisque inhæreat traditæ à nobis euangelicæ & apostolicæ doctrinæ, indubitateq; teneat controuersias in vniuersum omnes, non posse certius & felicius decidi aut cõponi, nisi in Christo & in salutari eius doctrina. Cumq; nostro seculo propter diuersas & pertinacissimas cõtentiones multi offensi huc peruenerint, vt dicant, in hisce concertationibus nihil amplius restare doctrinæ sanæ, nihil amplius certi de religione haberi posse, volui ego in præsentia commonstrare vtcunque grauitèr pertinaciterq; de pluribus controuertatur, rixæq; serâtur in ecclesia, nihilominus tamen, quemuis pium Christi cultorem, modo non sit hypocrita malitiæq; suæ dissidium hoc infelix prætexere malit, habere in Christo & doctrina eius doctrinam de fide & salute nostra expeditam simplicem certissimamq;. Et est illa pars prima huius mei operis, qua posui, Deo iuuante, firmum fundamentum ipsum dominum nostrum Iesum Christum, cui tutò quilibet fidelis inniti potest, &c. Scripsi autem hæc ad institutionem confirmationemq; & consolationem fidelium.

Contra
quæstiones
disputationes
curiosas.

Interea hortor omnes Christi cultores religiosos,

ligiosos, ut semper studeant simplicitati, fugiant contentiones & rixas, & ne ea quę nihil ad salutem nostram Deiq; gloriam pertinent, curiosius scrutentur, neque plus scire præsumant, quàm fidei modus & doni Christi moderatio permittit. Studeat quisque probitate vitę, iuxta regulam Christi, excellere potius, quàm inuentis opinionibus & disceptationibus nouis, fieri celebris. Recogitet quisq; quorsum hæc salutaria diui apostoli Pauli pertineant, Si quis diuersam docet doctrinam, neque accedit sanis sermonibus domini nostri Iesu Christi & ei quę secundum pietatem est doctrinę, is inflatus turget, nil sciens sed infans circa quęstiones & verborum certamina: ex quibus nascitur inuidia, lis, maledictiō, suspiciones malę, peruersę exercitationes hominum mente corruptorum, & quibus adempta est veritas, qui quęstui habent pietatem. Secede ab ijs qui huiusmodi sunt, &c. i. ad Timotheum. 6.

F V N D A M E N T I F I R M I P A R S

S E C V N D A.

Controuersiam in ecclesia inter nos & Brentium exortam de Cælo, de Dextera Dei, quod corpus Christi non sit ubiq;, & de cœna Domini, in Christo & per doctrinam eius significanter definiri et commodè dirimi. C A P V T I.

Scopus &
Summa 2.
partis.



PRIMA quidem huius operis parte enata ex certaminib. varijs doctorum in rebus Religionis offendicula amoliri ijsq; medicari, quātum breui potuit dissertatione fieri, conatus sum: Secunda verò hac parte, Dei auxilio fretus, commonstrabo, controuersiam in quam nos pertraxit Brentius, de Cælo, de dextera Dei, de corpore Christi, & de Cœna domini, in Christo etiam & per doctrinam eius significanter definiri & commodè dirimi.

Cœlum nō
esse ubiq;
sed locum
certum.

De Cælo docemus locum esse certum, non quidem in hisce terris, neq; vbique, sed distinctum à terris, supra nos, supra nubes, & supra visibile cœlum, in excelsis, adeoq; esse mansio-
nem

nem vel habitationem, in quam assumptus est Dominus noster, & in quam assumet ad se electos suos omnes. Hanc nostram sententiam simplicissimam oppugnat, contemnit, irridet & reijcit Brentius, contendens Cœlum non esse locum supra nos certū, in quo Christus corporaliter cum electis suis habitat. Nā cœlum in quo electi habitant non posse demonstrari in certo aliquo loco. Definiri enim hoc maiestate Dei, ut quemadmodum ipsa est vbique, ita & Cœlum sit vbique. Quod verò scriptura testetur Christum ad Cœlum ascendisse, in rebus spiritualibus & cœlestibus hæc vocabula supra & infra vsurpari ex humana consuetudine, definiri autem non locis, sed dignitate & indignitate, maiestate & abiectione, & cætera. Cæterum dominus noster Iesus Christus, qui nobis multò melius quid per ascensionem intellexerit, sed & quid & vbinam Cœlum sit, exactissimè tenet, manifestissimè apud Ioannem in euangelio dixit, In domo Ioan. 14. patris mei mansiones multæ sunt. Quod si secus esset, dixissem vobis. Vado paraturus vobis locum. Et si abiero ad parandum vobis locum, rursum veniam, & assumam vos ad me ipsum, ut vbi sum ego, & vos sitis. Clarissimè item idem in eodem euangelio dixit, Hec vobis ab initio non dixi, quia vobiscum eram:

F V N D A M. F I R M I

Ioan. 16.
& 17.

Agg. 1.

nunc autem vado ad eum qui me misit. Ac veritatem dico vobis, expedit vobis, ut ego vadam. Si enim non abiero consolator ille non veniet ad vos. Item, Exiui à Deo & veni in mundum, iterum relinquo mundum, & vado ad patrem. Et iterum, Et non amplius sum in mundo, & hi in mundo sunt, & ego ad te venio. Quemadmodum verò dixit se iturum, id est, ascensurum ad patrem, ita etiam videntibus discipulis suis, ascendit sublatusque est in cœlum: & nubes subduxit illum ab oculis eorum. Huc pertinet iam fidei nostræ Christianæ caput vel articulus, Ascendit ad cœlos. Cum his congruit vniuersa scriptura sancta. Quod si quis apertissimis quidem illis non credit, sed mauult se vbiquitati, id est, nebulis Brentianis committere, is desinat posthac conqueri se disputationibus hominum varijs circumagitari, ut vbi certò consistat, nesciat.

De dextra
Dei loco
beatitudi-
nis in cœlo

Porro de dextera Dei patris docemus simplicissimè & significantissimè, significare quidem ipsam summam infinitamque Dei maiestatem & omnipotentiam, addimus tamen eandem in scripturis etiam accipi pro loco certo beatitudinis in Cœlo, in quo corpus domini nostri Iesu Christi requiescit in omni maiestate & gloria. Contrà verò affirmat Brenti-

us, Dexteram Dei ipsam esse maiestatem Dei, non certum in cœlis locum felicitatis & quietis. Nam sedere ad dexteram patris aliud nihil esse, quam æquali maiestate & omnipotentia Dei ornatum esse & adimplere omnia. Denudò autem dirimit hanc pugnam Christus dominus, dum mox ab ascensione se exhibet videndum beato Stephano, vt ea visione toti mundo ostenderet quo peruenisset ascensione sua, & vbi nunc ageret. Exhibuit autem se videndum ad dexteram Dei patris, hoc est, supra nos in cœlis, & non inferius apud nos in terris, multò minus autem vbique. Scriptura enim manifestè testatur & dicit, Cum autem Stephanus plenus esset spiritu sancto, intentis in cœlum oculis, vidit gloriam Dei, & Iesum stantem à dexteris Dei. Ac idem ille veracissimus testis, martyr Christi gloriosus, Ecce video, inquit, cœlos apertos & filium hominis stantem à dexteris Dei. Similiter attestatur & apostolus Paulus, & dicit disertè dexteram Dei superne in cœlis in excelsis esse. Cui verò hæc plana explicatio non satisfacit & implicatiora requirit, ne miretur, si amplectatur pro veritate catholica, opinionem contentiosam hominis erroneam.

Agor. 7.

Coloss. 1. 2.
Hebr. 1.De utraque
in Christo
natura &
quod Christi
corpus
nō sit vbiq.

De vtraque in Christo natura docemus pari simplicitate, Christum verum esse Deum

& hominē & naturas in vnā indiuisā personam sic esse coniunctas vel vnitas, ut vtraque distincta in sua proprietate permaneat, neque personalem vnionem naturas inter se cōmiscere, neq; abolere, denique maiestatem & gloriam in quam exaltatus est Christus dominus minime efficere, vt quemadmodum diuinitas Christi vbique est, ita vbique sit & humanitas. Brentius verò docet humanitatem Christi personali vnione sic esse vnitam diuinitati, elatamq; in omnem Dei maiestatem & gloriam, vt verè dicere possimus, vbicunque est diuinitas Christi, ibidem esse & humanitatem, ideoq; Christi corpus in cœlis nullo esse circumscriptum loco, sed vbique. Christus verò dominus dixit quidem se ingressurum vel exaltandum in gloriam suam, idem tamen nihilominus expressissimis verbis dixit se posthac non futurum in mundo. Quod si non amplius est in mundo, certè per exaltationem in gloriam patris, effectum non est, vt sit vbique. Alioqui etiam esset in mundo. Sed non est in mundo, ergo per exaltationem non est vbique. Et quamuis alicubi dixerit dominus, Ero vobiscum vsque ad consumptionem seculi, loquitur tamē de diuina maiestate, quam habet communem cum patre & sancto spiritu. Præterea testantur angeli
Dei

Luce 24.

Ioan. 17.

Matth. 28.

Dei, corpus Christi, corpus inquam clarificatum, quòd ascendit in Cœlum non esse præsens in terris, & ideo non vbique. Et tamen A. A. A. A. cum ita loquerentur, indiuisam illam Christi personam non dissuerunt, neq; ex vnica duas fecerunt personas, vel ex vno Christo duos Christos. Cui verò verisimile videatur Brentium rectius tenere mysterium vnionis naturarum in vna indiuisa persona, quàm Christum ipsum dominum, & sanctos eius angelos. Quod si quis ita desipit, fruatur sanè suo detrimento sua ipsius insania.

De Cœna domini docentes, perseveramus in ea simplicitate, quæ ab ipsis tradita est De cœna domini. Christi apostolis, in qua & vera Christi ecclesia perseverauit. Docemus enim Cœnam esse memoriam passionis mortisque domini & certissimæ nostræ redemptionis: in qua fideles omnes gratias agunt benefactori, obstringunturq; ad debita officia pietatis. Docemus in hac ipsa ecclesiam habere testimonium veritatis, quod Christus verè pro nobis, veram suam carnem tradiderit in mortem sanguinemque suum fuderit ad viuificandum nos abluendaq; peccata nostra: ac proinde veram carnē & verū sanguinē filij Dei viuificū esse cibū & potū, quæ fideles spiritualiter, non corporaliter aut carnaliter, percipiāt, ut Christus

F V N D A M. F I R M I

in ipsis viuat & ipse in Christo. Brentius verò docet verum corpus & verum sanguinem domini nostri Iesu Christi, sub speciebus panis & vini substantialiter vel corporaliter percipi in cœna, non tantū à fidelibus, sed etiam ab infidelibus: propterea quod Christus discretè pronunciarit, Accipite, edite, Hòc est corpus meum, &c. Cæterum dominus noster Iesus Christus tametsi in vltima sua cœna pronunciarit panem esse corpus suum, idem tamen ipse in eadem ipsa cœna, & mox post eam attestatus est se abiturum ex hoc seculo, & nō amplius mansurum in mundo. Et prodesse quidem vt abeat ad patrem. Alioqui enim spiritum sanctum non aduenturum. Ad hæc exposuit nobis ipsemet dominus noster sententiam suam, quomodo velit nos edere carnem suam, & bibere sanguinem suum, non vtique corporaliter aut carnaliter: ita enim carnem nihil prodesse, sed spiritualiter per fidem. Et qui ad eum modum Christum edat & bibat in eo manere Christum: qui verò ipsum non ita percipiat, enim non habere vitam neq; vllam cum Christo communionem. Vfus est autem hisce vocibus spiritualiter aut spiritualis eibus & potus in 1. ad Corinth. 10. capite ipse Christi apostolus Paulus. Vsa est ijs vniuersa vetustas. Vnde iam manifestissime apparet

nos

Matth. 26.

Ioannis 6.

nos qui docemus verâ Christi carnem & verum eius sanguinem edi & bibi à fidelibus spiritualiter, non nouam & alienam à sensu Christi interpretationem, sed apostolicam & veterem expositionem adferre in mediũ. Non requirêt, opinor, amplius quidpiam fideles post hanc vsque adeo dilucidâ expositionem. Sufficit enim hæc ipsis. Quibus verò nondum factum est satis, sed altercando, nescio quæ ampliora quærunt mysteria, rixis suis non assumentur pleniorum ad vitam æternam cibum & potum, sed incurrent potius grauem Dei iram. Existis autem omnibus colligit pius perplexas hæc quoq; controuersas in Christo & per doctrinam eius iam determinatas commodissimeque esse diremptas.

Christo domino sit laus &
gloria semper.

SECUNDAE HUIUS PARTIS

CAPVT PRIMVM.

De Cœlo Sede Christi Domini
& beatorum in excelsis certa, non
vbique diffusa.

SECUNDA RESPONSIO.

Doctrinam nostram de Cœlo nihil flu-
xum sibiq; repugnans continere,

CAPVT II.



Librum
Brentij de
maiestate
esse librum
implicatū
& obscurū.

POST QVAM in genere & qui-
dem breuibus commonstrauī cō-
trouersiam inter Brētium & nos
exortam, in Christo & per doctri-
nam eius, commodè dirimi, consequenter re-
spondebo speciatim ad librum Brentij, quem
superioribus diebus satis copiosum edidit at-
que inscripsit, De maiestate domini nostri
Iesu Christi ad dexteram Dei patris, &c. librū
sanè a deo perplexum & obscurum, vt pruden-
tioribus facilè pateat authorem operis impli-
cati, animum in hac caussa habere intricatum.

Atqui

Atqui mirum non est eum, qui cœlum terræ, imò inferos cœlis aliâq; complurima alijs cōmiscet, de mixtura hac sua infelici, conscribere opus infelix intricatissimum & nulla vtilitate commodum. Proinde nemo mihi vitio vertet, spero, si præterita dispositione eius impedita, sequar eum in hac mea responsione ordinem, quem sequutus sum in postrema illa mea responsione, Brentio data, qua ostendo sententiam meam de cœlo & dextera Dei, aduersaria Brentij sententia non esse euersam. Respondebo itaque primum ijs quæ nobis Brentius obijcit de cœlo, idque qua potero breuitate, perspicuitate & modestia. Scio enim Conuicia. auditores atque lectores magna cum impatientia fastidioque grauissimo audire prolixas & impexas commentationes, subtilitatesque nihil ad rem pertinentes, & malorum verborum amarissimorumque conuitorum copiam. Dominum autem oro ex animo, gratiam suam mihi largiatur vt absque affectione praua aut hostili, præteritisque rebus nihil ad rem pertinentibus, ea duntaxat multò cū lectorum fructu tractem, quæ promouent gloriam Dei & plurimarum salutem animarum.

In responsione illa mea mox ab initio proposui Brentio sententiam meam de cœlo con- Fundamen-
tum de cœ-
lo Bullinga-
ri stare ad-
huc firmâ. templandam atque excutiendam. Ea si non

AD LIB. BRENTII

fuerat iustis firmisq; subnixa rationibus vel argumentis confirmata, demonstratum eui etumq; hoc ab ipso oportuerat: nunc verò ne extremo quidem digito attigit, nedum euer- tit, neq; verò evertet vnquam. Hæc est autē mea de cœlo sententia, Doceo cœlum in quod susceptus est dominus noster, & in quo sancti cum eo futuri sunt in æternum, locū esse cer- tum, non in hisce terris, neq; vbiq;, sed è terris distinctum, supra mundum hunc corruptibilē in excelsis. Hanc meam sententiam illustro & astruo principio quidem sanctæ scripturæ te- stimonijs & articulis vel capitibus fidei nostrę Christianæ. Scriptura enim vnà cum articulis fidei testatur apertissimè, Christum in altum esse sublatum corpore suo, & quod ascende- rit supra omnes cœlos visibiles & susceptus sit in ipsum cœlum supremum, vbi sedeat ad de- xteram patris, inde venturus iudicare viuos & mortuos. Deinde adduco etiam beati Au- gustini testimonium, quo non tantum expli- cat quid ipse crediderit in hac causa, sed quid sua ætate vniuersa crediderit Christi ecclesia. Nam dicit, Sed hoc incredibile fuerit aliquan- do, Ecce iam credit mūdus, sublatum terrenū Christi corpus in cœlum, resurrectione car- nis & ascensione in supernas sedes, paucissi- mis remanētibus atq; stupentibus vel doctis
vel

vel indoctis, iam crediderunt docti & indo-
cti. De Ciuitate Dei lib. 22. cap. 5. Vnde facile
collegerit quiuis quænam sit mea doctrina de
cælo, & quod nihil hac in re ex meipso confin-
go, aut ab alijs confictum defendo. Perseue-
ro enim in antiqua illa indubitataque eccle-
siæ Christi sententia, de cælo, tradita ab apo-
stolis, eamque viribus meis omnibus, pro gra-
tia à Deo accepta, propugno.

Est autem illa breuis quidem summa do-
ctrinæ meæ de cælo, quam cum in libellis
meis explano copiosius paulò, exhibeoq; qua-
lemcunq; cæli descriptionem, ad oritur illam
hostiliter Brentius, & spiritu inflato iactitat
se cælum Zuinglianum (cum interim neque
Zuinglius neque nos aliud agnoscamus cæ-
lum, quàm illud ipsum, cui modo testimoniũ
dedimus) oppugnaturum atque è fundamen-
tis euersurum. Pollicetur aut hic sibi certissi-
mam & mirabilem prorsus victoriã, Non eri-
mus nos, inquit, qui dimicabimus, sed tantum
modo cõfidèter stabimus, & erimus ociosi spe-
ctatores. Nam sicut quondã cū Iosaphat rex
Iudæ egrederetur cõtra Moabitarũ & Ammo-
nitarũ exercitũ, dominus mirabiliter efficie-
bat vt ocioso ipso rege spectatore, hostes eius
in semetipsos versi mutuis cõciderèt vulneri-
bus, ita est structura Zuing. cæli, si eã secũ ipsa

Brẽtius ait
se oppugna-
turũ cælo
Zuinglian.

Romanus
sedẽdo uin-
cit.

cōmittamus, sua mole ruet. His mox ista subi-
cit. Primo, Docēt cœlū esse domū patris, Nun-
quid ergo Deus pater ambulat in ea domo, an
habitat in ea sicut homines & iumenta in ter-
ra? Secundo, Cū sit domus, inquit, spiritualis,
nunquid est sessionibus & deambulationibus
apta? Nunquid in ea pedibus incedunt homi-
nes, angeli autem volant alis? Tertio, mira-
tur quomodo cœlum appellare possimus &
spirituale & corporale. Etenim res corporeas
omnes intra 6. illos dies primos conditas esse.
In his non inueniri cœlum Zuinglianum, er-
gò hoc vel non esse, vel alium quempiam, ne-
scio quem Deum, nobis ipsis fabricasse, aut cer-
te alium nos habere mundum corporalem,
in quo illud cœlum sit collocatum. Quarto
miratur quomodo cœlum illud nostrum pos-
sit esse corporeū & tamen immensum. An ne
corpus aliquot immensum esse possit? Quinto,
Cum indigne feram in scholasticis quod
querunt, quid in cœlis faciat Christus, an stet,
fedeat, spaciatur, &c. miratur Brentius quo-
modo mihi ipsi exciderim, qui ipsemet dicam
Christū in cœlo stare, ambulare, spaciari, &c.
His adiicit hoc Epiphonema, Vides itaque le-
ctor Christiane, inter ædificandum correptos
vertigine Zuinglianos, vacillare nutareque
neque certi habere quicquam. Vertiginē au-
tem

tem hanc ait commeritam esse pœnam, &c. Quotquot verò scripta mea de cœlo & de de- Calumniæ
 xtera Dei legerunt, sciunt Brentium, longè
 alio sensu à me proposita, caluminijs peruerte-
 re. Non commemorabo nunc quod more suo
 in re vsqueadeò seria contra decorum ludit
 admodum scurriliter. Sed bene res habet, in-
 tendat ille vires omnes ad cœlum oppugnan-
 dum, cui nos ferimus testimonium, nunquã
 ille hoc euertet. Innititur enim petrę immotę,
 Deo verboque eius æterno.

Ac quod nobis primò obijcit, Si cœlum est Cœlum est
domus pa-
tris.
 domus Dei, an ne ergo credemus Deum spa-
 ciari & habitare in domo sua, perinde vt in
 terris agunt homines atque iumenta? arbitra-
 turque hæc absurda esse, & sibijpsis repugna-
 re: pari rationi impinget illa & scripturæ san-
 ctæ & vniuersali ecclesiæ Christi, quę semper
 docuit & credidit cœlum esse domum Dei &
 Deum habitare in cœlo. Sed & quotidiana sa-
 cro sancta que oratione à Christo nobis tradi-
 ta precamur, dicentes, Pater noster qui es in
 cœlis, &c. Longe ergo prudentius non obie-
 cisset nobis ista Brétius. Dudū dixi in libellis
 illis meis, Attribuitur cœlū sedes vel thronus
 Deo, nō quod illo includatur, quasi in domo
 corruptibili. Infinitæ enim immensæque po-
 tentiæ Deus est, omnia implens vbique præ-

sens, omnia conseruás: ideo autem dicitur cœlum sedes & domus Dei, quod ipsemet Deus in verbo suo nūcupauit domum & habitationem suam, & quod in hoc (veluti in æternam recollectos patriam) se suis plenissimè & videndum & fouendis exhibebit. Verum quid pluribus opus est verbis? Vniuersa scriptura Prophetarum & apostolorum concorditer cœlum & non terram, non aerem, non alias mundi partes vocat Dei domum ac sedem. Huic compertæ veritati credunt pij ac sciunt domum illam inhabitare Deum ipsum, Christum Dei & hominis filium, angelos quoque atque beatas animas: quoduis autem horum sua ratione suoque modo. Nam homines & iumenta sua quoque ratione terram inhabitant. Ac norunt omnes habitationem Dei in cœlis nihil habere commune cum habitatione iumentorum in terris. Sicuti & homines alio modo terram nunc inhabitant, & alio modo cœlum aliquando inhabitabunt.

Cœlites nō
indigent ul-
lo cibo uel
potu.

Quantum verò attinet ad secundum caput quod obijcit ille, commonstrauimus in responsione illa mea ex doctrina saluatoris nostri apud Luc. in cap. 20. beatis agentibus in cœlo nihil opus esse cibo corporali aut somno aut rebus alijs eius generis, proinde apertissimū esse locū illū cœlestē, minime habere vel mensas vel lectos

lectos vel fellas, & multo minus dormitoriū,
 sicuti ille vocabat per ironiam, monachicum,
 certis distinctū cellulis. Potuisset hæc respon-
 sio satisfacere Brentio, nisi mallet rixari & o-
 mnia sursum deorsumque voluere. Quorsum
 autem pertineat quæstio eius, An homines in
 cœlo pedibus incedant? non video, nisi forte
 existimet, homines in cœlo inambulare capiti-
 bus, quando illi in rebus cœlestibus modicum
 aut nullum discrimen sit inter supra & infra,
 sicuti superius commemoravi. Cæterum re-
 spondet hic Brentio B. Hieronymus, & affir-
 mat contra Ioan. Hieros. episc. corpora clarifi-
 cata sanctorum in futura gloria ambulatura il-
 lis ipsis pedibus quibus ambularunt dum in
 terris viuerent. Hoc si Brentio displicet, inten-
 dat litem B. Hieron. & coniungat se Ioan. Hie-
 ros. episcopo. Quod si affirmarem angelos alis
 suis (suo modo & sua ratione) in cœlo vola-
 re, quid peccassem obsecro? Quandoquidē spi-
 ritus Dei, qui res cœlestes me & Brentio lon-
 ge rectius tenet perspectas, in scriptura per Isa-
 iam testatur & ait. Et Seraphim stabant super
 ipsum, eratq; singulis sex alæ, duabus obtege-
 bant faciē suā, duabus tegebant pedes suos, ac
 duab. volabāt. Consultius ergo tacuisset Brēt.

Iam quod iste tertio loco exponit, signifi-
 canter satis distinxi inter cœlum corporeū &

Quomodo
 cœlum nun-
 cupetur spā
 ritualiter &
 corporaliter
 166

spirituale, cum dixi inter alia, Rectissimè docetur & secundum scripturam, Cœlum aliud quidem esse visibile vel aspectabile, quod & materiaturum vocant & mutabile & corruptibile: aliud verò inuisibile, spirituale, immutabile & incorruptibile ac sempiternum. Et cū nihilominus de incorruptibili spiritualique hoc cœlo vt corporeo loquor, ita me tamen explico, vt faciliè appareat, non maligno & calumnijs dedito lectori, me non committere inter se contradictoria. Nam quemadmodum corpora gloriosa quæ in cœlis sunt, nullum locum, corruptibile videlicet, habent, & tamen cū vera sint corpora definitionem aut circumscriptionē sibi congruā habent, vt nō nullibi, sed alicubi, & certo aliquo in loco non ubique sint: ita sanè & cœlū quod huiusmodi capit aut cōtinet corpora, locus nō est, videlicet corruptibilis, & tamē nō est ubique, neque eius conditionis vt non comprehendat suis terminis vera corpora, congruis quidem illis corporibus clarificatis. Iccirco locum illum, id est cœlum, nuncupavi corporeum, eo quod non nihil aut nullibi, sed certus sit locus. Adduxi ad hanc rem illustrandam atque confirmandam & sancti Augustini doctrinam, ne quis suspicaretur à nobis hic quicquam nouum & inauditum hætenus esse confictum. Augustinus enim

enim libro de ciuitate Dei 22. cap. 4. docet Dei voluntate fieri posse, vt terrenum corpus attolli assumi q̃; possit in cœleste corpus: vbi etiam affirmat cœlum habitationem beatorū, cœleste quidem esse, & corporeum, in quod vera corpora nostra suscipiantur. Rixetur ergo si ita libet cum Augustino Brentius. Ego ei abunde satis ad obiecta eius respondi per folium 19. & 20 Responsionis meæ nuper editę. Præterea constat nos nullum alium agnoscere Deum, nisi vnum & verum illum conditorem cœli & terræ, neq; nos vllum aliud aut nouum architectari cœlum, sed testimonium ferre cœlo quod supra nos est, & verum & antiquum cœlum est, in quod ascendit dominus noster Iesus Christus, & in quod nos ad semet ipsum assumpturus est.

Quarto loco fateor Deum solum esse immensum, corpora autem omnia suis locis & terminis contineri, & non esse infinita. Proinde cum cœlum dico immensum, ad hoc respicio quod amplissimum sit & sufficiens abunde excipiendis beatis omnibus. Ea amplitudo etsi suis cōtineatur terminis, nobis tamē videtur & dicitur immensa. Aut cur hoc ei nouū esse videtur, qui dimissa è cœlo mola plumbea, expertus est, hanc ne intra quingentos quidem annos terram attingere posse. Inde e-

Quomodo
cœlum di-
catur im-
mensum.

nim collegisset immensitatem cœli, nulla hominum dimensione explorari posse.

Quomodo
stare & se-
dere & am-
bulare in
cœlo dica-
sur domin.

Quod ille verò quinto loco obijcit de Christo stāte & ambulante in cœlo, de eo ipse pro diuersitate occasionum distincte sum loquutus. Principio enim dū respōdeo ad hoc, quod nobis obijcitur, An collocemus & concludamus Christi corpus in cœlū, veluti in caueā, & an alligemus cœlo? dicimus, Non docemus corpus Christi alligatum esse in cœlo, sed dicimus vere è terris sublatū, in cœlo nūc versari libere ꝑ ratione gloriosi corporis: ideoq; corpus eius in cœlo nec stare semper, nec sedere perpetuo, sed prout vult aut vbicunq; locorū vult, & ratio æternæ salutis & gaudij dictat liberrime versari. Ex quibus fanè verbis intelligit quiuis, vnice nos hoc astruere his velle, Christi corpus verū, vere in cœlo & nō vbiq; esse: Quid verò faciat in cœlo, aut qualis sit eius cōuersatio in cœlo, id quidē nolle nos scrutari curiosius, ac multo minus alligare corpus eius ad ambulandum vel sedendum aliudq; huius generis. Ipse enim Dominus est, ideoq; conuersationē suā in cœlo prout vult, & ꝑ ratione corporū claricatorū instituere potest. Nihil aut contra decorū suscipiūt clarificata corpora, vt ea Momus ille noster Brētius possit carpere. His iam minime sunt contraria, sed

Vide inferius de dextera Dei
cap. 3.

con-

consentanea magis, quæ dissero contra curiosas scholasticorum quæstiones, plane inutiles, quid Christus in cœlis agat, an sedeat an ambulet? &c. Videt ergo Brentius, si modo habet oculos, me nondû meæ doctrinæ de corpore Christi in cœlis pudere vel pœnitere, si modo eo proferatur exponaturq; sensu, quo à me allata est, non aut̃ eo sensu quo adducit scœdauit atq; peruertit aduersarius. Per totum certè librum pudenda calumnia leuitateq; exagitat quod dixi Christû in cœlis, prout vult, vel stare vel sedere. In Germanico subinde repetit *Espatierg im himel.* spatiâdi verbum, quod apud nos est ociosorû hominum: atq; in his ita frequens & molestus est, vt nemini nō appareat cōari illum bonis nos reddere suspectos, deniq; nostram existimationem, si qua sit apud pios reliqua, imminuere omnibusq; psuadere velle nos crassos esse theologos & doctrinam nostram per omnia absurdâ sibiq; ipsi repugnantē. Verum quod dominus noster nobis benigne est largitus, id pfecto Brentius non intercipiet calumniosis suis scriptis: at existimationē suâ apud viros prudētes, maximè verò apud posteros, despectâ potius reddet. Intelligent isti ex hac eius actione contra nos instituta, ipsum illâ ipsa correptum vertigine, qua nos laborare falso existimat, grauissimè vexari atque ro-

AD LIB. BRENTII

tari. Dominus ipsum sanare dignetur.

Doctrinam nostrā de cœlo nec crassa somnia, nec alia habere absurda, quæ Brentius ci obtrudere contendit. CAP. III.

Obiectum
Brentij.

Magno iactitat hiatu Brētius, se doctrinam prophetica & apostolicam illustrare & propugnare cōtra Aristotelicos philosophos, & cōtra eos qui crassa habeant de rebus cœlestibus somnia, ac inter alia, Bullingerus & Martyr cogitationes, inquit, pueriles & sua habent eaq; crassissima somnia. Fingunt enim vltra cœlos visibiles esse latissimā quandam regionem, eamq; locorum interuallis distinctā, quam dicas forte Campum Elysium, Aristotelis regionē cœlūmue Thalmudicum aut Mahumedicum. Et addit his, Requirit in me homine sene & theologo Bullingerus (egregium scilicet grauitatis exemplum) senilem modestiam & grauitatem theologice, sed iudicent quæso omnes pij num ego quicquam in leges modestiæ & grauitatis peccauerim, quod eum qui puerilibus & fictitijs somnijs de externis corporalibus & localibus Christi & sanctorum in cœlo deambulationibus, in nos insultat, tantaque in me vehementia exoritur, vt eum etiam caniciem meam vellicare non pudeat, risu excipiam alacriore? Si verò nihil Christo obstat quo minus

nus cum patriarchis & reliquis sanctis suis in cœlo deambulet, quid obstaret, quo minus etiam cum matriarchis & uirginibus suis in cœlo saltet ac choream ducat, præsertim cum incredibili lætitia perfundantur, &c.

Cæterum si id quod verum est simpliciter fateri velim, confinxit sanè Brentius de suo (nisi fortè D. Lutherum in consortium admittere libeat) suam de cœlo vbiuario doctrinam, ad quam deinde ornandam astruendamque corradit vndique, & dissidentia licet, accommodat tamen suo illo figmento, & mox largè prædicat apud simplices omnia sua se illa habere ex scriptis prophetis & apostolicis. Accidit illi quod ijs euenire solet, qui palatum habent absynthio infectum. Quicquid enim gustarint, resipit absynthiū, ac deierarent esse absynthium. Ita enim & Brentius acerbissimam de cœlo opinionem semel imbibit: ergo quæcūq; iam etiam in scripturis legit, deierat illa illustrare astruereque doctrinam ipsius de cœlo vbiuario: vtcunq; dissideant à proposito ex diametro. Et quidē nullum hætenus vidi aut audiui testimoniū scripturæ disertum, quod allatum à Brentio approbet cœlum, sedem æternæ felicitatis esse vbiq; & non supra nos in excelsis.

Cupit quidem ille nobis obtrudere pueri-

Quomodo
scripturis
utatur Brē
tius in hac
cōtrouersia

Cuius sint
pueriles co-
gitationes
& somnia
crassa?

les cogitationes & crassa de cœlo vero somnia, sed nusquā in libris nostris talia inueniuntur: in Brentianis verò leguntur. Con fingit enim per calumniam, absurda illa, & affirmat ea consequi ex nostra doctrina, atq; eo modo ea q̄ ipsius sunt, nobis quasi nostra sint affricat attribuitq; , quę reuera nō agnoscimus pro nostris, ipsiq; illa oīa vt absurda abominamur.

Nostrā doctrinam de cœlo ueterem esse doctrinam.

Sed breuib; agemus, ideoq; quærimus à Brentio, An non à rerum initio omnes in ecclesia Dei fideles crediderint post hanc vitam & extra hunc mundum, aliam esse vitam, & aliud seculum, nimirum in æterna illa nostra patria, quæ sit locus certus & mansio felix, parata nobis à Christo, vera utique felicitas & vita sempiterna? Hoc si negat aduersarius, contradicetur ei in vniuerso orbe Christiano ab omnibus fidelibus, qui attestabuntur fidem, quam modo commemorauī breuib; , verissimam firmissimamq; , perstare in perpetuum. Si verò fatetur vera esse quæ proposui, vt sanè falsa esse nequeunt, constat aut nostram doctrinam & fidem de cœlo nullam esse aliam, quàm illā ipsam quam modò recensui, cur itaq; fingit aduersarius nos nouum architectatos esse cœlū? aut quare nominat communem illā fidelium fidē, puerilem cogitationem & somnia crassa? Possem hic, quod prudē

tio.

tiores cernūt omnes, aduersariū tractare pro merito, sed mihi tempero, dominumq; oro vt ipsum illuminet & à nimium subtilibus somnijs cœli vbiquarij liberet.

Fingunt, inquit, vltra cœlos visibiles esse latissimam quandam regionem eamq; locorū interuallis discretis distinctā, &c. Ad quæ dudum illi respondimus ac diximus, Interstinguimus inter præsens & futurum seculum, ac illud maximè volumus asserere cœlum beatorū locū esse certū separatū & distinctū à corruptibilibus illis rebus inferioribus, nec esse apud nos in corruptibili mundo, neq; vbiq;, sed superius loco suo. Quoad rationem verò modūq; habitationis beatorū, nolumus interstingere curiosius, neq; querimus quomodo cœlū in diuersas dispositū sit mansiones. Sufficit nobis, quod certū locū esse nouimus. Intellegimus aliquādo mysteria vel arcana cœli, q̄ modo ignoramus, cū nos dominus ad se in cœlum subuexerit. An alia aut ampliora vel planiora requireret à nobis Brētius? Hisce finibus sese continuit & Augustinus, qui in libro de fide & symbolo vltterius progredi noluit.

Et nunc quidem cœlum cui nos testimonium ferimus, nuncupat Brentius contumeliose & per ironiam regionē Aristotelis, antea confinxerat nos nostram de cœlo doctrinam

An cœlum
in plures di-
scetas di-
stinguatur
habitatione
culas.

Doctrinam
nostram de
cœlo non
esse petiti
ex Aristot.

AD LIB. BRENTII

mutuo sumpſiſſe à ſophiſtis. Verũ retudimus hoc eius cõmentum in reſpõſione noſtra ſol. II. vbi præterea monuimus doctrinã hanc noſtram, non eſſe petitam ex vllis humanarum cõmentationum lacunis: ſed pergit ille Ariſtotelem nobis nihilominus obtrudere, quaſi in ijs illum ſequamur in quibus à Brëtio diſſidemus, maxime in doctrina de loco & de cœlo. Hoc accidit Zuinglianis, inquit, quod ijs qui propter viſus debilitatẽ perſpicilia ſibi impo-
nunt. His enim omnia quæ vident, eum referunt colorem, quem offert perſpicilium. Poſteaquã ergo ſibi impoſuerunt perſpiciliũ mu-
tuo acceptum ab Ariſtotele, omnia quæ videt iſtis ſunt Ariſtotelica. Profundit huius generis per vniuerſum librum ſuum vana futilia-
que quamplurima, & impudenter quæ vult loquitur. Nam quàm inique nobiſcũ agatur, dum doctrina noſtra de cœlo ad Ariſtotelem refertur, inde poſſunt lectores modeſti colligere, quod antea diſerte aduerſario dixi, Ni-
hil ſolidi intellexit Ariſtoteles cum nonnullis ſuis philoſophis, de æternitate & de cœlo Chriſtianorum, ſupra omnes viſibiles cœlos, quos ipſe duntaxat nouit, cõſtituto. Dicebat ille extra cœlum eſſe nihil. Nos verò credimus ibi non nihil eſſe, ſed patriam noſtram. Verũ quid mihi negotij cum Ariſtotele?
Iſtis

Istis modò adijcimus non Aristotelem, sed ipsum Christum dominum nostrum Cœlum Ioānis 14.
 appellauisse locū. Proinde sumus in hoc dogmate discipuli Christi domini, non philosophorum, non eruditi in schola huius seculi, sed in schola spiritus sancti: Persuasumq; hoc sibi Brentius teneat, nos in causa Christi fidei que & salutis nostræ non alios agnoscere præceptores ac doctores, quàm ipsum Christū dominum cum sanctis suis prophetis & apostolis. Sicubi verò & philosophi & doctores ecclesiæ vera & non contraria scripturis proferunt in medium, minime ea aspernamur, sed cum gratiarum actione, eorum vtimur laboribus.

Ac Aristotelem quidem ipsum adeò non contemnimus, vt agnoscamus, ipsi maxima à Deo dona esse collata, esseq; virum eruditione multijuga admirandum & incomparabilem, eiusq; libros in philosophia luculentam habere vtilitatem. Vnde ne illorum quidem operam damnamus, qui in eo illustrando explicandoq; fideliter laborant, vt quæ in ipso vtilia sunt, à studiosis rectius faciliusque percipiantur. Sed ea de re nunc non agam pluribus.

Aristotel.

Iam quod ille Cœlum nostrum ait referre campum Elysium Cœlumq; Thalmudicum

Cœlum nostrū nō esse ethnicū ludaicū Turcicū cœlū.

& Mahumeticum, calumniam rursus adhibet, & luculenta nos afficit iniuria. An non prius illi difertè dixi, Sciat ille semel nullum à me fabricari Cœlum sophisticum aut scholasticum, nullum cœlum Thalmudicum vel Mahumeticum, nullos denique fingi campos Elysios, aut paradysum in alio seculo terrestrè, aut Chiliasticū, aut μακάριον νῆος, sed asseri à me orthodoxe Christianum Cœlum, illud ipsum & non aliud, quod ab initio supra nubes in excelsis, electis suis parauit Deus, & quod patefecit nobis Christus morte resurrectione & ascensione sua in Cœlum, vt in illo & cum ipso viuamus vita cœlesti in sempiternum. Ergo nullas fingo hic cum Iudæis & Turcis voluptates deliciasue corporales. Nihil disputo curiosius de ingressu aut egressu, aut etiam de colloquijs & de ambulationibus Christi & sanctorum in cœlestibus, &c. Et quanquam hæc illi planè pleneq; exposita sint dudum, nō veretur tamē ille nihilominus nugis illis suis futilibus molestare perturbareque Dei ecclesiam.

De choreis
cœlestibus.

Quinimo repetit hic quoque scurriles ineptias de sanctis in Cœlo saltantibus, & nunc quidem impurius impudentiusque quàm antea, quod ipsum iam Christum dominum inducit in chorea illa sua cœlesti etiam saltātem.

Nec

Nec est quod se excusatum existimet, quasi non seriò hæc proponat, sed duntaxat per risum ad diuexationem confusionemq; nostrâ. Intelligunt enim viri pij, quàm nulla cum necessitate, nullo cum decoro, nulloque cum fructu, imò insigni cum contumelia & iniuria nō dico iam Christi & sanctorum sed nostra, hoc contra ius & phas, faciat. Infamiam enim nobis contendit inurere, quasi ea sentiamus quæ non sentimus, imò abominamur, & quasi ea doceamus quæ iste consequi ex nostra doctrinâ confingit, quæ tamē minime consequuntur.

Quod addit me in illum irruere hostiliter atque adeò vt ne caniciei quidem eius parcâ, Brentij cani conuuls. sed eam atrociter conuellam, Morose profecto & nullo iure ita quæritur. Relego enim lectorem ad folium respōsionis meæ 19. vbi hoc à me maleficiū arbitratur admissum. At nihil ibi à me factum atrocius aut dictum virulentius inueniet. Dixi, Itane Brentius in re vſque adeò seria & cœlesti, in negotio spei & salutis nostræ, iocatur an seriò loquitur? Synce re ne mecum an sophisticè agit? Nūquam ego tale Cœlum, quale ille fingit, extruxi. Nunquam euincet illa quæ colligit ex mea consequi de Cœlo sententia. Proinde in homine senæ & Theologo, & in re non ludicra, sed maximè seria & cœlesti, modestiam senilem &

AD LIB. BRENTII

Leuit. 19.

grauitatem theologicam requiro. Hæc sunt quibus ille canos eius impiè à me conuul-
 sos queritur. Quando verò admonitio illa
 mea non inamica aut immodesta minimeque
 acerba, tantopere ipsum vrit & angit, apparet
 fanè ipsum delicatis admodum esse auribus.
 Non assueuit fortè vir magnus, vlla in re mo-
 nitorem ferre. Hinc illæ lachrymæ, nimirum
 quod meam moderatam admonitionem tam
 impatienter & indigne fert. At prodest admo-
 neri aliquâdo homines, etiam graues, quo mi-
 nus impingant, & ne quid nimis. Fallitur Bré-
 tius si arbitratur se solum esse canum. Quod
 si iuxta domini legem assurgendum est cano
 capiti, cur ipse apud se non expendit eos quo-
 que canos & Christi ministros esse, quos ipse
 indignis modis & excipit & tractat, & quibus
 semetipsum sua libidine imponit Dominum
 vexatorem. Cæterùm præteritis illius cachin-
 nis & vexationibus referimus nos ad 22. fol.
 nostræ Respon. vbi abunde ad omnia ea respō-
 sum putamus, quæ ille profundit ad conser-
 uandam nostram de cœlo doctrinam, quasi
 stolidi & absurditatis refertissima sit. Neque
 illis in præsentī quidpiā adjiciam. Spero enim
 doctrinam nostram de Cœlo incolumem &
 victricem veritatis præsidio perstare adhuc
 & firmam mansuram perpetuò.

Do-

*Doctrinam Brentij de Cœlo nec planam
esse nec solidam, sed impeditam obscuram
incertam sibiq; ipsi repugnantem.*

CAPVT V.

POSTEAQUAM verò à syncera doctrina nostra absterimus maculas quibus aduersarius ipsam conatus est conspurcare, consequenter, fide bona breuiterq; colligam Brentij doctrinam de Cœlo, vt inde colliquescat, quàm sit ea impedita obscura incerta sibiq; repugnans.

Indignissimè fert ille Cœlum illud suum à me appellari vbiquarium, arbitraturque hoc scomma (ita enim appellat) in ipsum redundare Deum, vt vocetur post hac Deus vbiquarius. At hoc nomine compellandum esse dominũ Deum nostrum, licet ingenue agnoscamus ipsum esse vbique, nũquam animum subiit. Ipse viderit quo cum fructu' primus hoc nomen inuenerit. Quod si pudet ipsum cœli sui vbiquarij & non vult hoc nuncupari vbiquarium, quare itaque oppugnat nostram doctrinam de cœlo, non vbiq; diffuso, sed certo in loco constituto? quare ad eum modum de cœlo differit ac scribit, vt nō possimus non nuncupare Cœlum vbiquarium? Negare enim non potest, docere se Cœlum nullo esse loco certo, sed vbique in Cœlo pariter & ter-

Cœlum ubi
quarium
Brentij.

A D L I B. B R E N T I I

De habita-
tione Dei.

ra vbicunque est Dei maiestas & gratia.

Multa nulla necessitate disputat de habitatione Dei. Neque enim negamus Deum infinitum & nullibi cōclusum esse, sed credimus ipsum conseruare omnia, penetrare vniuersa, ac esse vbique. Ita enim testatur scriptura & docet nos significantissime: quod autem cœlum locus quietis beatitudinisque, paratus à Deo, excipiendis creaturis felicibus, propterea etiam sit vbique, tam non sequitur, quàm quod cum scriptura dicit fideles esse in Deo, iccirco vbique sint, sicuti Deus est. vbique. Solus Deus infinitus est, neque vlla vel in cœlo vel in terra creatura est, quæ & ipsa sit infinita. De quare nolumus in præsentī copiosius disputare, libenter continentes nos in ea moderatione, quam scriptura nos docet. Ea Cœlum Deo attribuit habitationem, quam & hominibus communicare eoq; electos suos ad se velit recipere. Proinde credimus, Quod quemadmodum Deus in verbo suo testatur, Cœlum inhabitet, suo tamen modo, & sicuti ad plenam gaudiorum societate saluandis est necessarium, quodque nos etiam in cœlum recipiat, vt cum ipso æternū habitemus, nostro tamen modo qui creaturæ sumus, finitæ non infinitæ. Ac licet aduersarius dicat scripturam, quando Deo in cœlis habitationem attri-

attribuat, balbutire nobiscum humano quodam & pædagogico more, neque negemus nos scripturam sæpè res diuinas rebus adumbrare humanis, indubitatum est tamen has loquutiones, *Esse Cælum, & Cælum esse domum & habitationem Dei*, ac electos suscipi in cælum, in quo Deum videant, sicuti est, verissimas & propriissimas esse loquutiones, neque aliter quàm vt sonant interpretandas. Id quod etiam cōmonstraui in Responsione mea fol. 45. & 46. Ita verò Cælum perpetuo manet habitatio & certus beatorum locus, ut quamuis Deus infinitus & vbique sit, domus tamen eius in qua sancti habitant, non sit infinita.

Absolutis istis accedit Brentius ad disputationem de angelis & eorum habitaculo, in qua ita sibi suisq; iterum indulget placitis, ut prorsus dissentiat ab omnibus alijs cum veteribus tum neotericis, paucissimis demptis scriptoribus. Mox verò differere incipit etiam de habitatione vel habitaculo Christi, & inter cætera, Cum quæritur, inquit, Vbinam Christus nunc cum corpore suo commoretur? non est respondendum, quod cōtineatur localiter in loco quodam circumscriptus, sed respondendum est, quod sit apud patrem in domo patris sui. Sed vbinam est pater? Vbi est domus pa-

De habitaculo
Christi

tris? Num hæc sunt certis locis circūscripta? Nihil verò minus. Certū est enim, quod Christus isq; totus, non diuinitate tantum, verum etiam humanitate sua cōmoretur tam in Cœlo quàm in terra atq; adeo vbicunque est pater ipse. Et quia Christus ascendit in Cœlum, & habitat in Cœlo, vident pij omnes, quàm late pateat Cœlum illud, in quo Christus commorari dicitur. Ostendimus autem nos paulò antea, tametsi Deus pater sit immensus & vbique, habitationem tamen sanctorum & veri corporis Christi non esse vbique. Rursus quærit Brentius, dum cœlum suum illustrat, & ait, Vbinam habitat pater? Habitat in luce inaccessa. Quæ est autē lux illa inaccessa? Profunditas sapientiæ & cognitionis Dei. Lux ergo illa ibi est, vbicunque Deus est, siue in cœlo siue in terra, &c. Et iterum, Non est cogitandum de incorporeo & spiritali Cœlo, quod sit certus locus supra omnes cœlos, in quo sancti agāt corporaliter, sed quod sit regnum cœleste, quod nec locis nec locorum interualis, sed maiestate Dei definitur, vt vbicunque Deus sua maiestate regnat ibi sit incorporeū & spirituale illud cœlum. Item, Deus erit omnia in omnibus. Si autem Deus erit in nobis omnia, erit ergo & locus noster. His accinit securus de victoria suum epiphonema, & dicit,
 fe

se à parte sua habere prophetas & apostolos,
& proinde non timere quid sibi faciat homo,
quid rideat, quidûe naso suspendat adunco.

Expendat verò quisq; apud semetipsum diligenter, obsecro, quale nam doctrinæ genus sit, quod nobis in præsentî de Cælo Brentius propinat, quàm firmum vel infirmum, quàm certum vel incertum, aut quàm probe cum semetipso congruat, vt vel hinc colligat an tutò tali se possit credere ludo. Ac initio quidem nihil vrget & repetit ille feruentius, quàm Cælum non esse locum certum. Quod si ipsi demus, quod ille vrget tantopere, quid obsecro effecit operæ præcium? Age itaq; sit Cælum non certus, sed incertus locus. Ergone qui assumpti sunt in cælum & subuehuntur adhuc in cælum, in nullum certum locû perueniunt? Si autem in cælum quod supra nubes est, non perueniunt, quo obsecro perueniunt? Ergo ne migrant in Vtopiam, in qua hospites excipit Vtis? Vbi itaque nunc est spes de certâ fideiû salute in cælo? Dissoluta est per doctrinam Brentij. Verum non ita docuit nos dominus noster Iesus Christus. Voluit is nos potius scire certò, certissimum nobis locum in domo patris esse paratum, in quem ipse prior præcessurus, nos deinde ad se recepturus sit. Sicuti videre est apud Ioan. in cap. 14. In ea potius

Expenſa
Brentij de
ſtrina de
Cælo.

A D L I B. B R E N T I I

doctrina & spe certa perseueremus, credentes fidelibus per Christum paratum esse locum certissimū, & in hunc ipsos recipi certò.

**Forte Cœ-
lum iā mo-
re poetico
factum est
Deus.**

Deinde eximit ille Cœlū omnibus suis terminis, & definit ipsum simpliciter maiestate Dei, vt Cœlum tam longè lateq; sese expandat, quā late patet maiestas Dei. De quo mox quædam subijciemus. Expandit præterea & alia ratione Cœlum per omnia, dum affirmat Deum inhabitare lucem ad quam nemo accedat. Porrò lumen hoc esse ait profunditatem diuinæ sapientiæ. Huc enim detorquet ille apostoli verba ad Rom. II. Proinde habitant in profunda Dei sapientia, iuxta Brentij doctrinam, quotquot Cœlum inhabitant: & sunt vbiq; sicuti lumen & sapientia Dei vbiq; sunt. Sed cum interim audiamus ad lucem illam neminē accedere, quomodo obsecro sunt vbiq; qui in ea luce, vtpote hominibus inaccessa, non sunt, per quam esse debebant vbiq; Et si ibi Cœlum est, vbi Dei maiestas est atq; gubernat, certum est autem Deum maiestate sua punire impios apud tartara, ergone cœlū erit in inferno? Erit sanè Deus omnia in omnibus, sed ea de causa Deus nō erit loco cœli. An Cœlo nihil opus erit deinceps, cum modo secundum Brentium Deus etiam factus sit Cœlum? Interstinguit scriptura & fides no-
stra

**Deus om-
nia in omni-
bus.**

stra inter Deum & Cœlum, & nō commiscēt
 Cœlum cum Deo, vt Deus sit cœlum, locus
 inquam habitationis nostræ: sicut hæc com-
 miscet Brentius imprudēter. Testatur aut scri-
 ptura disertè nos Cœlum inhabitaturos, vt lo-
 cum beatitudinis, & ibi visuros Deum, sicuti
 Iob dixit, Et rursus (à resurrectione) circum-
 dabor pelle mea, & in carne mea videbo De-
 um, &c. Atque ad hunc modum orthodoxe
 & significantissime exposuit nobis hoc nego-
 tium beatus Ambrosius, qui De fide resurr.
 dixit, Vbi ergo Dei habitatio esse debuit, nisi
 in regno Dei? Vbi est autem regnum Dei, ni-
 si in cœlis? Ibi omnis ecclesia cum illo erit. Ad
 eundem modum docuerunt de hac re omnes
 alij orthodoxi ecclesiæ doctores. Vnde pij in
 hac firma & clara veritate perseuerant. Quod
 verò apostolus dicit, Deum omnia futurum
 in omnibus non huc pertinet, quod omnis re-
 rum vel creaturarum tollenda sit differentia,
 ac inter se commiscenda & in deum redigen-
 da, sed quod Deus futurus sit omnium sancto-
 rum in Cœlo vel in æterna beatitudine satie-
 tas abundantissima, adeo vt post ipsum nihil
 sint amplius desideraturi: quemadmodum &
 Dauid dixit, Notam mihi facies semitam vi-
 tæ: satietas gaudiorum in cōspectu tuo est, &
 iucunditas in dextera tua in perpetuum, &c.

Psalmo 16. Iactitat quidem magno hiatu Brentius se habere à suis partibus prophetas & apostolos: verùm lector prudens saltem ex hoc apostoli loco, quo abutitur ille tam turpiter, intelligit sua ipsum opinione prorsus decipi.

De habita-
culo sancto-
rum.

Rursus quærit Brentius, Vbinam futuri sunt sancti? ac excipit, Apud Christum, qui dicit, Assumâ vos ad meipsum, vt vbi ego sum, & vos sitis. Deinde subdit, Vbi auté est Christus? Respondet, Apud patrem. Erimus ergo & nos apud patrem. Vbi autem pater? Ibi est, vbi nos erimus, &c. Quem verò hæc responsio non admonet eius, qui rogatus quando nam venisset? respondit, Quando ingressus sum portam. Et iterum rogatus, quando verò ingressus es portam? excepit ille, quando veni. Quare non respondet hic Brentius, quod responsum oportuit, & ex præmissis consequitur. Cæterùm abhorret ab ea responsione, itaque de nouo quæstionem instituit aliam, & ait, Quid ergo? Num & sancti sunt vbique & implent Cælum & terram, sicut Christus? ac respondet, Sanctis data est gratia, sicut scriptum est, iuxta mensuram donationis Christi. Non igitur simus in præsentia & in hoc seculo de sanctorum in altero seculo statu solliciti, &c. Quis autem hic non videat fugitare
ad

aduersarium, ne concludatur, & arte interim fugam dissimulare, denique singulis auditorum cupientium in præsenti certum aliquid videre, discere, habere, verborum offundere nebulas? Quando enim paulò ante apertè dixit sanctos esse cum patre & cum Christo, & in tota hac causa nihil magis vrgeat quam Christum, qui est in Cœlo, esse vbiq̃ue, quare itaque hic tergiuersatur, quare non libere fateatur, quod ex concessis vel datis omnino consequi oportet, sanctos quoq; in alio seculo vbiq̃ue futuros. Hoc verò cum apertè non audeat asserere, reddit profecto suspectam suam illam doctrinam de Cœlo vbiquario hætenus propositam atq; defensam.

Et quidem quomodo poterit vir bonus se ex hac extricare controuersia melius, quam si sentiat Christum vt hominem verum, licet interim sit Deus etiam verus, corpore suo vero & clarificato, & sanctos quoque iuxta modum doni accepti à Christo, inhabitare cœlum cum gloria, eoq̃ue in loco vt in habitatione cœlesti, contineri & non per omnia diffundi? Quibus deinceps sanè non incommodè adiungeretur, pios curiosius porrò non scrutari in statum sanctorum, qualis is sit in alio seculo, verum expectare magis, quando illuc translati, corâ omnia videât, quæ nunc nō ita

Plana huius
rei explica
tio.

exactè perspiciunt. Rursus autem intelligunt paulò exercitiores in scripturis locum apostoli ad Ephesios quarto accipiendum non de gratia & donis gloriæ futuri seculi, sed de ijs quibus in ecclesia & in præsentī hoc seculo fideles suos locupletat dominus. Vnde iterum colligit aduersarium scripturis prophetis & apostolicis de quibus toties & tantopere gloriatur, de tortis quidem ijs confidenter admodum abuti.

In cœlo
Brentii In-
inueniuntur
satan & an-
geli eius.

Porro dum ille progreditur in ornando illustrando quæ Cœlo illo suo vbiquario, huc tandem recidit, ut apertè dicat, Et ut Zuingliani iterum habeant, quod pro ipsorum ingenia exagitare possint, Cœlum illud ea est conditione, ut in eo non tantum sancti homines verum etiam satan & angeli eius inueniantur. Hæc ille. Cupit fortassis Brentius hoc veluti paradoxo, ostentare ingenij sui acumen: sed perpendisset interim apud se, prudentiores posthac non magnopere hoc Cœlum curaturos, in quo inueniuntur & cacodæmones, atque ita semetipsum infamare & despectissimum reddere suum illud Cœlum. At quis in præsentī non videat, nos iam Romanos vincere sedentes id est, nobis verissimè Iosaphati illam deberi victoriam, quam aduersarius sibi in initio disputationis de Cœlo polliceba-

tur? Scriptura certè sacra non solet ita vt Brentius, loqui de Cœlo neque hoc vllis præter Dei amicis communicare. Sanctus Ioannes grauitè pronuncians, Apocal. vigesimo-
August. de ciuit. Dei li bro 20. 62. 22.
 secundo capite, ait, Foris canes sunt, & venefici, & impudici, & homicidæ & idololatræ, & omnes qui diligunt & faciunt mendacium. Quandoquidem verò satan mendax est, & pater mendacij omnisque mali, quomodo hic obsecro inuenitur in cœlo? Foris ait Ioannes, sunt canes, &c. Et si Deus voluerat inueniri in cœlo satanam & angelos eius, cur hos oro præcipites egit, sicuti beatus Petrus testatur, in imum inferni? Si item Cœlum iuxta descriptionem Brentianam, lux est inaccessa, dicat nobis Brentius, quale nam priuilegium præ omnibus alijs acceperit habeatque principes tenebrarum, qui in luce & Cœlo inueniatur? Sin uerò Cœlum est profunditas, vt iterum asserit Brentius, diuinæ sapientiæ, quomodo in diuina illa sapientia, inuenitur summa stultitia, diabolus inquam cum suis? Rursus, Si ibi est Cœlū, vbi est gratia Dei, Quomodo obsecro in Cœlo inuenitur, qui & est & manet in summa Dei ira atque indignatione? Profecto sicut satan in veritate non stetit, ita in Cœlo inueniri nunquam poterit. Clamet iam ad rauim vsque aduersarius, garriat, perstre-

A D L I B. B R E N T I I

pat & pro more suo infinita vanitatis verba profundat, nunquam sanè probabit satanam eo inueniri loco, vnde deturbatum rectè credimus.

Brentij ca-
non quomo-
do intelligē-
dum in scri-
ptura supra
& infra.

In hanc insaniam uidetur ruere aduersari-
us, quod sibi permittit nimium. Fingit enim
sibi nescio quas regulas interpretandi scriptu-
ras, non compositas ad antiquam simplici-
tatem & ad sensum pietatis & fidei, sed sui
propriar arbitrij. Cuius quidem generis est,
quod ait, Cum sermo est de rebus spirituali-
bus & cœlestibus, hæc vocabula *S V P R A* &
I N F R A vsurpantur quidem ex humana
consuetudine, non definiuntur autem locis,
sed dignitate indignitate, maiestate abiectione,
gaudio horrore, lætitia tristitia & alijs id
genus. Quid verò hac sua regula non peruer-
tere queat aduersarius? Et si nos recipiamus
ex traditione Brentij *Supra* & *Infra*, ita vt fin-
git, vsurpari in scripturis, haud difficile illi e-
rit eludere omnia testimonia scripturæ, quæ
attestantur Cœlum esse sursum, infernum
esse deorsum, aliaque huius generis pluri-
ma. Proinde sicut in responsione nostra an-
tea diximus ita nunc repetimus, relegare
nos huiusmodi phantasias ad Pyrrhoniorum
Scholam.

Consignauimus hætenus, & quidem bre-
uibus,

uibus, Brentij doctrinam de cœlo, eamq; pio
 lectori excutiendam permitto. Spero autem
 cordatiores omnes iam iâ intellexisse, obscura
 absurda, insyncera & impexa esse quæcunq;
 ille de suo in hoc attulit negotio, ac proinde
 omnes ybiquario eius cœlo relicto, agnituros
 verum, illud & antiquum cœlum, quod est in
 excelsis, & in quo est dominus noster Iesus
 Christus. Redeo iam ad elucidandam defen-
 dendamque responsionem meam.

*Verba saluatoris nostri Ioan. 14. In do-
 mo patris mei. &c. intelligenda esse de
 certo loco beatorum qui supra nos in
 cœlis est.* CAP. V.

AD confirmandam meam de cœlo sen-
 tentiam, quod Cœlum locus sit etiam
 ab ipso appellatus domino, adduxeram ex e-
 uang. Ioâ. verba saluatoris nostri, In domo pa-
 tris mei mansiones multe sunt. Et si abiero ad
 parandum vobis locum, &c. Brentius verò vt
 clara Domini verba obscuraret, & ex mani-
 bus meis extorqueret, negavit ea simpliciter,
 vt sonant, exponenda esse de loco, adiecitq;,
 ipsos etiam interpretes veteres non de loco
 intellexisse, sed de gradibus beatitudinis & de
 præmiorum differentijs. Ea occasione in me-
 dium adduxi aliquot veterum interpretatio-

*Verba sal-
 uatoris Io.
 14. sonare
 de certo
 cœli loco
 supra nos.*

nes, exponentium illa non tantum de præmio
rum diuersitate, sed etiam de loco, quod in-
quam in cœlo supra nos sit beatis parata man-
sio. Vbi verò sensit aduersarius, se causa cecidi-
disse, & ita comprehensum esse, vt nullibi vl-
lum pateat ipsi effugium, arte sophistica, mihi
conatur inuertere disputationis statum, postu-
lans modo probem quod in cœlo sint certa lo-
ca & habitacula, in quib. Christus & electi e-
ius motione physica eant & redeât, &c. At du-
dum illi responsum est, qua ratione dicamus
cœlum esse locum certum. Et verba saluato-
ris nostri, In domo patris mei mansiones mul-
tæ sunt, clara sunt. De quibus abunde dixi in
Responsione mea fol. 27. Nulla itaque proba-
tione opus esse video copiosiore. Neque
quæstio est de ijs rebus potissimum, de qui-
bus nouam probationem postulat aduersa-
rius: sed de eo quæritur, An aliqui veterum do-
ctorū, verba domini, In domo patris mei man-
siones multæ sunt, exposuerint, non tantum
de diuersitate præmiorum, sed etiam dixerint
cœlum quod supra nos est, locum esse certum
beatis ad æternam felicitatem participandam
adaptatū. Spero autem equum lectorem agni-
turum, quod adductis à me S. Cyrilli Augusti-
ni & Hieron. testimonijs, id quod mihi proban-
dum sumpseram, euidenter satis comprobasse.

Cum q̃

Cumq; hac in causa adductus sit etiam lo-
 cus apostoli ex 1. ad Theſſal. 4. cap. non admo-
 dum ingenuum hic se exhibet aduersarius.
 Dicit enim, Certè si vrgeas τὸ ἑνὸς Pauli, sicut
 vrgetur nomen loci & mansionum, sancti nō
 erunt in cœlo vestro empyreo, sed in nubibus
 & in aere. Dicit enim Paulus, Rapiemur ob-
 uiam Domino. In quem locum? Non ait in
 cœlum, sed in nubibus in aera. Et addit, Et sic
 erimus semper cum Domino. Quomodo sic?
 In nubibus videlicet & in aere. Rectè verò i-
 pse mox talem interpretationem vocat iucun-
 dum phantasma. Nihil enim est aliud quàm
 tergiuersatio phantastica. Dum Paulus ait san-
 ctos Christi venturos obuiam in nubibus, si-
 gnificat vtique non substitutum in nubibus.
 Nam in eas descendit è cœlo, loco beatitudi-
 nis, vt absoluto iudicio, cum sanctis in vnum
 cœtum congregatis, iterum redeat in cœlum,
 vnde descendit in nubes, & in quod ascendit
 dum in gloriam patris intrauit. Mansuri ergo
 habitaturiq; sunt cū ipso sancti in illo ipso cœ-
 lo, & non in nubibus. Quemadmodum etiam
 commonstrauī sol. 37 Respons. meæ. Tractat
 eundem locum & Augustin. libro de Ciuita-
 te Dei 20. capit. 20.

Sancti cum
 Christo nō
 in aere aut
 nubibus
 sed in cœlo
 habitabunt

Interim ne victus videatur aduersarius, la-
 xis in nos fertur habenis, accusatq; vos teme-
 rariatem.

Quis intra
 alterius ac-
 cuset teme-
 rariatem.

AD LIB. BRENTII

ritatis omnium maximæ, quasi nulli vnquam
visi sint Zuinglianis magis temerarij. Verum
si de temeritate conqueri oportuerat, quis iu-
stius nobis cōqueritur de Brentio? Hic enim
pertinaciter non tantum hoc oppugnat, quod
hactenus ab omnibus fidelibus pro comperto
indubitatoq; creditum est, cœlum quod supra
nos est, & infernum qui infra nos est, loca esse
certa beatorum & infelicium, sed insuper et-
tiam temeritate omniū maxima conatur ipsi
domino verba sua inuertere aliterque inter-
pretari, quàm sensus ipsorum ferat simplici-
tas. Nam cum Christus nobis commonstret,
Domum patris sui ac vniuersa interim scrip-
tura passim hanc domum dicat esse cœlum,
quod supra nos est, Christusque addat in do-
mo illa mansiones esse multas: denique si a-
beat, paraturum se nobis locum, & rediturum
mox, assumpturumque nos ad ipsum, vt vbi
ipse sit, ibi nos quoque simus futuri, audet ta-
men ille contra tam perspicuam veritatem af-
firmare non esse tales mansiones, neque lo-
cum supra nos in cœlo, in quo sancti habitent
corporaliter. Nos verò gratulamur nobis, &
Deo gratias agimus, qui illa de re, nos erudie-
rit tam luculenter. Si Brentio in hac causa fa-
uerent verba domini vsque adeo perspicua &
& euidentia, quos ille ageret triumphos, quàm
petu-

petulanter nostris insultaret capitibus? Per-
 stimus ergo in veritate clara, nobis à Christo
 tradita, scientes illum, per quem conditum est
 cœlū & terra, exactissime tenere, locus ne sit
 in cœlo ac mansiones, an nullæ sint, cumque
 disertis verbis testatus sit esse mansiones, &
 esse locum paratum, certissimum est indubi-
 tatum esse eius testimonium, ac fallere pror-
 sus neminem.

Conatus est quidem ille priori libro suo
 contra me edito, hanc claram domini lucem
 obscurare figurata interpretatione, quemad-
 modum nunc quoque in postremo suo libro
 loquitur nescio quid de verbis mutuo ab ho-
 minibus accipiendis. Cæterum cum ipse no-
 bis dominus verbis planis significatissimisq;
 denique sensu perspicuo explicarit & attesta-
 tus sit esse in cœlo mansiones & loca excipien-
 dis fidelibus parata, non video quæ necessitas
 iubeat nos alia verba mutuo ab hominibus ac-
 cipere. Nondum sanè ad inopiam redactus
 & verbis ita destitutus exhaustusq; est domi-
 nus noster, vt aliunde, & maximè à miseris e-
 genisque hominibus ipsi opus sit verba mu-
 tuari. Nihil huiusmodi artibus sutelisque o-
 pus est nobis. Tenemus enim sensum simpli-
 cem & diserta domini verba, quæ neq; fides,
 neq; alia illustriora scripturæ loca, neq; absur-

Verba do-
 mini Ioan.
 14. non fi-
 gurate in-
 terpretanda.

Hic mauult
 figuram ad-
 mittere
 quàm in
 verbis cor-
 rectorum domini.

ditas vlla, iubet nos expedire per figuratam interpretationem.

Philippus
Melanch-
thon intelli-
git ascensio-
nē domini
quō figurate

Iam quod hic quoque beatæ memoriæ Philippi Melanchthonis viri pijsissimi doctissimiq; testimonium hac de re adduxi, ambagibus ille vtitur subdolis, dicitque nihil ad rem pertinentia. Atqui non curatur caussa morbida verborum fūco. Constat Philippum paulò antequam hinc migraret, scripto contestatum & quidem apertissimè contestatum reliquisse posteritati, id quod in hac causa nostra præcipuum est, articulum fidei nostræ de ascensione Christi in cælum non figurate intelligendum esse, sed simpliciter prout verba sonant: Hic non esse fingendas allegorias, Ascensionē Domini fuisse visibilem & corporalem. Ac ita semper antiquitatem vniuersam sensisse, Christum corporali locatione in aliquo loco esse, vbicunque vult, factamque ascensionem Christi corporalem, sursum, &c. Atque hæc omnia Philippi sunt verba, quibus medicatio artificiumque Brentianum de mutuo accipiendis verbis, conuulsum & euersum iacet. Nec fulciatur hic ille tantillum, hisce suis verbis, nullius hominis auctoritatem, certitudini scripturæ sacre (quæ immota est est veritatis regula) præferendam. Nam ea quæ hic adduxit Philippus vt scripturis

con-

congrua atque suffulta, ita articulis quoque fidei sunt inserta, habenturque iure pro irrefragabilibus: vt iam non dicam ea ipsa sic nobis tradita esse ab vniuersa pia & erudita verustate, testimonijs omnium seculorum concordibus. Quod si pergat nihilominus spre-
tis his omnibus aduersarius, rationes & fu-
cos quærere, quibus causam suam morbi-
dam suffulciat atque tingat, bonam verò no-
stram concutiat atque suggillet, pij tamen
eligent potius veritati sempiternæ & claris-
simæ adhærere imò & immori, quàm eius ac-
cedere offucijs. Quæ ille præterea per vniuer-
sum librum suum ludens ridensq; expuit con-
tra cælum empyreum, nulla confutatione in-
digent. Consistunt enim immota adhuc, quæ
ea de re à folio 22. vsq; ad 31. scripsi in Respon-
sione mea. Ac malle in vniuersum ab omni
contentione abstinere, simpliciterq; id quod
verum est profiteri: sed aliò me rapit aduersa-
rij importunitas.

Hic dū mihi explicare vult, quomodo cœ-
lum sit locus ipsumq; rursus non sit locus, sta-
tus, inquit, rerum cœlestium dicitur vnus per-
petuus locus: quia res spirituales & cœlestes
non sunt nihil, sed in rerum natura vere exi-
stunt. Nullus autem dicitur earum locus, vi-
delicet corporalis, &c. Cum his oro cōponat

*Quomodo
locus non
sit locus.*

lector pius, quæ eadem de re in mea Respon-
sione hisce verbis cōmemoro, Cuperem hoc
nobis ille explicaret perspicue, quomodo lo-
cus & locus sit & locus non sit. Si enim intel-
ligit locum vere esse locum, eundem tamen
non locum ea de causa nuncupat, quod terre-
nus vel corruptibilis locus non sit, cur, obse-
cra me persequitur, & in me hostiliter suam
ipsius sententiam oppugnat? Si verò non ita
intelligit, Quid oro dedit, cum locum conces-
sit? &c. Has inquam sententias inter se compo-
sitae examinet diligenter lector æquus. De-
prehendet, spero, meam de cælo, quod locum
esse contendo, tam esse claram firmamque, ut
quod huic aduersarius præter verborum ne-
bulas fumosque cum insigni peruicacia oppo-
nat, nihil habeat prorsus.

Quomodo
edatur in
cœna cor-
pus domi-
ni corpora-
liter & ta-
men ineffa-
biliter.

Et cum antea petijsssem ab aduersario, si mi-
hi explicare vellet, quomodo locus & locus
sit & locus non sit, faceret hoc explicatione
quæ semetipsam non negaret atque euerte-
ret: quemadmodum fieri soleat in causa cœ-
næ dominicæ, in qua dicunt, edi quidem cor-
pus domini præsens corporaliter, non tamen
corporaliter crasso modo, sed corporaliter mo-
do ineffabili. Quisquis enim dixerit rem ali-
quam fieri corporaliter, modum exposuit, ut
ille amplius ineffabilis esse non possit. Ad ea
nunc

nunc respondet Brétius, & ait, Cum à nostris dicitur corpus Christi in cœna adesse & manducari corporaliter, & tamen nō corporaliter, intelligitur alterum de veritate præsentie corporis, alterum de corporali sensu: vt sit sententia, verum Christi corpus vere præsens esse in cœna & manducari, non autem sensibilibiter, aut exterioribus hominum sensibus perceptibiliter. Hæc si putas tu, inquit, sese mutuo interimere, elleboro tibi opus erit. Illa autem sic excipio, Si præsens Christi corpus in Cœna corporaliter percipitur, sanè fieri oportet id sensibilibiter, modo quæ effabili. Alioquin enim corpus non erit manebitque corpus. Explicatio itaque hæc Brentij non minus semetipsam elidit, quàm prior illa. Cæterum si Christi corpus est & manet verum corpus, vt omnino esse manereque oportet, interim tamen non sensibilibiter, id est non corporaliter, sed spiritualiter percipitur, cur obsecro pugnat nobiscum Brentius? An ignorat & illam ipsam nostram esse sententiam? Certè si ad hunc modum se ille declararet, sicuti & scriptura sancta & vniuersa vetustas sese explicans, orthodoxe docuit, nempe, verum Christi corpus & verum eius sanguinem vere percipi, non tamen carnaliter vel corporaliter, sed spiritualiter, per fidè, agnosceremus profe

Et o & nos declarationem hanc veram esse & catholicam: Ac si ea est mens ac sententia Brentij, disparuit vtique quod inter nos erat sacramentarium dissidium, ac vtrinq; cōsentimus in domino. Si verò iste non ita sentit, sed pergit insuper ea oppugnare quę nos cum sancta vetustate communia habemus atq; docemus pie, parcat licet sumptui, quem facturus erat in parādo mihi pharmaco, sibi potius paret el-leborum. Cernunt enim pij omnes, mihi, vtpote per Dei gratiam, sano, nihil planè opus esse elleboro. Faxit autem Christus dominus, vt ille purgatus probè, sanitati restituatur solideq.

De ascensione Domini nostri Iesu Christi in cælum, & quod cælum in quod ascendit dominus noster, certus sit locus, supra nos, & non in terris, aut ubique.

CAPVT VI.

Nostra de cælo doctrina fundata in ascensione domini.

TAndem & ad ascensionē domini nostri Iesu Christi peruenio. Ascensioni huic Domini cœlesti, dixeram diserte Brentio, doctrinam me meam de cælo in excelsis supra nos parato, veluti fundamento firmissimo imponere. Proinde si existimaret hac in parte me aberrare, æquū videri, vt cum semel cōtra me de cœlis supra nos in excelsis constituto, scribere instituerit, solidis mihi argumentis cōmonstret, me vel ascēsiōnem domini in cælum

lum non recte intelligere, vel testimonia illa quæ confertim veluti in aciem collocaui, perperam instituto illo meo, adaptare. Id enim si non faciat, firmam immotamque permanere nostram de cælo doctrinam, utpote firmissimo Dei verbo impositam: videre simul omnes me nullum condere cælum novum, aut ab alijs conditum defendere, sed veteri veroque ferre testimonium: videre denique vniuersos, cælum Brentij vbiquarium, non modo concussum ruere, sed iam iam dissipatum, prorsus euanuisse, nullo ne vestigio quidem relicto.

Ad hæc mea aduersarius vt priore responsione nihil solidi attulit, ita ne nunc quidem ultimo suo scripto mea illa attigit, nedum confutauit: tantum inter alia dicit, Scio de ascensione extare perspicua sacræ scripturæ testimonia, & agnosco ea esse verissima ac certissima. Quare non opus erat ad ea respondere, quod mihi alicubi satis odiose exprobrat Bullingerus, sed illa quæ ex his scripturæ testimonijs fingit, nec scio nec approbo, &c. Si verò corde integro atque sincero credis, sicut rotundo ore confiteris Brenti, Christum Dominum vero suo corpore ascendisse in cælum, & manere in cælo, quorsum obsecro pertinent illa tua verba;

Ascendit in
cælum.

quæ fol. 105. libri tui sic leguntur, quare nihil aliud reliquum est, quàm quod Christus cum corpore suo, non solum non concludatur, vel vlllo alio loco, vel locali illo, quod Zuingliani fingunt cælo empyreo, verum etiam penetrauerit & euaserit omnia loca, siue supera, siue infera, siue terrena, siue cœlestia, &c. Etenim si hæc tua verba logodædale Brenti vera sunt, quid quæso dedisti nobis cum confessus es, Christum corpore suo ascendisse in cœlum? An non sonant verba fidei ascendisse Christum corpore suo in cœlum, & non penetrauisse cœlum, id est euasisse vel elatum esse extra cœlum? Quis nesciat ingens esse discrimen inter hæc, penetrare cœlum, id est efferri extra cœlum, aut euadere cœlum, & ascendere in ipsum cœlum? Proinde cum tu dicis Christum ascendendo in cœlum, elatum esse extra cœlum, euasisseq; omnia loca infera & supera, terrena & cœlestia, negas profectò, ipsum elatum esse in cœlum. Ergo negas nūc hisce verbis (Christum euasisse omnia loca) id quod antea dedisti hisce verbis, Credo Christum ascendisse in cœlum. Ergo ne, cum hæc luce clariora sint, tantum tibi superest mentis, vt hinc quoque intelligas dilucide, grauius te hoc errore à Deo iusto puniri, qui mysterium ascensionis Domini articulumque Chri-

Christianæ fidei non ea explices simplicitate, qua decebat. Quod si Christus corpore suo, iuxta tuam doctrinam, penetrauit & euasit omnia loca, tam infera quàm supera, tam terrena quàm cœlestia, ergo ne nunc neque in cœlo quidem ipso neque est in terra, utpote quæ omnia illum euasisse dicis? Vbi itaque est Christus, amissimus ne Christum? Vbi denique est tua illa vbiquitas? Si vbique est, ergo in cœlo est, ergo in terra est? &c.

Deinde si sincere credis & confiteris veram Domini ascensionem in cœlum, quorum sum rursus pertinent hæc tua verba quæ in libro tuo folio 69. ita leguntur? Cum dicitur de Christo, Ascendit in cœlum, non est intelligendum quod Christus, postquam in ascensu suo visibili susceptus est à nube, & subductus ab oculis discipulorum, conscenderit per orbes planetarum, physica motione (ad quæ illi responsum est abunde in Responsione mea, folio 25. & 26.) & inuasit in fictitium & corporale cœlum, quod empyreum vocant, in quo sedeat, stet, ambulet, & corporali modo circumeat: sed quod confederit ad dexteram patris sui omnipotentis. Dexterâ autem Dei non est certus locus aliquis in cœlo, sed est omnipotentia & vniuersa maiestas Dei, &c. Siste verò hic

*Ascendit
Christus
non ad locum certum,
sed ad omnipotentiam
Dei.*

gradum, Brenti, paulisper, ac expende apud te quid hisce verbis tuis dixeris, & quam probè hæc congruant cum tua confessione, Credo Christum ascendisse in cœlum. Si enim cœlum non est locus supra nos in excelsis, sed omnipotentia & vniuersa, vt dicis, Dei maiestas, quam sanè nemo vbique esse dubitat, edisseras nobis vellem, quid opus fuerit Domino ascensione in cœlum? Etenim ascendere, quod ipsa loquitur res, est de inferioribus contendere ad superiora. Iam verò si cœlum illud in quod fateris conscendisse Dominum, non est locus supra nos in excelsis, sed maiestas Dei, quæ hic apud nos & vbique est, nihil profectò opus fuerat Domino ascendere eò vbi erat prius. Contestatur autem veritas Euangelica & Apostolica quod Dominus noster vero suo corpore ex terris in ipsum ascenderit cœlum, & quod in terris amplius non sit. Proinde cœlum in quod ascendit Dominus noster, non est maiestas Dei & vbique, sed locus supra nos in excelsis, in quem ascendens Dominus peruenit, & in quo nunc habitat vero suo corpore. Quinimo tua vbiquitate infelici expungis tollisque veram Christi in cœlum ascensionem. Aut cur non potius confitentes fidem nostram, iuxta tuam doctrinam, dicimus, Ascendit

Grego. Nazian. cōtra
Eunom. Vigil. in dilp.
inter Sab.
Phot. Ariū
fol. 38.

dit ad omnipotentiam Dei: sed non ita confitemur, sed dicimus diserte, Ascendit in cœlum, En in cœlum ascendit. An verò in hac causa quoq; vti & in alijs quibusdā omnia nobis miscebis, ea quoq; quæ inter se sunt luculenter distincta? Annón inter se distincta sunt cœlum & omnipotentia vel maiestas diuina? ita vt cœlum non sit omnipotentia Dei, sed locus Christi corpori omnibusque sanctis eius præparatus, omnipotentia verò sit Dei immensa potestas adeoque ipse Dominus omnia potens? Sentis ne tandem chare frater Brenti, quid ijs vsuueniat quantāue coniiciantur in pericula, quotquot nimium sibiipsis tribuentes vtentesque verborum artificio perplexitateque, plus volunt scire quàm regula proportioque fidei permittat? Adhortor itaque te, quam possum amice & diligenter, vt sicuti fateris te credere Christum corpore suo ascendisse in cœlum, ita etiam tuam illam disputationem quam simplici alioqui adiungis confessioni, modereris, ne inde colligant vel pueri te in speciem & summis, quod dici solet, labris quidem confiteri ascensionem Domini, at eandem rursus ac reuera te negare, oppugnare atque expungere.

Quod si aduersarius non agnoscit nostras,

Consequen-
tias ex ascē-
sione domi-
ni eductas
nō agnoscit
Brentius.

vt ait, consequentias, quas ex ascensione Do-
mini colligimus, & quas contumeliose pu-
tidas nuncupat consequutiones, quare nō ad-
ducit rationes solidas quibus approbet tales
esse nostras consequentias, quales esse calum-
niatur. Verū mutus est hac parte: id quod
mox compensare conatur querimonia. Nam
queritur de mea importunitate, qua hosti-
liter in ipsum irruam ac impetuose cum ipso
agam. Cum tamen qui me norunt familia-
rius, longe, opinor, benignius de me iudi-
cent. Nunquam, quod sciam, pro homine
habitus sum impetuoso: solus Brentius (cum
quo, si ferret res, pacem habere mallet, quā
litem) omnia mea, nescio quo hoc fiat syde-
re læuo, pessimè consulit, & acerbissimè in-
terpretatur. Fortassis hoc nomine parum
propitius mihi factus est, quod paulò libe-
rius & euidentius errores aliquot eius pro-
traxerim in lucem validiusque confutarim.
Aut certè applausu in re qualibet suorum,
ita est dementatus, vt importunitatem exi-
stimet, cum ipsum scripturarum & patrum
testimonijs vrgeo, nec facile permitto ipsum
vagari à proposito, aut regulas interpretan-
di scripturas condere pro libito. Certè si
non expedite & modeste eius responderem
scri-

scriptis, sed despicerem fastuose contumelioseque & impetuose ipsum exciperem, haberet quod quereretur de mea illa importunitate: nunc verò norunt omnes quotquot Respon-
sionem meam legerunt, ita me agere cum Brentio, Principio non immodeste illi ostendo dominum nostrum Iesum Christum vero suo corpore ascendisse supra omnes cœlos visibiles, peruenisseq; in supremum Cœlum, in locum æternæ felicitatis. Deinde pari modestia demonstro Cœlum in quod vero suo corpore ascendit dominus, certum esse locum. Hæc illustro atque munio testimonijs scripturæ diuinæ, petitis ex scriptis euangelicis atq; Apostolicis. Quod si quis ista certius pleniusque discere aut experiri cupit, legat Respons. nostram, à fol. 28, vsque ad 34. Testimonium, spero, exhibebit mihi lector æquus, non tantum, quod importunius cum aduersario egerim nihil, sed quod illud ipsum etiâ, quod mihi probandum sumpserâ, dilucide & euidenter comprobauerim: ita vt quamuis ille cupiat omnibus persuasum, illa mea indigna esse vlla responsione, experturus sit tamen æquus ille lector, solida esse illa argumenta, atque veritatem à nostris perstare partibus inuictam, siue verò ille respondeat siue taceat.

Nam quod ille alibi quoque dicit, Scilicet

Responsio-
nes Brētij.

illis scriptoribus nō est respondere, si quis exposita & confirmata vera & pia eius causæ, quàm tractandam suscepit, sententia, paucis verbis lectorem admoneat, quid de obiectis aduersariorum sit sentiendum, Et nisi singula verba aduersariorum numeres, ac commentarium in ea scribas, audiendum erit, pisce magis mutus es, &c. iniuriam certè facit, fugamque callide dissimulando, commodè quærit. Dudum sanè longi illi logi nauseam nobis ciuere, tantum abest vt vel à Brentio, vel ab vllis nostris aduersarijs, nunquam postulauerimus prolixos conscribi commentarios. Atque vtinam pepercisset ille sibi in postremo hoc libro suo componendo, neque ita se & auditores prolixa & impexa garrulitate defatigasset. Potuisset ille omittere multa, imprimis ea quæ nullo cum fructu multa autem cum molestia toties repetendo inculcat, ac illa etiam quæ parua cum gratia nec sine leuitate ridendo ludendo vexandoque profundit. Consultius fecisset multò, si expedita faciliq; obseruata dispositione, ad ea duntaxat respondisset breuibus, quæ causæ nostræ præcipua sunt. Ita enim sua expeditius legi potuissent, neque ita excreuissent, essetq; & nostra hæc responsio succinctior & gratior fortassis. Nunc tamen ista omnia qualia qualia sint, æquo lecto

ri vtrinq̃ue expendenda relinquo.

Spero autem pios lectores, ex his meis licet nunc & antea non operose expositis, nullo negotio intellecturos, doctrinam nostram de cœlo, non harenæ, quod aduersario videtur, esse impositam, sed veræ ascensioni domini nostri Iesu Christi in Cœlum illud quod supra nos est, atque ideò firmam immotam. que peristare. Poterunt his secure & tutò inniti fideles. Sicut enim manifestè cernunt Christum corpore & anima verè in Cœlum ascendisse, & nō in Vtopiam, id est, in nullum locum certum, sed fursum, in domum patris, in mansionem beatorum æternęque felicitatis, ita fide indubitata credunt, se quoque animabus & corporibus suis sequuturos ea via dominum, quam ille parauit, & qua ille præcessit, atque ita in beata vita, in Cœlo, semper futuros cum domino. Cui laus gloria & gratiarum actio sit in secula seculorum, Amen.

Fruſtus diſputationis de vera domini in cœlum aſcenſione.

*De testimonijs sanctorum patrum
uel doctorum ecclesiæ, imprimis
uerò de sancto Theodoro Cyrī
episcopo. CAP. VII*

Brentius
contra doctrinam veterum patrum in hac causa

COmplura scribit in hoc opere suo de maiestate aduersarius, de doctorum

ecclesiæ doctrina, quos certè inuadit tertiu,
 multaq; in eos dicit, quæ qualia sint facilè &
 rectè iudicabunt viri in ecclesia periti, quibus
 perspecta est veterum patrum fides eruditio
 labor diligentiaq; & gratia à Deo ipsis concessa,
 viderūt illi proculdubio peruenisse eò iam
 Brentium, vt semel omnia non tantum nostri
 seculi doctorum virorum ministrorumq; fi-
 delium ecclesiæ, sed & veterum quantalibet
 eruditione sanctitate vetustateq; præpolleat,
 testimonia statuerit apud se reijcere, quæcun-
 que ex his contra vbiquitatem eius cum cœli
 tum corporis Christi pugnare videntur. Ni-
 hil inquam ponderis authoritatisue hi omnes
 apud Brentium habent, quod ipsi videantur
 instituti esse nō in schola spiritus sancti per i-
 diotas piscatoresq; apostolos sed in schola Ari-
 stotelis per philosophos hominesq; in sapien-
 tia seculari turgidos. Hos asserit ille seductos
 atq; occæcatos esse ab Aristotele & à rationi-
 bus humanis. Hos ait habere de rebus cœlesti-
 bus imaginationes pueriles & somnia crassa,
 terrenas phantasias & sensus carnales, & quic
 quid huius generis aliud est quod censor ille
 alto pronūciat cū supcilio veluti ex tripode.
 At hac ratione commodissimū sibi inuenit se-
 mel ad oīa veterū testimonia respondēdi imò
 eludēdi oīa cōpēdiū. Quid enim facilius est q̃
 sem

semel omnia veterum ex alto despicere testimonia, deinde magna cum confidentia adijcere, velle se præterita philosophia Aristotelica (hoc enim admodum est plausibile) solis credere in hac causa scriptis apostolicis: quæ tamē & ipsa causam eius iuuarēt nihil, nisi ea prius sua imbuisset salua, regulasq; ex semetipso effluxisset, quibus illa contra sensum genuinum reflecteret ad sensum suum commenticium. Si enim illa in sensu suo genuino, quem etiam vetustas ad normam fidei concorditer retinuit, maneant, causæ Brentianæ tam patrocinantur nihil, quàm parum ei propitij sunt veteres ecclesiæ doctores, omnes magna oppugnant constantia quod ille affirmat, & cælum & corpus Christi in cælo, esse vbique.

Sciunt autem prudētes viri, scripturarum inquam rerumq; ecclesiasticarum periti, quosdam scriptorum veterū, licet addiētiōes fuerint & impēsius sectati sint philosophiam, numerata tamen cognitaq; ea esse capita, in quibus nimium philosophis tribuisse vidētur: interim verò labores horum alios, quos nimirum scripturis interpretandis oppugnandisq; Iudæis hæreticis atque gentilibus impendunt, summo habitos esse in precio, denique nunquam reprehensos fuisse in ecclesia ab orthodoxis, quod neque propter vnionem per-

De scriptis
patrū, quan-
tum eis sit
tribuēdum.

sonalem neq; propter exaltationem humanitatis domini in diuinā maiestaté, vel propter eius glorific docuerūt humanitatē Christi tā latē expādi, q̄ eius extenditur diuinitas, vt sit vbiq; Quibus omnib. illud accedit irrefragabile prorsus, quod in scriptis suis, nō tantū recitarunt suam opinionem, quid ipsi ea de re senserint, sed quid de ipsa, catholica ecclesia inde ab apostolorum temporibus senserit, crediderit atque docuerit, id nempe quod ipsi adhuc docebant. Sed planius pleniusq̄ iam agemus cum Brentio.

**Discrimen
scriptorum
patrum.**

Inter patrum testimonia quæ proferuntur in certaminibus, ad confirmandum vel refutandum, discrimen arbitramur esse habendū. Sunt enim quædam patrum testimonia, quæ nullis nituntur scripturis, sed eius duntaxat autoritate qui dixit. Sunt quædam rursus quæ habent quidem scripturarum testimonia sed patrum sensu exposita. Sunt denique alia huiusmodi vt non tantum referant authoris sententiam, sed catholicæ quoque ecclesiæ & sensum & fidem. Cæterum à testimonijs primi generis, non innixis quidem scripturis, quoniam & cum ipsis pugnantibus iubēt ipsimet patres recedere & solis accedere scripturis canonicis. Ea in re nulla sanè nobis est controuersia. Porro quæ cum scripturis congruunt testi-

testimonia,ijs propter scripturam meritò creditur. Quæ verò non tantum cum scripturis consentiunt, sed insuper referunt & fidem & sensum catholicæ ecclesiæ, non modò reiici aut sperni non debent, sed maximo haberi in precio. Iam verò cum testimonia patrum à nobis,ex Theodoretò maximè allata, sint huiusmodi,perperam & non sine iniuria contra illa instituit disputationem Brentius. Cui etiam affirmamus,nunquam,quoad viuere dederit dominus,propter implicatas eius disputationes, recessuros ab illis in hac controuersia nostra patrum testimonijs,quibus constat nobis expositam & fidem & sententiam catholicæ Christi ecclesiæ,cum scripturis sanctis congruentem.

Inter patres verò præ cæteris Theodoretò Brentius contra S. Theodoretum. maximè infensus est Brentius, ideoque cum ipso committit fictitium Brenticyrillum, qui Theodor.manifesti redarguat erroris, Agendum,inquit,sumamus vnum aliquem eorum patrum,quorum authoritatem Zuingliani instant,in manus,& expendamus ea seueritate,quæ in iudicandis fidei dogmatis adhibenda est,scriptum aut dictum eius,quod veritati ab aduersarijs opponi solet, visuri quos triumphos reportent.Si quid paulò liberius in eum dicitur,Zuingliani non nobis, sed sibi impu-

tent, quod insultatione sua ad hoc necessitatis nos adegerint. Cyrillum ait aliàs non omnia probasse Theodoretum, quod colliquescat ex Anathematismis. Inter disputandum dicit & Theodoretum persuasum ab Aristotele sic docuisse: item dogma hoc confinxisse ipsum ex semetipso. Et iterum, Vides Theodorete, inquit, quàm ineptè, quàm incongruenter testimonia scripturæ tuo somnio de circumscriptione corporis Christi in summa cœlestis regni maiestate, accommodaueris, &c. Ad hunc verò modum Brentius optimè meritum de pietate senem, (immemor quam indignè tulerit quod ipsum semel duntaxat sui admonuerim senij) parum honorifice tractat.

Quando
floruerit
Theodor.

Expendisset autem apud se aduersarius Theodoretum floruisse ante annos mille & centum circiter, & cum ille ante tot secula docuit corpus dominicum in cœlo, ut in loco habitare circumscriptum, collegisset ille, omnes liquidò iam cernere, Brentium nobis luculentam irrogare iniuriam, qui dixerit nos confinxisse hoc de cœlo dogma, qua de causa Cœlū cui nos ferimus testimoniū appellauit Zuinglij ac Bullingeri Cœlum. Etenim si Theodoretus ita docuit apertè ante tot secula sicut nos solemus hodie docere de Cœlo & corpore Christi, profecto nos doctrinæ illius primi
authores

authores non sumus. Vtinam verò hic quoq;
nobis proferret aduersarius veterum scripto-
rum classicorum, de suo Cælo vbiquario &
corpore Christi vbiq; diffuso, sicuti nos de no-
stra sententia adduximus, testimonia, quibus
suæ opinionis vetustatem nobis approbaret.
Verùm vt modò est enata, ita pariter vnà cum
autore sepeliatur.

Meritò autem grauis est apud nos S. Theo-
doreti authoritas, foretque in precio & apud
Brentium, nisi sua vbiquitate dementatus, ne
sciret quo consistat loco. Fuit hic Theodore-
tus Cyri in oriente episcopus, cui, quod no-
runt historiæ periti, maximam tribuunt lau-
dem ecclesiasticæ historiæ. Octingentis in O-
riente ecclesijs optime præfuit, quas & in syn-
cera doctrina, in pace, & in iusta disciplina ad
triginta circiter annos magna cum laude con-
seruauit: ita vt contra ipsum nulla à quoquam
iusta fuerit instituta accusatio. Maximos mul-
tosq; in suo munere labores sustinuit. Com-
mētarios in libros vtriusq; testam. canonicos
scripsit. Erudite & acriter contra Iudæos, gen-
tiles atq; hæreticos disputauit. Multa anima-
rum millia, mille implicata erroribus, per gra-
tiam Dei, doctrina euāgelica extricauit Chri-
stoq; lucrifecit: atq; ita in vniuersa Christi ec-
clesia nomen celeberrimum acquisiuit. Pos-

Theodore-
tus quantus
aliquando
in ecclesia
uir.

sunt autem de his omnibus ipsimet ipsius libri copiose testari. Et quamuis aliquantulo tempore inter se dissenserint Theodoretus & Cyrillus, mox tamen reconciliati rursus arctissimam inter se pacem concordiamque coluerunt, dum videlicet vtrinque dogmata inter se discrepantia, explicarent significantius, ac Cyrillus diserte fateretur, non ea se esse sententia, quod propter vnionem naturarum in vna indiuisa persona, diuinitas Christi, passionis etiam fuerit particeps.

Accusarunt quid em Theodoretum nonnulli, clamaruntque contra ipsum in synodis quibusdam, perpetuò tamen magna cum eius laude ipsius innocentia tandem luculenter est comprobata. In œcumenico maximoque illo Chalced. concilio, ampliss. accepit testimoniũ doctrinæ orthodoxæ & gubernationis legitimæ in sua ecclesia, ut doctor pius pastorque fidelis. Nemo autem vnquam in ipso vituperavit aut reprehendit, quod nunc in eo oppugnat Brentius. Omnes enim sanioris iudicij doctores agnouerunt ipsum hostem fuisse acerrimum Nestorianorum, personam Christi indiuisam conscindentium, denique & vehementem Eutychianorum oppugnatorem, ita loquentium de corpore Christi, quasi exaltatum, non amplius fuerit verum corpus, sed veluti

luti deificatum. Præterea liber ex quo addu-
xi testimonium, quod sibi Brentius euertem-
dum sumpsit, apud verè pios solideq; doctos
magno semper fuit in precio. Scriptus est e-
nim magna diligentia aduersus vanam impi-
amq; hæreticorum doctrinam: quam princi-
pio quidem sacrarum præsidio scripturarum
euertit, deinde verò sanctorum patrum à tem-
poribus apostolorum ad suam usque ætatem
florentium concordibus euidentissimisq; te-
stimonijs confutauit, ostendens non se solum
ita sentire, sed ad eum modum sensisse sem-
per vniuersam in ecclesia Christi vetustatem.
Ac certum est eos qui diligèter tres eius Dia-
logos legerunt, nunquam potuisse admirari
satis Theodoreti eximiam pietatem, fidei sim-
plicitatem, eruditionem diuinam, multarũq;
rerum experientiam, disputationis acumen,
& in docendo perspicuitatem, ac in omnibus
diligentiam accuratissimam.

Imprimis autem sciendum est Theodore-
tum in Dialogo illo suo cui titulum fecit In-
confusus, doctrinam illam suam de corpore
Christi in cœlo, vt in loco, agente, non propo-
fuisse aut defendisse, tanquam suam peculia-
rem opinionem, sed veluti dogma receptum
approbatumq; ex scriptura ab vniuersali eccle-
sia, quæ passim sic sentiebat credebat atq; do-

*Theodore-
tus docuit
& defendit
fidē catho-
licæ eccle-
siæ.*

cebat. Nam sicut in Asia scribebat de corpore Christi in Cœlo, ita eodem illo tempore, docebatur eodem modo in vniuersa ecclesia per Europam atque Aphricam. Quod si quis fidem mihi non adhibet, credat saltem Leoni episcopo Romano, eadem scribenti contra Eutychianos, in suis epistolis: credat beato Vigilio Tridentino episcopo & Martyri, contra Nestor. & Eutych. eadem docenti: credat beato Fulgentio Rusponen. episcopo, eadem in secundo & tertio libro ad Thrasimundum regem in Aphrica testificantem. Et proinde cum doctrina Theodoretæ vniuersalis doctrina sit catholicæ ecclesiæ, cernunt, opinor lectores contra quos instituta sit Brentiana disputatio, qua Theodoretum iugulare contendit. At qui tam abest, ut aduersarius huiusmodi disputationibus suis nos abstrahat à fide orthodoxa, ut multò validius in ea nos confirmet.

Ex his item quiuis intelligit, nullo iure nobis obtrudi intempestiuam & absurdam contra Theodoretum aduersarij dissertationem, ad quam sanè nulla ipsum adegit necessitas. Queritur is iterum nos ipsum adoriri atrocius: sed dixi antea, nos in ipsum nec fastuosis nec contumeliosis assurgere verbis, sed tantum petere ne aberret à scopo alienaq; à causa dicat, denique vrgeri nos illum verborum testi-

testimoniorumque euidencia. His ille nos ipsi insultare & in ipsum inuehere clamat.

Quod ait Cyrillum non omnia Theodore ti approbauisse, quale sit, iam antea exposuimus. Nemo itaq; existimabit verba in disputatione Brentiana Cyrillo ascripta, Alexandri ni illius Cyrilli esse verba, Illa sanè sunt figmèta Brentij, non autem verbis prolata Cyrilli. Docet enim apertè Cyrillus cum in libro de trinitate tum in expos euang. Ioan. Solam diuinitatem esse infinitam atque incircumscriptam, omne autem corpus finitum cèrtoque loco constitutum & non esse vbique: sed & corpus domini nostri Iesu Christi in cœlis esse, & non in terra, &c.

Cyrillus &
Theodore-
tus in fide
concordes.

At quis expositis his, nō videt nihil opus esse ad ea respondere quæ Brentius affert contra Theodor. Sunt insuper ea huiusmodi, vt ne simpliciores quidem vel mouere vel impedire possint magnopere. Hoc vnum in præsenti-
arum dicam, inter præcipua quæ in Theod. dicit, illud esse, quod ait, corpus gloriosum nō est animale corpus, quod indigeat cibo, potu, locis & temporibus sed est spirituale, habēs conditiones spiritus. Etenim si intelligat per animale corpus infirmum & corruptibile corpus, idem cum ipso sentimus: si verò tale intel-
ligat corpus quod natura sua verius sit spiri-

Glorificata
corpora
uera corpo-
ra.

tus inuisibilis, quam corpus loco circumscriptum, aberravit & hic à doctrina simplici. Nā manet à resurrectione vera carnis (confitemur enim in symbolo carnis resurrectionem) substantia atq; natura quæ non euacuatur. Et clarificata corpora vera sunt corpora: sicuti & Paulus manifeste testatur, cū dicit, Hoc mortale & hoc corruptibile, induet immortalitatem & incorruptibilitatem. Proinde nuncupat Paulus corpus gloriosum corpus spirituale, non quod conuersum sit in spiritū corpus, euacuata aut annihilata carnis substantia, sed quod regatur à spiritu reddaturq; cœlesti habitationi idoneū. Caueat hic itaque sibi aduersarius, ne in errorem incidat illū, quē in Ioanne Hierosol. episc. persequitur nobili scripto B. Hiero. De quo paulò post quēdā sequētur.

Quam immodeste se gesserit Brentius cōtra nostram de Cœlo doctrinam. C A P. V I I I.

Brentius
putat se mo-
deste scrip-
sisse.

EXposui quomodo S. Theodoretus sit tractatus ab aduersario, dicam modo breuiter & obiter quàm acerbè Martyrē beatæ memoriæ virū piū & doctū, & me acceperit verbisq; adoperuerit probrosissimis. Faciam hoc vel propter illos, qui mirifice huius libri cōmēdāt modestiā, vt vel hinc intelligāt se affectib. captos, Brētissare nimiū, vel minus exacte discernere inter veram modestiā & falsam, quin
&

& ipse aduersarius sub finē propè libri sui, arbitratu se scriptū hoc suū absoluisse sine sophistica & vllius calūnia, &c. Ego verò aliud nihil à lectore peto, quā vt ipsa Brétij verba primū audiat, deinde iudicet etiam, quam verè hoc ab eo dictum sit, & quam modestum se tam viuis exhibuerit quàm mortuis. Cælum quod nos appellamus Cælum domini nostri Iesu Christi, vtpote in qd̄ ipse ascendit ipseq; locū in euang. suo appellauit, aduersarius in cōtempitū insignēq; huius nostræ doctrinæ cōtume-
Cælum Zuinglij.
Aristorellio regio.
Cælum nobis quarium.
Cap. 4.
 liā, nūcupat Cælū Zuinglij, Arist. regionē, cælū Bullingeri, Cælū sophisticū, cælū Thalmudicū, Mahumedicū & Campos elysios. At audierunt iam dudū pij auditores, quæ nā habeamus pro cōfirmatione doctrinæ nostræ testimonia, intelligunt ergo quanta hic ab aduersario afficiamur iniuria. Ait ille etiam se à nobis affici iniuria, qui nuncupemus cælum, quod ipse defendat, cælū vbiuariū. At nos hoc verè & citra eis iniuriam contumeliamq; dicimus, quod & ante ostendimus. Ipse enim palā ita docet, cælū inquā sedē beatorum esse vbiq; nostramq; oppugnat doctrinā de cælo supra nos certo loco constituto. Nos autē de cælo nihil docemus Iudeorū aut Turcarū more, Thalmud. vel Mahumedice, sed ita vt nos docet scriptura sancta tenetq; fides catholica.

Cœlū phan-
tasticum.

Rursus ille, Doctrina, inquit, Zuinglianorū non est imposita in petram diuinæ veritatis, sed in harenam phantasiæ humanę: insignisq; in ipsis apparet temeritas, qui audent fabulā, minime sibi constantem, ecclesiæ Dei obtrudere, aut confictam obtrusamq; ab alijs, defendere. Nec cedunt harena, sed audent summa Dei & hominū contumelia, phantasiā illā suam semel conceptā, pertinaciter tueri. Iterū verò, Rideo, inquit, vestra illa anilia deliria de vestro cœlo locali, vt qui in professione Christianæ doctrinæ, nondum eo profeceritis, quo aliquid sublimius, quàm prophani ethnici de sedibus cœli ac inferni sentiatis.

Cœlum eth-
nicorum.

Cœlum so-
phisticum.

Præterea ait Zuinglianos nouū habere Deū, qui ipsis nouū condiderit cœlum. Ante dixit nos ipsos hoc nostris extruxisse impensis. Alibi affirmavit, hoc nos à sophistis accepisse mutuo. Et horū omniū immemor, alibi affirmat nos illud accepisse didicisseq; atq; docere ex Aristotele: nunc verò nouus Deus istud nobis est architectatus. Et quid præterea?

Certè Mahumedes deum suum, inquit, maiori afficit honore, quam Zuingliani Christū. Ille enim ait Deum vectari ab octo angelis in sella gestataria. His autem Christus in cœlo suo nō vectatur, sed necesse habet tantū stare, aut ambulare, &c. Aiunt isti Christū oportere cœlum

cœlū acciperē vel inhabitare, vsq; in tēpora re-
stitutionis omnium, ac deinceps tandē faciunt
ipsi potestatem descendendi in nubes & iudi-
candi seculum, &c. Et quantum in ipsis est,
ait, Zuinglianis, non tantum eijciunt præsē-
tiam domini ē cœna dominica, sed ipsum e-
tiam Christum cœlo ē sede maiestatis suę deij-
ciunt atque proturbant.

Cæterum si mallemus conuitijs rependere
conuitia, quam modeste agere, quis obsecro
non videat, illa nos postrema, nulla cum iniu-
ria, in Brentium retorquere posse, ac dicere,
Brentius is est, qui Christum cœlesti suo eijcit
folio. Principio enim thronum ipsum Dei,
quantum in ipso est, conuellit disijcit atq; tol-
lit, dum prohibet hominibus thronum Dei in
cœlo supra nos demonstrare, tanquam locum
certum. Deinde ipsum domini corpus residēs
in throno maiestatis, sua expoliat proprietate,
dum negat loco esse circumscriptum, pro ra-
tione corporū. Ipse enim contēdit Christi cor-
pus non circumscribi, & iccirco nō contineri
cœlo vt loco, sed esse vbiq;. Quod præterea lu-
dit & nos irridet, docentes, Christū oportere
inhabitare cœlum vsq; ad iudiciū, ipsum quo-
que S. Petrū vnā nobiscum ridet & vexat: vt
pote qui prior ita docuit, quē nos absq; pudore
sequimur, non reformidātes ita loqui, sicuti

Christum
expellere d
sede glorię
suę.

Oportet
Christum
cœlo conti-
neri.
Act. 3.

apostolus loquutus est . Sed de his hæcenus.

Potuissemus ex libro aduersarij longe copiosiora huius generis colligere cõuitia omnibusq; conspicienda proponere : sed cum hæc quæ commemorauimus instituto nostro sufficere existimemus, quicquid hoc est expendendum iã æquo lectori relinquimus, vt ex ijs iudicet de modestia vel immodestia Brentij. Ego certè non video quid ille in hac causa dicere potuisset quo nos cõspuisset fœdius. Nihil diximus adhuc de alijs eius cõtumelijs, quas in suum vsq; locum reseruamus. Nũc aut̃ spero Dei benignitate lectorumq; æquitate fretus, neminem non ex his quæ attulimus quibusq; doctrinã nostrã de cœlo illustrauimus & cõfirmauimus, intellectuũ meliorẽ nos defendere causam purioremq; habere doctrinã, quam aduersarius maligne nostra interpretans omnibus libenter persuaderet . Ipsi verò pro merito non rependemus, sed totam hanc causam Deo iusto iudici cõmittimus, obsecrãtes vt condonet aduersario culpam hanc, eiq; oculos animi aperiat, vt studio vincendi posito, sobrie humiliterq; sapiat, videatq; nobiscum vbinam sit cœlum, ibi nimirum, vbi hoc nobis commonstrauit dominus.

De inferno an sit aliquo loco, & ubi sit.

CAPVT IX.

Nec

Articulo
huius libri
8. cap. 13.

NEque verò & in eo videtur ille seruasse modestiã, quod disputationẽ de Inferno cœptam ab ipso imprudẽtius, fideliter aut à me admonitus, nunc non abruptit penitusq; omisit, sed restaurauit potius. Ita enim homines parum metuentes Deum, quorũ hodie nimis magna est copia, minus occasionis habuissent, de inferno, vt solent, dubitãdi, ridendi, ludendiq;. Sed quid ista cõmemoro, cum ipsemet Brentius, ridendo ludendoq; & amara scommata in me iaciendo, Vbi verò erit, inquit, infernus? Nũ & ipse est in cœlo, aut in regno cœlesti? De hac re sit sollicitus Bullingerus. Qui bus postea subiicit, Sed relictis in locali suo inferno Zuinglianis, reuertemur nos ad verũ nostrũ cœlũ, &c. At nos speramus passione & resurrectione filij Dei, nos redemptos esse ab inferno, vt neq; de illo nobis quicquã sit curandum, neq; in eo simus relinquendi.

Rursus autem lepidum illud caput ociose secureq; ludendo, Quia Bullingerus omnino definit, inquit, infernũ corporali loco, necesse habet eum longe omniũ distantissime à suo cœlo collocare, vt constet ingens illud chaos, quod Abrahã inter beatos & dãnatos esse affirmat. Non est aut distantior ab eo cœlo locus, quã medius punctus terræ. In hoc igitur loco Bullingerus infernũ collocet necesse est. Sed

hic

*Infernus
certum suũ
locũ habet.*

hic etiam atq; etiam videndū erit, num is punctus sit tam latæ & amplæ regionis capax, vt queat tantam damnatorum multitudinē comprehendere, ac ne etiā hac ratione diameter terræ apud geometras periclitetur, &c. Quando verò simili leuitate ludens, paria propè vanitatis verba in priore sua respōsione profundit, nunc quoq; nihil aliud ipsi respondeo, quam quod tunc respondi, Desinat Brentius subueri ne impijs in inferno non satis sit futurum spacij. Isaias diserte testatur infernū & profundum & amplum esse satis omnibus hostibus Dei excipiendis. Nolo itaq; laboriose & subtiliter metiri terram, vt tandem penetrans ad punctum terræ, & in minutissimo hoc pūcto conquiescens infernum extruam collocemq; in puncto terræ. Dudū ille suo in loco, vt carcer hostium Dei, à Deo iusto & omnipotente extructus & constitutus est. Et quidem scriptura ostendit nobis locum hunc non supra, sed infra nos, & testatur quod descendant in infernum nō autē ascendant ad infernū impij. Fidem hic ego scripturę simpliciter sequor, & absq; curiositate spiritui sancto, per scripturas loquenti, credens, sentio, infernum, non supra terram aut in cœlo aut ubiq; . sed esse locū infra nos certum à Deo damnatis ordinatum, in quo luant supplicia sempiterna.

At conuerso ad me sermone aduersarius, Si ^{Credere} ^{uerbo Dei} ^{simpliciter} Bullingere, inquit, fidem scripturæ simpliciter sequereris, & absque curiositate spiritui sancto per scripturas loquenti crederes, non tam pertinaciter incendium de Cœna domini excitatum, foueres, nec quæreres tenebras in luce horum clarissimorum verborum, Hoc est corpus meum, &c. Ad quæ hunc in modum respondeo, Credo sanè & istis verbis domini, prout ipsemet ea ecclesiæ suæ & dixit & explicauit. Nihil hic moror imò remoueo omnia ea quæ Pontificij & Brentius verbis domini de suo adiiciūt, negotiumq; illustre per se obscurant, fideique mysterium planum disputationibus intricant spinosis. Dissidium sacramentarium infelix doluit mihi hætenus, & dolet adhuc vehementer: interim tamen veritati confessæ deesse nec possum nec volo, sed ut gliscat incendium defendam illam, quoad dominus vitam mihi gratiamque suam concesserit. Possem & quidem vere & paucis dicere Brentio, quinam sint veri huius incendij authores, possem inquam verbis Philippi Melanchthonis beatæ memoriæ viri maximi, commemorare per quem stet, quo minus dudum coierit concordia, sed malo nō tantum nihil adijcere, sed detrahare potius incendio. Tempus veritatis filia, tandem & commode reuelabit omnia.

Infernum
certum esse
locum, ani-
mis fabula
Brentio.

Instat autem aduersarius & ait, Ac profecto nisi docueritis vel intra vel infra hanc terram esse adhuc reliquam aliquam localem, localem inquam & corporalem regionem, eamque latissimam quidem, sed circumscriptam, in qua damnati corporaliter & localiter detineantur, nunquam effugere poteritis quin in luculento figmento deprehensi sitis, &c. Ego verò pro certo dico Brentio, quod si ita perrexerit, ut cepit, experturum aliquando, reuera esse infernum in terra, carcerem irrisorum obscurissimum & non figmentum luculentum. Ait quidem rursus doctrinam nostram de inferno nostrum esse somnium. Sed libere nimium ille quæ vult loquitur. Quomodo enim illud videri poterat nostrum esse somnium, quod eodem nobiscum modo, crediderunt semper & credunt adhuc fideles omnes in ecclesia, infernum videlicet locum esse damnatorum infra nos. Aut quisnam hactenus, post Brentium, aliud nobis comonstrauit aut nos docuit? Non ergo discedemus facile à nostra sententia, nugis euerfi Brentianis. Neque enim cælum quæremus in terris, neque infernum in cælis. Si quos Brentius in hoc dogmate inuenit discipulos, aduulandi & gratificandi causa hoc se credere dicent, reuera autem non ita credent.

Infernum
certum esse
locum.

Et certè quod mihi sumpsi in mea Respon-
sione

sione huius causæ probandum, euidenter validiusque comprobaui, quam aduersarius vnquam dissoluere queat, infernum videlicet locum esse non supra nos, in cœlis, neque penes nos in terra, sed infra nos. Scriptura enim manifestissimè dicit impios descendere in infernum. Ipsemet modo Brentius est cōfessus, hiatum (ipse chaos vocat quod Lucas *χάσμα* appellat) esse magnū, vt qui velint in ipsum descendere, nequeant. Ibidem apud Lucam nominat diues epulo apertissimè infernum, locum (en locum) cruciatus vel tormentorum. Dicitur & alibi in scriptura sancta impios abijisse in locum suū, vtiq; condemnationis. Adduxi præterea testimoniū ex Num. 16. ca. de supplicio seditiosorum. De quibus aperte legitur quod viui descenderint in infernū. Isa. 14. scribitur, Infernus subtus te conturbatus est. En subtus te legitur. Possem hic quoq; commode adducere expositionem B. August. qui & ipse hoc Mosis testimoniū interpretatur de loco damnatorū apud inferos Quæst. in Num. 29. Idē Retract. lib. 2. cap. 24. De inferis magis, inquit, mihi videor docere debuisse, quod sub terris sint, quā rationē reddere cur sub terris esse credatur, siue dicatur, quasi nō ita sit, &c. Sed scripturæ testimonia tam sunt dilucida, & euidentia, vt plane nihil opus sit plura

coaceruare hominum testimonia.

Quomodo
exponatur
à Brentio
uiuos des-
cendisse in
infernum
Num. 16.

Hic verò Brentius suo more, & pro insigni sua temeritate, testimonium ex Num. 16. capite de seditiosis viuis in infernum descendentibus, pro sua interpretatur libidine, nec pudet ipsum in conspectu tot prudentium hominum, Domini verbum palàm detorquere à natiuo suo sensu. His, inquit, verbis, non intelligendum est, cum infernum in quem damnati perpetuo cruciandi conijciuntur, esse certum & corporalem, vel in medio terræ vel infra terram, locum: sed illos quidem repentina morte interiisse. Hoc enim est viuum in infernum descendere, &c. Cæterum si clarum Dei verbum quod sonat, Viui descenderunt in infernum, aliud nihil significat, quàm repentina morte extincti sunt, cur obsecro scriptura dixit, Viui descenderunt? En viui, inquit, descenderunt in infernum: & non, Repentina morte extincti sunt. Aut cur scriptura mox subiungit, Et rupta est vel dehiscens sub pedibus ipsorum terra, aperuit os suum, & deuorauit eos? Et addit adhuc significantius, Et terra adoperuit eos. Manifestè itaque Brentius deprehensus est in detorsionis scripturarum crimine: cui implicatur regulis illis suis glossisq̃ue scripturas explicandi ab ipsomet excogitatis.

Videt

Vident porrò pij quid posthac postquàm in tam turpi detorsionis scripturarum crimine deprehensus est, tribuant in hac causa aduersario, qui prolixè quidem iactitat, se habere testimonia propheticarum & apostolicarum scripturarum, interim verò aperto se prodit indicio, quàm licenter ijs vtatur. Probè ergo singula huius apud se expendât qui falli nolunt, caueantq; sibi diligenter.

Porrò ne in sua hac disputatione absurda, omnium in se cōcitaret odia, quasi hac videatur negare infernum, dicit inter alia, Scimus quidem authoritate scripturæ esse infernum. Scimus tam diabolos quàm impios perpetuò in eo torquendos, &c. Ergo si seriò agnoscit & credit verè infernum esse, cur obsecro nostram doctrinam, & nos oppugnat, qui docemus certò infernum esse, & quidem locū esse paratū à Deo ad puniendum in eo omnes impios? At excipit hæc Brentius, & ait, Non oppugno aut nego infernū esse, sed nego certum locum esse, & oppugno quòd affirmatis eum in certo loco esse. Nam vbi collocat scriptura infernū intra aut infra terram? Quid verò hætenus ei ostendi? An nō audiuit, quid dicat scriptura de seditiosis Numeri 16.ca. An non scriptura passim testatur impios descendere in infernum? An non ij qui descendunt,

Brentius fatetur esse infernum.

ad locum aliquem migrant? Si infernus non est certus locus aut in certo loco, sed vbique, certè erimus in inferno vbicunque fuerimus super terram, nec opus erit vllò in infernos descensu. Sed vident hîc apertè, quibus modo sunt oculi aduersarium morbo contendendi tam languere grauitè, vt vix sperari possit ipsum aliquando restitutum iri. Equidem si verè infernus est, oportet sanè illum esse alicubi. Creaturæ quæ nullum locum occupât aut nullibi sunt, non sunt. Et cur ipsemet dicit, Scimus diabolum & impios in inferno perpetuò torquendos? Si enim in inferno torquentur, profectò negari non potest, locum esse, in quo sunt, & in quo torquentur. Proinde si serio & verè dicit Brentius se fateri esse infernum, non erit ei posthac difficilè vnà nobiscū etiam cōfiteri & docere, infernum esse locum certum in vel sub terra: quando ibi illum nobis indicat scriptura, & ibi illum esse semper crediderunt fideles vniuersi.

Brentius &
Infernum &
diabolum
collocat in
cœlum.

Cæterum mirificas hic ille exercet artes, disputationemq; suam ita contorquet, vt planè appareat, illum malle infernum supra nos in cœlum; quàm infra nos in terram collocando fabricare. Dicit enim apertè, Ergò ne & satan & infernus erunt in regno cœlesti? Quid absurdius dici potest? Fateor, corâ sycophantis, &

tis, & ijs qui carnalibus de cœlo & inferno phantasmatis fascinati sunt, nihil potest dici abominabilius. Sed qui sunt in sacris literis rectè eruditi, & non afferunt ad eas sua carnalia somnia, sciunt in Iobe inter filios Dei assistentes coram Domino, adfuisse & satanam, & colloquutum cum Domino. Et in libris Regum videt propheta Dominum sedentem super solium suum, & omnem exercitum cœli assistentem ei à dextris & à sinistris: inter quos & spiritus mendax stetit. Et apud Paulum, Non est nobis lucta aduersus carnem & sanguinè, sed aduersus principatus, aduersus potestates, aduersus mundi dominos, rectores tenebrarū huius seculi, aduersus spirituales astutias IN COELESTIBVS, &c. Hæc ille. Dicat autem nobis ingenuè & apertè Brentius, an hisce testimonijs adductis, existimet se euicisse, dæmonas atque inferos suprà nos esse in cœlis? Si non est ea eius sententia, cur quæso hæc adduxit testimonia? Si autem ea est eius sententia, certum est sanè non tantum sycophantas & irrisores abhorreere ab eius dogmate, quod inferos cum ipsis etiam cacodæmonibus collocat in cœlum, sed hoc quoq; omnibus in mundo pijs abominationi futurum. Accernunt hi iam liquidò quò miser hic studio rixandi culpaq; disputationis contra verita-

tem institutæ, peruenerit.

Nec infer-
nū nec dia-
bolum esse
in cœlo.

Ne quis tamen arbitretur aduersarium ad-
ductis illis suis, testimonijs aliquid huius pro-
basse, quasi infernus cum cacodæmonibus sit
in cœlo, sciendū est, tametsi satan inter filios
vel seruos Dei repertus sit, inde tamen non
consequi cacodæmones cœlum inhabitare o-
portere. Ante enim ostensum est ex scriptu-
ra, satanam cum suis angelis è cœlo esse detur-
batum, in imum vsque barathrum. Deinde
confitentur omnes concorditer fideles,
Deum non tantū ubique esse præsentē, sed
illum etiam semper sibi suas habere creaturas
ad sua ministeria paratas: non quòd creaturæ
& satan etiam sint ubique, sicut Deus est ubi-
que, sed quod Deus, quia ubique est, omnes
singulasque suas creaturas præsto ante se ha-
beat, ijsq; ad ministrandum ipsi utatur, singu-
lis inquam pro suo ingenio, prout cōdidit: ita
ut quælibet in suo ordine, in sua natura atque
substantia suoq; loco manens, Deo inseruiat.
Ita sanè nihil est necesse, ut quando boni Dei
angeli suo in ordine & in sua cōditione inq; lo-
co suo Deo seruiunt, ut & satan vnà cum bo-
nis angelis, & ut boni angeli in loco angelorū,
Deo seruiat. Potest enim inter filios Dei, nimi-
rū ut minister Dei stare, id est, ministrare, sed
suo modo, suo loco & ratione certa, quæ ipsi
con

conuenit. Id quod posse illum vident oēs, tametsi non sit in cœlo inter beatos. Et quidem certum est in conspectu Dei esse satietatem omnium gaudiorū. Ab huiusmodi verò conspectu Dei dudum satanas cum suis est remotus, vt iam nihil illi sit in cœlo negotij neque in cœlo inueniatur: sicuti & antea dixi cap. 4.

Quòd autem Paulus dixit nobis luctā esse aduersus spirituales astutias, in cœlestibus, docet quidem dæmonas versantes in aere, in terris & sub terra, tentationibus exercere homines, nō astruit autem dæmonas cum inferno esse in cœlo in loco beatorum. Sed & Hieronymus hunc apostoli locū interpretans, Non quo dæmones, inquit, in cœlestibus commorentur, sed quo supra nos aer hoc nomen acceperit. Vnde & aues, quæ volitant per aerem, volucres cœli esse dicuntur. Nam & in alio loco de dæmonibus, quòd in aere isto vagentur, apostolus ait, In quibus ambulastis aliquando iuxta seculum mundi istius, secundum principem potestatis aeris spiritus, &c. Impiū quippe est vt spiritualia nequitie in cœlestibus, istud cœlum tenere credantur, de quo loquitur Deus, Cœlum mihi thronus est. Hæc ille, qui Paulum per semetipsum & per alia scripturæ loca exposuit. Et huius interpretationi accedere malo, quàm Brentij, qui allatis hæc

Quomodo
apud Pau-
lum spiri-
tus nequam
sint in cœle-
stibus.

A D L I B. B R E N T I I

nus tribus testimonijs scripturæ, non probauit & infernum & dæmonas esse in cœlo. Mirum est autem Brentium in hoc quoq; libro suo acriter mordere Zuingliũ, quod Numam & alios beneficos erga respublicas & regna heruas, in cœlum collocauit, cùm ipsemet Brentius nunc in cœlum nõ vereatur collocare infernum, & ipsum cœlo inferre diabolum.

Inuoluit se
hac disputa
tione Bren
tius.

Atq; ita se hac disputatione inuoluit & reddit perplexum, vt profecto nescire videatur quid loquatur aut de quibus asseueret, neque commodè & explicatè amplius exponere possit lectoribus suam de inferno sententiã. Nam post adductos illos tres scripturæ locos, *Quid igitur dicemus*, inquit, quæ est illa Babylon? quæ rerum cõfusio? Hoc non tantũ est cœlum terræ, vt habet prouerbum, verum etiam cœlum inferno miscere. Sed bene habet. Et si enim nec cœleste seu supernũ, nec tartareum seu infernum regnum corporalibus locis ac locorũ interuallis definiuntur ac distinguuntur, tamen habent suum, idq; vt ita dicam latissimum discrimen. Nam ibi est cœlum beatorũ (authoris verba ex Germanico refero) vbi Deus pater per filium suum Iesum Christũ clemens & misericors est. Ibi aut est dānatorũ infernus vbi Deus seuerus & iratus est. An non hoc grande est discrimen? Hæc ille.

Vbi Bren
tij cœlum
& infernus

Quid

Quid autem certi expediti didicit lector simplex ex hac responsione aduersarij? Confitetur ipsemet confusionem esse Babylonicā, quando infernus in ipsum cœlum collocatur cœlumq; terrę permiscetur. Et rectissimè quidem ita sentit, optimè sanè ita iudicat, interim proprio suo ore semetipsum iusto iudicio condemnat. Nam responsione sua confusionē Babylonicam ab ipso inductam nōdum sustulit. Testor ipsos quotquot hæc eius lecturi sunt lectores. Ait disertè cœleste & tartareū regnū inter se nullis distingui locorum interuallis. Quod si nullis inter se locorum interuallis dirimuntur, profectò indistincta, mixta atq; confusa sunt ac manent: habemusq; iam à Bren- tio nostro, nō nihil, sed nouum quoddam indigestumq; Chaos, quod ipsemet Babylonicā nuncupauit confusionem. Quod enim mox ille subiicit, in eo patere discrimen ingens, quod ibi est cœlum, vbi est gratia Dei, & ibi est infernus, vbi est ira Dei, minimè tollit ab ipso inductam Babylonicam confusionem. Etenim cum scriptura nobis perspicuè tradat iram Dei de cœlo reuelari super omnem iniustitiam & impietatem hominum, per vniuersum terrarum orbem, consequeretur profectò ex doctrina aduersarij, infernum esse per vniuersum terrarum orbem. Si item

cœlum ibi esset, vbi gratia Dei est, iam iterum
consequeretur ex doctrina aduersarij , cœ-
lum (sedem beatorum) expandi esse que per
vniuersum terrarum orbem. Quia gratia Dei
se largiter effundit per vniuersum orbem ter-
rarum . Nondum ergo discussa est per Bren-
tium inducta confusio Babylonica & indige-
stum illud chaos . Quinimò cùm Dominus
singulariter Solomoni promiserit clemen-
tem se propitiũq; supplicibus in templo Hie-
rosolymitano futurum, an ideò collocabimus
in templum illud , cœlum sedem beatorum?
At cum hoc semel & iterum à Babylonijs at-
que Romanis sit inflammatum , an dicemus
pariter & cœlum tunc conflagrasse? Ex his o-
mnibus deprehendit Lector prudens Bren-
tium disputatione illa sua planè inepta & in-
tempestiua semetipsum præcipitem dedisse in
barathrũ Babylonicæ confusionis, vnde non
facilè emerferit , quoad ita vt cœpit perrexe-
rit manere *μισότοπος*.

Abrumpam hic responsionis meæ partem
priorem, quam impendi explicandæ quæstio-
ni de Cœlo & Inferno certis beatorum infeli-
ciumque supra & infra locis. Ea omnia excu-
tienda dijudicandaq; Christiano lectori subij-
cio. Sum autem spe plenus optima, fore, vt le-
ctor prudēs, victus perspicacia vetustate eui-
dentiãq;

dentiaq; infallibilis veritatis, abiecturus sit no-
 ua Brentij commenta de cœlo vbiquario &
 Inferno apud superos extructo, amplexu-
 rusq; sit ambabus, quod dici solet, vlnis, doctri-
 nam simplicem & veterem scripturæ, Cœlum
 videlicet locum esse beatorum supra nos in
 excelsis: quo ascendit Dominus noster Iesus
 Christus, sursum tendens, & in quem locum
 omnes ad se fideles assumpturus est: infernū
 verò locum esse certum infeliciū vel damna-
 torum, infra nos, præparatum à Deo omni-
 bus impijs & inobsequentibus, vt in hunc tan-
 dem descendāt & supplicijs exerceantur nun-
 quam terminandis. Dominum Deum no-
 strum supplex oro, vt nos omnes ab infan-
 dis illis sempiternis que inferorum tormentis
 eripiat, sibiq; in regno illo suo cœlesti, in vera
 illa & beata patria nostra, associet. Per
 Iesum Christum Dominum
 nostrum.

SECVNDÆ HVIVS PARTIS

CAPVT SECVNDVM.

De Dextera Dei patris cer- to in cœlis loco.

*Quid sit Dextera Dei patris, & quod in
scripturis etiam locum in cœlis certum,
beatitudinis uidelicet fidelium, significet.*

CAP. I.

Scopus
huius disser-
tationis.



In quo uer-
setur huius
causæ con-
trouerſia.

IRANSEO nunc à Cœlo ad De-
xteram Dei patris explicandam,
ostensurus qua ſignificatione illa
uſurpetur in ſcripturis ſanctis, &
apud beatos patres, et quomodo ſedeat Domi-
nus noſter Ieſus Chriſtus, ad dexteram Dei
patris. Reſpōdebo interim & ad Brentij argu-
menta, vt colliqueſcat palàm, doct̃rinā meam
de Dextera Dei, veterem & Chriſtianam eſſe
doct̃rinam. Ante omnia verò breuiter opor-
tet repetere, in quo verſetur cauſæ huius no-
ſtræ controuerſia. Rectiſſimè enim iudicatur
Andabatis nocturno prælio commiſſis inter
ſe, ſimiles eſſe, qui non diligenter obſeruato
ſtatu diſſerunt.

Liben-

Libenter ego agnosco Christum Dominum ascendendo vel sedendo ad Dexteram Dei Patris, assequutum esse dignitatem supremam, quodque transcenderit omnem principatum & potestatem, sitque rex summus & Deus verus in gloria, &c. Nec nego Dexteram Dei in multis scripturis locis, accipi pro immensa Dei potētia. Quibus addo in eadem scriptura sancta & apud beatos patres Dexteram Dei etiam vsurpari pro certo beatitudinis loco in cœlo, propter assumptam, & nunquam depositam carnis Christi veræ naturā, ut sedere ad Dexteram Dei patris significet ipsum Domini corpus assumptum, uti erat excitatū ex mortuis, nunc requiescere in cœlo, in loco beatorum, &c. Contra verò Bren- tius, Dexteram Dei nō est certus locus, inquit, in corporeo & locali cœlo, quemadmodum Zuingliani imaginantur, nec est talis tantum felicitas, qualis in cœlesti regno continget omnibus in Christum credentibus, sed est summa & infinita Dei maiestas atque omnipotentia eius. Multis porrò scripturæ testimonijs affirmat, quod dixit, Dexteram Dei esse infinitam maiestatem & potentiam Dei.

Ceterum ea probatione nihil apud me fuisset opus, qui sæpe dixi & iterum repeto, me non negare alicubi Dexteram ita vsur-

Dextera
Dei signifi-
cat quoque
locū in cœ-
lo in beati-
tudine san-
ctorum.

Heb. 1.

Ioan. 14.

Ioan. 12.

Ioan. 17.

pari in scripturis, neque inficias ire Sedere ad dexteram patris esse, in summa maiestate Deo patri conregnare. Quod verò ille id quod ego assero negat, dexteram significare illam felicitatem & sedem quæ beatis cōmunicatur, euidenti demōstratione euincam ipsum hoc negare iniquissime. Nihil enim certius est quàm neminem hominum & nullā adeò creaturam, qualis qualis sit, exaltari ad dexteram Dei, in æqualem maiestatem & gloriam cum Christo. Quid enim apertius est, quàm quod dicit apostolus, Cui verò vnquam angelorū dixit, Sede à dextris meis? Quod si angeli, non collocantur ad dexteram Dei, quātò minus euehentur in illam maiestatem miseri mortales? Rursus autē nihil certius est, quàm quod scriptura sancta fideles collocat in thronum Christi et ad dexteram Dei patris. Proinde necesse est nos illuc collocari longè alia ratione significatione q̃; quàm priore, nimirum ad dexterā Dei & in thronum Christi, tāquam in locum beatitudinis, à Christo nobis paratum, in quo ipse etiam Christus pro veritate naturæ humanæ habitat ac requiescit, & de quo dixit in euangelio, Assumam vos ad me ipsum, vt vbi ego sum, ibi & vos sitis. Et iterū, Vbi ego sum ibi erit & minister meus. Item, Volo pater, vt vbi sum ego, & illi sint mecum, quos dedisti mihi.

mihi. Rursus, Cùm sedero in sede maiestatis meæ, sedebitis vos mecum, & cætera. Matthæi 19. Lucæ 22.

Et quamuis hæc euidentia & clara satis sint etiam nos in cœlum cum Christo, quamuis nostro pro modulo, collocandos, aduersarius autem quiritari poterat me nondum disertis comprobasse verbis, nos etiam in thronum Christi, & ad dexteram Dei euehentos, ex abundanti, vt aiunt, hæc iam subijcio testimonia. Christus dicit apud Matth. in 20. cap. Sedere ad dextram meam, ijs obtinget quibus paratum est à patre meo. Et iterum Apocal. 3. cap. Qui vicerit, inquit, dabo ei sedere mecum in throno meo: sicut & ego vici, & confedi cū patre meo in throno eius: Rursus, verò scribit apostolus Paulus ad Ephes. cap. 2. Cùm essemus mortui per delicta conuiuificauit nos vnà cū Christo (per gratiā estis seruati) simul q; cū eo resuscitauit, & simul cū eo sedere (en cū eo ait sedere) fecit in cœlestibus per Christū. Ex quibus quidem apostoli verbis mutuo videtur accepisse hanc suam beatus Augustinus sententiam, dicens, Corpus Christi quod est ecclesia, in ipsa dextera, id est, in ipsa beatitudine futurum est, sicut apostolus dicit, Quia & nos simul suscitauit, & simul nos sedere fecit in cœlestibus. Sed & ex hoc ipso apostoli

Sedebunt
fideles quo
que ad dex
teram Dei.

loco S. Hieronymus exponens locū illū apostoli, dicit fideles futuros ad dexteram Dei. Hisce diuinis et humanis testimonijs breuiter demonstraui, spero, aduersarium in sua descriptione Dexterę Dei, contra veritatem apostolicam, inseruisse dexteram Dei non significare felicitatem, qualis in cœlesti regno obtinget omnibus in Christum credentibus.

Bullingerus ex aīo
& non sic
confitetur
dexteram
Dei, &c.

De his non indiligenter, opinor, & antea in prima illa Responsione mea differui: quibus tamen video me non plus profecisse apud aduersarium, quàm quod is modo, Bullingerus duplicem facit significationem, ait, dexterę Dei: & confitetur quidem verbis, se agnoscere dexteram Dei esse omnipotentiam & maiestatem Dei, & Christum conscendendo ad dexteram patris, assequutum esse dignitatem supremam, ac transcendisse omnem principatum & potestatem esse quę regem summū & Deum verum in gloria, per quem omnia fiant gubernentur atque conseruentur, &c. Sed interim reprehendit Brentium, quod non agnoscat alterā dexterę Dei significationē, quam dicit esse certum in cœlo beatitudinis locum. Cū autem ego requiro & expecto firma huius posterioris significationis dexterę Dei testimonia, ecce tibi clamorem quidem multum: sed pro thesauro carbones. Hęc ille. His

autem

autem ille verbis sanè vehementer fastuosus, mea in suspensionem rapit, quasi verò ore duntaxat non etiam corde fatear dexteram Dei & omnipotentiam Dei significare. Cur verò non didicit ille ex apostolo, suspensiones, & ex his enatas contumelias numerari inter ea carnis opera, quæ graue Dei sustinent iudicium? Ego certè quod ore simplici fateor de dextera Dei eiusque omnipotentia, credo etiam corde sincero. Cùm ille à me requirit testimonia secundæ meæ significationis Dexteræ Dei, additque hic me illi pro thesauro exhibere carbones, perinde nunc mecum agit, atque antea quoque egit, in causa ascensionis Domini in cælum. Ac demiror vehementer aduersarium illa opponere mihi idque in omnium eorum conspectu, qui & viderunt & legerunt meam responsionem, deprehenderuntque in ea me, pro mea causa euidètia adduxisse testimonia: quæ ille modò perinde præterit ac si viderit nihil. Et ne hinc singula repetam quæ ibi recensui, quid respondet obsecro ad hæc clarissima sancti Pauli ad Hebræos verba, Christus confedit in dextera maiestatis, in excelsis. Et iterum ad Coloss. dicit idem apostolus, Si resurrexistis vnà cum Christo, superna querite, vbi Christus est ad dexteram Dei sedens. Quis hinc obsecro ingenij est vsque adeò retu-

Dextera
Dei locus
supra nos
in excelsis
vel in cælo.

si studioque contradicendi furens, qui negare ausit verba apostoli, In excelsis, & In super-
nis, Vbi est, En vbi est, nunquam ad Vbiqui-
tatem extendi, sed certum nobis locum in cœ-
lo denotare? Hæc & alia ex beatis quoq; pro-
posita patribus, cum aduersarius nunquam e-
uertere poterit, perstabat perstabitque firmis
suffulta testimonijs altera illa nostra Dextere
Dei significatio. Sed & iure in aduersarium re-
torquere possum, quod iniquè in me detorsit,
illum ipsum, non vni mihi, sed multis pro the-
sauro obtrudere carbones.

*Beatos patres disertè testificari Dexte-
ram Dei etiam accipi pro certo beatitudi-
nis loco. CAP. II.*

Quare testi-
monia pa-
trum de De-
xtera Dei
sint addu-
cta.

ET quidem libenter inter differendum de-
flectit à proposito vel statu, de quo agi-
tur, aduersarius, neq; mea illa semper eo addu-
cit modo eumq; in finem dirigit, quo à me sunt
proposita. Sic in alium quidem finem beato-
rum patrum de Dextera Dei testimonia, pro-
tuli, quam nunc videatur ille interpretari. Di-
xerat is alteram illam meam dexteræ signifi-
cationem, quod & locum in cœlo beatitudi-
nis significet, nouum esse commentum & do-
ctrinam hætenus auditam nunquam. Ea oc-
casione adduxi ego aliquot veterum patrum
sententias, quibus cōmonstrarem etiam ante
annos

annos mille in ecclesia sic sensisse de dextera Dei veteres, eaq; de causa meam de dextera Dei sententiam nec houam esse nec inauditam haecenus.

Ac spero hac de re adducta per me S. Cyprianum, Theodoretum & Augustinum testimonia tam esse luculenta & euidentia, ut quamuis conetur aduersarius verborum nebulas lectorum offundere oculis, nihil tamen artibus suis apud eos sit effecturus, sed veritatem perpetuò in semetipsa permansuram illustrem & efficacem. Dilucidissima sunt S. Cypriani verba. Nam dicit, Sedere ad dexteram patris carnis assumptæ mysterium est: neque diuina, sed humana natura sedem cœlestem conquist, &c. Cumque idem ille author paulò antè dixerit. Ascendit ad cœlos, non ubi verbum Deus ante non fuerat: quippe qui semper erat in cœlis, & manebat in patre: sed ubi verbum caro factum, ante non sedebat, nemo est qui non liquido cernat, Cyprianum neque sedem corporis Christi, neque ipsum corpus Christi commonstrauisse ubique, sed supra nos in cœlo. Frustra verò Brentius subsidium quærit in re nihili, dicens, Sed cum addit cœlestem, eo ipso significat, se non loqui de sede quadam terrena hoc est circumscripta, &c. Neque enim nos ipsi, si ignorat Brentius,

AD LIB. BRENTII

constituimus sedem in cœlis terrenam, id est corruptibilem, sed tamen dicimus locum esse certum, & congruum illum quidem corporibus clarificatis: quæ cum vera maneant in sua substantia corpora, certè circumscripta oportet sanè illa loco aliquo certo comprehendì. Quæ ille præterea infarcit de sedibus nescio quæ, ipso sunt authore profecta.

**Theodore
tus.**

Non minus dilucidum est & Theodoretì, quod adduximus, testimonium. Nam ita sonat, Sedere in throno gloriæ, & statuere quidem agnos à dexteris, hædos verò à sinistris, id quod circumscriptum est significat. Intellexit ergo & hic ecclesiæ doctor per dexteram locum in cœlo beatitudinis certum.

**Iudicium
extremum
facit Brent.
perpetuum**

At cum Brentius dilucida illa commode obscurare nequeat, admodum incommode orditur & loquitur nesciò quæ de iudicio extremo. Nam inter alia affirmat iudicium extremum futurum perpetuum, quod inquam nunquam ullum sit habiturum finem. Id quod falsissimum est pugnatque cum scripturis & sensu illo catholico omnium fidelium: nisi forte intellexerit supplicium, quod sumet de impijs sine fine Dominus. Verum si ea eius fuisset sententia, potuisset ipsam exprimere significantius. Scriptura sancta testatur venturum Dominum nostrum Iesum
Chri-

**Iudiciū ex
tremum nō
fore æternū**

Christum in nubes quæ supra nos sunt, ad iudicandum viuos & mortuos: in nubibus autem non permanfurum, sed absoluto iudicio, rediturum vnà cum ecclesia sanctorum omnium, in cœlum gloriæ. Vnde sanè colligitur iudicium Christi non fore æternum, sed habere suum finem, suisque contineri terminis.

Subiungit ille his, iudicium extremum non futurum tam crassum spectaculum, vt instituat^r externum tribunal vel in his terris vel in nubibus, quale quid in his soleat mundanis fieri consistorijs. Et iterum, Quis, inquit, ad tam pueriles & aniles cogitationes non rideret? Et mox, Reuera erit hoc cœleste & perpetuum, quod oculus non vidit, nec auris audiuit, nec in cor hominis ascendit, ideoque haud quaquam verè dici potest, esse loco circumscriptum, &c. At miror profecto vehementissime, quomodo vllus potuerit risus huius hominis animum subire in translatione seuerissimi, interim tamen iustissimi extremi huius iudicij. Demiror vehementius quid tandem sit ille de negotio Christianæ religionis nostræ pronunciaturus, an nihil in eo amplius agnoscere velit vel locale vel corporale aut circumscriptum? Opinatur ne ille omnia fore inuisibilia & insensibilia?

*Iudicium
extremum
crassum sp
etaculum.*

AD LIB. BRENTII

Aut qđ ille nobis narrat de crasso iudicij spectaculo? Remoueat ille suū illud crassi consistorij tribunal & locum cedat scripturæ sanctæ, ita verò iudicium extremum non erit crassum. Quod enim scriptura nobis spectandum proponit, non debet illi crassum videri. Christus summus ille iudex Brentio rectius profectò tenet totum huius sui iudicij processum, vtpote qui solus ipse iudicabit, atq; eo modo iudicabit, quomodo verbo suo nobis exposuit, neq; fefellit aut seduxit. Christus in quā summus ille iudex in sacrosancto euangelio & per electos suos apostolos, aperte testatur, quod aduentante iudicij die (habebit hoc certum tempus & locum certū) angelus Dei descensurus sit è cœlo, cum tuba, vocaturusque sit omnes ad iudicium, & quod vniuersi absque mora comparituri sint in proprijs suis corporibus coram tribunali Christi, cum proprijs suis animabus, Christum verò descensurum è cœlo in nubes, ac se exhibiturum ibi conspicuum vniuersę carni, pronuntiaturumque iudicem iustum suam de bonis & malis sententiam, & quod electi Dei fideles obuiam Christo sursum in aera sint rapiendi, & vnâ cum Christo assumendi in æternam gloriam, in qua cum ipso æternū sint permanfuri. Quemadmodum reprobis infidelisque anima-

2. Cor. 25.
Matth. 14.
2. Thess. 5.

Matth. 25.
2. Cor. 5.

Matth. 25.

nimabus & corporibus suis in tartara sint præcipitandi, vt ibi æterna sustineant supplicia vnà cum satana & omnibus eius angelis. Ista omnia tradit nobis verbum Dei: ista omnia credunt filij Dei: ista omnia non aliter quàm nobis exposita sunt à verbo Dei, perficiuntur. Quandoquidem itaque Christus in nubibus sese conspiciendum exhibebit, quem in locum descendet cœlitus: Quandoquidem item ipsum vniuersorum oculi, eorum quoque qui ipsum transfixerunt, visuri ac cõtemplaturi sunt: Quandoquidem denique fideles obuiam Christo rapiendi sunt in aera, & sequuturi deinceps dominum vt semper cum illo permaneant in regno cœlorum: quæ quidem omnia absq; loco & tẽpore perfici nō possunt, vident profecto omnes, quibus modo sunt oculi, Brentium contra fidem veram & scripturam sanctam, dixisse iudicium extremum nullo loco esse circumscriptum, sed tale quale oculus non vidit, auris non audiuit, &c.

Atq; hoc quidem S. Pauli & beati Isaïæ testimonio & in præsentī & aliquot in locis libri huius alijs, turpiter ille abutitur. Cũ enim serui Dei dicāt gloriam illam cœlestem excellentiorem esse, quam nunc possit cõprehendi eius excellentia nostris sensibus, nec vnquam eis venerit in mentem iudicium extremum

Quæ oculus non vidit & auris nō audiuit, &c.

fore inuisibile, pergit tamē ille suas illas phantasias præsidio huius loci ornare atque tueri. Sed videat ille caueatq; ne leptologia illa sua tandem vera corporaliq; salute excidat.

**Dextera
filij & dex-
tera pa-
tris.**

Sed quid obsecro confecit, quādo ait apud Matthæum mentionem fieri dextræ filij, & non dextræ patris? Quid oro est dextera filij, ad quam statuit suas ouiculas, nisi locus æternæ beatitudinis? Quid est autem dextera patris ad quam confedit Dominus, significatiōne altera aliud, quā locum æternæ beatitudinis? Et quatenus quidem dextera significat locum beatitudinis, vna duntaxat est beatitudo & patri & filio communis.

**Reducitur
ad statum.**

Vtcunq; verò ista habeant, lectorem Christianum adhortor, vt in hac disputatione diligenter obseruet, quid hisce aduersarijs omnibus suis obiectionibus effecerit Brentius, an ne euicerit veteres ecclesiæ doctores, quos adduxi, per dexteram non intellexisse locum æternæ beatitudinis? At nihil minus effecit. Ego verò demonstraui meam de altera dextræ Dei significatione nec nouā esse nec à me primum confictā. Et si Theod. parum apposite locū ex Math. 25. cap. adduxisset, nihilominus tamen per dexterā Dei intellexisset locū beatitudinis. Vnde rursus colliquescit meā sententiam de dextera patris, non nuper domi meā esse

esse natá. Verum singulariter S. Theodoretó & mihi infensus est aduersarius: vnde táto nobis inhiat feruore, sicubi cōprehēdere queat.

Nihilo ei succedit felicius tractatio testimo- S. August.
nij sancti præsulis Augustini. Iactitat quidem, more suo, memetipsum ei offerre gladium quo me iugulet, dum Augustini verba pro me adduco. Sed experiamur agē, quam feliciter ille eo vtatur gladio, quem sibi à me in manus datum gloriatur. Annón perspicue dicit Augustinus, Dexteram patris esse beatitudinem perpetuá, quæ sanctis datur? Quid verò aliud ipse doceo? Quomodo aut beatitudo communicetur sanctis, dictum est antea, non quod illi ubiq; sint, sed quod p ratione gloriosorum corporum, in aliquo sint cœli loco. Falsus est itaque sua opinione Brentius, qui existimauit à me sibi datum in manus gladium, qui tamen nunc & in manubrio fractus & acie retusa ineptus plane deprehenditur.

Vehementer autem ille hic nobis irascitur, ac, Quæ est hæc vertigo? inquit, si ad hunc modum licet dicta sanctæ scripturæ & patrum allegare, nihil tam absurdum, nihil tam impium est, quod non è scriptura & patribus probare tibi videaris. Sed desinat ille nobis ita esse infensus, neque sæuiat in nos tantopere bonus Chremes. Est sanè aliud

Abuti testi-
monijs scri-
pturæ & ue-
terum.

quod agat, ostendat potius Augustinum à nobis diuersa docuisse, & quod dextera Dei non sit locus beatitudinis, sed diffundatur per omnia. Alioqui nunquam instituimus quicquā vel absurdi vel impij probare testimonijs beati Augustini: cuius ille testimonium aliud huius generis inspicere, si libet, potest, contra sermonem Arian. 12. cap. & expendat apud se tranquille. an ex Augustino absurdum impiūue aliquid doceamus.

Beatitudo
superat in-
tellectum
humanum.

Fucum verò hic ille noster rursus quærit quo tingat res suas morbidas atque pallentes, ne veritati victrici manus præbere cogatur, & ex Augustino hæc sibi verba decerpit, In illa quippe beatitudine, quæ omnem humanum superat intellectum, sola dextera est, & eadem dextera eiusdē beatitudinis nomen est. Quibus mox subiungit, Affirmat beatitudinē illam superare omnem humanum intellectū. Quid ergo Bullingerus somniat de loco circumscripto, qui humana cogitatione & intellectu facile cōcipi potest? Ad ea sic respōdeo, Tametsi excellentia gloriæ in æterna illa beatitudine, omnem intellectum superat humanum, attamen oportet beatitudinem illā esse alicubi, vbi electis Dei obtingat. Ideoq; non sequitur, quod quia beatitudo excellentissima est, iccirco locum non habeat yllum.

Licet

Licet in præsentia dum adhuc infirmitate carnis nostræ aggrauamur, non omnia capiamus arcana cœlestia, clarificati tamen aliquādo omnia illa sicuti decet, & prout confert perfectaq; requirit beatitudo, intelligemus assequemur ijsque ad iucundam satietatem perfruemur. Plus mihi in his meis crassis, vt vocat aduersarius, somnijs, placeo & gratulor, quam in subtilissimis illis Brentij phantasijs, salutem veram ita nobis diluentibus atq; extenuantibus, vt nescias vbi sit aut quid sit.

Rursus verò ille, Augustinus, inquit, in beatitudine solam dicit esse dextram, non autem sinistram. Quid ergo nobis supra ex Theodoro de sinistra Dei opposuit, cū Augustinus dicat hic solam esse dexterā? Et his protinus subiūgit, Vides ergo Bullingere, quam dextre tuam dextre significationem è scriptura & patribus probaueris. Video sanè video mi Brenti per Dei gratiam, Augustinum disertis verbis dexteram Dei nuncupare eam beatitudinem, quæ sanctis datur. Video itē Brentium vtcunq; se torqueat & in omnes partes se vertat, nihil posse contra hoc adferre testimoniū apertum. Video denique illum sua illa disputatione ita ferri tumultuanter, vt non male referat anhelum aliquem aurigam, qui quo festinat incogitantius, eò currum euertit citius.

Sola dextera in beatitudine.

Legat ille Augustinum de Agone Christiano, & intelliget, ne tantillum quidem hunc dissidere à Theodoreto, imò utrūq; propè eadem usurpare verba. Aut cur quæso tantopere vrgeret aduersarius illa beati Augustini verba, So la in beatitudine dextra est, nō autem sinistra. An non videt illa non contra me sed contra ipsum facere? Collocauit enim infernum in Cœlo, vnde Augustin. ipsum eiecit, negans si nistram esse in æterna beatitudine. Sed quid pluribus opus? Spero, pios lectores, dudum vidisse, me id quod mihi sumpsi probandum, dexteram patris etiam significare locum beatitudinis, abunde satis comprobasse & scripturarum & beatorum patrum testimonijs.

Vnum atq;
idem verbū
in scriptu-
ris varias
admittit si-
gnificatio-
nes.

His adhuc veluti auctarium adijcit, & dicit, Sed quid multis opus? Si concedis dexteram Dei, ad quam sedet homo à Deo assumptus significare omnipotentiam & maiestatem Dei, certè eo ipso negas significare certum & circumscriptum locum. Omnipotentia enim non est certus locus, &c. Et mox, Reliquum igitur est, quod vt nomine dextræ Dei, non venit certus & circumscriptus locus, ita præcipuum fundamentum, quo nouum & inauditum Bullingeri dogma de dextera Dei constare videbatur, concidat necesse est. Cæterum contrarium cernunt prudentiores omnes

nes, & præcipuè id quod videtur aduersario
firmum esse, deprehendunt illi futile esse & e-
lumbe. Quis enim mentis sanæ negauerit vnũ
atq; idem verbum in scriptura, varias frequen-
tissime admittere significationes, idq; pro ra-
tione rerum quarum sunt verba, & pro ratio-
ne circumstantiarum: ita vt qui secundam aut
tertiam significationem protulit, primam mi-
nime negarit. **Brachium.** Brachium in scripturis accipi-
tur alicubi pro diuina potentia. Hanc significa-
tionem non negauit, qui dixit brachiũ præte-
rea omne id significare, cui homo fidit, & vn-
de aliquod sperat auxiliũ. Ita Baptizare apud **Baptizare.**
Marcum significat vrceos æramenta & alia è
suppellectile abluere atq; mundare: Alicubi si-
gnificat peccata purgare, & inferere in Dei
populum. Baptisari quoq; affligi est. Eodem **Benedicere**
modo Benedicere accipitur pro laudare, gra-
tias agere, & ample prædicare nomen domi-
ni. Benedicere præterea est execrari & ma-
ledicere. Quis verò mentis sanæ colligit &
dicit? Hic vsurpat benedicendi vocabulum
pro maledicendi, ergo negat benedictio-
ne laudare Deum homines? Proinde cum
dedi per dexteram Dei intelligi omnipoten-
tiam Dei, eandem sanè non negauit & pro
certo beatitudinis loco accipi, aut quia locum
beatitudinis illa significat, negauit vsurpari

AD LIB. BRENTII

& pro maiestate Dei. Ergo dum arbitratur ad uersarius præcipuum meum fundamentum corruisse, cernūt æqui lectores omnes, ipsum vertigine, quam mihi libèter iterum iniiceret, correptum, in eam incidisse foueam, quam mihi parauerat.

De sessione Christi ad dexteram Dei, & de habitatione eius in cælo, & loco Augustini, Tolle spacia locorum, &c.

CAP. III.

Sedere ad dexteram Dei duplicem habet significationem,

QVando verò euicimus iam dexteram Dei in scripturis usurpari non tatum pro maiestate Dei omnipotentiaq; , sed & pro loco beatitudinis in Cælo, sanè nihil erit porro necesse multis probare, quod ex istis sua sponte sequitur, & sedere, sicuti in scripturis alicubi occurrit, significare & quiescere & sedem æternæ felicitatis inhabitare. Ne quid tamen hic obscuritatis quenquâ impediat, sciendum est! sedere duplicem habere significationem. Principio enim sedere est exaltatum esse & regnare in omni gloria & maiestate. Deinde significat requiescere & æternam felicitatē inhabitare. Vtraque hæc inueniuntur in exaltato Christi corpore. Alteram verò istarum non agnoscit Brétius significationum. Dicit enim, Sedere ad dexteram Dei non est sedere

federe, stare, aut deambulare (nec mirum est si nō interdum secundum Zuinglianos, iaceat quoq; dominus & caput suum in lectum reclinat) in certo loco corporalis cœli, sed est ornātū esse æquali maiestate & omnipotentia Dei. Quoniam verò paulò ante commonstratum est etiam sanctos sedere ad dexteram Dei & super throno Christi, & tamen non coæquali maiestate & gloria cum Christo sedent, consequens sane est sedere alteram quoq; admittere significationem : vt Christus quidem illo suo excellentissimo primoq; modo sedeat ad dexteram Dei, exaltatus in omnem Dei maiestatem & gloriam : deinde verò & sancti cum ipso, secundum verbum eius, sedeant, altero illo modo & sua ratione. Habitant enim sancti cum Christo in Cœlo, sed non sunt Christo in maiestate coequales. Nam tametsi & ipsi dicantur regnare, non tamē pari sunt cum Christo gloria præditi.

Iam quod aduersarius iterum ludit vexat Ad dexteram Dei stare spaciari sedere. pungit lædorijsq; agit, adducens rursus Zuinglianorum Christum in Cœlo spaciantem & iam etiam in lecto cubantem, pro leuitate sua solita agit. Potuisset, si saperet, omnibus istis facilè abstinere. Perinde loquitur ac si ea sit nostra sententia, quæ fuit nunquā: quasi Christum cœlo includamus, in quo illi conuersa-

AD LIB. BRENTII

tionem affingamus mundanam prorsus. Verum antea diximus, & paulò post repetemus nihil tale vnquam nobis venisse in mentem. Hoc palàm ex verbo domini sentimus & docemus, Christum vero suo corpore pro ratione clarificati corporis (quod quidè verum corpus manet, habens carnem & sanguinem, neque mutatur in spiritum) Cœlum inhabitare, deniq; sanctos quoq; in ipsismet corporibus suis clarificatis vnà cum Christo habituros in Cœlo. Quod & Hieron. testatur & ait, Sicut Christus ita & nos post resurrectionem eadem habebimus membra, quibus nunc utimur, easdem carnes & sanguinem & ossa: quorum in scripturis sanctis opera, non natura dānantur. Nam hæc est vera resurrectionis confessio, quæ sic carni gloriam tribuit, vt non auferat veritatem. Sic & dominus noster in morte transfiguratus est in gloria, non vt manus ac pedes cæteraq; membra perderet, & subito in rotunditate vel Solis vel spherę volueretur: Sed eadem membra Solis fulgore rutilantia apostolorum oculos perfringerent, &c. Contra Ioan. Hierosol. episc.

Christus in
certo cœli
loco nō coar-
ctus.

Quod verò Christus dominus vero suo corpore in Cœlo est ac habitat corporaliter, non autem vbiq; præsens inuenitur, id quidem est bonæ ipsius volūtatis diuiniq; ordinis. Quod autem

autem sancti in cœlo & non vbiq; futuri sunt, est & hoc ipsum ordinationis diuinę, Et quomodo possumus nos aliter loqui de hisce reb. quam accepimus didicimusq; ex verbo domini? Petrus apostolus, Christũ oportet ait (En oportet disertè ait, cum interim nos nullam intelligamus necessitatem coactam sed spontaneam eius voluntatem & Dei ordinationẽ) Cœlum accipere vsq; ad tempora restitutionis omnium, &c. Actor. 3. Sed & Paulus dicit quod id quod in homine est mortale & corruptibile, oporteat induere immortalitatem & incorruptionem: & quod nostris corporibus obuiam simus prodituri, vecti per aerem, aduentanti in iudicium domino, secuturiq; hũc & semper cum ipso futuri quem & oculis nostris simus inspecturi. Cumq; hæc omnia sint longè certissima & fide nostra catholica & orthodoxa sancte cõfessa, non poterit non & in dubitatũ illud quoq; esse, quod in alio illo seculo, in cœlo vel in regno Dei fideles non sint similes futuri idolis aut truncis, qui nihil neq; sentiãt, neq; videãt, neq; audiãt, aut immoti in locis in quibus futuri sunt hæreant rigeantq; statuarum instar. Neq; verò in purã spiritus substantiã mutabuntur corpora nostra. Habeturi aut sumus nostra met corpora & proinde mēbrorũ vsum ꝑ rōe clarificatorũ corporũ.

Conuersa
tio nostra
in cœlo quan
lis;

Vbi tamen nemo à me expectabit exactam explicationem modi & rationis omnimodæ, qua mouebuntur & exercitabunt se clarificata in Cælo corpora. Libenter in spe sustineo dominum; vt aliquando illa omnia coràm in cœtu sanctorum inspiciam & experiar: Interim verò nec pudebit nec pigebit me loqui cū scriptura. Illa verò apertè dicit nos accubituros, requie fruituros, sessuros, habitaturos, futuros in gaudio vbi ipse est, visuros Deum, sequuturosque Dominum, qui deducturus sit nos ad viuos fontes aquarum, &c. Hæc si ridet atq; suggillat adhuc Brentius, vociferàs Zuinglianos fabricare sibi Mahumedicum cœlum, securi sumus nos, vtpote qui certò nouimus nos à parte nostra habere verbum Dei, cui ille impiè insultat & nos aperta afficit iniuria. Compescet opportuno tempore dominus insolentiam istam insultantis aduersarij.

Is porrò hic magno conatu incipit coaceruare plurima scripturæ testimonia, quibus ostendat sedere id ipsum esse quod in æquali maiestate regnare. Forsan libenter incassum laborat actumq; agit. Cum enim nō negem, quod ille asserit, sicuti non inficias eo & dexteram Dei vsurpari pro omnipotētia Dei, quorsum pertinet laboriosa illa probatio? Vt se auditori venditet. Cur non respondit potius ad illa,
quæ

quæ sunt in controuersia, sicuti & antea ab illo requisitum. Quod his adiicit maiestatem Dei comprehendere & omnipræsentiam corporis Christi, suo excutietur, Deo volente, loco.

Præfatur alicubi in hoc suo libro, quasi de nouo aggressurus & euersurus testimonium Beati Augustini ad Dardanum, Tolle corporibus spacia locorum, nusquam erunt, & quia nusquam erunt, nec erunt, &c. Verum cum nunc nihil ferè dicat, quod antea in scripto prior, cui respondi, non dixerit, breuitatis gratia hæc addo, Testimonium hoc Augustini in ecclesia Christi certò satis, utcumque impugnetur à Brentio & socijs, incolume inuictumque futurum. Tametsi enim conetur hoc rapere in suspicionem, quasi ipsemet Augustinus hanc sententiam pronunciarit καθολικῶς, atque ita ne ipse quidem habuerit pro vera & sacrosancta, frustra tamen laborat. Et utcumque miraculi præsidio veritatem corporis Christi extenuare pondereque & mole liberare contendat, Augustinus tamē ipse perpetuo & manifeste clamat, Corpus Christi esse in cælo & permanere corpus verum, quod locum & circumscriptionem suam habeat, ubique autem non sit. Hoc negare non potest Brentius, utcumque se in omnes formas vertat & ringatur. Cumque hoc non nesciat, non potest is elabi felicius,

Tolle spacia locorum corporibus nusquam erunt.

felicius, quam vt hunc authorem prætereat. Et quidem nemo vnquam præter Brentium hucusq; ab annis 1200 in ecclesia fuit, qui sententiam hanc Augustini aliter intellexerit quàm vsurpemus nos, aut ipsam oppugnarit tanquàm falsam philosophicam & corpori Christi glorioso parum congruam. Spero itaq; prudentiores dogma vetus Augustini libentius amplexuros, quàm nouum illud aduersarij.

De Visionibus Stephani & Pauli, et Christum in Cælo retinere uerum corpus & corporis formam, clarificationem enim nõ tollere corporis ueritatem. C A. I I I I.

De Visione
Stephani.

QUæ in Respon. mea differui de visione beati Martyris, Stephani, non attigit in libro hoc suo aduersarius, tantum, Oeconomia erat, inquit, qua Christus sese captui Stephani accomodabat, &c. Verum hoc malagma tatum valet apud cordatum auditorem, quantum reliqua istius quæ subinde confingit ad commendandam simplicibus suam ubi quitatem, & ad obscurandas non illustrandas scripturas sacras. Oeconomiam vel dispensationem ille vocat cum Christus aliquid agit aut apparet, non pro sua maiestate, sed pro nostro captu ad nostram vtilitatem, aut cum Christus aliquid fecit quod potuisset omittere. Vt cum
Christus

Oecono-
mia.

Christus resurrexisset ex mortuis & quærere-
 tur à mulierculis in sepulchro, dixit angelus,
 Surrexit. Non est hic. Vere dictū, nō aut iuxta
 maiestatem, sed iuxta Oeconomiam. Ita & Tho-
 mæ ostēdit ac exhibuit cicatrices in manib. la-
 tere & pedibus. Iuxta hanc dispēsationem ait
 dominum & Stephano apparuisse. Non enim
 sentiendum esse, quod Christus ea forma qua
 visibiliter ascendit vsq; ad nubes, versetur in
 Cælo empyreo, aut quod ea forma qua Ste-
 phano apparuit, semper in regno cœlesti ver-
 setur. Scio quidē veteres dispensationis vel
 Oeconomias vsos vocabulo, etiā in resurre-
 ctionis Christi negotio: verū illi ipsi cauerunt
 diligentissime, nec ubi veritatē resuscitati cor-
 poris Christi resurrectionisq; nostrę verē ver-
 terent in dubiū. Vnde ingenue professi sunt
 corpus Christi esse in loco. Quod vel apud Cy-
 rillum vel etiam Theodoretum in Dialog. 2.
 Inconf. videre est. Proinde œkonomiā vel di-
 spensationē, intellectu sano, & vt vsurparunt
 veteres, nō ad extenuandā verā in gloria Chri-
 sti humanitatē, non reprehendo neq; reiicio.
 Quātū aut attinet ad Brētiū nō video ipsum
 cū veterib. hac in re facere: neq; possū ap-
 pbare, qd̄ ait Christū in cælo nō eā semp retinere
 formā quā tūc habuit, quādo visibiliter in cœ-
 lū ascēdit, & quādo se Steph. visendū cœlitus

*ὁμοιωσις
 id est ratio
 ne humanæ
 naturæ as-
 sumptæ.*

Christus in
cœlo reti-
net substan-
tiam for-
mamq; cor-
poris huma-
nam.

exhibuit. Quid enim posthac aliud cogitabi-
mus de corpore & forma corporis Christi in
Cœlo, quam quod de assumptis corporibus,
& formis corporum sentimus angelorū? Cor-
pora enim hi assumunt, & hominibus pro eo-
rum vtilitate, certis apparent formis, quas ta-
men semper non retinent in cœlo, sed ad pro-
priam redeunt lucem vnā cum corporibus
ponunt. Ergo ne credemus & dominum no-
strum, cum forma simul ipsum corpus suum,
in quo à suis visus est, deponere? Ita verò nō
admodum bonum se dispensatorem præstitis-
set ecclesiæ Brentius, qui male dispēfando, præ-
stantissimum ecclesiæ thesaurum perdidisset.
Verum enim corpus Christi ad dexterā Dei
patris sederis, ille est omnium fidelium pretio-
sissimus thesaurus, & certissimū pignus quod
& nostra vera illa corpora, à resurrectione, in
eadem substantiā, sint illuc ad ipsum quoque
euehenda. Cæterū vera fides & diuina veri-
tas cui innitur fides, confiteritur hoc ipsum
corpus Christi quod resurrexit ex mortuis et
ascendit in Cœlum, retinuisse substantiam hu-
manæ naturę, retinereq; eandem adhuc ad de-
xteram Dei patris in cœlo. Licet enim corpus
domini à resurrectione sit clarificatum, clarifi-
catio tamen illa non sustulit humanæ naturę
substantiam atq; formam. Repurgat quidem
corpus

Clarifica-
tio non au-
feri uerita-
tem corpo-
ris.

corpus à corruptione, redditq; ipsum expeditum celerrimum atq; clarum vel fulgidum: repurgat deniq; illud à mortalitate & omnibus infirmitatibus defectibusq; humanis: interim verò illi non aufert substantiam, non membra vel artus atq; figuram. Tollit sanè deformitatem & quicquid fœdū, quicquid ex corruptionis reliquijs est, non tollit autem formam, non tollit item locum vel terminos vel circumscriptionem. Hæc enim omnia in corpore Christi inhabitante Cœlū, sed & in omnibus sanctorū corporibus manēt nec expunguntur vnquā: quemadmodū omnes orthodoxi vno ore concorditer cōfitentur atq; testantur. Alioquin resuscitatum corpus ex mortuis verū corpus nō esset, vana deniq; essent quæ de resurrectione carnis sancti credunt. Sed quo minus sit dubitationis commemorabo breuibus duo clara beatorum patrum testimonia. S. Augustinus *Augustinus* Retra. li. 1. ca. 13. & 26. Quod dixi, inquit, angelica corpora, qualia nos speramus habituros, lucidissima atq; ætherea esse credēdū est. Si hoc sine mēbris quæ nunc habemus & sine substantia, quāuis incorruptibilis, tamē carnis accipiat, erratur. Copiosiora idē ille author tradit de his li. de ciuit. Dei 22. paria cōtra Adimātū ca. 12. His cōiungere potest quilibet præclaram S. Gregorij disputationē hac de re con-

Gregorius

contra Eutychiũ, præſente Imperatore, habi-
 tā, ex 29.ca.Moral.14.Porrò Theod.lib.Dial.
 2.Incon.Illud,inquit,corpus habet priorẽ qui-
 dem formã & figurã & circumſcriptionem, &
 vt ſemel dicam corporis ſubſtantiã. Ad Phil.3.
 apertẽ corpus dicitur & gloriæ quidẽ corpus
 (Transfigurabit corpus noſtrũ humile vt cõ-
 forme reddat corpori ſuo glorioſo) Ergo ſi
 corpora ſanctorũ ſeruãt ſuæ naturæ characte-
 rem, corpus quoq; domini ſimiliter ſuã habet
 ſubſtantiã immutabilẽ. Hæc ille, qui plura hu-
 ius generis habet alia, quę non cõſignauì huc
 omnia. Proinde non ſinemus nobis Brentia-
 na diſpenſatione oculos obliniri, nec deſine-
 mus hortari omnes ſibi caueant, neq; permit-
 tant huiusmodi artibus ſibi oculos fascinari.
 Corpus enim domini noſtri Ieſu Chriſti exci-
 tatũ à mortuis, qđ à mulierculis in ſepulchro
 quærebatur, pro ratione & natura veri corpo-
 ris, nõ erat tunc in ſepulchro. Hoc attestantur
 nobis veriſſima angelorũ testimonia, dicẽtiũ,
 Ieſum q̃ritis Nazarenũ crucifixũ. Surrexit.
 Non eſt hic. Ecce locus ybi poſuerãt eũ. Si ve-
 rò corpus Chriſti, qđ in ſepulchro quærebãt
 mulierculæ, in ſepulchro nõ fuit, proſecto v-
 biq; nõ fuit. Alioqui enim & in ſepulchro fuiſ-
 ſet. Vnde iã cõſeqtur, corpus clarificatũ nõ eſ-
 ſe eius cõditionis, vt poſſit eſſe vbiq; vel vt ſuã
 natu-

Corpus
 Chriſti
 quæſitum à
 mulieribus
 non erat in
 ſepulchro.

naturá vel substantiá, quæ sine mēbris & forma nō est, deponat. Vbi ergo manet doctrina Brétij de vbiquitate corporis Christi? aut qđ modo dixit, Christũ in cœlis nō eam retinere formá, quá habuit cū ascendit in cœlos, indeq; videndá suis exhibuit? Hanc ille sua illa dispensatione libenter omnibus approbaret. Equidē ^{Præstigiis dispensationis.} cū simpliciores audiunt œconomiá vel dispensationē diuiná, concipiūt nescio quid magnũ, & velut ad cœleste stupent mysterium, quod vt non intelligūt ita vt reconditum ineptē admirantur. Cum reuera dispensatio illa, vti ipsa vtitur aduersarius, nihil sit aliud quam verborum caligo, auditorũ oculis offusa in quo oberrantes, liquide porrò non videant obseruentq; simplicem veritatem proprietatemq; ex mortuis resuscitati corporis Christi. Orthodoxe verò de hoc pronuncians beatus Augustinus dixit, Nec eos audiamus, qui negát tale corpus domini resurrexisse, quale possumus esse in monumento. Si enim tale non fuisset, non ipse dixisset post resurrectionem discipulis, Palpate & videte, quoniá spiritus carnis & ossa non habet, sicut videtis me habere. Sacrilegũ est enim credere, dominũ nostrũ cū ipse sit veritas, in aliquo fuisse mētītũ. Hęc ille.

Verum necubi deslectamus à proposito, ^{Verum deo mini corpus à S. Thoma cō tractatum.} certissimum illud quoq; est, quod dominus

noster Iesus Christus verum suum corpus &
 quidem illud ipsum corpus, quod in cruce pe-
 penderit & vulneratum fuerat, illis ipsis suis
 membris suaq; figura vel forma Thomæ & vi-
 dendum & contrectandum palpandumque ex-
 hibuit, & exhibuit quidem vt verum corpus,
 & non veluti spiritum, qui neq; carnem neq;
 ossa habet, neq; palpari potest. Non aliud cor-
 pus neq; in vlla alia corporis forma ascēdit in
 cœlum dominus noster, quàm illa ipsa, quàm
 Thomæ exhibuerat. Non aliud corpus neq;
 in vlla alia corporis forma in Cœlo ad dexte-
 ram Dei apparuit dominus noster Stephano,
 quàm illa ipsa qua ex conspectu discipulorū
 suorum sublatus est è cacumine montis oliue
 ti. Atq; ita etiam credidit & docuit de corpore
 Christi agente in cœlo B. Augustinus, qui epi-
 stola ad Consentium 146, Ego, inquit, domini
 corpus ita in cœlo esse credo, vt erat quando
 ascendit in cœlum, &c.

Non eodē
 semper ha-
 bitu domi-
 nus appa-
 ruit.

Et quamuis dominus à resurrect. sua, suis
 non eadē semper figura vel habitu eodē appa-
 ruerit, vt Magdalene specie hortulani, proficif-
 centib. Emauntē cultu peregrini, ita vt primo
 contuitu ac colloquio ipsum non agnoscerēt,
 nihil tamē mutatū est in substātia corporis e-
 ius, sed & ipsa mēbra corporisq; formā semp
 sibi integrā retinuit, nunquam deposuit. Ve-
 stis

stis non rarò hominem veluti transformat, vt non facile is esse agnoscatur qui est, attamen forma ipsa corporis interim nec mutatur nec expungitur. Proinde non est de corpore Christi sentiendum, velut de Protheo quodam, de quo canebat olim Flaccus ille,

Quo teneam vultus mutâtem Prothea no-
do? His accedit quod cum à suis non est ag-
nitus, quibus tamen erat cognitissimus, cul-
pam hæsisse in spectatoribus, non autem in
Christi corpore: id quod Lucas apertissime
dicit capite 24.

Post hanc synceram dilucidamque huius
rei declarationem, videt lector prudens, nihil
porrò opus esse responsione vberiore, qua ad-
uersarij excutiam Gradus in hac causa ab ip-
so inuentos. Gradus enim constituit in per-
sona Christi, vel in his quæ personæ Christi
accidunt, & priorem quidem diuinæ maie-
statis, posteriorem verò inanitionis, in quo in
diebus carnis suæ constiterit, & postremum di-
spensationis quem attribuit resuscitato & in
cælum assumpto domino. Nemo enim ita lu-
sciosus est, qui non intelligat, quo ille cōmen-
tis his suis omnibus, ad quæ scripturas astute
reflektit atque contorquet, auide tendat, huc
nimirum, vt veram Christi humanitatem in
cœlis, & in statu illo gloriæ, leptologia illa sua

Gradus in
his quæ ad
personam
Christi per-
tinent.

extenuet', vt remotis aut obscuratis saltē omnib. veri corporis proprietatibus, corpus Christi Suenckfeldicè quasi deificatū reddat, vt nihil minus sit, q̃ corpus verum, imò tale potius esse videatur, quod nihil differat à spiritu, & p omnia diuinitati par, omnia impleat & ubiq; præsens sit. At talē doctrinā nunq̃ recipiet aut approbabit fideiū quisquam: vtpote quæ semper ab orthodoxa vetustate, autoritate scripturarum palàm est reiecta atq; reprobata.

Tempus
Christi hu-
militatis
& exaltati-
onis.

Veteres ecclesiæ doctores simplicius & rectius distinxerunt vniuersum illud dispensationis Christi tempus, in hoc quod mox ab incarnatione antecessit tempus resurrectionis glorificationisq; , & in illud quod protinus illam est consequutum. Prius nuncuparunt tempus humilitationis & infirmitatis: posterius verò tempus exaltationis & gloriæ. Etenim erat in humiliatione corpus domini infirmum (absque peccato tamen) miserum, passibile, mortale circumscriptum. In exaltatione verò cum non deposuerit corporis humani veritatem sed retinuerit, retinuit simul & circumscriptionem: deposuit autem omnem infirmitatē, miseriam, corruptibilitatem, passibilitatem, mortalitatem, aliaque huius generis, & exaltatus est in gloria patris. Sufficit hæc distinctio ac declaratio pio cuiilibet, qui videt præ-

præstantiorem esse hanc, ideoque Brentiana illa ipsum facile neque sine fructu carere posse.

Commemorata illa sua dispensatione ob-
Visio domini Paulo exhibita.
 scurat ille & visionem Domini apostolo Paulo exhibitam. Iterum enim repetit Christum non versari physico modo vel corporaliter in regno suo cœlesti, ea forma qua apparuit Paulo, apparitionem illam Domini asserens fuisse suam illam œconomiam. Et his tamen mox non tam prudenter quàm disertè adiungit & ait, Paulus probat hoc argumento veritatem resurrectionis Christi, Postremò, inquit, visus est & mihi. Dicat enim nobis Brentius quomodo apostolus visione hac Domini probauerit veram resurrectionem Christi? Si enim Christus Paulo non apparuit vero suo corpore, vera sua carne, in vera corporis substantia atque figura, sicuti & alijs sese spectandum & contrectandū exhibuit apostolis: quomodo obsecro dixit, Visus est apostolis omnibus. Postremò autem veluti ab artiuo visus est & mihi? Si autem illo ipso corpore vero corporisque veri forma, Paulo è cœlis, apparuit, quo dum in terris adhuc versaretur cum discipulis, sese conspiciendum palpandumque apostolis exhibuit, consequens est profecto Christum in cœlo, vnde se Pauli videndum exhibuit, versari corporaliter,

AD LIB. BRENTII

eandemque adhuc corporis substantiam formamque retinere quam habuit in terris. Præterea cum Paulus per resurrectionem corporis Christi probet nostra quoque corpora resurrectura, constet autem illa in vera corporis substantia atque forma esse resurrectura, luce clarius apparet corpus Christi quod è cælo apparuit Paulo, in vera illa sua corporis substantia atque forma apparuisse, & ideo ipsum corporaliter in cælo versari, substantiamque & formam corporis ipsum inuiolata in cælis retinere. Exhibuit ergo nobis ipsemet aduersarius laqueum quo insolubili ipsum constringeremus nexu. Vident hic præterea pij omnes verbosam illam dissertationem Brentij de vbiuitate corporis Christi & de dispensatione illa sua, non modo ecclesiæ noxiam esse sed & fidei veritatique resurrectionis contrariam.

Sancti Hieronymi doctrina de resurrectione corporum & natura corporum clarificatorum.

Ut tamen ista dilucidius rectiusque intelligantur & validius adhuc roborentur, contra ham hic in compendium B. Hieronymi dissertationem, quam habuit aduersus Ioan. Hierosol. episcopum, ut ex ea cognoscat non tantum Brentium, sed simplices, rudioresque etiam, quid in hac causa verum sit vel falsum erroneumue, à quibus item sibi caueant, quidue tuto sequantur. Huius quædam protuli & in prior mea Responsione, reliqua nunc subijciam.

Fuit

Fuit autem Ioan. ille Hieros. episc. errori Originiano de mortuorum resurrectione implicitus: qui quidem ab ipso Hierony. talis fuisse perhibetur, Aliud nobis spirituale & æthereū promittitur corpus, quod nec tactui subiaceret, nec oculis cernitur, nec pondere prægrauatur, & pro locorum in quibus futurum est varietate mutabitur. Nec dissimulat naturam ætherei corporis & spiritualis dominus. Clausis enim ingreditur ostijs, & in fractione panis ex oculis euanescit. Haftenus errorem de excitationis ex mortuis corporibus recensui.

Error de
corporibus
clarificatis.

De errori-
bus Orig.
ad Pâmach.
& Oceanū.

Sequitur iam erroris huius per B. Hieron. confutatio & vera doctrina veraq; fides de veritate resuscitatorum corporum assumendorumq; in cœlum. Nullus, inquit Hieron. tam aperte post Christum quam Iob ante Christū de resurrectione loquitur. Nouit & vidit quod viuit Christus redemptor eius, & in notissimo die de terra resurrecturus sit. Et cum dixit, Rursum circūdabor pelle mea, & in carne mea videbo Deū, vbi hic corpus æthereū? vbi aereū? & spiritui & aurē simile? Nonne videtur tibi iam tūc Iob contra hunc errorē scribere? Videbo aut Deum, in ista carne, inquit, quæ me nunc cruciat, quæ nunc præ dolore distillat: vnde inculcat & exaggerat & ait, Quē visurus sum ego ipse, & oculi mei conspectu-

Vera do-
ctrina de
corporibus
clarificatis.

ri sunt, & non alius. Is si non in sexu suo resur-
recturus est, si non iisdem membris, quæ iacue-
re in stercore: si non eosdem oculos aperiat,
ad videndum Deum, quibus nunc videbat
vermiculos, ubi erit ergo Iob? Tollis ea in qui-
bus substitit Iob, & donas mihi inane vocabu-
lum resurgentis. Quomodo si nauim post nau-
fragium restitutam velis, ac neges singula de
quibus nauis construitur. Resurrectionis veri-
tas catholice, sine carne & ossibus, sine sangui-
ne & membris intelligi non potest. Vbi caro
& ossa & sanguis & membra sunt, ibi necesse
est ut sexus diuersitas sit. Vbi sexus diuersitas
est, ibi Ioannes Ioannes, Maria Maria.

Vide Epistola
Pauli ad
Ephesios
per Hiero-
nymum.

Sunt plura adhuc scripturæ de mortuo-
rum resurrectione testimonia, imprimis quod
Dominus noster Iesus Christus resurrexit ex
mortuis, & quadraginta dies à resurrectione
cum discipulis suis conuersatus cum eis edit
& bibit, ac ab eis cum suis ipsius membris vi-
sus est. Quod autem comedit in carne & in
membris visus est, aut verum est quod vide-
batur aut falsum. Si verum est, ergo vere come-
dit & membra habuit. Si autem falsum, quomo-
do res falsas ostendere voluit, ut resurrectionis
veritatem probaret? Nemo enim falso verum
probat. Neque illa comedit sine dentibus, neque
ambulauit sine pedibus, neque fregit panem
sine

sine manibus, nec loquutus est sine lingua,
nec latus monstravit sine costis.

Et quomodo, inquires, non cognoscebant eum in itinere, si ipsum habebat corpus quod ante habuit? Audi scripturam dicentem, Oculi eorum tenebantur ne eum agnoscerent. Et rursus, Et aperti sunt oculi eorum, & cognoverunt eum. Nunquid alius fuit quando non agnoscebatur & alius, quado agnitus est? Certè vnus atq; idē erat. Cognoscere ergo & non cognoscere oculorum fuit, nō eius qui videbatur, licet & ipsius fuerit. Vnde & Maria Magdalene quandiu non agnoscebat Iesum & viuum quærebat inter mortuos, hortulanum putabat. Agnoscit & dominum vocat, &c.

Christus non agnitus à suis.

Porrò quod clausis ingressus est ostijs, eiusdem virtutis fuit, cuius & ex oculis euanesce-
re. Lynceus, vt fabulæ ferunt, videbat trans parietem, Dominus clausis ostijs, nisi phantasma fuerit, intrare non poterit? Dic mihi acutissime disputator, quid est maius, tantam terræ magnitudinem appendere super nihilum, & super aquarum incerta librare, an Deū transire per clausam portam, & creaturam cedere creatori? Quod maius est tribuis, quod minus est calumniaris.

Christus ingressus ianuam clausam

Vide Epitaphium Paulæ matris.

Angelus Christo amouet lapidem, Petro portam aperit.

Sed oro te, Credis vere Dominū resurrexisse in eodē quo mortuus quo sepultus est cor-

pore, annon credis? Si credis, cur ista propositionis per quę resurrectio denegatur? Si non credis, quid ita imperitorum lactas animas, & resurrectionem casso nomine ventilas? Hęc omnia huc descripsi hactenus ex B. Hierony.

Conclusio
huius loci.

Et nunc quidē hęc quoq; disputationis nostrę partē de dextera Dei patris & de sessione Christi domini ad dexterā Dei patris, ad imitationem S. Hieron. concludo & dico, Si credit Brentius corpus domini nostri Iesu Christi in cœlo ad dexteram patris sedēs, verum esse corpus, quod substantiā formamq; veri corporis humani retinet, cur itaq; talia, sua illa disputatione, profert, per quæ veritas corporis negatur, aut saltē apud rudiores vocatur in dubiū? Si verō reuera non credit, & vanum aut inane duntaxat resurrectionis corporisue nomē ob tēdit, sonat & crepitat, cernūt liquido omnes, quo miser insulsa illa sua disputatione peruerit. Credat itaq; posthac doctrinæ eius, cui non satisfat doctrina solida sana atq; simplici. Dominum oro, vt nos dum hic in terra viuimus, benigne in via veritatis & iustitiæ conseruet atq; dirigat, & vbi hinc soluerimus, animas nostras & corpora nostra ad semetipsum in dexteram suam, ad æterna subuehat gaudia. Per Dominū nostrū Iesum Christum, Amen.

SECUNDÆ

S E C V N D A E

H V I V S P A R T I S

CAPVT TERTIVM.

De personali unione duarum

*in Christo naturarum, inseparabilium
quidem earum, sed distinctarum ta-
men, & quòd Corpus Christi
non sit vbique.*

Exponitur sententia euangelica Verbum
caro factū est, per Decretū Concilij Chal-
cedonensis, & ostenditur quomodo duæ in
Christo naturæ in unā inseparabilem coe-
ant personam. CAP. I.



R A E S T A T & in hac causa an-
te omnia cognoscere in quo verta-
tur inter nos & aduersarium con-
trouersia. Exposui hoc antea quo-

*In quo sit
controuersia.*

que in Resp. meæ fol. 56. ac paucis id iam repe-
to, Credimus nos & docemus propter perso-
nalem vnionem duarum in Christo natura-
rum, alteram, humanitatem inquam Christi,
non vbique esse, sicuti altera, diuinitas videli-
cet, vbique est : sed humanam naturam in ve-

AD LIB. BRENTII

ritate inque sua proprietate inuiolatam cum diuina natura coniunctam persistere siue permanere. Brentius contra docet & vrget propter personalem vnionem, humanitatem Christi perinde vbique esse atque diuinitas eius vbique est. Finitum enim factum esse infinitum. Et nunc quidem de nouo conscripsit ille librum, De maiestate Domini nostri Iesu Christi ad Dexteram Dei patris, in quo tametsi nihil dicat, quo ad substantiam, quod in prioribus suis libris, hac de causa editis, non dixerit, nunc tamen plura congerit diuinæ testimonia scripturæ, quæ ad institutum suum detorquet, omniaq; hæc garrulo quodam profusoque & impexo dicendi genere prosequitur, quæ insuper non candido, quod dici solet, sed atro sale cõdit. Ea res me, qui assertam ex animo synceram cupio veritatem, commouit, vt hanc illi mei huius operis partem opponere instituerim, quam scribo, DE VERITATE HUMANITATIS DOMINI NOSTRI IESV CHRISTI SEDENTIS AD DEXTERAM DEI PATRIS.

Explicatio
uerberum,
Verbū caro
factum.

Collocat autem ille vniuersæ suæ structuræ hoc veluti sacrosanctum fundamentum, VERBUM CARO FACTUM EST. Atque vtinam omisis omnibus alijs figmentis sutelisque, syncerè perseueraret in sententia hac,

tia hac, denique & in illa ipsa explicatione eius, quam ipse met adfert. Ita enim sincera coijisset inter nos concordia. Nam dicit verba Euangelistæ & Apostoli Ioannis, non intelligenda quasi Deitas commutata sit in humanitatem, aut humanitas conuersa sit in diuinitatem, aut quòd diuinitas & humanitas in Christo, ita sint confusa atque commixta, ut aqua vino permisceri solet. Etenim ex diuinitate & humanitate non vnā esse factam naturam, sed manere duas diuersissimas naturas. Addit singulas naturas, non singulas & discretas facere personas, sed Deum & hominem coire in vnā indiuisam personam. Quæ quidem omnia dicuntur orthodoxe, quibus & nos acquiescimus, singula ista confitentes absque hypocrisi & contradictione. Amplius ^{De quibus sit, questio,} verò ille progreditur, ac perquirat quis nam sit genuinus horum verborum, Verbum caro factum est, sensus. Plurimum enim referre, vt hoc sciatur exacte, cū in hoc versetur nostra controuersia. Addit his ille, in hoc nobis nō conuenire, qualis sit hæc vnio, & quā latè pateat, denique an personalis sit, vel, vt Paulus loquitur, corporalis & perfecta, an tantū vulgaris? qualiter Deus vnitus est quibusuis sanctis hominibus? Ac recipit tandē p̄ horū legitima interpretatione,

Canonem vel Decretum Chalcedonensis Concilij, quod est huiusmodi,

Decretum
Chalcedo-
nensis Cōci-
lij, quo ex-
ponitur
quid sit,
Verbum
caro factū
est.

Confitemur Dominū nostrū Iesum Chri-
stum ante secula quidē de patre genitū secun-
dum Deitatem, in nouissimis autem diebus,
eundem propter salutem nostram ex Maria
virgine ~~generatū~~ secundum humanitatem, vnum
& eundem Christum Dominū filium vnigeni-
tum, in duabus naturis inconfuse, immuta-
biliter, indiuisse, inseparabiliter agnoscendum,
nusquam sublata essentia (alij legunt differen-
tia) naturarum propter vnionem, magisque
salua proprietate vtriusq; naturæ, & in vnā
personam atq; existentia concurrente, non in
duas personas partitū atq; diuisum, neque dis-
iunctum, sed vnum eundemq; filium vnigeni-
tum. Haftenus verba Canonis recensui, quæ
nos quoq; vt legitimā mysterij huius sacrosan-
cti explicationē libenter & plene recipimus.

Quomodo
in his
se gerat
Brentius.

Cæterum oportet in præsentiarum diligen-
tissimè obseruare aduersarium propemodum
dissimulare ac præterire quod non postremū
huius canonis est, nempe propter vnionē per-
sonalem proprietates naturarum non tollen-
das, notare autem suo sensui accommodatum
quod in canone de indiuisa ponitur persona.
Et quidē tam callidè hoc negotium proponit
vt oculos cuiuslibet propè oblinierit, nisi quisq;
dili-

diligenter dicentem obseruarit. Omnia enim
 disputationis suæ ad vnionem (ex qua reue-
 ra confusionem facit) personalē refert. Ac ex-
 plicat ibi, quod minimè reprehendimus, quid
 sit persona, quid hypostasis, quidūe vnio hy-
 postatica. Deinde verò subiungit, Tam firma
 est hæc vnio, vt eam iam inde ab incarnatione
 nullū nec tempus nec locus nec mors nec vi-
 ta nec vlla creatura alia disiungere & diuellere
 possit. Quæso igitur te, amiceissime mi lector,
 reputa mihi cum animo tuo, an non is qui pio
 est & sano intellectu, ac ex animo confitetur
 diuinam & humanā naturam in Christo esse
 inseparabiliter in vna persona coniunctas ne-
 cesse habeat etiā sentire & cōfiteri, quod ubi-
 cunq; est diuinitas Christi, ibi etiā sit humani-
 tas eius? Si enim hæc sunt semper inseparabi-
 liter in Christo coniuncta & vnita, quomodo
 alicubi potest esse diuinitas Christi absq; hu-
 manitate eius? &c.

Vnio Bren-
 tij cōsulio.

Ad hæc aduersarij sic respondemus, ipsum
 de suo nobis cōsequutionem obtrudere, quæ
 minimè deducitur neque ex verbis apostoli,
 Verbū caro factum est, neq; ex Cānone Chal-
 cedonensis Concilij. Fides enim Christiana &
 doctrina euangelicā docent vtrāq; in Christo
 naturam sic esse connexam vel unitam in vna
 persona, vt propter hanc ipsam personalē in-

Vbi impia-
 gar Bren-
 tius.

separabilemque vnionem, naturæ illæ cum suis proprietatibus neque commisceantur neque aboleantur. Dedit hoc nobis ipse antea Brentius, dum explicaret verbū apostoli, Verbum caro factum est. Docuit hoc ipsum manifestissimè Canon Chalcedonensis Cōcilij. Et p̄inde cūm distinctæ illæ naturæ cum suis proprietatibus in sua illa vna persona maneāt: & diuinæ naturæ proprietas sit infinitam, nulloq; loco conclusam, sed vbique esse: humanæ verò naturæ proprietas sit finitam & non vbique esse, consequitur ex his manifestissimè, propter vnionē illam naturarum istarū personalem, non vbique esse humanitatē sicut diuinitas, vbique est. Alioqui enim humanitas cum diuinitate nō esset coniuncta in vnā personā, sed permixta, aut certè dispuncta & prorsus in Deum conuersa. Hoc autem cūm sit impossibile, manet semper immota Christianæ doctrinæ sinceritas, quod scilicet Deus hominē assumpsit, & in vna persona sic sibi vniuit, vt neque Deus transferretur in hominem, neque homo transmutatus sit in Deum, sed quòd vtræque natura salua & incolumis, in vna permaneat persona.

Qualis sit
unio?

Habet ergo in hac breui expositione Brentius qualem sentiamus hāc esse vnionem, qua verbum caro factum est, talem omnino qualē modo

modo explicauimus ac confirmatā claret Ca-
none Concilij Chalcedonensis. Quòd si ille
nobis obijcit modum & rationem vnionis hu-
ius esse ineffabilem, Respondemus, principio
quidem ipsum met aduersariū sibi Canonem
Concilij delegisse pro legitima huius causæ
explicatione. Subdat itaque se legi quam ipse
tulit, & tergiuersari desinat. Deinde agnosci-
mus veteres non abs re, modum vnionis ali-
cubi nuncupasse inexplicabilem. *Vnio illa
inexplica-
bilis.* Quis enim
digne explicauerit stupendam illam Dei bo-
nitatem qua ille sibi carnem nostram aduna-
re & perpetua sibi societate coniungere di-
gnatus est? Fatemur ergo mysterium hoc in-
effabile esse: interim verò eadem Dei bonitate
mysterium hoc ipsum, vtcunque explicari no-
bis, quantum scilicet satis est ad formandam
fidem nostram, & quantum seruit saluti no-
stræ. Cuius generis arbitramur esse Concilij
illius Chalcedonensis expositionem, planè
euangelicam & apostolicam.

Disertè itaq; profiteamur vnionē illam per-
sonalem nō patere tam latè, quàm cuperet pa-
tere aduersarius, vt videlicet ipsum Domini
nostri Iesu Christi corpus propter vnionem
tā latè pateat, quàm patet eius diuinitas. Me-
morabilia enim obseruandaq; Concilij Chal-
cedonensis verba sic habent, Agnoscendus est

Quàm latè
pateat hæc
unio.

2

vnus & idem Christus Dominus, filius vnigenitus, in duabus naturis, inconfuse, immutabiliter, indiuisse, inseparabiliter, **NVS QVAM SVBLATA ESSENTIA NATVRARVM, PROPTER VNIONEM, MAGISQVE SALVA PROPRIETATE VTRIVSQUE NATVRÆ.** Quàmuis ergo Deus & homo vna sunt vniti in persona, retinet tamen quælibet natura suum ingenium, ita vt vnus & idē ille Dominus noster Iesus Christus, secundum diuinitatem sit vbique, secundum humanitatem autem non sit vbique.

An personalis uel corporalis unio?

3

Quod si Brentius huiusmodi vnionē nuncupare vult personalem vel corporalem vel perfectam, hoc sanè per me illi licebit. Nolo vel cum ipso, vel cum quoquam alio rixari de vocabulo, modo quis naturas nec permisceat nec aboleat, sed in persona illa vna vtrâque in sua essentia proprietateque retineat.

Non est unio vulgaris.

4

Illam ipsam vnionē non arbitror communem aut vulgarē esse, qualis ea est, qua Deus omnibus suis coniungitur fidelibus. Libenter cum S. Cyrillo excellentissimam hanc vnionem Dei & hominis vocabo naturalē verâque & quæ nullibi vllis in rebus coæqualē inueniat. Licet interim parabolas illas, non reiiciam, quibus veteres illā illustrare sunt soliti. Cū
autem

autē ea sit naturalis veraque vnio, sponte iam iterum consequitur naturas ipsas manere in sua veritate, id est, essentia vel proprietate. Alioqui enim vnio naturalis veraque amplius nuncupari non posset.

Homo qui constat anima & corpore naturalis inter se diuersissimis, in vna tamē subsistit persona, in qua duæ illæ vniuntur nature. Verum ob hanc vnionem corpus non redditur immortale, quòd videlicet cōiunctum sit inseparabiliter cum anima immortalī. Rursus tametsi nature hæ inter se maneant distinctæ, & altera non fiat altera, ideò tamen nemo dicit eundem hominem duabus constare personis, aut vnionis vinculum rumpi naturarum discrimine. Semper enim manet vna duntaxat hominis persona, quæ est anima & corpus. Ad hunc ipsum modum habet negotium vnus Christi personæ, coniungentis maximè diuersas naturas & quidem in proprietatibus suis manentes. Non enim ideò sunt duæ Christi personæ, quia extant duæ nature, quarum vna vbique est, altera vbique non est. Neque quia humanitas assumpta est à diuinitate, ab hac sibi per vnionem contrahit vbiquitatem. Expofui, qua potui luce & breuitate, quomodo duæ discretæ nature coeant in vnam & inseparabilem personam.

Res ista illustratur collatione.

AD LIB. BRENTII

*De Cōcilio Chalcedonensi quāue occasio-
ne Decretum istud in ipso sit promulgatū,
et de Nestorianis et Eutychianis. CAP. II.*

Q Vando verò Brentius Concilij illius Chalcedonensis meminit, canonemq; vel definitionem eius de personali v-
nitione recepit, postulat ipsa res, vt breuibus cōmemorem qua occasione illud coierit Con-
cilium, quibusue de causis decretum hoc sit promulgatum.

Grandia
ecclesiæ
Christi
certamina.

Tempore istius Concilij & annis etiam a-
liquot hoc Concilium præcedentibus exorta
sunt grauia in ecclesia Christi certamina, è
quibus diuersissima inter se dogmata Nesto-
rianorum & Eutychianorum pios vehemen-
ter exercuerunt afflixeruntque. Satan enim
ab ipso salutis nostræ exordio improbitate so-
lita sedulò conatus est incarnationis Domi-
nicæ mysterium, in quo salus nostra est, in-
tricare, lacerare, denique euertere aut saltem
obscurare, vt amisso demum Christo saluato-
re vnico, salute pariter certa exciderent mise-
ri mortales. Ideoque acerrima de hoc incarna-
tionis Dominicæ mysterio certamina in ec-
clesia Deifuere.

De Nesto-
rio & Ne-
storianis.

Et Nestorius quidem episcopus Constan-
tinopolitanus, à quo denominati sunt Nesto-
riani, vir fuit facundus quidē, sed in veterum
monu-

monumentis non probè versatus, nec sýncere incarnationis intellexit mysterium. Dum enim videret scripturam diuersitatem naturarum in Christo cum suis asserere proprietatibus, diuersas quoque separatasq; existimauit in Christo esse personas. Proinde prædicabat diuam virginem Mariam non appellandam Dei matrem, neq; dicendum esse Deum pro nobis esse passum, sed Mariam nuncupandam Christi matrem, ac confitendũ Christum hominem pro nobis esse passum, Deum enim nec nasci posse nec mori, quòd sit æternus, immutabilis ac immortalis. Non videbat miser ille tametsi diuinitas vt immutabilis, in humanitatem non conuertatur, sed naturarum quælibet in sua permaneat essentia & proprietate, ideo tamen distinctas illas naturas non habere separatas personas à se ipsis seiunctas, sed coire & persistere potius vnitas vel coniunctas in vna persona. Lideoque cum Dei filius in vtero intemeratæ virginis Mariæ humanam dignatus est assumere naturam eamque vnire sibi in vnam & eandem personam, atque ita nasci ex virgine, consequens est omnino, quòd non homo duntaxat, aut nudus, quod dicit solet, homo, hoc est, qui nihil aliud fuerit quàm homo, sed verus Deus & homo ex illa natus sit.

Luc. 1.

Vnde iam verè Mariam nūcupari *θεοτόκον* Dei genitricem vel Domini matrem, sicuti & Elisabetha illā ex spiritu sancto appellauit. Cūq; ille qui mortuus est in cruce, fuerit indiuisa persona Deus & homo verus, nemo dixerit nudum hominē esse mortuum, sed eum qui erat verè Deus & homo. Prout etiam Paulus disertè dixit Dominum gloriæ esse crucifixū 1. Corinth. 2.

Concilium
Ephesinum
primū con-
tra Nesto-
rium.

Contra hunc Nestoriū coijt Ephesi Concilium, quod inter œcumenica tertium numeratur, & nuncupatur Ephesinū primum. Numerabatur tunc annus à Christo nato 435. unde 20. annis antecessisse apparet Chalcedonense. Præsens erat in corona 200. episcoporum Imperator Theodosius Arcadij F. Et quàmuis oriretur in hoc Concilio non leue dissidium inter episcopos, mox compositum tamē hoc legitur satis feliciter, & concorditer anathemate percussū Nestorij dogma, atq; ex sententia scripturæ pronunciatum vnanimiter, Christum Dominum duas habere distinctas naturas, sed non ideò duas diuersas personas, sed illas coire & perstare in vna inseparabili persona, esseque verum Deum & hominē vnum Dominū nostrū Iesum Christū.

De Eury-
che & Eury-
chianis.

Sicuti verò Nestorius propter diuersitatē naturarum in vnionis vel in vnus inseparabilis per-

lis personæ mysterio cæcutiuit, ita ex aduerso Eutyches ppter vnionis vel vnus illius personæ mysterium, aberrauit in naturis distinguendis vtrifq;. Ille ergo errauit in diuidenda persona, hic verò in cōmiscendis naturis. Fuit hic Eutyches archimandrita Constantinopolitanus, à quo denominantur Eutychiani. Hi cū ad personæ vnitatem duntaxat respicerent, neq; naturarum diuersitatem proprietatemq; obseruarent, eò tandem recidisse leguntur, vt dicere fuerint ausi, humanitatem Christi mox ab vnione illa in diuinitatem transiuisse, maximè à glorificatione. Cū autē his objicerent orthodoxi, Christum quidem esse personam inseparatam, sed in hac interim persona indiuisa saluas manere naturarum proprietates, ita vt iuxta diuinam naturam neque natus sit neque passus, sed secundum humanam: opponebant isti hanc esse hæreticam & damnatam Nestorij doctrinam, qua discindatur indiuisa illa persona, fingaturque alius quidem Christus natus & passus, alius neque natus neque passus. Porro cū hi rogarentur, An ne agnoscerent humanā in persona Christi naturā permanere incolumē, an crederent eam absorberi ac aboleri? Negabāt disertè aboleri ipsam, sed hoc se potius sentire asseuerabant, in ipsa vnione, simul ac in vtero matris

assumpta est à Dei filio, ipsam esse deificatam. Euincebant autem orthodoxi scripturarum testimonijs, humanam naturam adeò non expunctam deificatamue in vnione illa, quam illi docebant, vt salua potius inque sua proprietate incolumis, diuinæ coniuncta, permanferit, vel ab ipsa etiam corporis Christi clarificatione. At hic demum feruidè instabant Eutychiani, vt qui non agnoscebant corpus Domini assumptum in cœlum, verum esse corpus, & quidem illud ipsum corpus, quod fuerat ante ascensionem in eadem substantia, forma atque circumscriptio-
ne, simile vtique nostris illis ex mortuis aliquando excitandis corporibus. Contra quam opinionem patres orthodoxi validè pugnantes, scripturarum testimonijs demonstrabant corpus Christi assumptum in cœlos, & modo ad Dexteram Dei sedens, & dici in scriptura esseq; & permanere verum corpus. Quòd si quis vetustatis ipsa vult sibi recitari verba, hæc sunt, Illud corpus habet quidem priorem formam & figuram & circumscriptionem, & vt semel dicam corporis substantiam, &c.

Vnde hæc
de Euty-
chianis pe-
uita.

Hæc omnia quæ commemorauit de Eutychæ & Eutychianis, non ex memetipso confinxi, sed in breue recolligens compendium,
mutuo

mutuo accepi ex historia Ecclesiastica, & ex ipsis veterum monumentis, contra Euty-
chianos conscriptis, vt ex Epistolis Leonis
Romani præfulis sancti. Fit huius Leonis
mentio honorifica in Decreto ipso Chalce-
donensis Concilij. Transcripsi illa denique
ex tertio Dialogo Sancti patris Theodoretī,
qui & ipse præsens fuit in Concilio Chalce-
donensi, & doctè, orthodoxe, valideque scrip-
psit & disputauit contra Eutychnos. Co-
piosiora ex his petant quibus non sufficit hæc
mea breuitas.

Contra hunc Eutychnen & sectatores eius,
alioqui nec paucos nec impotentes, conuo-
cauit Synodum pius ille Imperator Martia-
nus. Numeratur illa inter œcumenicas vel ge-
nerales & autoritate pollentes, quarta: ac
Chalcedoni celebrata est, sub annum Domini
455. Interfuit huic Concilio ex 636. patribus
collecto, ipse princeps Martianus vrgebatque
ministros ecclesiarum feruidè, disertè ex scri-
ptura sancta decernerèt, quid de hac contro-
uersia Eutychiana sentiendum, quidue sit se-
cundum verbum Dei credendum. Ea occa-
sione pronunciarunt beati patres, nobisq; de-
cretum vel canonem reliquerunt, quem ver-
botim superius recitauimus. Prohibuerunt
isti propter vnionem naturarum dispungere

Chalcedo-
nense Con-
cilium con-
tra Euty-
chianos.

proprietatem atque substantiam vel differentiam: aut commiscere inter se naturas Christi. Hoc enim solebant (vt dictum est) Eutychni, propter quos reuincendos explodendosq; conuocatum fuerat Cōcilium. In hoc & illud memorabile est, quod in Decreto illo sub finē salubriter adiungunt, Hanc fidem antiquitus prophetæ, & ipse de se ipso nos docuit Christus, & symbolum patrum nobis tradidit. His igitur eū cura & diligentia omni à nobis constitutis, sancta & vniuersalis Synodus decreuit, vt nemini liceat aliter sentire, aut fidem aliam proferre vel conscribere vel componere, vel alios docere. Quicunque autem ausi fuerint fidem aliam componere aut proferre aut docere, anathemate subiecti sint.

Quod perti-
neant illa
quæ hæte-
nus in hoc
cap. dicta
sunt.

Hortor autem in præsentī omnes lectores Christianos, vt ea quæ commemorauī hætenus de Eutyche, de doctrina vel opinione eius, de Concilio Chalcedonensi, & definitione vel Canone eius, quisque accuratè apud se expendat, iudicetq; an nos congruentius doceamus agamusq; secundum Chalcedonensis Concilij Canonem, an verò Brentius propius accedens ad Eutychnianorum opinionem discrepantia à canone vel decreto Cōcilij œcumenici disputet. Nos certè docemus simpliciter propter vnionem personalem non confunden-

fundendas esse naturarum proprietates, & ideo
circo corpus Domini non esse vbique. Quod
corporis humani proprietates sit finitum & in
loco esse. Brentius contra dicit & vrget cum
humanitas assumpta sit à diuinitate in vnā
personam indiuisam, oportere omnino huma-
nitatem vel corpus Christi perinde vbique ef-
se vt eius diuinitas vbique est: ne videlicet per-
sonę discindatur vnitas. At vident hic viri pru-
dentes quomodo hic excipere tractareq; pos-
sem aduersarium, quem tamen nolo exagita-
re odiosius, satis mihi est quod in his paribus
que intelligitur quo loco sint res aduersarij,
& que sit syncera veritas. Vtinam omnes in fi-
nem vsque vitæ ambulemus in via Domini:

*Personam Christi indiuisam nostra do-
ctrina non discindi, neq; unum Christū
Dominum in duos diuidi Christos, &
quod sentiamus Christū uerū esse Deū,
nō tantum sanctum aliquem hominem.*

CAPVT III.

DVbium mihi non est quin breui hac
mea dissertatione de naturis in Chri-
sto diuersis, in vna indiuisa persona manētib.
satisfactum sit hominibus cordatis atque fide-
libus, nihilominus tamen, vt rudiores facilius
extricent se ex tricis Brentianis & non impin-
gant in eius sophismata, annotationes porro

breues, ad potiora eius argumenta adiiciã, quibus ampliora cogitãdi suppeditẽ occasionem.

Non diuidi
mus unam
personam
in duas.

Nihil ille per vniuersum illum librum suũ vrget repetitq̃ue feruentius quã Zuinglianos doctrina sua indiuisam Christi personam discindere in duas, vt vna quidem verus Deus & homo sit vno in loco, altera verò Deus verus vbique sit. Nos autem non ita sentire vel docere attestatur principio responsio ante illi data, in qua folio 66. & 67. quinque profero argumenta, quibus demonstro doctrina nostra qua retinemus naturarum Christi proprietates, personam Christi nequaquam diuidi. Deĩnde respondent & illa pro nobis, quæ hucusque per duo capita præcedentia attulimus. Postremo dicimus obiectionem hanc aduersarium habere communem cum Eutychianis, quibus respondet beatus Theodoretus mox ab initio Dial. sui 3. Impat.

Odium
Brentij in
Zuinglium
pertinax
& inuolubi
le.

Ac demiror sanè quam vehementer Brentiũ laborare inuidia atq; odio vsque adeo graui, pertinaci, atroci atq; inexprabili in Zuingl. beatæ memoriæ, dudum, adeoq; ante annos 30. in domino mortuũ (quem cur ille per vniuersum librũ suum subinde Cinglium nuncupat, per incogitantiam an per malitiam, nescio) ac dubito planè num acerbius seuiusq̃ue in ipsum potuisset inuohere, quam hoc suo libro

bro fecit quam auidissime. Sub finē libri; Nō dubito, inquit, quin quod est Zuinglianorū ingeniū, satis habeāt conuictiorū & calumniarū, quibus hæc nostra pia scripta, pscindāt, & suā impietatē defendere studeant: sed quod ad me attinet, etiamsi scriptis suis inhumaniter me tractauerint, tamē illud officiū eorū erit mihi gratissimū, quod his scriptis suis publicum de me testimonium ferant, me à dogmate eorū peius cane & angue abhorrere, ac planē non esse Zuinglianum. Tantum ille. Sciāt autem ille (quem alioqui omnes in præsentī vident affectibus superatum suis succubuisse prorsus) ne nos quidem Zuingianos & multò minus Lutheranos esse. Christiani, si nescit, sumus, probe memores, quam acriter Corinthios increparit apostolus, dum alius diceret se Petrinum, alius autem Appollōnistam, tertius Paulinianum esse. Interim D. Luthero beatæ memoriæ non sumus ingrati, multò minus prosequimur eum vllō odio. Si quid bene vel dixit vel fecit, nunquam hoc contempnimus, neque hodie aspernantes reiſcimus. Sicubi verò à vero aut à modestia deflexit, ita ab eo vt ab alijs hominibus aberrantibus, deflectimus; nunquam insignis apostolicæ obliſi sententiæ, In multis labimur omnes.

Neq; ingrati esse possumus aut debemus &

D. Zuinglio, per quem primū Dominus euangelij sui salutarem prædicationem in hisce nostris regionibus (vnde mox ad alias quoque quæ se planè illi plus quàm Brentio debere factentur, dimanauit) annunciari voluit. Exhibuit ille se in suo ministerio fidelem, laboriosum, constantem & patientem: expertus pericula graua afflictionesque varias. Benedixit autem eius laboribus Dominus. Nec tamen viro tanto plus quàm decet tribuimus, agnoscetes & ipsum fuisse hominem, Christo ininitimur, Christi verbo absque contradictione credimus, sicuti ille quoque nos, dum viueret, docuit. Odij istius Vatiniani erga Zuinglium nullam causam nouimus aut suspicari possumus, quàm quod per initia belli infelicis sacramentarij forte non magnifice satis & de Brentio & de scriptis eius hic sensit & alicubi scripsit. Vtcunque verò ea res habeat, inuideat licet Zuinglio Brentius, conuicieturque quantum & quoad libet, nunquam tamen ille efficiet, vt multa illa hominum milia per Germaniam, Galliam, Angliam, Italiam, Poloniam, Lithuaniam, Hungariam, &c. perque regna alia, qui per gratiam Dei ex prædicatione & scriptis eius veram Christi cognitionē hauserunt, nō sint honore debito & digna gratitudine virū tātū prosequuturi.

Quo-

Quoniam verò Zuinglium Brèntius fœda suspicione grauat, quasi doctrina sua vnam illam & indiuisam Christi personam sacrilege disciderit, cōmonstrabo verbis ipsius Zuinglij, quam inique hoc illi impingat, faciãq; hoc propter eos saltem ad quos Zuinglij scripta non perueniunt. Etenim duplici nos aduersarij nostri iniuria hic afficiunt. Principio enim deferunt nos apud imperitos rerumque nostrarum ignaros quasi doceamus absurda, impia atque blasphema. Deinde libros quoque nostros, ex quibus nostra poterat cognosci innocentia, necubi venales extent aut legantur diligentissime curant. De qua quidem iniuria diu multumque questi sumus hactenus & querimur adhuc. Zuinglius verò responsione sua ad magnam Lutheri confessionem sic scriptum reliquit, Credo & confiteor æternum & omnipotentem Dei filium, veram, integram, omni infirmitatis genere (sola illa peccatrice natura excepta) laborantem & mortalem quoq; hominis naturam, quæ ex cœlitus creata anima, & naturali corpore, ex Maria semper virgine formato & progenito, ex spiritus sancti conceptione, constitit, eo modo in se & ad se recepisse in vnitatem personæ filij Dei, vt vnus Christus, vna & indiuidua persona sint: sic tamen vt vtraq; vnius & eiusdẽ per-

Prohibetur
ne libri nostri
habean-
tur uel di-
strahantur.

Zuinglij
doctrina de
una indiui-
sa Christi
persona.

sonæ natura suâ proprietatem & conditionem retinuerit: solo hoc excepto quod ipsius humanitas propriam existentiam per se non habet, sed illam in sola personâ filij Dei obtinet: quo modo scilicet in nobis quoque omnibus caro suum ingenium & operationem retinet, interim tamen per se non subsistit, sed ex anima omnem suam existentiam habet. Similiter illud etiam credo & confiteor, quod duæ istæ, quæ in Christo Iesu sunt naturæ, nonnunquam scindi vel ab inuicem separari aut dirimi possint, sic vt non vna persona sit & eadem. Et paulo post iterum, Illud quoque fatemur, quod etiam si humanitas non vbique locorum sit instar diuinitatis, persona tamen nequaquam dirimatur, imò sic minus dirimi potest, quàm si illa quoque vbique esset. Si enim humanitas quoque vbique esset, iam in diuinitatem transiisset, nec amplius Christus esset. Christus enim æternus Deus & homo est, ea nimirum persona de qua nos loquimur. Quod si ergo natura illa assumpta, in assumptem conuersa esset, iam persona quoque tota esset sublata. In persona enim ista, Christo nimirum, duas naturas esse oportet, alteram nimirum quæ conseruat & sustinet, alteram verò quæ sustinetur. Si ergo Christi humanitas vbique esset, non alia huius posset esse

esse causa quam quod in diuinitatē esset conuerſa. Atqui ſic non amplius illa qua cōſeruat̃ natura eſſet. Et proinde perſona filij dei diuina dūtaxat eſſet natura nō humana, & Chriſtus verus homo in æternum nō eſſet. Poſtremo illud etiam fatemur, quod propter perſonalem illam & inſeparabilē vnitatem naturæ nonnunquam ſic cōmutentur inuicē, vt altera pro altera ſumatur: interim tamē vniciq; ſua manet integra proprietas, & perſona duntaxat eſt vnica. Haſtenus verba Zuinglij recensui, ac ſpero dilucida & catholica hac veritate depulſiſſe à nobis grauem illam accuſationem, qua aduerſarius nos prægrauat, quaſi indiuiſam Chriſti perſonam diſcindamus, & ex vna duas faciamus.

Deinde opinatur Brentius, niſi fateamur ibi quoque propter vnionem Chriſti perſonalem corpus eſſe Chriſti, vbi & diuinitas eius eſt, vbique, ſed pergamus affirmare corpus Chriſti eſſe in cœlo, per ſpiritum autem eſſe apud eccleſiam in terris, nihil nos ſublimius aut excellentius de Chriſto ſentire, quam de quouis homine ſancto. Nam pari ratione & apoſtolū Paulū nuncupari poſſe Deū, vtpote qui ſpiritu ſuo apud eccleſias fuerit præſens, à quibus corpore abſens erat. Quod ſi Zuigiani dixerint, ait, Chriſtum mirabili modo

Non ſentire nos de Chriſto ut de alio quouis homine ſancto

conceptum esse & genitum, atque ita anteire sanctos, affirmamus nos & Paulū & Daudē, vt ex i.ca. ad Gal. & ex Psal. 139. liquet, non sine miraculo in vtero matris esse formatos. Cuius quidē generis inani garrulitate, tumentia non pauca hic profundit. Ad quę nos breuissimè respondemus, illa quę in nos torquet, planè ex re non consequi, quod incolumes in vna Christi persona retinemus naturas. Nisi hæc eadem & contra ecclesiam Christi sanctā contorquere velit, quę eadem semper de Christo credidit & docuit. Præterea quis non videat ingens esse discrimen inter hoc quod Christus suo spiritu suę præsens est ecclesię, & quod Paulus ait se Corinthijs adesse præsentem spiritu suo. Christi enim spiritus, eius est diuinitas, quę sanè vbique est. Ac perpetuo fatemur & clamamus agnoscere nos Christum non modo hominem verum, sed & Deū esse verum. At spiritus vel mens Pauli alia ratione erat cum Corinthijs, quàm Christi spiritus. Nec Pauli spiritus Deus est, aut vbique. Iam nihil inter se similitudinis habent, quod non sine miraculo, hominum corpora formantur in vtero materno, & quod Dei filius in vtero intemeratę virginis, humanam naturam assumpsit æternumque sibi vniuit. Proinde miror hic Brentium virum
 alio-

aliōqui magnæ apud multos existimationis, non proferre magis expensa atque solida. Video interim quo ille spectet. Adiungeret nos libenter Nestorio, qui dicitur de Christo nihil sublimius, quàm de alio quouis sancto homine sensisse. De quo nonnihil attigi in priorē mea responsione folio 58.

De similitudinibus Solis & Animæ humane, quibus hoc Vnionis personalis negotium illustratur : & quod duæ illæ in Christo naturæ non sint diuidendæ.

CAPVT IIII.

Similitudo Solis adhibita illustrando huius personalis vnionis negotio, oppugnatur & ipsa ab aduersario. Nam dicit, Non ignoro Zuinglianos in explicatione personalis vnionis duarum naturarum in Christo mirifice sibi in exēplo Solis & radiorū blandiri, &c. Sed opponit mox, Solem non esse personam. Neque posse quicquam vel fingi magis impium, quam diuinitatem oriri ex humanitate, perinde vt radij prodeunt aut promicant ex corpore Solis. Facit autem hic quoque quod nullibi non solet per vniuersum illum librum suum, artibus videlicet nostra impetit, & cum non datur progredi vltra, saltem fuligine atra, tersa nostra scædare contendit. At nec piget nec pudet nos istius similitudinis, quam sci-

Similitudo
Solis.

mus nos habere communē cum omnium antiquissimis sanctissimisq; scriptorib. cum quibus illa vtimur non in aliū finē, nihil impediti aduersarij versutijs offucijsūe, quib. illam in suspicionē rapere inuisamq; reddere cupit. Non est aut quod ille vereatur, ne diuinitatē Christi ex humanitate eius, ceu ex suo fonte, deriuemus, vt ex hac illa oriatur, sicut radius ex corpore Solis prodit. Nemo adeò rudis est opinor, qui nesciat quid boni authores senserint de parabolarum ratione. Similia sunt, non eadem sunt. Neque possunt sublimia illa cœlestiaq; exprimere aut assequi ad plenum, terrenæ nostræ similitudines. Explent autem suum officium, si aliquo modo rem explicent cui illustrandæ adiunguntur. Et nos quidem hoc consilio Solis adducimus similitudinem, vt appareat liquidò radium à Sole non separari, neque Solem discindi à radio, vtcunque apud nos in terris sit radius, corpus autem Solis nobiscum in terris non sit. Ad hæc beatus Martyr Christi Iustinus, Caue, inquit, putes Solem aliud lumen, quā id quod primū factū est. Vnum est enim illud primigenium. Sol autem corpus ei paratus est, in quo collectum lumen hoc diffundat se inde per omnia, &c. in expof. fid. de recta confess. trinit. Quēadmodum ergo lux, quæ ante Solē erat, cum corpore Solis

lis cōiuncta, vnum quodpiam vel vnus indiuisus Sol factus est, neq; ideò in duos Soles diuiditur, quia lux per omnia diffunditur, corpus aut Solis non per omnia penetrat aut vbique vel hic in terris nobiscum est. Ita æterna illa Dei lux, æternus ille Dei filius, assumpsit in vtero virginis corpus humanum, quod deinde collocauit ad dexterā patris, in ipsum cœlum: vbi sanè iam agit corporaliter, in terris autem corporaliter non agit, diuina interim natura eius permanente illuminante & conseruante omnia, atque ita etiam permanente eius persona indiuisa.

Verum audiat nunc iterum Brentius Zuigliū, quàm elegantissime & appositissimè hanc Solis similitudinē aut parabolā in Respons. ad Luth. confess. mag. tractantem atq; dicentem, En Solem & omnem eius operationem considera. Huic enim corpus est circumscriptum determinatum certisq; conclusum finibus, quod vno & eodem temporis momento simul duobus in locis non est, vno autem temporis articulo vniversum terrarū orbem suo splendore illustrat, adeò vt non aliquem æris locum, vel supra Solem, vel infra, vel circa hunc inuenire liceat, quē illius radij & horū fulgor penetrare non possit. Indus eundē illū Solem, quē & Hispanus conspicit, intuetur.

Zuinglius
tractat elegantissimè
similitudinem
de Sole.

Sarmatæ in eodem illo Solis splendore ver-
 fantur, in quo & Æthiopes viuunt: interim ta-
 men corpus Solis in nullo horum locorū est.
 Sed & nullus ex locis istis, vel etiam homini-
 bus apud ipsum Solis corpus esse potest. Si-
 mili modo ac ratione Christus Iesus Sol iusti-
 tiæ verus Deus & Homo, diuinæ suæ virtu-
 tis & essentiæ radijs & splendore vbique est:
 corpus verò humanæ quæ in ipso est naturæ,
 vno duntaxat loco continetur: interim tamē
 idem illud per vniuersum orbem terrarum a-
 nimæ & fidei oculis agnoscitur & videtur. Et
 quamuis iuxta corporalem præsentiam vno
 duntaxat in loco sit, altera tamen virtutis ipsi-
 us præsentia nobis sufficere potest. Neque e-
 nim vllis votis ipsum in terras deducere opta-
 mus. Quemadmodum nec Solem quoque quis
 quam mortaliū suo loco mouere cupit. Nam
 & huius corpus vni quamuis loco impositum
 omnibus tamen nobis sufficit. In cœlis Chri-
 stus corpore suo residere debet & lucē gratiæ
 suæ ex cœlis nobis affundere, tamen illis quo-
 que qui in cœlis supra vel circa illum sunt, o-
 mnibus inquam illis, lucem gaudium delecta-
 tionem & voluptatem veram suppeditare de-
 bet. Hactenus Zuinglij verba recensui.

Similitudo
 de anima
 hominis u-
 nita cū cor-
 pore.

Ita sanè nihil me mouet turbat aut impe-
 dit, quod aduersarius & beati Athanasij para-
 bolam

bolam ab humani corporis cum anima cōiunctione petitam, detorquere satagit ad suam illam phātasiam. Certiora enim clarioraq; sunt sancti illius hominis verba, quam possint in dubium verti aut obscurari Brentiana illa molesta garrulitate. Verba eius huiusmodi sunt, Christus perfectus est Deus, perfectus homo, ex anima rationali & humana carne subsistēs. Æqualis patri secundum diuinitatem, minor patre secundum humanitatem. Qui licet Deus sit & Homo, non duo, tamen sed vnus est Christus. Vnus autem non conuersione diuinitatis in carnem, sed assumptione humanitatis in Deum. Vnus omnino non confusione substantiæ, sed vnitatem personæ. Nam sicut anima rationalis & caro vnus est homo, ita Deus & homo vnus est Christus. His perspicuis & firmissimis nihil adijciemus amplius.

Martyrem beatæ memoriæ de multis accusat aduersarius, imprimis autem cauillatur illum sibi in doctrina sua parum constare referre; Prothea quendam, verborum fallentem ludibrijs. Et quidem vniuerso suo illo libro Maiestuoso venerabilem senem parum honorifice tractat. Quod sanè Martyri apud pios & prudentes homines plus laudis quàm vituperij conciliabit. Qui enim legerunt Martyris Dialogū, quem aduersarius per cōtumeliam

De D. Petro Martyre Vermilio.

nūcupat Diabolum, sciūt qua erūditiōe quō
 candore quāue modestia sit scriptus, & quam
 perspicuis & firmis scripturæ beatorumq; pa-
 trum testimonijs suam confirmarit doctrinā,
 quæ nondum confutauit neq; confutabit vn-
 quam, aduers. Quo nomine Mart. dialoꝝus nul-
 la dū defensione indiget. Perstat enim adhuc
 sua in veritate atq; euidētia & luce incolu-
 mis atq; inuictus. Vixit Martyr vitam, quam
 viuere dedit dominus, sanctā inculpataque;
 ac reliquit apud homines pietatis honestatis-
 que amantes præclaram sui nominis memo-
 riam. Patriā illam suam celebrem & charam;
 opes atq; dignitates, propter Christum & san-
 ctum eius euangeliū, deseruit, & cū maxima
 splēdidissimaq; ipsi offerretur, forti animo cō-
 tempsit, & spontaneū sibi exiliū delegit. Inse-
 ruiuit autē Christo & sanctæ eius ecclesiæ docē-
 do, scribendo, disputando & quibuscunq; po-
 tuit modis. In laborib. fuit alacer, assiduus, in-
 fractus. Discrimina nō leuia subire nō timuit;
 variāq; fortunam summa cum patientia tu-
 lit. Tandē trāquillo animo, letus, Christū cō-
 fitens laudans & inuocans, feliciter ad ipsum
 Christū quē dilexit, & cui inseruiuit migra-
 uit. Dū verò viueret, in maximis certē quibuf-
 que rebus, opera huius vsa est Germania, Gat-
 lia, Anglia: Quo nomine omnibus pijs per or-
 bem

bem Christianum innotuit. Vnde & illud colliquescit, Brentium suo ipsius cum dedecore eum indignis tractauisse modis, quo Deus tamquam vase glorię, in sua ecclesia, maxima cum laude vsus est.

Perinde autem hic queritur & vociferatur Brentius, ac si summa cum ipso iniuria bellum geratur, Si intelligit Martyr, inquit, humanitatem Christi non pertingere ad omnia loca corporali & locali modo, qui cum pugnat? quid vociferatur? quid ista loquacitate opus? Ceterum si ingenue volebat nobiscum agere aduersarius, quorsum conuertitur ad subdolas artes, cur obscura sibi querit latibula? De quibus quædam ei adumbraui in Respons. mea fol. 86. 89. Si quis autem inania loquacitatis verba vnquam profudit, Brentius sanè nunc profundit. Verum enim corpus, quale Christi est, non implet ea loca, quæ implere debet ad quæ non extenditur vt ipsa occupet. Nam si ad ipsa non extendatur, minime profecto opplet. Constat autem verum domini corpus non nisi corporaliter occupare locum. Nam si corporaliter locum non occupat aut implet, naturam humanitatis veram non retinuit. Ergone Christi humanitas transiuit & mutata est in diuinitatem? Sed Deus immutabilis est, manet & humana Christi natura in sua illa proprietate im

Corpus
Christi diuini
nitati coex
tendere.

mutata, in vna illa inseparabili persona. Hinc iam colligat Brentius quisnam loquacis vanitatis verba prodigat.

Naturæ nō
loco distin-
guuntur sed
intellectu.

Pergit ille ac dicit, In vna Christi persona dissimiles proprietates inseparabiliter ita coniunctæ sunt, vt haudquaquam loco sed tantum intellectu distinguantur. Authores huius producit Nazianzenū, Nyssenum & quendam Epiphaniū ex 2. Synodo Nicena. Et subiungit, Vos verò Zuingliani non intellectu tantum, verumetiam loco adeoq; persona distinguitis. Collocatis enim Christum in Cœlo diuinitate & humanitate, in terris autem tantū diuinitate. An hoc non est facere duas personas? Hæc verò omnia quondam obijciebant & Eutychiani. Et nos naturas non distinguimus persona vt dicamus perinde duas discretas esse personas sicuti duæ sunt distinctæ naturæ. De quo hætenus dictum est satis. Neq; naturas loco distinguimus sic vt loco ab inuicem seponamus. Dicimus enim in vna existētia, in vna inquam indiuisa persona subsistere duas naturas coniunctas. Denique quomodo posset loco distingui diuinitas quæ nullo concluditur loco sed est vbiq;? Et cum hæc etiam sit in Cœlo, vbi Christi corpus esse dicimus, certè ab ipsa non separatur, licet vna natura non tam latè pateat quam altera. Distingui-

mus

mus ergo & nos naturas intellectu vel mēte. Hæc enim ingenue agnoscit proprietates naturarum inuiolatas in personali vnione permanere, cumq; proprietates diuinæ naturæ sit infinitum & vbiq; esse, proprietates autem humanæ naturæ sit finitum & non vbiq; esse, agnoscit profecto Christi corpus non vbiq; esse, vt interim vinculum vnionis non sit dissolubile. Ita antea quoq; clara adduximus patrum testimonia, quæ disertè testantur vnicum Christum dominum secundum diuinam maiestatem in cælo pariter & terra præsentem esse, secundum humani verò corporis veritatem, in Cælo esse & non in terra aut vbiq;.

Propter personalem unionem naturarum Christi, diuinitatem non esse passam, eum autem qui Deus erat uerus, in eo passum esse, quod passibile est, in carne. CAP. V.

PErgit ille & dicit, In passione & morte Christi, diuina natura, tam præsentem humanæ affuit naturæ, vt ne tunc quidem personæ vnitas sit separata. Nec adfuit tantum sicut Stephano morienti, sed ita personaliter affuit, vt vere dicatur Deum ipsum esse passum & mortuum. Ad hæc Cyrillum adducit, qui recte doceat Deum naturam suam nihil quidem pati, & tamen propter familiaritatem carnis communicari passioni & perpassus sit infirmitates.

*Diuinitas
Christi im-
passibilis.*

A D L I B. B R E N T I I

1. Pet. 4.

Ego autē nego Cyrillū, nisi eius detorqueatur sententiā, docere Deum passioni cōmunicare & infirmitates esse perpeſsum, nisi secundum communicationem idiomatum. Nam ita recte dicitur Deum pro nobis passum esse & mortuum. Qui enim verus Deus erat Iesus Christus, pro nobis passus & mortuus est, sed in eo, quod pati potuit, in carne videlicet vel in vera humanitate, & non in diuinitate quæ impassibilis & immortalis est. Atque ita docuit & sanctus Petrus, qui dixit, Christum carne passum esse. Et cum ita loqueretur, indiuisam Christi personam non dissoluit, sicut & nos eandem non dissoluimus. De qua re dictum est superius in rebus Nestorij. Fulgentius quoque sanctus episcopus libro ad Thrasimundum regem 3. Quidam, inquit, putant Deum carni compassum: minus attendentes diuinam illam atque immutabilem filij Dei substantiam, & in carne passibili passionem suscepisse, & cum carne passionem sentire non potuisse. Itē, Passus est Deus in homine: quia vna est Dei hominisque persona: non est compassus Deus homini, quia in vno Christo non est confusa Dei hominisque substantia, &c.

Obiecerunt hoc ipsum argumentum Eutychiani beatis patribus quondam, existimantes vnum Christum non posse non diuidi in duos

duos, nisi comparsio & diuinitati attribuat, & quidē vnū fore Christum passibilem, alterū impassibile. Sed responsum est huic argumento pluribus à beato Theodor. Dialo. 3. Impat.

Sed & beatus Athanasius ad Theodoretum de assumpt. hom. contra Marcel. inducit hæreticum obijcientem atq; dicentem, In vna persona quid potest discerni? Ac respondet mox & dicit, Ergo si non discernis certus esto, quia & deitatem passam simul esse ostendis. Et cur tu in vno homine causam animæ discernis? Nosti dominicum dictum, quod non debeat timeri homo, qui habeat potestatem occidere corpus, animam autem non possit occidere. Si tu in hac causa animā discernis in vna persona hominis, quæ ab homine non interimitur: quanto magis nos in vna persona Dei & hominis causam immortalitatis, id est, deitatem ab hominis infirma natura discernimus? Denique Deum ad hæc audi loquentem, Soluite templum hoc, & in tribus diebus suscitabo illud. Nunquid deitas dissoluta est Marcello hæretice, vt asseueras, siue sapientia siue virtus Dei patris, & non homo? Vtique homo vere passus est, qui templum Dei factus est, qui ab ipso resuscitatus est: sicut diuina scriptura testatur, Et videbūt in quem cōpunerūt. Vtiq; hominē videbūt quē crucifixerūt.

Athanasius
negat Christum
in diuinitate
cōpassum.

Numquid diuinitatem clavis fixerunt, aut lancea perforauerunt? Absit. Et reliqua. Cæterum de hac causa, quantum satis esse existimaui, sanam doctrinā, & veterum dilucida inuicta q̃, scripturis videlicet confirmata, testimonia, in Respon. mea priore, proposui fol. 70. & 71. quo lectorem plura desideratē remitto. Hactenus verò disserui de personali vnione naturarū Christi, quæ sanè has ita vniuit vel coniunxit vt neq; cōmixtæ sint. neq; abolitæ, sed maneant distinctę in suis proprietatib. interim tamen non diuidantur aut separentur ab inuicem, vt duæ fiant personæ sicut duæ sunt naturæ. Confitendum enim est vnū esse dominū nostrum Iesum Christum verū Deū & hominem. Cui sit laus & gloria in secula.

Humanam Christi naturam in diuinam maiestatem sic esse exaltatā, ut nihilominus suam retineat proprietatem. Et de communicatione idiomatum. CAP. VI.

Exaltatio
humanita-
tis Christi
in diuinita-
tem.

EX declaratione hac hucusq; facta de personali vnione duarū in Christo permanentium in suis proprietatib. naturarū, poterit lector prudens, nullo colligere negotio, quid porrò sentiat aut iudicet de p̃plexa & perplexa illa Brentij disputatione quam nunc in libro suo subiūgit habetq; De exaltatione humanitatis Christi in diuinā maiestatem, nihilo
minus

minus tamen annotationibus quibusdā breuius huc ascriptis lucem præferam rudioribus, ne in nebulis vndisque Brentianis planè Delio natatore opus habentibus, aberrant atque præfocentur. Confitetur quidem verbis ille perpetuò orthodoxam & catholicam veritatem, in vna videlicet indiuisa persona Christi permanere duas naturas distinctas atque immutatas; cui tamen subinde de suo adjicit, quod confessam veritatem rursus negare, euertere, & ut minimum dicam, in dubium rapere atque obfuscare videtur. Apertè enim dicit, humanitatem Christi sic exaltatam esse in maiestatem Dei, ut iam non tantum omnipotens, sed omnipræsens sit. (eius vtor vocabulo) Hoc ut astruat, plurima scripturæ sanctæ testimonia cōdensat, quæ nō existimaui necessario his meis verbotim esse inferenda. Omnium illorum testimonium est hic sensus. Christum super omnia esse exaltatū siue euectū omniaque ipsi esse subiecta, atque adeò nihil esse reliqui, sicuti & Paulus dicat, quod ei non sit subiectū, atque ipsum etiā adimplere omnia. Ex quibus mox cōcludit & dicit, Cum aut maior excellētiorque cogitari non possit exaltatio, quā qua homo ipse sit Deus, & Christus homo euectus sit super omnia, fieri non posse, ut hic vllō loco vel Gælo corporali contineatur. Si verò ipsi, in-

quit, omnia sunt subiecta, sunt ipsi nimirum
cælum & terra, & omnia quæ in eis sunt, sub-
iecta. Inter hæc cum & tempus & locus adde
& corpus ipsum numerentur, sanè his nō sub-
iacet Christus vt ipsi dominantur. Ergo cum
exaltatus sit in omnem Dei maiestatem, &
maiestas Dei comprehendat & omnipræsen-
tiam, necessario consequitur Christum homi-
nem ubiq; præsentem esse, & implere omnia
superna pariter atq; inferna, &c. Et hæc qui-
dem est summa omnium quæ aduers. dispu-
tat de exaltatione humanitatis Christi in su-
premam maiestatem Dei, in qua sibi vsquea-
deo placet & in qua tantopere gloriatur.

Deus ho-
mo factus
& homo
Deus.

Ad quæ nos breuiter ita respondemus, Deū
factū esse hominē & hominē factū esse Deū,
superioribus perspicuè & prolixè satis sumus
confessi. Quibus nunc quo dilucidiora sint
omnia, hæc adiicimus, Principio, nemo arbitra-
bitur filium Dei secundam in adorāda Trini-
tate personam, tum demum factum esse Deū,
cum homo factus est. Erat enim manebatq;
Deus æternus, patri per omnia in æternitate
& essentia coæqualis ab æterno: sicuti apertè
scriptum legimus. In principio erat verbum,
& verbum erat apud Deum, & Deus erat ver-
bum, &c. Dicebat & ipse in euangelio domi-
nus, Amen dico vobis, antequā Abraham es-

set, ego sum. Item, Ego & pater vnum sumus. Deinde sciendum est æternum hunc Dei filium verum assumpsisse hominem, in vtero intemeratæ virginis Mariæ, atque hoc modo factum esse hominem: sicuti iterum legimus scriptum, Verbum caro factum est. Item, Omnis spiritus qui confitetur Christum Iesum in carnem venisse, ex Deo est: & qui hoc non confitetur, ex Deo non est. Vbi Deum fieri, & in carnem venire, vel carnem fieri, sine omni immutatione commixtione abolitioneque naturarum intelligendum est, sicuti abunde huius partis cap. i. declaratum est. Quibus accedit, quod vetusti doctores ecclesiæ concorditer omnes verba apostoli, Verbum caro factum est, per apostoli verba, Philipp. 2. & Heb. 2. exponentes dixerunt, Verbum caro factum est, id est, Deus hominem assumpsit. Porro si Deus hominem assumpsit, certè id quod assumptum est, caro videlicet vel humanitas permanet, utique inuiolata in suæ naturæ proprietate: sicuti & diuina natura assumens non mutatur. Coeunt autem duæ illæ naturæ in vnam personam, quæ est vnus Christus verus Deus & homo.

Quomodo
verbum ca
ro factum.

Et propter hanc coniunctionem vel vniouinem naturarum, retinuit semper vetus ecclesia concordem de communicatione idiomatum

De commu
nicatione
idiomatum

doctrinā, dixitq; solere scripturā propter vnio-
nem illam personalem alteri tribuere naturæ,
quod alterius est: veluti cum in euangelio di-
citur, Filius hominis qui in cœlo est. Manife-
stissimum enim esse omnibus, filium hominis
non prius fuisse in cœlo, quam ascenderit eò
per corporalem ascensionem in Cœlū: nihilo
minus tamē, quando filius Dei in vnā perso-
nā assumpserit carnē, vt propriam, huic etiam
cōmunicari quod filij Dei propriū est, nimirū
etiam ante ascensionē esse in cœlo. Rursus le-
gimus dominum gloriæ esse crucifixum. At
vel hic notissimū est omnibus, diuinitatē pas-
sionis esse exortem: sicuti & antea declarau-
mus. Quando autem assumptum à domino
corpus Dei propriū corpus est, domino etiam
gloriæ, id est Deo glorioso cōmunicatur qđ a-
lioqui ppriū est humano corpori, esse patibi-
le. Cæterū sicuti vnio duarū naturarū in vna
persona, neutiquam effecit vt filius hominis
in cœlo fuerit, tamen si fuisse dicatur, priusquā
in Cœlum ascenderit, aut quod filius Dei in
sua natura passus sit ac crucifixus: ita nec exal-
tatio effecit vt humana natura facta sit om-
nipræsens aut vbiquaria. Nam ne exaltatio
quidem humanæ naturæ in maiestatem di-
uinam, personam vel diuisit, vel proprietates
naturarum confudit aut aboleuit.

Exaltatio
Christi non
sollit pro-
prietatem
humanæ na-
turæ.

Con-

Constat autem omnipræsentiam diuinæ proprietatem esse naturæ, quæ non expungitur in vnione personæ. Non poterit ergo corpus Christi alia ratione videri vbique & omnipræsens esse, nisi per communicationem idioma-
tum, quæ sanè naturam Christi humanam nõ reddit infinitam aut vbique præsentem.

*Christo Domino omnia sic esse subdita,
& in humanitatem eius ita effusam esse
maiestatem Dei, denique corpus eius sic
transcendere omnia, ut hæc interim pro-
prietates humanæ naturæ non sustulerint.*

CAPVT VII.

FAtemur & nos Christo omnia esse subdi-
ta, sed eo sensu, quo loquitur scriptura,
non eo, quo aduersarius hinc, quæ vult con-
cludit. Neque obscurum est & Dauidem Psal.
110. Paulum apostolum 1. Corinth. 15. testari
Christo ante iudicij diem nondum omnia es-
se subdita. Nihilominus tamen agnoscimus &
confitemur etiam nunc Christum esse vniuer-
sum dominum, nullius dominio subiectum.
Affirmat aduersarius cum super omnia adeo-
que super ipsum cælum sit euectus dominus
noster, fieri non posse vt cælo ipso contineatur.
Quam verò depressa esset illa exaltatio,
quæ Christum cælo excluderet, in quo tamẽ
ipsum vniuersa nobis scriptura, vt in gloria,

*Christus ex-
altatus su-
per omnia.*

ad dexteram patris, commonstrat? Dixit quidem Solomon Deum cœlo capi non posse: at nihilominus S. Petrus quoque dixit, Oportet Christum cœlum recipere vsque ad tempora restitutionis omnium. Id quod ad humanâ Christi naturam omnino oportet referre. Vbi denuo elucescit tametsi diuina natura cœlo non capiatur, humanam tamen naturam inhabitare cœlum eoq; contineri. Vnde iam necessariò sequitur Christû in gloria veritatem proprietatemq; corporis inuiolatam retinere & cœlo vt loco contineri. Quid ergo dedit nobis aliud quàm sophisticos elenchos aduersarius, cum per multa folia, ex eo quod Christo dicitur subiecta esse omnia, ipse colligit per exaltationem eius in gloriâ, & corpus & cœlû ipsi esse subiecta? Quasi verò hæc per exaltationem in gloriâ, auferantur. Mirifica sanè & noua est hæc Brentij theologia, imò vera sophistica, vt ne quid dicam aliud.

Nihil præ-
dominatur
Domino.

Non grauatim aliqui fatemur omnia ea Christo esse subiecta, quæ veritatē corporis eius aut proprietatē naturæ humanæ assumptæ non destruunt. Cum verò querit aduersarius, An existimemus quicquā esse in rerû natura, quod domino prædominetur? Respondemus id nequaquā prædominari domino, quod ipse sua sponte vt proprium suû assumpsit, & in se metæ

metipso inuiolatum retinet, neq; vnquā deponit. Assumpsit autem cum suis proprietatibus humanā naturam, quam nunquā deponit, vel sua proprietate spoliat. Alioqui enim persona eius duabus naturis constans, dissolueretur & euerteretur. Adhæc nunquam admittet regula fidei, vt per loca scripturæ, per aduersarium adducta, intelligamus corpus Christi propter exaltationē nō perstare in sua veritate. Confitemur enim Christū cū ea carne ad iudiciū rediturum, cum qua ascendit in cœlum, quam illi quonq; videbunt, qui ipsam confinxerunt.

Quod ille subinde repetit & vrget humanitatem Christi adoptatam esse diuinitate, vel omnem Dei maiestatem effusam esse in humanitatem Christi, sano quidem sensu libenter concedimus, nempe vt humanitas, in quam effusa est diuinitas, maneat in sua proprietate, & effusione hac non abluatur aut absorbeat. Verum malo interim loquutionibus huiusmodi præteritis, vti scripturæ phrasi, ac dicere, Dei filium assumpsisse carnem, & demum factum esse hominem, & Christum esse Deum verum, &c.

Quod ille rursus ait humanitatem Christi ornandā esse gloria & maiestate, libeter & hoc recipimus, qui ingenue fatemur, nullis vnquā verbis nos præcellentem eius gloriam assequi

Humanitas
Christi adoptata diuinitate.

Ornanda
Christi humanitas.

& digne saltem posse eloqui. Cauendum tamē monemus, ne ita illam velimus ornatam, vt ipsam interim extenuatam amittamus. Amitti autem putamus cum ea illi tribuuntur, per quæ euertitur aut proprietatibus suis spoliatur. Immortalitas, splendor, claritas, pulchritudo summa & alia huius generis, verum Christi corpus ornant non destruunt : immensitas autem & vbiquitas auferunt suā corpori proprietatem. Vnde per ipsa non ornatur, sed potius deperditur.

Caro Christi transcendit omnia.

Confessus sum præterea in priore mea responsione, Carnem Christi transcendere quidem omnia, sed nihilominus tamen manere carnem veram retinereque humani corporis proprietatem. Beatus Leo episcopus epistola ad Iulianum 6. Natiuitatis, ait, Domini secundum carnem, quamuis habeat quædam propria, quibus humanæ conditionis initia transcendat : siue quod solus ex spiritu sancto ab inuiolata virgine, sine cōcupiscentia est conceptus & natus: siue quod ita viscerib. matris est editus, vt & fœcunditas pareret, & virginitas permaneret, non alterius tamen naturæ erat eius, quàm nostra, nec alia illi quàm cæteris hominibus anima est inspirata principio, quæ excelleret non diuersitate generis, sed sublimitate virtutis. Nihil enim carnis suæ habebat aduersum

uersum, &c. Eodem modo hic quoque dico,
 Quamuis corpus Christi exaltatum sit super
 sublimitatem vniuersam, collocatumque in
 ipsam Dei maiestatem, attamen permanet ni-
 hilominus verum corpus humanum in glo-
 ria, cuius proprietas est finitum & non infini-
 tum aut vbique esse.

*Humanam Christi naturam non plus acci-
 pere, quàm sit capax, ut in ueritate uel pro-
 prietate suæ naturæ permanere possit.*

CAPVT VIII.

CVM verò ad tuendam conseruandam-
 que humanæ naturæ corporisue Chri-
 sti veritatem proprietatemque ad dexteram
 patris sedentis, inter alia affirmamus hanc nō
 plus recipere quàm sit capax. Capacem verò
 non esse earum rerum, per quæ dispungitur
 vel aboletur: aduersarius hoc euersurus, Eius
 nimirum rei capax est, inquit, Christi natura
 humana, quod vult Deus. Vult autem hu-
 manam Christi naturam capacem esse infini-
 torum donorum atque adeò & omnipræsen-
 tiæ. Id quod mox astruere conatur verbis apo-
 stoli, Verbum caro factū est. Quibus mox in-
 fert, Si non abominaris Deum factum esse ho-
 minem, quid est quod abomineris finitum fa-
 ctum esse infinitum? Deus ergo vult, ideoque
 oportet omnino naturam Christi humanam

Christi ho-
 manitas n-
 est capax
 nisi earum
 rerum per
 quas non ab-
 oletur.

AD LIB. BRENTII

infinitatis omnipræsentieq̃, capacem esse, &c.

Atqui ad hæc ita respondemus, aduersarium non probe memorem esse eius quod nobis mox ab initio huius disputationis dedit, nempe Apostoli verba, Verbum caro factum est, non ita esse intelligenda, quasi caro transferit in verbum. Hoc autem si verum est vt certe verissimum esse constat, falsissimum omnino esse necesse est, quod ille modo dixit, finitum factum esse infinitum. Quemadmodum enim nihil infinitum est, nisi solus Deus, ita si humanitas facta sit infinita, desijt vtique esse quod fuerat vera videlicet humanitas. Damus & nos Deum velle Christi humanitatem maximorum capacem esse donorum, at iccirco non damus factam esse infinitam, & naturam suam deposuisse. Et quomodo obsecro humanitas, quæ non sit, sed in infinitum transiit, vllorum donorum capax esse possit? Ideoque euidentius & rectius in hoc negotio ita videtur esse argumentandum, Deus omne id vult, quod se velle verbo suo expresseit atque testificatus est. Testificatus est autem verbo suo, se velle vt assumpta à filio eius humana natura perpetuo inuiolataq̃; retineatur. Hoc enim articuli fidei & complura testantur sanctæ scripturæ testimonia. Præterea necesse est mediatorẽ illum
vnicum

Finitum nō
est factum
infinitum.

unicum sequestrem inter Deum & hominē, duas quoque naturas diuinam & humanā habere. Iam si finitum, iuxta Brentij doctrinam, infinitum factum est, nō sunt amplius duæ in Christo naturæ, sed vnica duntaxat restat, nimirum diuina, quæ sola est manetq; infinita. Atqui ita docebat & Eutyches. Cæterum in Christo residente nunc in gloria patris, in excelsis, duæ distinctæ naturæ manent in vna persona. Proinde finitum in persona Christi non est factum infinitum. Hoc etenim ex diametro pugnaret cum verbo Dei, & proinde etiam cum voluntate Dei, verbo Dei expressa. Inuietum itaq; stat perstabitq; quod diximus, humanā Christi naturā, nō plus recipere quàm sit capax, & quod infiniti non sit capax, nisi expungere ipsam velimus vnāq; in Christo duntaxat retinere naturam, atque ita quoque sacrilege vnionis hypostaticæ vinculum soluere atque adeo & incarnationis mysterium impijssime abnegare.

Ex his hoc quoque nullo intelligitur negotio, per vim abuti aduersariū testimonijs apostoli, ad Ephesios 1. & 4. & ad Philipp. 2. ac Coloss. 2. cap. quibus impense admodū suū errorē ornare atque tueri contendit. Et qui in veterum scriptis probè versati sunt obseruaruntq; quomodo hi formam Dei, & formā serui pie

Detorta
Pauli testā
monia.

genuine & valide vsurparint contra Arianos & Valentinianos, deprehenderunt Brent. prolixam illam suam expositionem, in qua sibi plus nimium placet, parum autem aut nihil, quod operæ precium sit, effecit. Et cum in prioris meae Responsione hos quoque locos attigerim folio 64. & 76. breuitatis gratia nihil his adijciam.

Vnus & idem locus
uarijs red-
ditus sen-
sentijs.

Nihil autem me mouet quod aduersus in tractatione verborum apostoli, Qui omnia in omnibus adimplet, assimilatur nos Rabinis Iudæorum, qui ne Messiam verum agnoscere, & illustria scripturæ testimonia recipere adeoque veritati herbam cogantur cedere, fictitijs glossis, horrendum in modum claras inuoluant tenebris scripturas. Ita enim & me verborum apostoli, tres offerre expositiones, atque ita nihil habere certi, subterfugereque sic velle ne dare cogar diuinitatem in omnibus, quæ adimplet supera pariter & infera, secum habere humanitatem. Cæterum nondum eui cit expositionem meam, quam protuli in primo meo, De mansionibus cœlestibus, libello, parum piam, aut verbis Apostoli esse repugnantem. Sciunt qui veterum legerunt in sacras literas commentationes, sacros illos interpretes, non raro plures ac varias vnius atque eiusdem loci adferre expositiones. Quo nomine adeo non sunt vnquam à quoquam pio reprehensi

prehensi lectore, vt potius hoc laudi ipsis eorumq; diligentia vertatur. Solet & ipse Brentius in suis commentationibus per frequenter vnus alicuius loci non vnum adducere sensum. Quid ergo in me vt reprehendendum persequitur, quod sibi ipsi securus permittit, & non iniquum esse credit? Verum æquo lectori hæc omnia dijudicanda offero.

De eo quod Brentius affirmat Christum Dominum non glorificatum esse à resurrectione & ascensione in cælum, sed in ipsa mox cōceptione in utero matris. CAP. IX.

INferit huic libro suo suum rursus dogma nouum Christum Dominum non à resurrectione & ascensione demum (sicuti hucusque recte & pie in ecclesia & traditum est & creditum) sed antea quoque, atque adeo in ipsa mox conceptione in vtero matris esse exaltatum atque glorificatum. De quo cum quædam & quantum pijs sufficere existimabam, in priore Responsione folio 63. dixerim, non est quod iisdem immorer prolixius: Athanasij hoc duntaxat adijciam testimonium, ex libro de assumptione homin. contra Marcell. Homini qui nuper natus est, inquit sine dubio ante passionem filij non fuerunt subiecta: cum adhuc ipse homo mortis esset pro

Christus glorificatus demum à resur. & ab assumptione in cælum.

AD LIB. BRENTII

nobis debitor. Vnde post passionem vniuersa sunt ei subdita: sicut ipse homo de se significat, qui adhuc in cœlis nō fuerat, data est mihi potestas omnis in cœlo & in terra, &c. Hæc ille. His tamen similibusque alijs præteritis pergit ille noster & hanc doctrinam sicuti & alias simplices veteresque interturbare & nouis figmentis raptare in altercationem.

Non veretur ille clara alioqui loca scripturæ Ioan. 7. Philip. 2. capite attestantia Christum ante passionem assumptionemque in cœlum non fuisse glorificatum, obscurare, ideoque solito suo more regulam confingit, dicens, scripturam dicere tunc fieri rem aliquam cum incipit patefieri manifestius. Ad hanc mox confirmandam, detorquet verba Apostoli ad Roman. 1. cap. Qui declaratus fuit filius Dei cum potentia, &c. Sed hæc sunt inania solitæ garrulitatis eius verba. Quis enim nesciat *ὁπιοδύτως* significare apud Apostolum demonstratus & certò pronunciatus & quasi irrefragabiliter conuictus, ideoque sensum esse, per potentiam, per resurrectionem & per spiritum sanctum manifestissime patere, quod Christus sit verus Dei filius. Dum ergo regulam suam nobis non approbavit, non grauatum ei, quod suum est, relinquimus. Condant licet alij, prout libet, leges & regulas.

las, quibus ad institutum suum scripturas de-
torqueant, pij tamen vt eas non coguntur re-
cipere, ita ipsas iure possunt reprehendere.

Præterea quod ille verba domini ex Ioan.
3. & 6. capite, Filius hominis qui in cœlo est,
rursus producit, ijsque probare nititur, Chri-
stum etiam secundum naturam humanam fu-
isse in cœlis priusquam in cœlos ascendisset,
adeoq; cum adhuc in terris materno clauderetur
vtero: ac his protinus adiungit, nisi hoc
ipsi demus, consequi necessario, duos nos fin-
gere Christos, alterum quidem qui fuerit in
vtero matris, in cœlo autem non fuerit, & al-
terum qui & in cœlo fuerit & in vtero matris:
illa inquam nulla responsione confutanda vi-
dentur, quod ad ea antea quoq; responsum sit
fatis. Si autem aduersario nondum factum est
fatis, configat licet cum B. Martyre & episc.
Vigil. aut cum S. episc. Fulgentio: quorum ille
lib. contra hæres. 2. hic verò sub finem lib. 2. ad
Thrasimun. regem, docet Christi personā dua-
bus constantē naturis diuersis, esse vnā & in-
separabilē, simul tamen contendunt ambo ex
verbis domini, Filius hominis qui est in cœlo,
nequaquā cōsequi Christum etiā iuxta huma-
nitatem fuisse in cœlo, cū esset in vtero matris
vel in terris. Christi enim humanitatē nō per-
tingere ad omnia ea loca ad quæ se extendit

Filius homi-
nis ante as-
censionem
in cœlo.

diuinitas, neq; illam esse vbiq;, sed manere circumscriptam. Quæ quidem vetus & orthodoxa est manetque doctrina, toto pectore nobis retinenda.

De omnipotentia Dei, & quod ex ipsa nō sint colligenda quælibet : ac eos qui ita de ipsa sentiunt omnipotentiam Dei non negare. CAP. X.

Quare disputatio
cœpta de
corpore
absq; loco
subsistente.

Post hæc nouā ingreditur ille disputationem de eo, quod corpus Christi verum corpus & esse & manere possit, tametsi loco non cōtineatur aut circumscribatur. Hanc disputationem hoc cœpit consilio, vt commodè & elabi & tergiuersari possit, cum ipsi obijci-
tur, quando docet corpus Christi factum esse infinitum, negare ipsum veritatē humanæ naturæ, aut corporis Christi, cuius quidem proprietas sit circumscriptum & in loco esse, non infinitū & vbiq; esse: quare simul discindat in diuisam Christi personam, vnamq; duntaxat ex duabus retineat naturā. His enim nunc ille opponit, corpus Christi tametsi factum sit infinitum, nihilominus esse & manere corpus verum. Et quamuis prudentibus lectoribus palam hic appareat, aduersariū propter semel susceptā contentionē, inuicta quadā peruicacia, opponere se Christi ecclesiæ eiusq; doctoribus orthodoxis & scripturis, vt hoc nomine friuolam

lam eius loquentiam secure potuisssem prætere-
 rre, quia tamen ille nugas suas fuco quodam
 tinxit, abstergendus hic esse videtur sponsia
 simplicis veritatis, necubi offendantur aut im-
 pingant simpliciores.

Vrget autem ille omnipotentiam Dei præ
 cæteris. At hac in causa mirum est profecto;
 quam vociferetur contra nos incõdite, quam
 denique insaniat, & quanta amarulentia nos
 tanquam Epicureos impios, coram toto mun-
 do traducat, Martyrem imprimis: cui sanè im-
 pingit, quasi simpliciter omnipotentiam Dei
 negarit. Idem, Hic solent metiri, inquit, & suis
 limitibus definire omnipotentiam Dei, vide-
 licet Deum non omnia simpliciter posse. Ijs-
 dem ferè vtuntur argumentis, quibus olim
 Plinius ille *adversus* Epicureus omnipotentiam
 Dei oppugnauit. Breuiter, ea fieri non posse
 affirmant, quæ rei naturæ & definitioni repu-
 gnant. Hic est Zuinglianorû aheneus murus
 & illa chalybea machina. Irruit præterea hic ite-
 rum in Theodoretum, & amaro arrodit dēte,
 quod ille quondam dixit, non indefinite pro-
 nunciandum esse omnia Deum posse. Excidit
 hoc ei, inquit, non tantum incogitanter & te-
 mere, verum etiam periculose, adderem etiam
 impie: nisi ipse libenter dicta maiorum com-
 mode & clementer interpretarer. Ac pergit

Quid colla-
 gar ex om-
 nipotentia
 aduersari-
 us.

& ait, Quid ergo vobis vultis? Peccauit ergo archangelus qui indefinite & absolute dixit, Non erit impossibile apud Deum omne verbum. Peccauit & Christus ipse, qui apud Matthæum & Marcum indefinite dixit, Apud Deum omnia sunt possibilia. Ecce igitur nobis Theodoretum & Martyrem, nouos dicendi magistros, qui & archangelum & Christum ipsum sub ferulam trahant, ac rectè & pie loqui doceant, Hæc ille. Deinde sapientia illa sua singulari & exquisita, in qua sibi mirum in modum placet, vias modosque perquirat, per quos facta videri queant infesta. Denique totum sese hic implicat sophistarum tricis, argutiasque affectando, tam ineptum se præbet, vt ineptiendo semetipsum confutet.

Martyr nō
negat sim-
pliciter om-
nipotentiam
Dei.

Et quantum quidem Martyrem attinet, luculenta ipsum afficit iniuria. Abunde enim hic satis folio Dialogi sui quarto & sequenti, declarat se Dei omnipotentiam nullis carceribus includere multoque minus abnegare, aut etiam oppugnare, sed libere potius confiteri. Non docuit aut sensit ille de Dei omnipotentia diuersum ab his quæ concorditer perpetuo in ecclesia Christi & tradita sunt & credita, Deum videlicet non posse ea quæ non possunt fieri. Non quod Deus non omnia

omnia possit: sed quod ista secundum ipsarum naturam fieri non possint, & quod Deus ipsa fieri nolit: vt cum scriptura dicit, Deum non posse vel mentiri vel se negare. Cuius quidem generis & alia innumera sunt.

Quid quod ipse Brentius in hoc ipso libro, in quo nos ita flagellat, aperte dicit, Non facit quidem Deus omnia quæ potest, &c. Et iterum, Negari quidem non potest, inquit, quin nonnulla sint quæ fieri non queant. Neque enim Deus potest cogi, vim pati, mori & interire, &c. Si autem ille nihil hisce peccauit suis illis sententijs, sicuti ipsum hac in re non reprehendimus, cur ille in nobis tam atrociter persequitur, quod ipsemet, vt rectum verumque confitetur? Quare annumerat nos Plinio, Epicuro & alijs impijs omnipotentiam Dei oppugnantibus? Reddet certe rationem aliquando iusto iudici, pro tantis, in nihil tale meritis, contumelijs.

Brentius ipse concedit Deo nō omnia possible.

Neque verò controuertitur inter nos de eo An Deus sit omnipotens nec ne? Nam credimus & confitemur Deum esse omnipotentem. De eo potius est quæstio, An Deus ideo omnia faciat, quia omnia potest? Et, An ex eo quod Deus est omnipotens, quidlibet concludi debeat? Exempli gratia, Deus est omni-

Quia in re controuertatur in potentia.

potens: ergo hoc vel illud fecit. Et in causa presenti, Deo omnia sunt possibilia, ergo corpus verum est sine circumscriptione & loco. Ergo verum Domini corpus, quod resurrexit ex mortuis & ascendit in cœlum, est & manet verum corpus, & est nihilominus ybique. Ad ista respondemus, ex omnipotentia Dei non concludendum esse quid libet, quasi factum sit quod tamen constat factum non esse. Deus enim qui omnipotens est, non omnia vult, quæ nos volumus, & quæ ex eius omnipotentia colligimus: imprimis verò ea non vult, quæ cum natura eius cum verbo atque veritate eius pugnant. Quando itaque in veris certissimis & infallibilibus fidei nostræ Christianæ capitibus manifestè confitemur illud ipsum corpus quod natum est ex Maria semper virgine, crucifixum est, mortuum & sepultum, quod resurrexit & ascendit in cœlum, vbi & verum corpus humanum manet, in substantia, forma & membris, cœquale & consubstantiale nostris corporibus, quæ nobis in resurrectione restituentur: quæ & ipsa erunt vera corpora, in substantia, in forma atque membris, ac loco circumscripta: ista profectò Deus per omnipotentiam suam non abolet, quod ipsius opus est, & quod ipse nos vt veritatem immutabilem credere & con-

& confiteri docuit. Et proinde dicimus aduersarium perperam colligere cum ita concludit, Deo omnia sunt possibilia, ergo corpus domini in cœlo nullo circumscriptum est loco, sed est ubiq;.

Videt præterea ille, si modo vti vult oculis, quinam sit Zuinglianorum murus aheneus & illa chalybea machina, non quod ipse suspicatur, sed fides catholica fideiq; Christianę firmitas & robur inuictum. Si verò cupit hic etiam illustre huius rei testimonium habere, ex scriptore aliquo vetusto, audiat beatum Cyrillum ad Succes. Isaur. Dioces. episc. ita scribentem per epist. Æqualis probatur ineptiæ dicere conuersum esse corpus in deitatis naturam & illud quod Verbum sit in carnis substantiâ commutatū. Sicut enim hoc impossibile est (en impossibile est) quia inconuertibile & immutabile comprobatur, ita illud etiam nō est possibile (en iterum impossibile) in deitatis essentiam vel naturam aliquid creaturarum posse conuerti. Est autem creata etiam caro. Ideoq; diuinū quidem dicimus corpus Christi, quia corpus est Dei & ineffabili gloria illustratum, incorruptibile & iam sanctum atque viuificum confitemur. Quod autem in naturam deitatis sit commutatum, neq; sanctorū patrum quisquam sensit aut docuit, neq; nos.

Zuinglianorum murus aheneus.

ita sentimus. Hæc ille. Quæ si vera sunt vbi ita que manet Brentij doctrina de eo quod finitum sit factum infinitum, & quod corpus Christi sit vbique?

Theodor.
iterum de-
fensus.

Quantum verò attinet ad beatum Theodoretum, & bina illa archangeli & domini Christi testimonia, Deo omnia sunt possibilia, temere & impudenter satis hic iterum contra optime meritum Theodoretum profilit aduersus. Sua autem illa proteruia plus quam ipse existimet suæ detrahit existimationi, apud prudentiores. Nam Theodoretus non sine mente per incogitantiam, nec sine pietate vllouē cum periculo, sic scriptum reliquit, Diuinam vt est verisimile naturam penitus ignoratis. Dominus Deus nihil vult eorum, quæ non sibi suapte natura insunt. Potest autem quæcunque vult. Vult autem quæ sunt suæ naturæ apta & conuenientia. Et reliqua quæ contra Eutychianos docte & valide prosequitur, tanta certè euidētia, vt Brentius ea nunquam sit concussurus nedum euersurus. Legat quibus ocium est tertium eius Dialogum à folio 177. vsque ad 181.

Catholica
de omnipo-
tentia Dei
doctrina.

Quod autem ibi disputat Theodoretus de omnipotentia Dei cum alijs omnibus ecclesiæ doctoribus commune habet. Omnes enim hic conspirant. Nullo autem argumento hæretici frequen

frequentius sunt vñ, in oppugnanda Christiana doctrina, quã hoc ab omnipotentia Dei petito. Quicquid enim libebat & quod clavis scripturæ testimonijs probare non poterant, ex omnipotentia Dei concludebant. Sic colligebat Praxeas ille quõdam, Deo omnia sunt possible, ergo hoc quoque ei est possibile, quod filius sit pater. Respondet autem Tertullianus & ait, ex omnipotētia Dei non quidlibet esse concludendum. Tametsi enim Deus possit omnia, non velle tamen ipsum omnia. Proinde id ipsum non posse quod nolit: quale illud sit quod filius in trinitate secunda persona, pater sit. Eutychiani quoq; ita colligebant, Deo omnia possible sunt, proinde est & illud ei possibile quod in carne diuinitas passionis sit facta particeps. Ad hoc argumentum respondet Theodoretus, ita vt paulò ante commemoravi, & quod aduersario non admodum sapit. Verum non alia scripsit & August. de omnipotentia Dei, libro de ciuit. Dei 5. cap. 10. & plurib; alijs in locis. Præterea nemo ignorat palã in euangel. dixisse dominũ, Pater oĩa tibi possible sunt, aufer à me calicẽ hunc. Et quod iterum dixit, Pater si possibile est transeat à me calix iste. Sed non mea, sed tua voluntas fiat. Sed & Marci capite sexto ita scriptum legimus, Et non poterat Iesus in patria sua

Omnia
quæcunq;
uoluit fecit.

virtutem vllam edere, nisi quod paucos infirmos, impositis manibus, sanauit. Ac mirabatur propter incredulitatem eorum. An non & hæc illustria testimonia scripturæ euidenter euincunt de omnipotentia Dei non argutandum esse pro nostra libidine, sed magis secundum voluntatem Dei?

Apud Deū
omnia possibilia.

Ex quibus omnibus & hoc pius intelligit lector, nos non tantum inhærere orthodoxæ & catholicæ doctrinæ de omnipotentia Dei, neque quicquam vel nouum vel veritati scripturarum contrariū comminisci & inuehere: sed & omnes eos turpiter aberrare, quotquot ex verbis archægeli Dei, & ipsius domini Christi sententia, Omnia apud Deum sunt possibilia, quidlibet, etiam hoc quod naturæ Dei, fidei Christianæ, & verbo Dei vel non cōgruit vel cū ijs pugnat colligūt. Apparet deniq; nos neq; archangelum Dei neq; ipsum dominum Iesum, sub ferulam trahere, & quid aut quomodo illi loquantur, erudire velle. Id quod tamen inurere nobis cupit aduersarius, nō tam acerbe per risum, quem vocant Sardonium, quā maligne. Rectè verò nobis loquitur scriptura, quam correctam nolumus: videat modo Brentius, vt ipse illam rectè intelligat, caueatq; mature, ne illorum frequentet scholā, & ab his discat, quos olim orthodoxi ecclesiæ docto-

doctores & impugnarunt & repudiarunt.

De eo quod Brentius asserit in loco esse nō esse corporis ueri proprietatem: quando idem corpus simul & semel in diuersis possit esse locis ut nihilominus uerum corpus maneat.

CAPVT XI.

VT autem astruat aduersar. Christi corpus posse esse sine loco, imò nullo in loco, sed vbique, producit rursus suam illam exaltationem suo imbutā sensu, vtpote quam adfirmat super omne nomen factam. Cui mox adiungit, Cum autem constet & corpus & locum referri sub nomen, supra quod exaltatū dicatur dominus, consequens esse, quod Christi corpus & supra locum & corpus ipsum sit exaltatum, & iccirco vbique sit omniaque adimpleat tam supera quam infera: non quidem crasso illo mundanoq; modo, sed ea potius ratione, quam oculus non vidit, nec auris audiuit, nec in cor hominis ascendit. Cæterum breuib; hæc diluta sunt vtcunq; fol. 68. & 69. Respons. nostræ prioris. Deinde spōte damus aduersario, modum illum, quem infinito suo corpori tribuit, quo videlicet vbique sit & infra patirer & supera adimpleat. Nullus enim piorum prudentiumq; virorum vnquam ab orthodoxa vetustate audiuit, nullus vnquam in sacris libris vidit, neque vllius animum vn-

Exaltatio
non collo-
cat humani-
tatem Chri-
sti in ubi-
quitatem
uel omni-
præsentia.

quam subijt, aliud quam verum corpus suum locum & sua membra suamq; substantiam retinere: & iccirco cum fidei nostræ decretis traditum sit atq; constet corpus domini nostri Iesu Christi ad dexterā patris verum esse corpus, oportet sanè hoc ipsum quoq; suā retinere substantiam, suamq; locum, & iccirco neq; immensum esse neq; ubiq;. Qui verò ita sentiunt minime, profecto agnoscunt atq; recipiunt ubiquariam illam Brentij chimæram, maiestate Dei fucatam atq; contestam.

Triplex ubiquitas.

Post hæc quo magis mirificum obscurumque hoc eius negotium reddat si dijs placet perspicuum, tenebris conduplicans tenebras, profert in medium ubiquitatem triplicem, localem repletivam, & personalem. At ita si ducem hunc sequeremur, subduceret nos rursus in Ægyptum illam sophisticam, in qua abunde, si liberet, epulari expleri que liceret, alio foetido cepis que & porro fumidis. Malunt autem veri Israelitæ pasci pane cœlitus depluto. Quod si cui cordi est cognoscere quam vana sint horum de ubiquitatibus illis commenta hominum, legat fidelium servorum Dei, domini Zuinglij & D. Oecolampadij responsiones datas D. Luthero ad magnam eius confessionem.

Locus corporis accipiens non substantia.

Quid verò? an non iudicabit homo sobri-

us ad sophisticam imprimis pertinere demonstrationem aduersarij de eo institutam, quod locus sit corporis accidens nō substantia? Sed qualis hic obsecro cernitur mutatio? Ille enim qui hactenus in nobis reprehendit mordaciter, quod Aristotelem in multis videamur sequuti, ille inquam nunc nobis suum profert Porphyrium, dicentem, Accidens est quod adesse & abesse potest, præter subiecti corruptionem. Sed quorsum in re tantos sibi sumit labores exantlandos? Nemo enim ignorat corpus manere corpus, tametsi in hoc aut in illo loco nō sit. Inde verò non sequitur, quod in nullo loco vel sit vel esse possit. Tametsi enim in hoc vel illo loco non sit, est tamē alicubi, aut aliquo in loco. Quod enim nullibi, id est nullo loco est, non est. Et proinde Theod. eximius non tam theologus quā philosophus, disputans de substantia & accidentib. gloriosorū corporum, locum vel corporis circumscript. non inter ea deputat, quæ à corpore decedūt, sed inter ea supputat quæ permanēt. Verba eius si quis requirat hæc sunt, Dominicū corpus surrexit quidem à corruptione & interitu alienū, & impatibile, & immortale, & diuina gloria glorificatū, & lucis emittēs radios, & à celestib. adoratur potestatib. corpus tamē est, & habet, q̃ prius habuit, circūscr. Hęc ille. Habet

hic aduersarius quo vel pulchre proficiat, vel Theodor. rursus hostiliter & odiose impetat.

Vnum corpus in pluribus uel omnibus locis.

Nihilo his robustior est & illa istius probatio, qua astruere contendit hominis corpusculum vel absq; loco, vel in plurib. locis cōseruari adeoq; omnib. locis collocari posse, Quod si duo, inquit, corpora fuerint simul in vno atq; in eodem loco, necessariū erit, vt alterū eorū nō sit in loco, ne physicis absurdissima fieri dicantur. Manifestum aut est quod cū Christus penetraret in natiuitate sua per clausum virginis vterum, in resurrectione suā per saxum monumenti, in apparitione coram discipulis per clausam ianuā, duo corpora fuerint simul in vno eodemq; loco, quare & illud manifestū est, quod corpus humanum possit esse sine loco. Hæc ille. Demiror autem vehemētē putidās has rugas non sordere aduersario, neq; tantarum supputere ipsum ineptiarum. Vidēt hic viri prudentes, quam in multis ipsum reprehendere, & quam acriter ipsum constringere possem: sed breuib. ita respondeo, superius etiam dictum esse verbis Hieronymi, creaturam, ianuam nimirum celsisse aut apertam esse creatori, prout opera angeli etiam in Act. 5. & 12. cap. creaturæ, id est, discipulis celsit. De lapide sepulchri manifeste testatur fides euangelica, ab ostio sepulchri per angelū esse remotum

tum. Iam & deipara virgo Maria per potentiam Dei, Deum & hominem nobis genuit, & quidem virgo genuit, prout scriptura apertissimè attestatur. Scripturæ apertæ credo, arcanæ Dei scrutari nolo. Brentius ergo nondum nobis probavit corpus humanum simul & semel duobus aut pluribus esse in locis, nedum ubique. Declarat autem huiusmodi elumbibus planè nixibus, quàm sustineat causam morbidam.

Parum verò ingenue cū Martyre in præsentia agit Brentius, qui affirmat istum negare Christum penetrasse per clausum virginis vterum, atque ita etiam negasse & S. Augustini & Bullingeri collegæ sui auctoritatem. At cū singulariter de hac causa cum ipso contulerim, scio quid de ea senserit, scio vtrique nostrū pulchre in hoc cōgruere, sanctissimam videlicet Dei matrem virginem Mariam peperisse virginem, virginemq; permanere perpetuam. Sic enim sentire nos docuit veritas scripturæ. Sic nos credere & p̄fiteri iubet regula vel symbolum fidei. Sic concorditer sensit vniuersa vetustas orthodoxa. Id quidem videre licet in veterum monumentis, apud S. Hieronymum contra Heluidium, & contra Pelagium, & in apologia pro lib. contra Iovinianum: item apud Epiphanium contra An-

MARIA
Dei mater
sanctissima
ulrgo perpetua.

AD LIB. BRENTII

tidicomar. rursus apud Ambros. epist. lib. 10. epist. 79. & 81. iterum apud S. August. lib. de ciuit. Dei 22. cap. 8. & in Tract. Ioan. 10. & 28. & de hæres. ad Quoduult. hæresi 82. & in Enchiridio cap. 34. Sed & apud Gregor. Nyssenū de Sancta Christi natiuitate: deniq; apud Leonē epist. 6. ad Iulian. præterea apud Fulgent. de laud. Mariæ, & apud Seduliū lib. 2. de mir. Christi. Sed nihil fuerat opus ista proferre. Tuetur suam ipsemet Martyr innocentiam in suo illo Dialogo, in quo cū aliquot doctōrum recitasset sententiam, subiicit mox, & dicit, Non ignoro quid hac de re Hieronymus contra Heluidium disputarit. Cum Heluidio non facio, neq; virginitatem Mariæ incorruptam, hisce patrum testimonijs in dubium reuocatam velim. Et scio locum Ezechielis 44. de porta clausa consueuisse à celeberrimis patribus ad beatam virginem adaptari, quemadmodum & Ambrosius cum quibusdam alijs episcopis 81. epist. lib. 10. fecit, &c. Hæc omnia sunt Martyris, qui ipse à se non minus verè quàm euidenter infamiam depulit, quam ipsi cōciliare inurereque conatus est aduersarius.

Quàm probè verò sibi congruat quod ille ait, Corpus nullo esse in loco, esseq; hoc in pluribus adeoque omnibus in locis, intelligunt vel pueri, qui vix dum tria numerare queunt.

Martyr de
Virginitate
Mariæ.

Sibi ipsi
repugnans
sententia.

unt. Et quòd obijcit, Christum esse iuxta Zuinglianorum doctrinam in cœlo, eundem tamen ad Damascum, & Hierosolymis denique in carcere colloqui cum Paulo, vnde necessario conficiatur corpus Domini vno eodemquem tempore in diuersis locis, vtpote in cœlo & in terra fuisse, dudum diluit beatus Augustinus in Comment. suo ad epistolam Ioannis, vbi dicit Christum non amplius loqui in terris, sed in cœlo & de ipso cœlo. Vnde & Paulo sit loquutus. Sed & alibi ostensum est nihil necesse esse Christum, vt suis loquatur, corporaliter descendere de cœlo. Ac spero hactenus commonstrasse me, quòd aduersarius nullis probarit ostenderitq; euidentibus argumentis, Christi corpus esse sine loco, & nihilo minus tamen manere verum corpus, in multis locis aut vbique.

Corporis proprietatem esse, in loco esse uno & non in pluribus, & quod corpus Christi non sit ubiq;. CAP. XII.

R Equirunt à nobis nostri aduersarij, vt eis ex diuinis literis probemus humanum corpus nisi loco circūscribatur existere nō posse, ac esse impossibile vt vnum idemq; corpus eodē tempore sit in diuersis locis. Nos è diuerso eadē lege cum eis agere possemus, petendo ab illis, vt nobis probent, & quidem

AD LIB. BRENTII

Corpus nō
esse sine lo-
co.

ex diuinis literis, corpus humanum absq; circumscriptione loci existere posse. Verum ne diutius neſtamus moram, breuiter ita nos explicamus. Principio dicimus esse res quasdam naturales inter homines, ita communes, certas atq; compertas, vt nemo de ipsis dubitet, quin tales sint, quales esse apparent, vt quòd lux natura sua lucet, tenebræ autem obscuræ sunt, & ignis calidus, ferrum verò durum est. Ergo si quis sit, qui requirat sibi istas res demonstrari, nempe quòd lux luceat, obscuræ sint tenebræ, caleat ignis, & durum sit ferrum, quid aliud de hoc prudentes iudicabunt omnes, quàm vel mentis motū esse hominem, uel insignem aliquem rixatorem? Proinde cū confessum sit apud omnes proq; compertissimo ab vniuersis habeatur, proprietatem veritatemque corporis humani in eo esse, quod non per omnia diffunditur, sed loco terminisque suis circumſcribitur, denique si careat loco, neque vsquam sit, planè nō extare, quid obsecro necesse est id argumentis astruere, quod omnes habent pro compertissimo?

Deinde dicimus literas diuinas tantā agnouisse connexionē inter locum et corpus, quòd loco ipso continetur, vt loco remoto, velint intelligi nusquam esse corpus quod collocatur. Id autem nō valeret, si citra locū esse pos-
sit hu-

fit humanum corpus. Testimonia scripturæ si quis requirat, inueniet Iob cap. 7. et 20. et Psal. 37. &c. Possem huius generis & alia proferre argumenta, verum omisis ijs, cum quæstio potissimum sit de veritate corporis Christi, adducam in medium aliquot duntaxat. illustria ex sacrosancto Christi euangelio testimonia, quid de corporis Christi veritate sentiamus, dilucidè docentia, nempe nunquam illud in pluribus fuisse locis nedū esse ubiq;.

Ergo cum corpus Domini in præsepio iaceret, non vtique apud pastores erat, qui gregibus suis desertis, iussu angeli, ipsum quærebant Bethlehemem in præsepio. Neq; tum erat Hierosolymis aut vllis alijs in locis, sed in præsepio duntaxat. Ita cum corporaliter in Aegypto ageret, quo furorem declinans Herodis, profugerat, non erat tunc in Iudæa, sed eò demum redibat; postquàm defunctus esset Herodes, ac tunc non amplius erat in Aegypto. Sicuti nec apud parentes suos erat, cum amissum non sine ingenti dolore quærerent.

Nunquam
Christi cor-
pus in pluri-
bus locis
fuit.

Quinimò ipse Dominus in euangelio secundum Ioan. dicit, Amicus noster Lazarus mortuus est, sed ab eo excitatum ipsum. Ac gaudeo propter vos, quòd non fuerim ibi, vt vos credatis. Ioan. II. Si autem Bethaniæ non fuit, vt veracissimè attestatur, certè corpus

AD LIB. BRENTII

eius pluribus in locis non est, nedū ubiq;. Vbi denuo erroris reuincitur Brentij doctrina, qui asserit in ipso mox vtero matris humanitatem Christi sic exaltatam esse in diuinam maiestatem, vt vbicunq; est diuinitas ibidem sit & humanitas. Certissimum est enim diuinam maiestatem fuisse tunc Bethaniæ quando corpus Christi Bethaniæ non fuit. Difer- tum est enim verbum Christi, Gaudeo saltem propter vos, quod ibi non fuerim, &c.

**Ne corpus
quidem glo-
riosum plu-
ribus in lo-
cis aut ubi-
que est.**

Si cui tamen in presenti videatur aliter con- siderandum esse corpus Christi gloriosum quàm nōdum gloria illustratum : respondeo, apud Brentiū hæc nullum habere locū, vtpo- te qui asserit Christi corpus in ipsa protinus conceptione in vtero matris, exaltatū esse in diuinam maiestatem. Deinde constat angelos loquentes de corpore glorioso, mulieribus Dominum in sepulchro quærentibus, dixisse, Non est hîc. Si ergo non erat hîc, necessariò non erat ubiq;, alioqui enim & hîc fuisset. Rur- sus ambulat Dominus suo illo corpore, quod excitarat ex mortuis, cum duobus discipulis Emauntem proficiscentibus. Ac tum quando proficisceretur cum his, tunc non erat in vrbe Hierosolymorum. Ita cū ascendisset corpo- re suo Dominus in cælum, non erat ampliū cum discipulis suis in monte oliuarū. Quem
admo

admodum & angeli veracissimè testantur, & aiunt, Iesum hunc assumptum esse ab ipsis sursum in cœlum. Proinde certissimum est corpus Christi à resurrectione non fuisse in pluribus locis nedum vbique.

Nemo autè arbitrabitur Dominū corpore suo in cœlo esse substantia sua mutatū. Principio enim orthodoxè credimus Dominū nostrū Iesum Christū vero illo suo corpore quo ascēdit in cœlū rediturū in nubes ad iudicandū viuos & mortuos. Cæterū redire, & in nubibus apparere, in quibus ipsum omnis caro videbit, locū omnino & circūscriptionē suam corpus illud retinere significat. Corpus itaq; Dominicū in habitatione cœli nō est mutatū, sed retinens adhuc suā substantiā & formam, retinet simul in cœlo locum & circūscriptionem suā & nō est vbique. Deinde manifestè dicit scriptura, Trāsformabit corpus nostrū humile vt cōforme reddat corpori suo glorioso. Philip. 3. Atqui nostra corpora in resurrectione mortuorum, suam substantiam atq; formā vnā cum membris retinebunt, manebuntque finita non reddentur infinita aut vbiquaria: sicuti & in symbolo fidei nostræ confitemur, Credo carnis resurrectionē. Proinde corpus Christi in cœlo, ad cuius formā nostra illa trāsformabūtur, nō est mutatū, sed retinet adhuc

Corpus Christi in cœlo non mutatum in substantia.

Qualia corpora clarificara futura.

AD LIB. BRENTII

proprietatē corporis veritatēque suam & locum, & finitum est non infinitum aut vbi-
quarium. Interim non nego mutationem quę
est ex clarificatione sensu orthodoxo. De quo
antea dictum est.

Si vociferetur hīc aduersarius & dicat, se
non agnoscere consequutiones illas nostras,
non petitas ex theologia, sed ex philosophia
Aristotelica, monemus illum vt excutiat pau-
lisper veternum, quo laborat. Ita enim vide-
bit consequentias illas nostras deriuare nos,
non ex Aristotele, sed ex Apostolo Paulo, qui
ita nos colligere docuit. Nam principio argu-
mentatur ille à nostro corpore ad ipsum Chri-
sti corpus, & ait, Si mortui non resurgunt, ne
Christus quidem resurrexit. Rursus idem à
corpore Christi, concludit argumentando ad
nostra corpora, & dicit, Sed Christus resurre-
xit, resurgēt ergo & corpora nostra. 1. Cor. 15.

Corpus spi-
rituale.

Arbitratur aduersarius maximum esse di-
scrimē inter corpus huius seculi corporeum,
& inter corpus alterius seculi spirituale. Et
nos quidem in resurrectione mortuorum re-
cipere claritatē vel gloriam, sed tanquā mem-
bra pro modulo nostro, &c. Cæterum ad hæc
antea quoque responsum est, vbi ostēsū est,
ipsa etiam spiritualia à resurrectione corpora,
neque substātiā neque formā membraūe

aut

aut membrorū situm amittere vel deponere, sed retinere: differentiam verò in alijs quàm in his apparere. Excellere quidem multis modis Christum in gloria, vtpote caput nostrū, cuius nos membra sumus, p modulo nostro gloria illa participantes, interim tamen corpus eius in gloria semper manere corpus verum, sicuti & nostra erunt corpora vera. Id quod iterum explanat beatus Theodoretus Dialogo 2. Inconfus. fol. 121.

Proinde cū abunde hucusque scripturæ testimonijs, præterea etiam regula vel symbolo fidei nostræ commonstrauerimus veri corporis proprietatem esse finitum non infinitum, aut vbique esse, ideoque & corpus Christi, quod verum in cœlo corpus manet, non esse vbique, porrò erunt vtique euidentiora beatorum testimonia hoc ipsum affirmantia comprobantiaque. Adduxi prius aliquot beati Augustini & Theodoreti testimonia. Celebre autem dictum est illud Augustini, Tolle spacia locorum corporibus, nusquam erunt, & quia nusquam erunt, ideò non erunt. Congruentia his docuerunt etiam alij ex Græcis celebres doctores, vt beatus Cyrillus in Ioannem lib. 1. cap. 9. & de Trin. lib. 2. Gregorius quoque Nazianzenus de Theol. lib. 2. Sententias authorum verbatim non recito, ne pro-

Patres testantur corporis proprietatem esse loco circumscriptum uel finitum esse.

lixitate molestiā exhibeam auditoribus. Scio autem contra solidam hanc inuictamque veritatem frustra expedituros arma etiam illos, quibus in promptu sunt & argutiæ, & cū audacia importunitateque lingua instructa.

De beatorum Patrū doctrina, qua concorder testantur omnes, Christi corpus in loco & non ubiq; esse. CAP. XIII.

COnatur quidem aduersarius adductis, imò detortis aliquot beati Augustini testimonijs, suā ornare causam, sed ita ineptè, vt illa nulla indigeant confutatione: præsertim cū confessum sit apud omnes, obscuriora per illustriora esse interpretanda. Ait se patres debito prosequi honore ipsorumque dicta reuerenter excipere. Atqui cernunt interrim omnes, quàm excipiat eos honorificè, quando parum eius opinionibus videntur fauere. *Qua* de re aliqua etiam dixi articulo I. cap. 7. *Qua* verò fronte ait ille neminem beatos patres Bullingero ignominia afficere maiori, vtpote qui ipsorum testimonijs ad confirmandum suum errorem, abutatur turpiter. Nondum tamen ille hætenus euincere potuit, vel meam doctrinam esse falsam, vel alicubi patrum sententias me detorsisse aut corrupisse contra ipsarum sententiam genuinam.

Addit

Addit his ille, Et alia est patrum alia Zuinglianorum ratio. Iudicamus patres ea fuisse pietate & modestia, vt si quid carnali imaginatione præoccupati, senserūt & scripserunt, quod cum analogia fidei non conueniat, admoniti libenter immutassent. Zuingliani autem, quàmuis sæpe multis scriptis admoniti, tamen vsqueadeo non resipiscunt, vt multò peruiaciores aduersus doctrinam verè piam fiant. *Quare* quod in patribus veniam meretur, id in Zuinglianis excusari non poterit. Hæc ille. Ostendi autem in Respons. mea priore Patres sanctos nulla præoccupatos imaginatione carnali, dum veritatem humanæ naturæ Christi Domini in cœlo manentem; & confessi sunt ingenue, & defenderunt fortiter, verum sobrios synceram fidei confessionem edidisse, miserumque fore Brentium, nisi ipse quoque ad eum modum credat & confiteatur.

Possimus
hoc in ip-
sum retor-
quere res-
ctius.

Atque hîc demum omnibus liquidò patet, quanti & se & res suas æstimet Brétius. Præsumit enim totum illum sanctissimorum doctissimorumque veteris ecclesiæ doctorum chorum, reuocare sub ferulam, ac hos à suis illis in hac causa conceptis imaginationibus abducere crassis atq; carnalibus, tandemque in- informatos rectius, sublimiores ex ijs facere

Amplissi-
mè de se &
suis sentis
Brentius.

AD LIB. BRENTII

theologos, nimirum qui iuxta sublimē illam eius thelogiam, & ipsi porrò omnia inter se commisceant, inferos cœlis, angelos dæmonibus, diuinitatem humanitati, humilitatē exaltationi, istaqué omnia nouo quodam modo & adeò subtili, vt nihil tale vnquam vel vllius hominis oculus viderit, aut auris audiuerit, vel in vllius cor hominis ascenderit. Verum aduersarium hîc seriò admoneo, verborum apostoli semper meminerit, Noli altum sapere, sed time, &c.

*Patrum se-
culo fuisse
opinio Brē-
tij explosa.*

Pollicetur quidem ille sibi de beatis patribus, quòd mutassent sententiam suam, si ab ipso vel aliquo fuissent admoniti. Ego verò illi hoc potius dico, & verè quidem dico, Si patrum seculo ita docuisset ipse, sicuti nostro hoc seculo docet, finitum videlicet Domini corpus factum infinitum, & hoc nullo contineri loco, sed esse vbiq;, vt de cœlo & alijs eius nouis opinionibus nihil dicam, inuasissent illū haud dubie agminatim oppugnauissentq; ipsum validè, nec desijissent aut cum ipso redijissent in gratiam, quam ipse vel mutasset sententiam, vel omnes probè admoniti intellexissent sibi à prauo hoc cauendum esse dogmate.

Quid verò inter alia sua illa nobis dicit de beatis patribus? Suspiciatur ne eos in hac causa quid-

sa quidpiam contra veræ fidei analogiam vel credidisse vel docuisse? Desinat ille istos hac parte in vllâ raperere suspicionem. Norunt optimè qui paulò diligentius patrum scripta legerunt, alicubi eos vt homines cæcutiuisse, & habuisse aliquando opiniones peculiare. At illi ipsi interim diffiteri non possunt, in incarnationis Dominicæ mysterio, & in causa veræ humanitatis veri que corporis Christi ad dexteram Dei sedentis, velut in negotio catholicæ fidei, nihil peculiare habuisse, sed omnes pariter vnius & eiusdem fuisse esse que sententiæ vel doctrinæ confessionis que, nempe Christum Dominum in vna indiuisa persona retinere duas distinctas naturas diuinitatē & humanitatem in sua proprietate vel veritate manentes, ideo que eundem Christum Dominum secundum diuinitatē esse vbique, secundum humanitatem autem non esse vbique. Breuior hîc sum, quòd huius generis attigerim quædam et in 7. cap. huius operis parte. I.

Patres hac
in causa ni
hil incon
gruum anz
logiæ fidei
scripserunt

Augustini
& Vigilij
testimonia
adducta.

Imprimis verò proposueram Brentio spectanda & expendenda duo luculentissima sanctorum patrum testimonia, alterum quidem beati episcopi Augustini, alterum verò beati martyris & episcopi Vigilij. Vterque suo testimonio professus est, non tantum quid ipse

crediderit & docuerit, sed qualis ipforum se-
culo fuerit & doctrina & fides catholica per
vniuersam Christi ecclesiam. Nec pigebit me,
cùm videam in his magna esse momenta, imò
causæ nostræ robora, quædam ex ijs repetere.
Augustinus inter alia verba, quæ Respōs. meæ
prioris fol. 79. verbotim recensui, ita dicit, Fi-
deliter tene CHRISTIANAM CŌN-
FESSIŌNEM, quoniam resurrexit à mor-
tuis, ascendit in cœlum, sedet ad Dexteram pa-
tris: nec aliunde, quàm inde venturus est iudi-
care viuos & mortuos. Et sic venturus est il-
la angelica voce testante, quemadmodum ire
visus est in cœlum: id est in eadem carnis for-
ma atque substantia, cui profectò immortali-
tatem dedit, naturam nō abstulit. Secundum
hanc formam non est putandus vbique diffu-
sus. Cauendum est enim ne ita diuinitatem
astruamus hominis, vt veritatem corporis au-
feramus. Non est autem consequens, vt quod
in Deo est, ita sit vbique ut Deus. Et mox
idem ille, Vna, inquit, persona Deus & homo
est, & vtrūque est vnus Christus Iesus, vbiq;
per id quod Deus est, in cœlo aut per id quod
homo, &c. Hæc August. Porro Vigilius, Cla-
ret, inquit, vnum & eundē Christum vtriusq;
esse naturæ, & esse quidem vbiq; secundu
naturam diuinitatis suæ, & loco contineri secun-
dum

Orthodo-
xa & catho-
lica fides et
doctrina in
hoc nego-
tio.

dum naturá humanitatis suæ. Circúscribitur loco per naturá carnis suæ, & nō capitur loco per naturam diuinitatis suæ. Et mortuus est natura carnis suæ, & non est mortuus natura diuinitatis suæ. Hæc est FIDES ET CONFESSIO CATHOLICA, quam apostoli tradiderunt, martyres roborauerunt, & fideles nunc vsq; custodiunt. Hactenus Vigilius.

Non arbitror quenquam requisiturū à nobis plura perspicaciora, simpliciora certioraq; veterum de hac causa nostra testimonia. Illa ipsa prius quoq; obieceramus aduersario, qui tamen callidè dissimulando nihil prorsus ad ipsa respōdit. Dicet nunc fortassis illa nō probè cū analogia fidei cōgruere: quod libèter illi dabimus, si suam, non catholicá intelligat fidē. Hæc etenim testimonia ab illius fide & doctrina dissentiunt plus, quod dici solet, quàm ex diametro. At cernunt cordati omnes, adductis illis testimonijs, beatos patres eam fidē esse professos, quam acceperant ex doctrina prophetica & apostolica, & quæ tum erat & manet vsq; adhuc fides orthodoxa & catholica. Habemus ergo p nobis nostraq; doctrina, qua testamur corpus Christi nō esse ubiq; irrefragabilia testimonia illá non esse nouá à nobis primùm excogitatá, neq; fidem nostram esse insynceram, sed veterem & apostolicam: rursus autem Brentij doctrinam corpus Chri

sti per omnia diffundentem, nouam esse ac insynceram.

Consensus
ueterum
à partibus
nostris.

Quòd si ille nunc quoq; id nobis opposuerit, quod in libro suo de Maiestate scripsit ac dixit, Sequantur igitur Martyr & Bullingerus eruditam uetustatem, nos sequemur rudem uetustatem, illa longè antiquiorem. Sequantur doctos philosophos, nos sequemur indoctos apostolos, &c. vel ex his eius uerbis intelliget quiuis, à partibus nostris inuictum stare testimonium & consensum orthodoxæ uetustatis, ac idcirco prudentissimè uerissimeque beatæ memoriæ Philippum Melanctonem Ubiquitatem illam Brentianam nuncupauisse prodigiosam & eruditæ uetustati incognitam. Quantum uerò attinet ad Apostolos Christi, nemo adeò rudis est apostolicarum literarum, qui non dudum uiderit, Ubiquitatem illam nō modo fuisse apostolis ignotam, sed quod nihil vnquā de ipsa eis vel per somnium uenerit in mentem, certè ne uerbo quidem ullo eius per uniuersam ipsoꝝ prædicationem fecêre mentionem. Adhæc manifestissimum est, antiquos patres, suam illam de fide catholica doctrinam, cui hæc causa nostra agnata est, petijssse ex doctrina apostolica, ut iam tutius omnes patrum quàm Brentianæ in hac causa doctrinæ acquiescant.

Philippus
Melancton
de Ubiquitate.

Diuini-

Diuinitatem Christi domini neq; negari à nobis, neq; criminis blasphemiae, quo detulit nos Brentius, reos esse. CAP. XIII.

R Equirit tandem tempus locus res & necessitas vt respondeam ad grauissimas aduersarij accusationes. Mox enim ab initio libri sui, quo nos omnibus inuisos reddat, ac nō dū auditos & veluti ex improviso adobruat, magnis ac furiosis in nos vociferationibus, veluti in hereticos extreme sacrilegos inuehitur. Pollicetur autem se suo illo libro planissime demonstraturum, vt pij omnes intelligant, quam perniciosum errorem satan in ecclesiam filij Dei, per Zuinglianum dogmā inuehere meditetur. Ab initio quidem hoc fuisse caput, Vtrum corpus & sanguis Christi vere sint præsentia & dispensentur in cœna? at Zuinglianorum intemperie factum esse, vt nunc aliud *πρωτότυπον* sit propositum, videlicet, Vtrum Deus sit vere omnipotens? Et, Vtrum Christus non sit tantum homo, sed etiam verus Deus? Vera omnipotētia Dei, inquit, vera diuinitas & maiestas Dei (quod quidem est in Zuinglianis) periclitantur, adeoq; verè pia sententia horum præcipuorum articulorum nostræ religionis, Verbum caro factum est, Ascendit in Cœlum, Seder ad dexteram Dei patris omnipotentis, in dubium vocatur, &c.

AD LIB. BRENTII

Ad quæ respondemus simpliciter, aduersarium libro suo non demonstrasse neq; demonstrare potuisse, quod se recepit facturum. Nullos enim errores perniciosos per nos inuexit in ecclesiam Dei satan. Id quod hac nostra responsione planum nos fecisse testabitur spero lector pius, qui & temerariam aduersarij audaciam in multis deprehendit. Nostræ innocentiae ferent testimonium cum ecclesiæ quibus inseruimus, tum libri à nobis editi. Semper quanto zelo, quanta fide & diligentia, quanta perspicuitate item & euidentia potuimus docuimus Christum verum Deum & verum hominem esse: contradicentibus aut obstitimus, quàm vehemētissimè, in quo pietatis studio perseueramus per Dei gratiam adhuc. De omnipotentia Dei respondimus superius.

Quis in cō-
tentionem
& in dubiū
abripuerit
articulos
fidei nostræ

Quis autem in certamine hoc sacramentario in contentionem adeoq; in dubium rapuerit potiores nostræ religionis fideiq; articulos, non erit difficile omnibus pijs patefacere. Etenim qui legerunt libros nostros paulò diligentius, testabuntur nos perpetuò studuisse simplicitati, adeoq; abhorruisse ab acutis illis theorematibus, atq; ideo articulis fidei nostræ adhæsisse religiose. De istis nihil disputauimus argutius & in eos nihil inquisiimus curiosius: Sed horum duntaxat articulorū præsidio
simpli-

simpliciꝫ sensu conabamur sensum nimis carnalem parumꝫ sacramentalem, horum domini verborum, Hoc est corpus meum, refellere. Exponebantur illa ab aduersarijs, In hoc vel cum & sub hoc pane est corpus Christi substantialiter & corporaliter, & manducatur etiam ab incredulis corporaliter. Huic inquā expositioni opposuimus nos fidei articulos, ac diximus, filium Dei iuxta fidem nostram, veram assumpsisse naturam humanam, quam neq; in resurrectione neque in ascensione in cœlum deposuerit, sed eandem retinuerit semper, retineatꝫ adhuc in cœlo. Cum aut corpus domini, pro natura & proprietate corporū non sit in plurib. locis, ideoꝫ in cœlis sit corporaliter non aut in terra, verba certe domini, Hoc est corpus meum, non illum habere sensum crassum, quem aduersarij obtrudunt: neq; posse domini corpus māducari corporaliter, sed spiritualiter per fidē, & modū sacramēto p̄p̄iū.

Cæterum vt aduersarij nobis extorquerēt ex manibus fidei articulos, & simplicioribus persuaderent, hos nihil ad explicationem cœnæ facere, nebulas verborum cœperunt lectorum oculis offundere, ita de fidei articulis differentes, vt sensum illum ipsorum corporalem facile ferre posse viderentur. Disputare ergo cœperunt de ascens. domini in cœlū

A D L I B. B R E N T I I

qualis ea fuerit ? Nos interim in simplicitate veritatis perseuerantes, defendimus ascensionem dominici corporis veram fuisse & corporealem. Simul cœperunt hic disputationes de dextera Dei, & quod hæc sit vbique. Vbi nos iterum nihil à simplicitate fidei recedentes, docuimus dexteram Dei ad quam corpus domini ascendit, in verbo Dei nobis ostendi supra nos in cœlis, & non vbique. Huic certamini mox commixta est cōcertatio de ipsomet corpore dominico, aduersarijs importunè affirmantibus, esse illud vbique. Qua in re ne tunc quicquam à simplici veritate variantes, affirmauimus naturam proprietatemq; veri corporis, quale & corpus domini est, illud minime admittere. Erupere ergo adhuc furiosius aduersarij, & vehementissima animorum contentione, in medium proponentes iam etiam subtiles illas disputationes, de personali vnione naturarum, mox & de maiestate domini nostri Iesu Christi, quod inquam humana eius natura exaltata sit super omne quod nominari potest, in ipsam vtique diuinam maiestatem, vt iam finitum sit factum infinitum, & corpus domini super omnia euectum, iam nō tantū sit in pluribus locis, sed vbique, perinde vt diuinitas. At nos in hoc quoq; cōflictu grauē, veterum insistentes vestigijs, inhærentesq;

fidei

fidei synceritati, ea protulimus in medium, cuius specimen in hac nostra responsione exhibuimus. Supputet iam licet Brentius, & dicat quinam simplices fidei articulos in rixas & in dubium abriperint, disputationibusque inuoluerint superuacaneis imò curiosis & perniciosis. Verum agitur hic nobiscum pro ratione canonis altercantium, Illud audacter in antagonistam deuoluito, cuius te culpam sustinere nihil dubitas, ne tu reus videare.

Atq; hic demum totus in nos irruit aduersarius semel nos vel nolētes redacturus in ordinem Iudæorum, Mahumedistarum & hereticorum, Ait enim Zuinglianos humanitati Christi inuidere diuinitatem, adimere nos humanitati omniscientiam, omnipotentiam, omnipræsentiam, id est vbiquitatem, denique negare illam infinitæ esse potentiæ. Quid ergo diuinitatis, ait, relinquūt ei? Et quid hoc aliud est quam negare palàm quod homo Christus sit in forma Dei, adeoq; Deus verus? Simul profert contra nos prophetiam nescio quam Lutheri, qui inter alia verba sic contra nos scriptum reliquerit, Credo & ego quod in recessu & latebris cordium vestrorum nihil quicquā nec de Deo, nec de potentia eius credatis. De qua re etiam certus sum. Et si plurimum gloriatur, quod hunc articulum de persona Chri

Non negamus dignitatem Christi.

sti credant, & multa de hac re garriant, tamen nolui verbis eorū fidē adhibere. Reuera enim omnia mentiuntur, quæcunq; de his rebus effutiunt, &c. Expendant penitius hanc aduersarij nostri accusationem contra nos tanta acerbitate institutam, quibus visum est Brentium hunc suum librū contra nos summa scripsisse modestia. Quid obsecro grauius, quid atrocius & horrendum magis, contra nos proferre potuisset, quam quod per Lutherum tanta audent confidentia affirmare, nos nihil de Deo credere, nos potentiam Dei floccifacere, nos maiestatem domino nostro Iesu Christo detrahere? Sed gratias agimus domino Deo nostro, cuius bonitate factū est, vt lectores pij aliās & ex hac nostra Resp. intellexerint, Brentiū nos manifesta afficere iniuria. Quid quod ipse inter hæc furiosaverba palàm cogitur fate ri nos nihil cū ijs cōmune habere, qui diuinitatē Christi negāt, quales Ariani & Seruetani? Nihilominus tamen nos cum Arianis utcūq; confert: & iterum, Nos quidem libenter, inquit, amplectimur, quod Zuingliani auctoritate sanctæ scripturæ, de æterna diuinitate filij Dei confitentur, & speramus eos Arianismum, & quicquid est id genus hæreseon, ex animo detestari. Hæc ille. Quod si seriò hæc loquitur & de nobis sentit, quo vultu, quo pudore

dore audet per Lutheri in mediū contra nos prolata verba, planè stomachosa & cæca, criminis insimulare blasphemix, quasi leuiter aut nihil de Deo, de Dei potentia & diuinitate Christi sentiamus? Ita ne decet ministros Christi & ecclesiæ in ecclesia Dei agere?

Sæpius autem fefellit Lutherum aliàs, sua non certa quidem scientia, sed opinio affectata. Falsus est & in præsentia, iudicio illo suo temerario. Eius enim rei certus esse non potuit, cuius nullam cognitionem certam habuit. Quis enim hominum est *καρδιολογιστής*? An Lutherus in animi nostri prospexit penetralia & ibi qualis sit fides nostra erga Deum & filium eius perspexit? Breuiter tamen sicut illa quondam à rege Philippo ebrio prouocabat ad sobrium: ita nos quoque in hac causa, prouocamus ab irato & furioso Luthero, ad mentis sobriæ placidumq;. Proferam ergo ex Postilla eius de vnione personali duarum in Christo naturarum iudicium, ex quo omnes cognoscāt illum extra contentionem sensisse nobiscum. Interim non diffiteor illum ipsum in pugna, non vsquequaq; cum his suis prioribus congruentia scripsisse. Sed quid tūc ei tribuas, qui secum dissidet ipse?

Ergo in Postilla sua in epistol. festi Natalis domini, quæ ad summā solet cantari Missam,

Responso
ad Lutheri
uaticinium,

Lutheri
doctrina de
utraq; Chri
sti natura
in una pers
ona.

Hic tandem, inquit, Christum reuera agnosce
 re, & quis sit discere debemus, quæ nimi-
 rum vtriusq; in illo naturæ, diuinæ videlicet
 & humanæ, sit ratio: qua in re quam plurimi
 errant, & ferè ex ipsius verbis fabulas commi-
 niscuntur & deblatarant, cum nimirum diui-
 næ naturæ tribuunt quæ solius humanitatis
 sunt, & scripturas tractando se excæcant. Hæc
 enim in Christi verbis præcipua cura, hoc pri-
 marium est studium, vt quænam diuinæ, quæ
 rursus humanæ naturæ conueniant, inspiciamus.
 Sic enim fit vt omnia in his nobis clara
 & aperta sint. Illud ergo firma & constanti fi-
 de credendum est, Christum verum Deum
 esse & verum hominem. Et interdum quidem
 tam scriptura quam ipse Christus, tanquam
 purus homo loquitur, interdum verò tan-
 quam purus Deus. Et post adducta aliquot
 scripturæ testimonia, citat & hoc Marci 13. ca-
 pite, De die illa nemo nouit, neque angeli, ne-
 que filius, sed solus pater. Quibus mox subij-
 cit verbis, Humanitas Christi sicuti & alius ali-
 quis sanctus & naturalis homo nō omni tēpo-
 re cogitauit, locutus est, voluit, animaduertit,
 sicut nonnulli ex ipso omnipotentē (obseruē-
 tur diligētius hæc verba) hominē faciūt, cōmis-
 cētes imprudēter duas inter se naturas & natu-
 rarū opera. Sicut ille nō omni tēpore vidit oīa
 audiuit

audiuit sensitq; omnia, ita etiā non omni tempore corde suo omnia vidit. Et reliqua huius generis plurima, quæ in Luthero sequuntur. Quæ in hoc tantum adduxi, non vt omnia mea his imponam, sed vt ostendam, illum aliquando non repudiasse nostram de naturis in vna persona diuersis manentibus & non confusis doctrinam. Quod si nunc reijceret, affectione nimirum praua reijceret. At cognitum est vniuersis quantum sit tribuendū affectibus & hominibus ex affectu loquentibus.

Iterum verò Martyrem atrociter reprehendit aduersarius, & ait, Et hic denuo audi non tolerandam vocem Martyris. Ad rerum omnium gubernationem, inquit, & conseruationem quid opus est humanitatis præsentia? His mox addit ille, Non incipis, optime lector, vel tandem intelligere, quo Zuingliano- rum dogma euadat? Si enim excludunt præsentiam humanitatis Christi, à rerum omnium gubernatione, certè excludūt eā etiam à diuinitate, &c. Atqui Martyr personā Christi non diuidit, ergo nec humanitatem à diuinitate separauit, cū qua personali vnione connexa est indissolubiliter, sed distinguit inter proprietates quæ remanent saluæ in vnitate personæ, ideoq; dixit humanitatē Christi nō esse vbiq;. Proinde dominus noster Iesu Christus verus

Gubernatio Christo non eripitur.

Deus & homo, omnia nihilominus regit atq; conseruat: sicuti superius est declaratum.

Omnipo-
tencia non
attributa
humanitati
Christi.

Hoc ipsum respondeo illi obijcienti mihi quod omnipotentiam deitati quidem Christi tribuerim, humanitati verò non tribuerim. Et adijcio his, præterea aduersarium hanc suam accusationem, eo iure quo me accusat, & contra veterem orthodoxam ecclesiam institue-
re posse. Nam etiam ipsa diligentissime ob-
seruauit naturarum diuersitatem, quam per-
miscuit aut permutauit nunquam, quin vni-
cuique naturæ suam proprietatem operatio-
nemq; distinctam & retinuit & attribuit: de-
inde etiam per communicationem idiomatū
alteri tribuit quod proprium erat alterius.

Humanitas
Christi su-
pra & ex-
tra creatu-
ras euecta.

In eodem argumēto longe semetipsum su-
perans acerbitate, tragicis clamoribus contra
me tantum non insanit. Scripserat ille in sen-
tentia sua quam Tractationi verborum domi-
ni, In domo patris mei, &c. opposuit, Simul ac
filius Dei in vtero matris hominem in vnam
assumpsit personā, mox eum secum supra cœ-
lum & terram imò supra & extra omnes crea-
turas euexit. His ego in mea Responsione op-
posui, Si vera esset hæc Brentij doctrina quod
Christi humanitas extra & supra omnes crea-
turas esset euecta, desijisset utiq; esse creatura.
Si autem creatura esse desijisset, quomodo po-
stea

ſtea pro nobis & pati & mori potuiſſet. Hæc nunc libro illo ſuo maieſtuoſo ita excipit, Hic nunc omnes pios & in vera doctrina Chriſti eruditos, appello, an hoc non ſit palàm, clarè, manifeſtè, diſertè & perſpicuè (Et quid habet ille præterea? Annòn etiam notorie?) negare Chriſtum euectũ eſſe ſupra omnes creaturas, adeoq; negare ipſum verũ eſſe Deũ? Quibus adiicit, Vel hic vnus & ſolus locus admonere nos deberet, vt cognosceremus quanta abſurditatis lerna in Zuingliano dogmate lateret, & quam contento curſu fugiendum eſſet.

Cónfido aut̃ ego pios lectores probe intel-
lecturos aduerſariũ calumnijs mea peruertere, ideoq; illá ipſius vociferationẽ tragicã, ipſi potius quàm mihi ignominioſam fore. Non nego neq; negavi vnquã, Chriſtũ exaltatum eſſe ſuper omnem, prout Paulus ſentit, creaturam, & quod ſit Deus verus: nego autem quod de ſuo ſubinde aſſuit aduerſarius aſſumptam videlicet in incarnatione humanã Chriſti naturam ita eſſe exaltatam, vt extra omnes elata creaturas iam infinita & vbiquaria ſit facta. Humanitas enim Chriſti in vnione illa admirabili cum diuinitate in ſua natura, veritateq; permansit & in diuinitatem non eſt permutata. Manet denique Chriſtus iuxta naturam humanam etiam à clarificatione ac in ipſo cœlo reſidens creatura: qui ſecundum

Chriſtus
ſecundum
humanam
naturam
creatura
eſt.

diuinitatem non est creatura, sed creator. Et cum maneat creatura, pro ingenio humanæ naturæ, pati & mori pro nobis potuit: quod minime potuisset, si extra & supra omnem creaturam fuisset elatus. Neque enim aliter hanc loquutionem etiamnum intelligere possum, quam humanitatem eius, quæ supra & extra omnes creaturas elata est, inter creaturas non amplius deputari. Cæterum ne vlla hic ambiguitas aut obscuritas quenquam obturbet, ab aduersario petimus, vt ingenue nobis dicat, Christus ne iuxta humanam naturam creatura sit, an creatura non sit? Si non est amplius creatura, sed creator tantum, vnâ certè restabit duntaxat in Christo natura diuina videlicet. At quomodo dices in hac ipsum pro nobis passum esse & mortuum? Vbi denique præcipuum illud fidei nostræ veræ caput, Christum retinere in vna persona indiuisa, distinctas naturas duas. Eutychianorum hoc erat quondam dogma, vnâ in Christo duntaxat esse naturam & Christum esse Deum tantum in sua maiestate & gloria. At aberrarunt hac sua doctrina, ideoque ab orthodoxa vetustate explosi sunt. Si verò Christus iuxta humanam naturam est & manet creatura, saltem iuxta vulgare istud, Hominem quem assumpsit non amisit, cernunt pij omnes quam

iniquæ

inique contra me ita debacchetur Brentius. Nō aliud certe iudicare possum, quam ipsum opinione sua longe superare ipsum etiam Suenckfeldium. Diu multumque hic contendit Christum in gloria non esse creaturam: contra quem eleganter & euidenter scripsit vir clarissimus D. Ioachim Vadianus Doctor & celebris reipub. Sangallen. Cos. Brentius verò altius multò euectus, contendit humanitatem Christi, etiam in vtero matris extra & supra omnem creaturam esse euectam. Additque his insuper humanitatem Christi in vtero quidem matris, simul etiam superius in cœlo fuisse præsentem. Contra hæc autem noua dogmata vniuersa vetustas concorditer & vere ex fide orthodoxa & scriptura sancta docuit, Christi corpus veram in vtero matris factam esse creaturam, atque in ipso cœlo atque gloria patris esse & manere creaturam: cum interim idem ille Christus pro ingenio diuinitatis nō sit creatura sed creator. Si quis autem hac de re ambigit, legat S. Hieronym. in 2. cap. ad Ephes. in verba Apostoli, Ipsius sumus creatura, legat item Cyrillum ad Successum, cuius verba superius recitauimus: itē in Ioan. lib. 2. cap. 144. Possem huius generis & alia proferre plurima nisi hæc sufficerent.

Restat hoc quoque diluendū breuibus, quod nobis obijcit aduersarius, Prodūt Zuingliani,

Superat
Brentius
Suenckfeld
dium.

Dicimur
habere a-
marum cor
eega prædi-
cationem
maiestatis
Christi.

ait, animi sui amarulentiâ erga prædicationem
maiestatis Christi, qua vident (si modo vidēt)
phantasmata sua, ita explodi, vt etiam si ali-
quandiu potestate tenebrarū apud imperitos
homines obtinere videantur, tamen necesse
habeant, vel tādē euanescere, &c. Cæterum
vt certi sumus hâc nostrâ doctrinâ, hac de re;
certam & orthodoxam, adde & catholicâ esse
doctrinam, & ideo nihil minus quàm phantaf-
ma humanū, inuictamq; in ecclesia triumphæ-
turam, Brentiano dogmate deuictō atq; dele-
to: ita domino Deo nostro gratias agimus, qui
ita corda nostra instruxit, vt vnica spes nostra
Christus sit, eundēq; adoremus in sua gloria
& maiestate. Ac distinguimus in præsentī in-
ter veram maiestatem Christi, habentē illustria
in literis sacris & libris veterū testimonia, quæ
merito apud nos maximo est in precio, & in-
ter eam quam Brentius de suo fingere, detor-
tisq; scripturis, & sua opinione infectâ, nobis
obtrudere contendit: quam si tanti non faci-
mus, quanti ille cuperet, non nobis, sed sibi ipsi
imputet, qui respuenda pijs proponit.

Titulus li-
bri Brenti-
ani.

Non sine singulari versutia ac fastu librum
suū ille inscripsit, De maiestate domini no-
stri Iesu Christi ad dexterâ Dei patris, &c. Ob-
secro autē ne succenseant mihi viri boni, si libe-
re hic quod sentio dicam. Certē si inscriptio

cuili-

cuiuslibet libro iuxta Plinij Neocom. sententiā: imponenda est, pro ratione argumenti, quod libro tractatur, non abs re videri queat huiusmodi dandus esse Brentiano libro titulus, LIBER PERPLEXORVM de corpore Christi, vero quidē sed infinito, in cœlo, non in cœlo, ad dexteram patris sedente, nō sedente, sed vbique diffuso & præsente iuxta modū quem oculus nō vidit, nec auris audiuit, neq; in cor hominis ascendit. Conatus est aut specioso illo suo titulo, sibi omniū maximā comparare gratiā, & in nos odiū deriuare in expiabile: quasi verò nos simus Mezentij quidam, impij iniquam blasphemiq; homines & sacrilegi maiestatis Domini nostri Iesu Christi hostes, contra quos mature Brentius ille maiestatem Christi asserere defendereq; cogatur. At obsecramus pios omnes ne huiusmodi artibus aduersarij sinant se contra nos exasperari. Prædicamus enim & nos Christi domini & seruatoris nostri vnici maiestatem diuinā, ita tamen ne interim veritatem naturę humanę aut abnegemus aut annihilemus, sed naturā utrāq; Christi in vna inseparabili persona distinctā, omnium piorum animis orthodoxe inferamus. Sicut enim intolerandam esse blasphemiam rectē iudicarent omnes, si negaretur vera Christi diuina maiestas, ita non leuius foret sacrilegium, si humanitas Christi in veri-

tate non agnosceretur atque ingenue confiteretur. In veritate autem confitentur p*i*j humanitatem vel carnem Christi, si simpliciter credant & doceant, prout scripturis sanctis & regula fidei Christianæ traditum est, Christum carnem suam assumpsisse ex nostri corporis substantia, in & ex vtero intemeratæ virginis Mariæ, & quod per omnia similis nobis sit factus, excepto peccato: & quod hæc caro integra in sua substantia, vnita sit cum diuina natura, à qua non separetur vnquam sed in sua proprietate perpetuo cū hac cohæreat: sicuti & diuinitas immutata p*er*manet. Ita verò & retinemus & cōfitemur vnū Dominū & seruato-rem Iesum Christum verum Deū & hominē.

Conclusio. Et ista quidem est vera & Christiana fides, contra quam nihil vnquam docuimus. Respondimus autem aduersario hucusque quæ potuimus breuitate: responsionem verò hanc ipsam sponte offerimus subijcimusq; ecclesiæ Christianæ iudicio, quo ex diuina veritate pronunciare solet. Gratias autem ago Deo meo, qui sua mihi gratia affuit, vt illam ad felicem potuerim perducere finē. Eū ex animo oro, vt omnibus simplicē suā veritatē aperiat, errores omnes eliminet, omnibusq; nobis clemēs sit & propitius, per Iesum Christum dominum nostrum, Amen.

S E C V N D A E

H V I V S P A R T I S

CAPVT QVARTVM.

De Sacra domini nostri Iesu
Christi Cœna.

*Zuinglianos doctrina sua de Cœna
Domini nihil diſſimulaſſe neque aſtu
ueteratorio uſos ad imponendum ſimi
plicibus.*



QVART A & vltimā pars Reſpon
ſionis meæ continet breuem ſa
cræ domini Cœnæ tractationem,
quippe ob quam vñam reliquę di

ſputationes omnes de cœlo, de dextera pãtris,
deque vnione personali exortæ ſunt. Cum au
tem hanc partem aduerſarius non oppugna
rit, de ipſa pluribus non agam, ſatis certus il
lam veritati impoſitam inuietæ, nunquã à
quoquam fore deiiciendam. Excurrit alioqui
hæc mea reſponſio longius, quã inſtitue
ram ab initio. Leui ergo tantum manu per
ſtringam quædam accuſationis in hæc re ad
uerſarij capita.

Nihil nos
in causa Ce
næ domini
dissimulas
se, sed bona
fide egisse

Magna acerbitate redundante cum stoma-
cho & iurgiis multis auspicatur ille librum
suum, criminaturque doctrinam nostram de
cœna, insimulans ipsam erroris atque falsita-
tis. Quod cum dixit quidem, non autem pro-
bavit, nihil de eo sum sollicitus. Insimulat nos
item nescio cuius astus veteratorij, quo sim-
plicioribus imponere simus conati. Ait dissimulasse nos in causa cœnæ hucusque pluri-
ma, doctrinamque nostram falsam, honestis
pinxisse verbis, quasi in cœna non nuda dun-
taxat habeamus signa, sed ipsum quoque cor-
pus Christi: nunc autem erupisse nos tan-
dem, ac palàm dixisse, Corpus Christi tantum
abesse à cœna eius, quâ tum distat supremum
cœlum à terra. Qua sententia ita nos detexeri-
mus, ut post hac à nobis nullum amplius sit
timendum periculum, ne vel fideles seduca-
mus vel simplicioribus imponamus.

Cæterum his prodit ille ergo nos singu-
larem animi acerbitem largeque linguæ
suæ venena fundit. Errat ille errat, si exi-
stimat vnquam nos in causa cœnæ dissimu-
lasse quicquam. Semper enim constanter &
clare oppugnauimus corporalem carnalem-
que corporis Christi in cœna præsentiam &
& manducationem: salutarem interim Chri-
sti præsentiam & manducationem non nega-
uimus

uimus vnquam. Nunquam ergo insimulari nos vllius in hac causa dissimulationis sustinimus: & cum non semel petatum sit à nobis, obscuriores & ancipites aliquot loquendi formas admitteremus, nunquam tamen admittendas esse duximus: nunquam ergo fucū facere, nunquam aliter quàm sentimus, loqui volumus: adeo vt ipse nos Lutherus aliquando appellarit Suermoros ingenuos & synceriores, qui nec duabus sedeamus sellis, neque ex eodem ore frigidum efflemus & calidum, neque obscurum aliquid palato immurmurantes incerta proferre soleamus. Potest autem hic quoque testimonium nobis ferre mea Responsio, in qua, parte illa postrema breuissime absque fuce & dolo malo declarauimus quomodo nobis in Cœna nostra, quæ Domini cœna est, nobis non sint inania signa, vbi denique simpliciter & absque verborum ambagibus, & absque omni impostura exposuimus quid in vniuersum de cœna sentiamus.

Errat autem errat ille toto cœlo si existimat præterito demum anno nobis primum excidisse hanc sententiam, Cum corpus Christi, vt fert humani corporis natura & modus, finitum sit, & cœlo vt loco cõtineatur, necesse est sanè à nobis tanto locorum interuallo distare quantum cœlum abest à terra. Sæpè hæc ille

Cœna non
sine Chri-
sto & ali-
mento uiui-
fico.

nostra recitat & repetit, haud dubiè vt multo-
rum in nos odia conduplicet atq; confirmet.
Sed male ille ab ijs, quales quales sint, institu-
tus est, qui illud ipsi persuaferunt. Non enim
nunc demum illa nobis excidit sententia sed
ante plures annos consulto nostræ Consensio-
ni est inserta. Simul tamen & perpetuò incul-
cauimus & vrgemus adhuc, Cœnam nostram
quam secundum institutionem Christi cele-
bramus, non esse sine Christo, neque esse sine
alimento viuifico corporis & sanguinis domi-
ni. Virtutem fidei efficere vt res quæ loco-
rum distantia procul à nobis sunt dissitæ, suo
modo animæ fiant præsentēs. Nam distantiam
locorum non impedire, quo minus Christus
coniungatur nobiscum, vt ipse sit in nobis &
nos in ipso, omniumq; salutarium donorum
fiamus participes in ipso, per spiritus sancti
efficaciam, qui nos illuminat atque viuificat.
De quo aliàs abunde satis dictum est.

Conclusio
libri.

CLAVDIT aduersarius disputationem
suam, & ait, Non dubito ad tribunal domini
nostri Iesu Christi, de cuius maiestate agitur,
prouocare. Videat igitur dominus & iudicet
inter nos & aduersarios, vt & tot offendicula
tollantur è medio, & discant tandem homines
παραπολιται, ne quouis doctrinæ vento circum-
ferantur. Atqui nos ipsi quoq; non alium iudi-
cem

cem hac in causa libentius, id quod coram vniuersa Christi ecclesia testamur, deligimus atque recipimus quam ipsum Iesum Christum dominum nostrum, cuius maiestatem quidē reueremur & adoramus, sed interim & eius carnem veram sedentem ad dexteram patris confitemur asserimus & quam significanter possumus vniuersis denunciamus, ad gloriam eius, & ad fidelium consolationem eximiam.

Obsecramus autem ex animo dominum, vt doctrinam synceram ac fidem veram in periculosis hisce temporibus nostris extremis, elementer & potenter conseruare, infirmos in fide confirmare, animis afflictos consolari, offensiones perniciosas amoliri, nobisque seruis suis, & omnibus ecclesiæ Dei fidis pastori bus gratiam sapientiam facultatesq; concedere dignetur, quo creditum sibi gregem salubriter pascant, ei fideliter inuigilēt, & noxios ab ouili Christi lupos abarceant, laudeturque & honoretur in sempiternum Iesus Christus verus Deus & homo in sempiternum.

Ipsi sit gloria & laus in se-
cula seculorum,
Amen.

THE HISTORY OF THE
CITY OF LONDON
FROM THE FOUNDATION
TO THE PRESENT
BY JOHN STOW
1618

